



BIBLIOTHECA  
UNIVERSITATIS  
GRAZIVENSIS

586893

Mag. St. Dr.

I




586893

I

Mag. St. Dr.





E. 9.



JURIS  
ECCLESIASTICI  
ANALYSIS.

---

PARS POSTERIOR.  
JUS ECCLESIASTICUM PRIVATUM.

---

---

VRATISLAVIAE,  
TYPIS UNIVERSITATIS 1796.

JURIS

ECCESTASTICI

A. N. B. Y. S. I. E.

PARS POSTERIOR

IN ECCLESIA DOMINICA

AVIA ISITAVIT



---

# ORDO MATERIARUM.

---

## CAPUT I.

### JUS PRIVATUM CIRCA PERSONAS ET BENEFICIA ECCLESIASTICA.

§. I. Requisita et impedimenta status et  
ordinis clericalis

Pag.

1

§. II. Obligationes, honestas, et celi-  
batus Clericorum

28

( 2

pag.

	Pag.
§. III. Privilegia Clericorum communia	39
§. IV. Sustentatio Clericorum, et beneficia in genere . . . . .	43
§. V. Modi perveniendi ad beneficia ma- jora . . . . .	53
§. VI. Modi perveniendi ad beneficia mi- nora . . . . .	78
§. VII. Jura Pontificis circa beneficia vi Concordatorum Germaniæ . . . . .	100
§. VIII. Provisio beneficiorum per primas preces . . . . .	112
§. IX. Obligationes et jura cum obtento beneficio connexa . . . . .	119
§. X. Renunciatio vel resignatio beneficio- rum . . . . .	141
§. XI. Innovatio Beneficiorum . . . . .	148



## CAPUT II.

JUS PRIVATUM CIRCA RES SACRAS,  
ET ECCLESIASTICAS.

Pag.

§. I. De Sacramentis in genere . . . . .	157
§. II. De Sacramentis in specie præter ma- trimonium . . . . .	161
§. III. De matrimonio, ejusque impedi- mentis in genere . . . . .	190
§. IV. De impedimentis matrimonii in spe- cie . . . . .	201
§. V. Sponsalia, aliaque matrimonio præ- via . . . . .	218
§. VI. Contractus matrimonialis adjuncta, effectus, judex, solutio, nuptiæ se- cundæ . . . . .	227
§. VII. Sacramentalia, Liturgia . . . . .	236
§. VIII. Dies festi, jejuni, ac vigiliarum . . . . .	243

	Pag.
§. IX. Sanctorum, reliquiarum, imaginum cultus . . . . .	254
§. X. Loca sacra et religiosa . . . . .	259
§. XI. Bona Ecclesiastica, oblationes, primi- tiæ, decimæ . . . . .	276
§. XII. Bonorum ecclesiasticorum acquisi- tio, administratio, alienatio . . . . .	284

### C A P U T III.

#### JUS PRIVATUM CIRCA JUDICIA EC- CLESIASTICA.

	Pag.
§. I. Judiciorum ecclesiasticorum genera- lia . . . . .	290
§. II. Ea, quæ ante litis contestationem fi- unt . . . . .	301

§. III.



§. III. Ea, quæ post litis contestationem fiunt . . . . .	311
§. IV. Ea, quæ post litis decisionem fiunt	329

## C A P U T IV.

### JUS ECCLESIASTICUM CRIMINALE.

§. I. Judicium criminale . . . . .	341
§. II. Pœnæ Ecclesiasticæ . . . . .	352
§. III. Delicta ecclesiastica . . . . .	372

III. Buch von der Verurtheilung  
des Verbrechens  
des Mordes

CA P I T U L U M  
I N S E C T I O N I S C R I M I N A L I S

1. In der ersten Section  
des ersten Buches  
des ersten Theils  
des ersten Bandes





# JURIS ECCLESIASTICI

## P A R S II.

### JUS ECCLESIASTICUM PRIVATUM.

---

#### CAPUT I.

### JUS PRIVATUM CIRCA PERSONAS ET BENEFICIA ECCLESIASTICA.

---

#### §. I.

### REQUISITA ET IMPEDIMENTA STATUS ET ORDINIS CLERICALIS.

I. Status Clericalis complexus est  
jurium & obligationum Clericis propriorum,  
qui ad sacrum ministerium & munia ecclesiasti-  
ca deputati, Laicorum in vita spiritali Duces,  
Magistri, & exemplar constituti sunt. y) Ex  
hac notione deduces:

Pars II.

A

a) in.

- a) insignem certe virtutis, scientiæ ac prudentiæ gradum illis, qui tanto muneri ob-  
undo se consecrant, esse necessarium; 2)  
b) necessarias quoque esse regulas quaspiam,  
ad quas tum ad Clericatum Adspirantes,  
tum in eo Viventes dotes moresque suos  
exigant; a)  
c) sapienter proin Ecclesiam egisse, quod  
omni ætate ejusmodi regulas constituerit;  
b)  
d) atque *irregulares*, seu a *regulis* canonicis  
*alienos* a Clericorum ordine, aut functioni-  
bus exclusit. c)
- g) Pauca de Personarum Ecclesiam constituentium  
classibus præmittenda sunt. Nempe omnia Ec-  
clesiæ Membra in duas potissimum classes abeunt,  
in membra *vulgaria*, & *non vulgaria*; illa simplices  
complectitur *laicos*, ista *Clericos*. Hoc Juris ecclesi-  
astici capite de Clericis maxime sermo est: qui  
denuo dividuntur 1) *ratione modi*, quo ad  
functiones ecclesiasticas destinantur in *tonsuratos*  
& *ordinatos*; 2) *ratione functionum*, ad quas  
obeundas ordinantur in *minorum* & *majorum or-  
dinum* Clericos; ad illos pertinent *Ostiarii*, *Lec-  
tores*, *Exorcistæ*, *Acolythi*: ad hos vero primo  
Clerici in *Sacerdotio*, uti *Presbyteri* & *Episcopi*,  
postea in *Ministerio* constituti, quales sunt *Dia-  
coni* & *Subdiaconi*; 3) *ratione qualitatum* Cleri-  
catui superadditarum in *Regulares* & *Seculares*.  
Quid singulis hisce Clericorum speciebus pro-  
prium sit vid: apud Daniel: *Nettelblatt*  
in *observat: Juris eccles.* Halæ Salicæ  
1783. editis, *observat I.* Quod Clericorum  
minorum ordinum originem & primæva officia  
adinet, leg: *Fleury Inst. J. E. P. I. cap. 6. 8.*  
De Clericis majoribus conf. *præcognit: cap I. §.*  
II.



*II n. V. VI. De omnibus vero valet id, quod Paulus ad Tit, II. 7. scripserat: In omnibus te ipsum praebe exemplum bonorum operum, in doctrina, in integritate, in gravitate. — Non solum enim Episcopi Presbyteri, & Diaconi debent magnopere providere, ut cunctum populum, cui praesident, conversatione, sermone, & scientia praecedant; verum etiam & inferior gradus Exorcistae, Lectoris, Aeditui, Acolyti, & omnes omnino, qui domui Dei serviunt: quia vehementer Ecclesiam Christi destruit, meliores Laicos esse quam Clericos. S. Hieronymus apud Gratian: Caus. VIII. c. 21. q. 1.*

2) Qua ratione enim nomen Ducis, Magistri cum dignitate, ac veritate gerent, siquidem virtute, scientia, ac prudentia Laicis inferiores fuerint? Imo *Clericorum Status*, ut rectissime admonet Concil. Massens: an. 1626. *Tit. de Cler. moribus & vita: quemadmodum laicorum ordini dignitate praenotitur, sic morum honestate, & vitae spectabilitate, ut sidera in terreno Ecclesiae calo debet praefulgere. Conf. Concil. Trident. Sess. XIV. cap. 1. de reform. Sess. XXII. cap. 1. de reform:*

4) Pone enim ejusmodi regulas abesse: tum ignorant facile Clerici aut ad Clericatum aspirantes, quibus dotibus exornare se debeant; aut noscentes quam optime officium suum, desides invenientur in eo adimplendo, quia deerit motivum, quo voluntas eorum ad comparandas sibi necessarias virtutes impellatur.

6) Longum foret enarrare omnes leges hunc in finem ab Ecclesiae Rectoribus sive in Conciliis, sive extra eadem latas. Id vero praecceptum praetereundum non est, quod Paulus aspirantibus ad Clericatum *Hebr. V. 4. dederat: Nec quisquam sumit sibi honorem, sed qui vocatur a Deo tamquam Aaron. Vi hujus in id praepimis cui-*

vis ad Statum clericalem adspiranti incumbendum est, ut, an ad eundem a Deo vocetur, cognoscat. Indicia igitur vocationis divinæ, rogato etiam Virorum doctrina, peritia ac prudentia probatorum consilio probe examinanda sunt. Quæ vero ista? plura recenset Zeeh. cit. loc. §. 30. duo mihi videntur ceteris præferenda: 1) dotes ad implenda Status clericalis officia necessaria a Deo collatæ; 2) animi ad hunc statum propensio constans ac pura, quam nec spes nec metus, sed religionis ac salutis aliorum promovendæ amor peperit & alit.

- c) Ita est sane: irregularis enim, seu cujus dotes cum dotibus per regulas ecclesiasticas præscriptis non conveniunt ineptus est ad munia Status clericalis in Ecclesiæ bonum implenda: et sapientis est inepta ad finem consequendum media repudiare & eligere idonea; ergo sapienter Ecclesia irregulares ab ordine clericali, aut si jam in eo constituti sunt, a functionibus ordinis excludit. Inde vero sequentia jam profluunt corrolaria: 1) quisquis ad ordinem clericalem adspirat, videat, num ab irregularitate immunis sit; 2) ut id eo facilius cognoscat, prius sibi genuinam irregularitatis, specierum, effectuum &c. ejusdem notionem efformet, necesse est.

II. Irregularitas igitur impedimentum est canonicum, quo quis directe ad suscipiendos ordines, vel susceptorum exercitium ineptus redditur. d) In genere de ea notandum est

- a) quod pro diversitate causæ, effectus, durationis varia sit; e)  
b) ac ob casus tantum in jure expressos incurratur. f)

d) Recte



d) Recte hac ratione irregularitatem definiri, ita ostenditur: Irregularitas, si vim nominis spectes disconvenientiam qualitatum personæ cum dotibus illis denotat, quas regulæ ecclesiasticæ a Clericis exposcunt (*not. præced.*) atqui disconvenientia hæc impedit directe a susceptione ordinum, aut susceptorum exercitio; reddit enim hominem ineptum ad munia status clericalis (*præced. n. I.*) obeunda (*præced. not.*) ac efficit, ut Ecclesia eundem ob ordine vel functionibus ejus excludat (*præced. n. I. lit. d. not. c.*) ergo reapse impedimentum canonicum dici meretur, quo quis directe ad suscipiendos ordines, vel susceptorum exercitium ineptus redditur.

e) Nempe irregularitatem produciunt vel delicta quæ Ecclesia specialiter a Clericis longe abesse voluit, vel defectus qualitatum, quos in iisdem necessario adesse debere decrevit; est ergo ratione causæ irregularitas alia ex delicto seu peccato in jure expresso, gravi & externo opere completo, habetque rationem pœnæ negativæ: alia ex defectu, quæ merum impedimentum est, quod etiam citra peccatum contrahitur. Porro spectato effectu jam omnium — jam quorundam ordinum susceptionem vel usum impedit: illa dicitur *totalis*, hæc *partialis*. Denique una de se perpetua, altera ad tempus solum ab ordinibus suscipiendis arcet; si igitur *durationem* spectes, est irregularitas aut *perpetua*, aut *temporalis*.

f) Vid. cap. 13. de sentent. excommunicat. in 6. Non obstat cap. 12. de homicid. ubi dicitur in dubio præsumi debere contractam esse irregularitatem. Enim vero non hic sermo est de dubio circa irregularitatem in hoc illove casu statutam, sed de dubio circa factum, num id ad illum casum pertineat; atque tum delicti reus tutiorem semitam eligere & pro irregulari se gerere jubetur. Adde c. 5. de cleric. excom. ministr.

Omnis igitur irregularitas *juris* est, & *nulla facit*; haudquaquam tamen per hoc iis, qui regimine praediti sunt, adempta est potestas, irregularitatem in plura posthac expresso jure statuendi.

III. Irregularitatem ex delicto primis Ecclesiae seculis gravioribus omnibus post baptismum admissis criminibus, etiam occultis, adnexam, nunc ad certa solum, & manifesta crimina restrictam g) hodie contrahunt

1) propter abusum Baptismi,

- a) qui *scienter & absolute* alium rebaptizant;
- b) qui se ita rebaptizari patiuntur;
- c) aut in tali baptismo *ministrant*; h)
- d) qui ab haereticis *sine necessitate* baptismum recipiunt; i)
- e) vel illum ad infirmitatis periculum differunt, quos *Clinicos* vocant. k)

g) At cur hodie ad *casus* tantum jure *expressos* restricta est irregularitas? Ideo, ni fallor, quod, cum collapsa Ecclesiae disciplina jura scriberentur ecclesiastica, Legislatores antiquum rigorem restaurare haud potuerint, nisi aut carere Clericis, aut frequentissimis dispensationibus auctoritatem legum ecclesiasticarum labefactare voluissent; maluerunt igitur in odiosis benigniora sequi, atque irregularitates ad certos solummodo casus restringere. Conf. C. 9. Dist. L. c. 9. Concil. Nicen: item Pe hem *cit. loc. P. II. §. 35. seq.*

h) C. 65. Dist. L. C. 117. Dist. IV. de Consecrat. C. 2. de apost. & reiterat. Baptism. Conf. Can. Apostolic. 46.

i) C.



2) C. 18. Caus. I. q. 1. Can. Apostolic. 45.

k) C. un. Dist. LVII.

a) propter abusum ordinationis,

a) *furtive* ordinati; l)

b) qui *per saltum*, seu omisso inferiore ad altiore[m] ordinem promoventur;

c) qui duos ordines majores una die recipiunt; m)

d) qui ab Episcopo *deposito*, *schismatico*, *cenfuris adfecto*, vel ab eo, qui dignitati suae renuntiavit, ordinari se sinunt;

e) qui *excommunicatione* majore irretiti ordinantur; n)

l) C. 1. de eo, qui *furtive*.

m) Tit. de Cleric. per salt. promot. c. 13. de imp. ordinat.

n) C. 4. Caus. IX. q. 2.

3) propter abusum Ordinis.

a) qui in ordine sacro, quem nondum recuperare, *solenniter* ministrant; o)

b) excommunicati, suspensi, aut interdicti ante *absolutionem* ministrantes, aut celebrantes;

c) celebrantes *in loco interdicto*. p)

o) C. 1. & 2. de Cleric. non ordinat. ministr.

p) C. 7. Caus. XI. q. 3. c. 1. de sent. & re judic. in 6.

## 4) propter hæresim,

- a) *hæretici, apostatae a fide, schismatici, eorumque fautores, aut defensores; q)*
- b) *hæreticorum nepotes ex parte patris, ex matris solum filii, nisi eorum parentes ad sinum Ecclesiæ redierint. r)*

q) *C. 21. Causs. I. q. 7. c. 32. Dist. L. c. 2. de hæres. in 6.*

r) *C. 15. de hæres. in 6. Conf. decret. Congreg. Concil. 21. Maji 1718. Istud tamen intuitu Protestantium in Germania non obtinet, cum hæreticorum nomine in Imperio haud veniant; quamvis Curia Romana tales absque dispensatione ad ordines admittere non soleat.*

## 5) propter homicidium vel mutilationem,

- a) *voluntarie, & injuste aliquem occidentes, mutilantes, ad id concurrentes, vel occisionem non impediētes, cum tamen tenerentur ex justitia; s)*
- b) *etiam præter intentionem occidentes, dando operam rei illicitæ simul & periculosa, vel periculosa solum, si debitam ad præcavendum homicidium diligentiam non impendant; t)*
- c) *procurantes abortum fætus animati; u)*
- d) *seipso membro, aut membri parte voluntarie privantes; v)*
- e) *dubitantes etiam num mors suo, aut alieno facto evenerit. x)*



5) C. 6. & seq. de homicid.

7) C. 10. 19. seq. ibidem. Aliud est, si mors alterius prorsus ex fortuito casu, aut ex moderata & necessaria defensione sequatur, C. 13. de homicid. Clement. unic. ibid.

u) C. 20. de homicid. Quanquam vero die fatus anime-  
tur, Medicorum est definire.

v) C. 6. Dist. LV. c. 1. de corp. vitiat. Unde Eunu-  
chi, qui sponte se excindi permiserunt, exclu-  
duntur: qui nolentes, aut sine culpa in morbo id  
passi sunt, admittuntur; sicut enim isti culpa  
ita & poena immunes sunt. C. 4. 5. 7. seq. Dist.  
LV. c. 3. 4. 5. de corp. vitiat.

æ) C. 18. de homicid. Hic reprobandus est quorum-  
dam scrupulus, qui vulnerato vel aegroto sub-  
venire reculant levando, ne si fortassis inter eo-  
rum manus exspiret, ipsi accelerasse mortem, &  
propterea irregulares censeantur: Si enim irre-  
gularitas oritur ex defectu lenitatis, sane ex ejus  
contrario, scilicet ex ipsa lenitate, actu misericor-  
diæ, & charitatis christiænæ oriri non potest, nec  
est verosimile, quod Pontifices voluerint per intro-  
ductam irregularitatem tollere charitatem. P. En-  
gel J. C. P. V. tit. 12. n. 48. Interim, ut idem  
inquit, excusandi non sunt ab irregularitate,  
qui licet imperiti (nisi in casu necessitatis & de-  
fectu peritiorum) chirurgiam aut medicinam  
præsertim spe lucri, & per modum professionis  
exercent; imperitia enim culpæ adnumeratur  
in his, qui artem aliquam profitentur.

IV. Irregularitatem ex defectu la-  
tius hodie, quam olim, extensam contrahunt

1) ob defectum animi & sanitatis,

a) infantes, amentes, epileptici &c. y)

A 5

b) sci

b) *scientia* ad eum ordinem requisita *destitu-*  
*ti*; 2)

c) *neophiti* necdum in fide sat probati a)

y) Huc *lunatici, furiosi, demoniaci* referendi sunt,  
Concil. *Toleran XI can. 13 Dist. XXXIII. can.*  
*3. & 4. Dist. XXXVI. can. 1. Conf. Latic*  
*lib. II. §. 199.*

2) Conf *annot. ad can. 1. & 2. Dist. XXXVI.* e qua  
liquido colligitur, non sufficere Clericis bonam  
conversationem, & morum honestatem, nisi ad-  
datur *scientia doctrinae.*

a) 1 *Timoth. III. 6. Can. 4. seq. Dist. LXI. Con-*  
*cil. Laodic. can. 3. Sardic. can. 13 sed conf Can.*  
*apost. 79. Bingham orig. eccles. vol. I. p. 154. seq.*

2) ob defectum natalium & famæ,

a) *spurii, & illegitimi*, nisi per subsequens  
matrimonium legitimantur; b)

b) *filii hæreticorum*, de quibus jam supra n.  
III. 4. lit. b dictum; c)

c) *infamia juris vel facti* laborantes, donec re-  
paretur. d)

b) Defectus natalium, a criminis suspicione alienus,  
primis X. seculis impedimentum non erat. *Dist.*  
*LVI. can. 3. seq. Cum autem sec. X. XI. in-*  
*continentiæ vitium Angliæ potissimum & Ger-*  
*maniz Clerum infecisset, Urbanus II. filios*  
*Presbyterorum, & aliorum in SS. ordinibus con-*  
*stitutorum illegitimos a fuscipiendis ordinibus*  
*sub ea limitatione removit, nisi in cænobiiis, aut*  
*canoniis religiose probati fuerint conversati. Can.*  
*1. Dist. LVI. Tandem ad conservandum sacer-*  
*dotii decus, aliasque ob causas morales (vid.*  
*Dist. LVI. can. 20.) impedimentum hoc genera-*  
*tim*



tim ad eos omnes porrectum est, qui ex illegiti-  
ma conjunctione prodissent, aut legitima qui-  
dem, ast eo tempore, quo conjuges solenne  
continentiæ votum professi mutuis legitimi ma-  
trimonii juribus renuntiassent, (*Cap. I. de fil.  
presbyt. cap. 4. 18. eod. cap. 7. 20. 25. de elect. cap.  
10. de renunt.:*) nihilque refert, natalium macula  
vulgo nota sit, an lateat. *Can. 14. Dist. LVI.*  
Et quoniam in filiis presbyterorum illegitimis  
specialis adhibenda est cautio, ne memoria pa-  
ternæ incontinentiæ in Ecclesiis refricetur, lege  
peculiari habetur provisum, ut ejusmodi filii il-  
legitimi etiam obtenta dispensatione super na-  
taliū defectu, non possint in illa Ecclesia, in  
qua pater beneficium habuit, ullum ministeri-  
um, officium, aut beneficium obtinere, & si quod  
actu obtinuissent, eodem priventur. *Cap. 2. 3.  
4. 15. 16. de fil. presbyter. Concil. Trident. Sess.  
XXV. cap. 15. de reform.* Imo ex eo, quod ca-  
nones ab omni specie successione hereditariæ in  
beneficiis abhorreant, speciatim cautum est, ne  
filii presbyterorum etiam legitimi ad ipsius pa-  
tris beneficium immediate admittantur. *Cap. 17.  
de fil. presbyt. Trident. Sess. XXV. cap. 7. de reform.*  
Expósitos in censu illegitimorum habendos non  
esse, humanitati magis est consentaneum. Sed  
*Conf. Zech cit. loc. §. 26.*

c) *Conf. not. r) ibidem,*

d) *Can. 1. 2. Causs. V. q. VI. Cap. 87. de R. I. in 6.*  
Reparatio autem non eodem modo fit; nimirum  
infamia facti tollitur vel sententia judicis decla-  
rante innoxium eum, qui de crimine suspectus  
erat, vel canonica purgatione suspecti; quæ  
vero juris est, aut restitutione in integrum, aut  
canonica dispensatione. Causas maculæ hujus,  
quas varii canones suppeditant, compendio re-  
censet *Lakies cit. loc. §. 186. Schol.*

3) ob-

g) ob defectum corporis, e)

- a) membro ad ordinis usum *necessario* carentes. f)
- b) *notabili*, quæ horrorem vel risum moveret, *deformitate* laborantes. g)
- c) membris etiam integris adeo *debilitati*, ut functiones ordinis obire vix valeant.. h)

e) Corporis vitii, si modo sacrorum officiorum administrationem non impedit, rationem non habuit primitivæ Ecclesiæ disciplina. Vid. *Cam. apost.* 76. & 77. Ast a seculo V. inter latinos invaluit, ut non modo illi corporales defectus irregularitatem inducerent, qui ordinis functiones omnino impediunt, sed & qui efficiunt, ut sine scandali, atque irreverentiæ periculo illæ exerceri non possint. *Cap. 1. de corp. vitiat. cap. 2. de Cler. egrot.* Hinc est, quod occulta corporis vitia, si modo sacrarum functionum exercitium non tollant, irregularem faciant neminem. *Cap. 3. de corp. vitiat. can. 4. 5. seq. Dist. LV.*

f) E. g. *manu altera; cap. 6. de corp. vitiat: digito ad frangendam hostiam necessario; cap. 1. & 7. ibid:* (non item quibus deficit unguis pollicis, vel indicis, si modo hostiam frangere queant; *cap. ult. ibid: cæci & oculo præsertim, quem canonicum vocant, seu sinistro carentes. Cam. apost. 77. can. 13. Dist. LV. cap. 2. de corp. vitiat.*

g) Huc pertinent 1) naribus, aut auriculis orbat; 2) Pigmæ; 3) notabilem in modum gibbosi; 4) Corpus adeo incurvarum habentes, ut erecti procedere nequeant;

h) Quales sunt 1) surdi; 2) muti, non etiam balburientes; 3) habentes manum inutilem, & aridam, aut adeo tremulam, ut sit periculum subversionis calicis; *cap. 6. de corp. vitiat.* 4) ita



ita claudi, ut sine baculo nequeant ire, & consistere ad altare; *can. 57. de consecr. Dist. I.*  
 5) qui prorsus a vino abstemius est.

4) ob defectum ætatis, i)

- a) nondum adepti annum ætatis saltem inchoatum XXII. pro *Subdiaconatu*,
- b) XXIII. pro *Diaconatu*,
- c) XXV. pro *Presbyteratu*,
- d) XXXI. pro *Episcopatu*. k)

i) Variam hujus rei disciplinam Thomassinus diligenter illustravit cit loc. *de ver. & nov. Eccles. discipl. P. I. lib. II. cap. 67. — 71.*

k) Concil. Trident. Sess. XXII. cap. 12. *de reform. Cap. 7. de elect.* Quoad *Tonsuram* & *minores ordines* moribus jam receptum est, *septennium* completum sufficere, nec haberi rationem canonis 2. *Dist. LXXVIII.* quo constitutum fuit, neminem XVIII. annis minorem inter Lectores adnumerandum esse; dummodo qualitates adsint a Concilio Tridentino Sess. XXIII. cap. 11. *de reform.* requisitæ.

5) ob defectum Sacramenti, seu significationis unionis Christi cum Ecclesia, seu sponsi *unius* cum sponsa *unica*; l)

- a) *bigami*, sive *bigamia* sit *vera*, cum quis cum duobus successively consummat matrimonium; m)
- b) sive ea sit *interpretativa*, cum quis viduam, vel corruptam duxerit; n)
- c) sive *similitudinaria*, quando obstrictus voto solenni religionis vel in S. ordine constitutus

stitutus matrimonium adtentat & consummat. o)

d) Hæc ex ratione mystica prohibent Latini, auctore potissimum S. Augustino *lib. de. bon. conjug. cap. 18.* bigamos a sacris ordinibus, quod nimirum iteratæ nuptiæ spirituales Christi cum Ecclesia, unius cum una, conjunctionem nequeant perfecte significare; *Cap. 3. 4. de bigam. non ordinand.* ubi e contra Græci eosdem ob suspensionem incontinentiæ ab ordinibus arcent. Ex qua sententiarum diversitate nata est dispar decisio quæstionis, *an bigamus & irregularis sit, qui ante baptismum duas uxores, aut saltem unam ante, alteram post baptismum duxit.* Negant Græci, cum macula incontinentiæ per baptismum aboleatur; adfirmant Latini, excepto S. Hieronymo, cum & hic defectus sacramentalis significationis subvertetur. Vid. Schrod ad *tit. de bigam. non ordinand.* § 590.

m) Hujus bigamiæ fundamentum quærunt passim in D. Pauli I. ad Timoth. III 2. & 12. Tit. I. 5. præceptis. Conf: *cap. 2. & 3. de bigam. non ordinand.*

n) Concil. Toletan. I. can. 3. item Can. Apost. 18. Huc pertinent ex sententia Concilii Neo-caesareensis can. 8., qui cum adulteris commiscetur. Conf. *Cap. 4. & 7. de bigam. non ordinand.*

o) Quique virginem Deo dicatam ducit. Conf. Laticus *lib. II. §. 204. & 205.* Hactenus Sacramentum in sensu grammaticali tantum est; si vero in sensu theologico sumitur, ob defectum ejus irregulares erunt, qui carent Confirmatione Concil. Trident. Sess. XXIII. cap. 4. & aliis de reform. Non baptizatos incapaces rectius ad ordines suscipiendos, quam irregulares dixeris. Vid.



Vid. *Can. 25, 29. Dist. XXIII. item Cap. 1. de Presbyteris non baptizat.*

6) ob defectum lenitatis, p)

- a) omnes caussarum *criminalium administri*, morte, vel mutilatione sequuta q)
- b) *occidentes vel mutilantes* aliquem in bello ad *offensionem gesto*, etiam *justo*; r)
- c) *pugnantes omnes* in bello *injusto*, si vel *unus* ex parte adversa occidatur, vel mutiletur. s)

p) Credidit Ecclesia semper, creditque adhuc, ait Cl. Zech cit. loc. §. 23. pag. 17. non decere, ut Agnum mansuetissimum, qui sanguinem suum pro nobis fudit, in Altari offerret ille, qui sanguinem fudisset humanum, exemplum præbente Deo, qui a Davide ob sanguinem in bellis etiam justis fustum templum sibi edificari noluit. Quapropter latissime hanc irregularitatis speciem olim extendebat: nempe hoc ex capite irregulares censentur non iudices tantum, notarii & alii quomodolibet officio suo in causa criminali iuste fungentes sive Clerici, *Can. 29. Caus. XXIII. Q. VIII. Cap. 9. ne Cler. vel Monach. sive Laici* *Can. 8. Dist. L. can. 1. 2. 4. Dist. LI;* verum etiam acculatores, denuntiatores, *Can. 36. Dist. L. Can. 19. 29. Caus. XXIII. Q. VIII. Cap. 5. 9. ne Cler. vel Monach. ac testes Cap. 19. de homicid:* item milites in justo bello depugnantes, si modo fusi sanguinis conscientia tenerentur *Can. 8. Dist. L.* Nec irregularitatem effugiebat Clericus, qui ad exercenda de capite judicia a summo Principe delegatus fuit. *Cap. 5. de rape.* Quid! quod ne interesse quidem spectandi causa Clericos permittatur in loco, in quo iudicium sanguinis exercetur. *Cap. 9. ne cler. vel monach.*

nach. Verum ab his antiquæ Ecclesiæ moribus hodierni non nihil recedunt.

- q) *Can. 29. 30. Causf. XXIII. Q. VIII. — cap. 5. 9. ne Cler. vel Monach. cap. 10. de excessf. Prælat. cap. 21. de homicid. cap. 2. eod. in 6.*
- r) *Can. 1. Dist. LI. Cap. 24. de homicid. cap. 3. de Cler. percussf.*
- s) E contrario vero irregulares haud habentur 1) qui ad iudicium sanguinis concurrerunt, si ipsa sanguinis effusio quocunque modo impediatur. Van Espen P. II. tit. X. cap. IV. n. 26. 2) Episcopi aliive Prælati jurisdictionem criminalem habentes, eamque suis iudicibus exercendam committentes. *Cap. fin. ne Cler. vel Monach.* 3) Clerici quicunque, dum illatas sibi injurias persequentes, capitalium etiam criminum reos ad iudicem deferunt, etiamfi iudex, exigente ita iustitia, mortis sententiam in eos dixerit, modo protestentur expresse, quod eos poena sanguinis adfici non intendant. *Cap. 2. de homicid. in 6.* 4) Episcopi, qui Clericos pro enormi crimine degradatos brachio seculari tradunt, tamen si morte plectendos certo sciunt, modo discrete intercedant, de moderanda citra mortis periculum sententia. *Cap. 27. de verb. signif. cap. 2. de homicid. in 6.* 5) Homicidæ necessarii. *Cap. 13. de homicid. Clement. 1. eod.* 6) Milites in bello iusto, qui prælio quidem intererant, sed puras ab hostili sanguine manus retulerunt. *Cap. 3. & 4. de Cler. percussf. juncto Cap. 5. de penit.* 7) Testes iudicis auctoritate ad perhibendum testimonium compulsi, *Cap. 19. vers. ad ultim. de homicid.* 8) Alii plures, quibus sanguinis humani effusio nec culpæ, nec cordis duritiæ adscribi potest. Conf. Lakies loc. cit. §. 206 207.



7) ob defectum libertatis,

- a) *uxorati* uxore invita, vel in cælibatu vivere nolente; t)
- b) *servi* stricte dicti seu *mancipia*, u)
- c) ad *rationes* ab gestum officium reddendas obligati. v)

t) *Cap. ult. de temp. & qualitatibus ordin. in 6.*

u) De servis proprie dictis, quibus alii adjungunt *ascriptitios*, homines item *proprios*, (vid. Zech. cit. loc. §. 26 item *Can. 12. 21. Dist. LIV.*) sine consensu Domini, anni unius lapsu firmato aut litteris expresso, non ordinandis; partim ne sacrum ministerium talis contumelia vilitate pollueretur, partim ne jus tertii violetur, plures canones sanciunt, & si quem invito Domino ordinari contingeret, eum, nisi Diaconus esset, aut Presbyter, in servitutem revocari posse, disponent, quæ tamen disciplina non ubique eadem fuit. Vld. *Can. Apost. 82. Concil. Toletan. I. can. 10. Dist. LIV. can. 2. 5. 10. 12. 21. Tit. totus de serv. non ordinand.* Conf. Berrardus in *comment. ad jus eccles. univ. Tom. IV. pag. 234. 235.*

v) Nihil interest, an officium gestum sit *publicum*, uti Thesaurii, Quæstoris, Telonarii; an *privatum*, veluti Tutoris, Curatoris, Actoris &c.; *Can. 3 Dist. LIV. can. un. Dist. LIII. Cap. 1. de obligat. ad ratiocin.*

8) ob defectum Tituli, x)

- a) qui nec sufficiente *patrimonio*,
- b) nec *beneficio* pacifice possessore,
- c) nec *religiosa professione*,

d) nec alia quadam certa promissione seu *titulo mensæ*, litteris patentibus plerumque a Principe, Nobili, vel communitate quadam datis, comprobato de congrua vitæ sustentatione securi sunt. y)

x) *Tituli nomine* Veteribus veniebant Ecclesiæ, quarum servitiis ordinati adscribebantur, quarumve ex redditibus sustentabantur, quasve sine Episcopi ordinatoris venia deferere nefas erat. Ab ordinationibus sine ejusmodi titulo factis a deo abhorrebat olim Ecclesia, ut eas in Concilio *Chalcedonensi can. 6. irritas*, effectum scilicet vacuas declararet. *Absolute* igitur ordinationis exempla, quorum aliqua ex verustate refert, *Bingham orig. eccles. lib. IV. cap. 6. §. 3.* ræra admodum erant, nec nisi extraordinariis occasionibus prodita. Seculo circiter duodecimo cepit collatio beneficiorum ab ordinatione separari; cum exinde plura orirentur incommoda, cautum est in Concilio *Lateranensi III. Cap. 4. de præb.* ut Episcopus sine titulo in Presbyterum vel Diaconum ordinato *inopi* tam diu vitæ necessaria subministraret, donec in aliqua Ecclesia convenientia ipsi stipendia assignet, id quod deinde ad Subdiaconos extensum est. *Cap. 16. de præbend.* Inde collegerunt, fas esse Episcopis pro arbitratu suo, vel ad Ecclesiæ vel patrimonii titulum clericos ordinare. *Cap. 23. de præbena.* Novissimum Concilium *Trident. statuit Sess. XXI. cap. 2. de reform.* ne quis deinceps Clericus *secularis*, quamvis alias idoneis moribus, scientia, & ætate ad sacros ordines promoveatur, nisi prius legitime constet, eum *beneficium ecclesiasticum*, quod sibi ad victum honeste sufficiat, pacifice possidere: *Patrimonium* vero, vel *pensionem*, seu ut jam loquimur, *titulum mensæ* obtinentes ordinari posthac non possint, nisi illi, quos Episcopus judicaverit adsumendos



mendos pro necessitate vel utilitate suarum Ecclesiarum. Ab hoc jam Concilii *Trident*: tempore nomine *tituli* intelligitur cautio sufficiens de perpetua, & congrua Ordinandi sustentatione, aliusque est 1) pro secularibus Clericis *titulus beneficii; patrimonii; mensæ*; 2) pro Regularibus *professionis seu paupertatis*. Vid: *Pius V. constit.*: Romanus. De singulis notandum est in specie 1) *titulum beneficii* constituit possessio *pacifica beneficii veri & perpetui ad congruam Clerici sustentationem sufficientis*, quod proin resignari nequit, nisi aliunde habeatur cautio de congrua sustentatione. Concil. *Trident cit. loc.* 2) *Titulus patrimonii* a Tridentino non nisi ob Ecclesie *necessitatem* vel *utilitatem* admittitur, ita quidem, ut patrimonium sit certum, *pacifice possessum, vere sufficiens, nec absque Episcopi facultate, nec cum hac alienandum*, donec beneficium sint adepti, vel aliunde habeant, unde vivere possint. Concil. *Trident, ibidem*. 3) *Titulus mensæ* litteræ sunt *patentes*, quibus plerumque bona *immobilia* possidentes obligationem in se suscipiunt alendi *congrue ordinatum*, siquidem forte ante obtentum beneficium impotens redderetur ad se honeste sustentandum. *Titulo professionis* ordinantur, qui sunt in ordine *proventibus* ad suos alendos sat instructo: *paupertatis* vero qui ordinem Mendicantium profitentur.

- 3) Concilium *Trident: cit. loc.* renovat in ordinationes absque titulo factas antiquorum canonum penas. Sed quas, an Concilii *Chalcedonensis*, an *Lateranensis III?* (vid: *not. preced.*) Distinguit Schrödt *lib. I. tit. XI § 497* atque, si ordinatio sine titulo facta sit a *sciente*, aut *negligente Episcopo*, pœnam *Lateranensis*: si vero *dolo vel culpa* solius ordinati, pœnam *Chalcedonensis* Concilii a Tridentino repetitam non absque fundamento adfirmat.

V. Irregularitates hactenus recensitæ tolluntur,

- a) si ex defectu *temporali* provenerint, eo defectu sublato;
- b) ortæ ex defectu *natalium* per *professionem religiosam* quoad S. ordines tantum, non ad obtinendas dignitates; z)
- c) reliquæ vero per *dispensationem*, a)
- d) cujus impertiendæ potestas penes Pontificem est; b)
- e) Episcopi tamen eandem exercere in omnibus ex *delicto occulto* convenientibus possunt, exceptis *homicidio voluntario*, ceterisque que ad *forum contentiosum* jam deductis. c)

z) *Cap. 1. & cap. fin. de fil: presbyter.* Habent tamen plerique Ordines religiosi privilegia, vi quorum cum suis subditis dispensent etiam in aliis irregularitatibus. Vid. *Tamburin. de iur. Abbat tom. II. Disp. 17.*

a) Siquidem per *Jus humanum* introducta sit, nec prorsus ordinum executioni advertetur. Conf. *Berrardus in comment. ad jus eccles. univers. tom: IV pag 253. seq.*

b) Vid. *P. I. cap. I. §. I. n. IV. lit. d. not. q)*

c) *Trident. Sess. XXIV. cap. 6. de reform.* Quale delictum vero dicendum sit *occultum*, ut super irregularitate ex eo proveniente Episcopus dispensare queat non est eadem Doctorum sententia. Alii id occultum dicendum putant, quod ob defectum testium probari non potest. Vid. *Fagnanus ad cap 7. de cohab. cler. & mulier;* alii vero, uti *Ducasse in praxi jurisdictionali tom. I. cap. X. §. 2* quod commissum etiam in præsentia duorum vel trium testium probari quidem



quidem posset, attamen *nondum publicum & notorium est*. Alios casus, in quibus Episcopi dispensare possunt, vid. apud Zech *cit. loc. §. 18.* Num vero, Baptismo relaxari posse irregularitatem, recte aliqui tradant? vid. apud Eundem *ibid. §. 20.*

VI. Circa Ordinationem, seu ritum illum, quo sacer ordo confertur, sequentia restant animadvertenda:

1) Minister ordinationis,

a) ut *valide* recipiatur ordo, est *quilibet* Episcopus rite consecratus;

b) ad *licitam* vero S. ordinis susceptionem Episcopus *proprius*, d) in Ecclesiæ Romanæ communionē constitutus, & ab irregularitate, alioque impedimento immunis e) vel facultas *privilegio* quodam *apostolico*, aut litteris *dimissoris* a proprio Episcopo obtemperata requiritur, f) g)

d) Episcopus hodie reputatur *proprius*, 1) ratione *originis* seu loci, in quo parentes ordinandi, dum is nasceretur, *fixum* domicilium habuere; 2) ratione *domicilii* Episcopus loci, ubi quis animo perpetuo remanendi suam sedem fixit; 3) ratione *beneficii* Episcopus Diocesis & loci, ubi ordinandus beneficium congruæ sustentationi sufficiens possidet; 4) ratione *familiaritatis* Episcopus ille, quocum quis trium annorum intervallo quasi commensalis fuit commoratus, & a quo statim beneficium adepturus est. *Trident. Sess. XXIII. cap. 8. & 9. de reformat.* Atque hæc quidem ad Clericos & Laicos ex æquo spectant. *Regularium* in causa quidem ordinationis Episcopus *proprius* est, in cujus Diocesi situm est

Monasterium, in quo Superiorum suorum iussu tanquam de familia habitant. Concil. *Carthagin.* V. can. 23. Sed Conf. Concil. *Trident.* Sess. VII. cap. 11. & Sess. XXIII. cap. 3. de reform.

e) Si etenim *irregularis* sit Episcopus proprius, eo ipso est ad obeundas functiones ordinis sui ineptus. (num *præced.* II) aut conferre ordines pertinet ad Episcopalis ordinis functiones (P. I. cap. 1. §. V. n. II.) ergo ut has obeat, ab irregularitate immunis sit oportet.

f) Litteræ *dimissoriae* vel indulgent, ut quis ordinari queat ab Episcopo alio catholico quocunque, vel ut a certo solum; illæ *generales*, hæ *speciales* vocantur. Dimissorias concedendi facultatem habent 1) Episcopus proprius jurisdictione præditus, licet nondum consecratus; 2) Vicarius Generalis Episcopo id expresse ipsi concedente, aut in remotis agente. Cap. 3. de temp. ord. in 6. 3) Capitula Ecclesiæ cathedralis sede vacante, verumtamen intra annum a die vacationis numerandum non aliis, quam ætatis ratione beneficii ecclesiastici. Concil. *Trident.* Sess. VII. cap. 10. de reform: 4) Superiores regularium pro subditis suis regularibus, casu, quo Dicelesantis abfuerit, vel non habiturus esset ordinationes, sub cautionibus tamen Concilii *Trident.* Sess. VII. cap. 11. & Sess. XXIII. cap. 3. de reform. iudicio definitis. Adversus hæc si Episcopus quid commiserit, suspenditur per annum a conferendis ordinibus: minus recte Ordinatus ab exercitio ordinis non secundum canones suscepti, quamdiu Episcopo suo visum fuerit: si Capitulum sua abutatur potestate, interdicto subijcitur. Concil. *Trident.* Sess. XIV. cap. 2. Sess. XXIII. cap. 2. Sess. VII. cap. 10. de reform.

g) Præter Episcopum, quem sacre ordinationis ministrum *ordinarium* diximus, dantur alii, qui jure



jure extraordinario, concessione scilicet Ecclesie & Pontificis romani delegatione ordines conferre possunt. Nempe utuntur hoc jure Cardinales Presbyteri, quoad Ecclesias suorum titulorum, & Abbates Sacerdotes, & benedicti, quoad subditos suos regulares in conferendis prima tonsura, & minoribus ordinibus. *Cap. 11 de etat. & qualit. presic: item Concil. Trident. Sess. XXIII. cap. 10. de reform: Cont. quoad omnia de ministro ordinis haftenus dicta Zech cit. loc. Tit. VI. §. 67. usque so.*

2) Tempus, quo ordinatio fieri debet, *h)*

- a) quoad ordines minores est tempus maturitum cujuslibet diei dominici & festivi; *i)*
- b) quoad ordines majores vero sunt sex Sabata, nimirum quatuor temporum, ante Dominicam Passionis, & Sabbatum sanctum; *k)*
- c) nisi forte ordinans vel ordinatus per Privilegium, quod Episcopis Germaniae cum reliquis facultatibus omni quinquennio dari solet, ad haec tempora adstrictus non sit *l)*
- h)* Tribus primis Ecclesiae seculis nullis certis diebus adstrictae fuisse videntur Clericorum etiam majorum ordinationes, injuriis temporum exactum hac in re ordinem haud permittentibus; postea *cit. loc. cembri* plerumque fiebant. *Bingham in De lib. IV. cap. VI. §. 6. & seq.*
- i)* Etiam extra Missarum solennia. *Pontifical. Rom. tit. de Ordinib. conferend. Cap. 1. & 3 de temp. ordin: & quidem si Episcopo visum fuerit, eodem die uni plures, aut etiam omnes Minores simul cum prima Tonsura dari possunt. Concil. Trident. Sess. XXIII. cap. 11. de reform. Posterior*

sterior seorsim quolibet anni die ac hora conferri potest. *Pontifical. Rom. cit. loc.*

- k) *Concil. Trident. Sess. XXIII. cap. 8. de reform. Dist. LXXV. can. 4. 7. Cap. 2. 3. de temp. ordin.* *Consecratio Episcoporum* fit quovis anni tempore die dominico, vel natalitio Apostolorum, vel ex speciali indulto Pontificis alia die festiva. *Pontifical. Rom. tit. de consecrat. electi in Episc:* Si vero in Episcopum electus pluribus sacris ordinibus est initiandus, necessitas Ecclesiæ exigere videtur, ut in iis conferendis non expectentur consveta tempora. *Zech cit. loc. §. 82.*
- l) *Secus extra tempora ordinans* canónica disciplina erit corrigendus, & *ordinatus* suspendendus ab exercitio ordinis *Cap. 2 & 3. de temp. ordin.* imo ipso jure fit suspensus. Pius II. in bulla: *Cum ex Sacrorum.* Quoquo vero tempore *sacri* conferantur *Ordines*, conferri debent intra Missarum solemnias, quæ ex Pii V. Pontificis constitutione vespertino tempore nunquam, nec in Sabbato sancto, quod olim fiebat, celebrentur.
- 3) **Tempus** quod inter ipsos S. ordines interponi debet, seu *interstitia.*
- a) *Inter minores ordines*, qui una die conferri possunt (*not. præced. i*) & *Subdiaconatum*, & sic porro inter unum alterumque sacrum ordinem suscipiendum *annus ecclesiasticus* intercedat, oportet; *m*)
- b) relicta tamen Episcopis ob *majorem Ecclesiæ utilitatem* ita dispensandi facultate,
- c) ut, nisi urgente causâ Privilegio locus detur, *aliquot saltem dierum spatium* interponatur; *n*)
- d) max



d) maxime vero, ne quis ad altiorem ordinem, omisso inferiore, seu *per saltum* promoveatur. o)

m) Concilium *Trident. Sess. XXIII. cap. 11. 13. & 14 de reform.* Intervalla hæc temporis post seculum IV. in Occidente satis longa fuisse, pluribus Siricii, & aliorum Pontificum testimoniis ostendit Martene *de S. eccles. rit. lib. I. cap. VIII. art. III. §. 6.* Conf. etiam Zech *cit. loc. §. 84.*

n) Non audet igitur *regulariter* Episcopus plures ordines *maiores* (de *minoribus* aliud *not preced. i*) diximus) uni *una* die, dieve Sabbati hunc, alterum die dominica, continuato quamvis jejuniis conferre *Cap. 13. 15. de temp. ordin: cap. 2. de eo, qui furtive.*

o) *Cap. un. de cler. per salt. promot. Cap. 10. de excess. Prælat.* Per saltum ordinatus alios (præter Episcopatum omisso Presbyteratu *Cap. 10. in fin. de excess. Prælat*) ordines *valide* quidem, *illicite* tamen recipit; unde suspenditur ab usu ordinis temere suscepti, irregularitatemque contrahit, si in ordine omisso aut per saltum suscepto fungatur ministerio, priusquam aut defectus suppleretur, aut absolveretur a suspensione. *Concil. Trident. Sess. XXIII. cap. 14. de reform.*

#### 4) Locus ordinationis

a) *proprius* esse debet, seu in Diœcesi ordinationis positus, eidemque subiectus; p)

b) *sacer* saltem pro maioribus ordinibus conferendis, q)

c) et *publicus*, nimirum cathedralis, aut dignior quædam Ecclesia. r)

p) Jus enim ordinarium constanter obtinuit: nulli Episcopo licere, ejusvis privilegii prætenu pontificalia, quæ inter & collationem minorum ordinum & tonsuram referre oportet, in alterius diocesi exercere, nisi de Ordinarii loci expressa licentia: secus si quid factum esset, Episcopus ab exercitio pontificalium, & ordinatus ab exercitio ordinis jure ipso suspenduntur. Concil. Trident. Sess. XXIII. cap. 8. de reform. Non ob stare huic asserto antiquorum exempla, aut recentiorum opiniones, sufficienter ostendit Zech cit loc. §. 87. 88. apud quem etiam §. 89. 90. 91. legere poteris, quidnam de locis exentis; de consecratione Papæ & Episcoporum tenendum sit.

q) Vid. Zech cit loc § 92.

r) Nam de divina auctoritate descendere putat S. Cyprianus epist. 68. ut Sacerdos plebe præsent, sub omnium oculis deligatur, & dignus atque idoneus publico iudicio & testimonio comprobetur. Conf. Concil. Trident. Sess. XXIII. cap. 8. de reform. Hæc tamen solummodo intelliguntur de ordinibus majoribus & sacris. Vid. Pontifical. Rom: tit. de ordin:

§) Examen, seu scrutinium triplex.

a) Idum uno mense ante ordinationem a Parocho, vel alio ab Episcopo delegato faciendum, quod tamen hodie per testimonia a Professoribus, aut Directoribus Seminariorum, utique fideliter, exhibenda subpletur.

b) Idum a viris peritis ab Episcopo, vel ejus Vicario generali deputatis proximis ante ordinationem diebus instituendum. t)

c)



c) *IIIum in ipso ordinationis actu consuetum, cum Episcopo interroganti Archidiaconus vel adstipens minister de ordinandorum dignitate testimonium præbet. u)*

§) Universim non eadem est hujus scrutinii in singulis Dioccesibus forma. Qualis vero ex præscripto canonum esse deberet: vid. in Concil. *Trident. Sess. XXIII. cap. 5. de reform.* In Diocesi nostra absolvitur quoad eos, qui inter Clericos seculares adsumi cupiunt, examine, quod *consuetum* vocant.

§) Diem, ac puncta examinis istius definivit Concilium *Trident. Sess. XXIII. cap. 7. de reform.* cui conformes pro suscipiendis ordinibus institutiones edidit Vratislaviæ 1777 Joan Lindner, Presbyter ecclesiasticus. Omnes tum seculares, tum regulares huic scrutinio se se subicere obligantur, nisi de quorum dignitate consensu est Episcopus, exceptisque illis, qui præsentantur, eliguntur, aut nominantur ab Universitatibus, seu Collegiis generalium studiorum, quatenus huic exemptioni non adversantur posteriores constitutiones. Concil. *Trident. Sess. VII. cap. 13. Sess. XXIV. cap. 18. de reform.* Conf. vero *Can. 4. 5. Dist. LXXXI. item Cap. 20. de elect. Can. 55. Dist. L.*

u) Afferens: ipsos quantum humana fragilitas nosse sinit, dignos esse ad hujus onus officii. Pontifical. Rom; tit. de ordinat: Diac. & tit. de ordinat. Presbyt. Quod testimonium reddere potest, modo non sciat esse indignos; ita sancitum est *Cap. un. de scrut. in ord. faciend.* Pœnas ecclesiasticas contra eos, qui sine prævio examine & approbatione, aut licentia Episcopi accedunt, seu furtive ordinantur lege statutas vide *Can. fin. Dist. XXIV. item ter. tit. de eo, qui furtiv. ord. suscip.* Conf. etiam Benedicth: XIV. de Synod. diocæsan. lib. VIII. cap. 11.

6) Ef.

6) Effectus ordinum præcipuus v) est *Character perpetuus*; unde

- a) nisi de neglectis in ordinatione *substantialibus* certitudo, vel rationabile dubium habeatur, iterari non potest;
- b) *accidentalis* vero fors omiſſa caute ſuppleantur. x)

v) Variorum ordinum tum minorum tum majorum effectus enumerat ex Pontificalis Romani formulis potiffimum Fleury *Inſt. Jur. eccleſ.* P. I, cap. 5. 6. 7. 8. 9. e quibus jam memoratu digniores ſunt *generatim*, quod ordinatus 1) munia ordinum, quos recipit, exercendi jus obtineat; obligationibus iis ordinibus adnexis obſtringatur. *Speciatim* vero *tonſuræ* effectus ſunt, quod 1) Clerici quis membrum, 2) ulterioris ordinis & beneficii capax, 3) privilegiorum clericalium particeps reddatur. *Subdiaconus* præterea obligatur 1) ad permanendum in ordine clericali, 2) ad caſtitaſem perpetuo ſervandam, 3) ad horas canonicas indies recitandas. Conf. Zech *cit. loc. tit. IX. uſque ad XIV.* Rigger *cit. loc. P. II. ſ. 177 ſeq.*

x) Conf. Schenk *cit. loc. ſ. 425. Schol.*

## § II.

### OBLIGATIONES, HONESTAS, & COELIBATUS CLERICORUM.

I. Excelsa miniſterii ſacri dignitas Clericos, ut eximia quadam præ reliquis chriſtianis morum integritate, ac vitæ honeſtate refulgeant, impellit, ac obligat. y) Igitur

1) ho



1) honestate animi præcipua polleant, ac

- a) conscientie, affectuum, & intentionis puritati
- b) virtutibusque ad Deigloriam, Ecclesiæ, ac propriam salutem promovendam exercendis studium omne adhibeant. 2)

y) Recol. dicta §. præced. I. n. I. lit. a. not. y. z.)

z) *Ut, quod sunt professione, actione magis demonstrent, quam nomine, ne sit honor sublimis, & vita deformis* S. Ambrosius lib. de dignit. Sacerd. cap. III. Adde Math. V. 14. item ad Tit. II. 7. & 8 quæ omnia non ad solos Episcopos pertinere ex S. Hieronymi supra §. I. n. I. not.

y) citatis verbis eruitur.

2) Habitu corporis ita sint compositi, ut

- a) vestium forma, colorque status clericalis gravitati ac modestiæ conveniat; a)
- b) arma, nisi fors ob itinerum pericula, aut defendendam in necessitate patriam, non gerant; b)
- c) comam profane non alant, sed tonsuram & coronam deferant clericalem. c)

a) Concil. Trident. Sess. XIV. cap. 6. de reform. Qua occasione vestis talaris a seculo VI. Clericis facta sit propria: vid. apud Thomasin. cit. loc. P. I. lib. II. cap. 46. seq. Conf. Paul a Rigger P. III. §. II. seq. item Fleury cit. loc. P. I. cap. V.

b) Arma, nec ad sui, nec aliorum, aut patriæ defensionem necessaria, gerere adeo a mansuetudine, proin & ab honestate clericorum alienum putabatur, ut olim armati clerici, qui nimirum passim sicut laici, & milites armati incedebant, ex-

communi-

communicati fuerint. *Cap. 2. de vit. & honest. Cleric.*

c) De origine tonsuræ & coronæ legatur Thomas sin. cit. loc. cap. 37. Fleury cit. mox loco. Si Gregorio Turonensi de glor. Martyr. lib. I. cap. XXVII. fides haberi posset, tonsuræ clericalis origo ex Apostolico instituto repetenda esset. Quidquid sit: tanti momenti tonsura clericalis & habitus a sacris canonibus præscriptus videbatur semper, ut post Clementem V. *clem. 2. de vit. & honest. cler.* Synodus Trident. sanciverit: Clericos, qui passim vestibus utuntur laicilibus, atque clericales abjecisse, ac parvi pendisse argui possunt, si in sacris sint constituti, post primam monitionem Episcopi pœna suspensionis, in casu ulterioris contumaciæ pœna privationis officiorum & beneficiorum plectendos (*Sess. XIV. cap. 6. de reform.*) minoristas vero, carentes ecclesiastico beneficio, fori privilegio ipso facto privandos esse. *Sess. XIV. cap. 6. de reform.* minoristas vero, carentes ecclesiastico beneficio, fori privilegio ipso facto privandos esse. *Sess. XXIII. cap. 6. de reform.* Num vero etiam privilegio Canenis excidant? disputant auctores; negativa præplacet Riggero P. III. §. 16. contra P. Engel tit. de vit. & honest. n. 7. Plura circa habitum corooris per canones præscripta vid. *Caus. XXI. q. 4. per tot. cap. 2. 4. 7. 15. de vit. & honest. cler. Clem. 2. eod.*

3) Actiones statui suo, vel officio præjudicio futuras fugiant; atque ideo

- a) a venatione saltem frequente, quæ contemtum aut negligentiam sacri muneris induceret, d)
- b) ab officiis militaribus, & curialibus, e)
- c) ab illis, quæ mores corrumpunt, spectaculis, alearum, similibusque ludis; f)

d) a



- d) a *tabernis*, ac immoderatis *conviviis*, ebrietatis utique illicitis, g)  
 e) a negotiatione, mercatura, omnique *turpis* lucri studio, h)  
 f) & ab omni cum *fœminis* conversatione, quæ incontinentiæ vel suspicionem ciere posset, severis canonum legibus prohibetur. i)

g) Plurima Clericos indecentia venationem comitantur (Fleury *diff. III. in hist. eccles. §. 8.*) quapropter severe cap. 1. & 2. de cler. venat. Concil. Lateran. IV. can. 15. Trident. Sess. XXIV. cap. 22. de reform. prohibetur. At quæ clamorosa? an quæta? utraque certe, dum per eam animarum cura detrimentum patitur; nec enim hujus distinctionis rationem habuit Concilium Aquilensen an. 1596. Tom. XV. apud Labæum col. 1501. dicens: indignum est, ut qui paulo ante breviarium manibus tractabant, publice accipitrem deferant; qui cum Angelis in Ecclesia gratiarum actiones & laudes Deo persolvebant, inter canum latratus & multitudinem versentur, & incontinens obstrepant vocibus. Sine discrimine etiam loquitur S. Hieronymus Psal. 90. v. 3. Piscatores invenimus sanctos in scripturis sanctis, sed penitus non invenimus sanctum aliquem venatorem.

h) Nemo militans Deo implicet se negotiis secularibus II. ad Tim. II. 4. Adde cap. 1. 2. 3. 4. 5. 8. 9 ne cler. vel monach. Conf. Paul. a Rigger cit. loc. §. 24.

i) Cap. 15. de vit. & honestat. & recte quidem: quod enim spectacula, ludos theatrales adtinet, magis Clericis convenit lugere, quam ad scurrilitates, & turpiloquia in cachinnos ora dissolvere. Concil. Parisi. VI. can. 30. Lusu vero alearum, quo nomine non solum veniunt ludi fortunæ, sed etiam

etiam mixti generis fortunæ nimirum & artis (S. Antoninus P. II. tit. I c. 23.) dilapidantur prodige superflua clericorum bona pauperibus debita. Quod cum de lusu *chartarum* quoque dici possit, sequitur: crassam sane illorum esse philosophiam, qui istum nullibi clericis interdictum reperiunt. Vid. Van Espen P. I. tit. II. cap. 5.

g) Cap. 14. & 15. de vit. & honest. Cler. Dist. XXXIV. can. 19.

b) Distingue vero inter mereaturam æconomicam, & negotiatoriam; illa Clerico licet, quatenus unicuique est medium necessariam sustentationem sibi comparandi I. 8. cod. Theodos. de Episc. & Cler. hæc autem sub pena despositionis ab ordine, & gradu clericali (can. 4 Dist. XCI.) excommunicationis (cap. 6. ne cler. vel monach.) & amissionis privilegii clericalis quoad bona interdicatur, Concil. Trident. Sess. XXII. cap. 1. de reform.

i) Concil. Trident. Sess. XXV. cap. 14. de reform. Conf. cap. 1. & 9. de cohabit. cleric. & mulier. Gratian. Dist. LXXXI can. 25. quo ex mente S. Augustini ivadetur etiam cohabitationem cum sorore vitandam esse. quia, ut ait, *femina, quæ cum sorore mea sunt, sorores meæ non sunt.*

4) Officia vero status sui sedulo exequantur, ac proin

- a) celebrationi divini officii, horis canonicis rite persolvendis, sacrisque ministeriis jugiter sint intenti;
- b) orationi, meditationi, ac fidelium instructioni operam navent;
- c) caritatis, ac misericordiæ operibus se ferventer impendant;

d) de-



- d) decorem domus Dei promoveant:
- e) ac sint laboris, studiorum sacratiorum, ac solitudinis amatores. *k)*

*k) Concil. Trident. Sess. XXII. cap. 1. de reform.*

II. Ecclesia insuper latina clericos omnes in majoribus ordinibus constitutos ad summam, a Christo & Paulo Apostolo commendatam, pietate primum ac consuetudine observatam castitatem, si non prius, seculo saltem IV. adstrinxit lege coelibatus *l)* Huius legis

*1) iustitia ex eo liquet,*

- a) quod nec lege *divina naturali*, nec *positiva*, omnes ad matrimonium contrahendum obligentur; *m)*
- b) nec quisquam ad statum clericalem, quem lex ista adficit, *cogatur*, sed *plena* maneat cunctis, qui se continere aut non posse putant, aut non volunt, ab ordinibus abstinendi *libertas*. *n)*
- c) nec *tentationes carnis* supervenientes quemquam ab adsumpta ultro continentiae lege solvere possint, prout nec *conjugatos*, magis certe illis subiectos, a *fide conjugali* in quocunque casu solvunt. *o)*

*l) Pro clericorum coelibatu magna argumentorum vi contendit Franc. Ant. Zaecaria: Pölemische Historie des heiligen Celibats 1c. Brevis originem, iustitiam, utilitatem, ac extensionem legis huius illustravit Paul a Rigger cit. loc. P. III. §. 28. seqq. Ex quo jam quaedam*

depromimus: 1) Errant, qui cœlibatum sacris ordinibus ipso *Dei præcepto* adnexum statuunt. Vid. Natal Alexander *hist. eccles. Sec. IV. diss. 19.* 2) certissimum vero est, divinum Ecclesiæ Fundatorem perfectam castitatem non modo possibilem esse docuisse, verum etiam sequacibus suis eandem contuluisse. Math. XIX. 4. 5. 6. II. & 12. idem exemplo Magistri sui fecerat Paulus I. ad Cor. VII. 1. seqq. 3) consilio huic adamussim paruerunt Apostoli & primorum seculorum clerici, qui teste S. Hieronymo lib. I. adver. Jovin. & epist. 50. adsumti in Apostolatum relinquunt officium conjugale, & in Clerum adscripti vel virgines, vel post nuptias continentes fuerunt. Consentit in hoc Boehmerus jur. eccles. protest. tit. de cler. conjug. §. V. alias legis cœlibatus adversarius. Nec contrarium probant verba Apostoli 1. Cor. IX. Nunquid non habemus potestatem sororem mulierem circumducendi? ut sufficienter ostendit Rigger cit. loc. §. 32 & Schol. 4) viguit hæc disciplina in utraque Ecclesia tum græca tum latina non interruptim saltem consuetudine, quæ tamen pro diversitate temporum & locorum variabat; nempe 5) continentiam primis tribus seculis SS. ordinibus Episcopatus videlicet Presbyteratus, & Diaconatus adnexam fuisse testantur Origenes homil. XXIII. in lib. Numer. Eusebius lib. I. demonstrat. evangel. cap. IX. Cyrillus Hierosol. catech. XII. S. Epiphanius. hæres. LIX. Num vero hæc adnexio cœlibatus ex præcepto Apostolico? num ex sola imitatione exempli Apostolici & consuetudine facta fuerit? disputant. Vid. Natal. Alexander in *hist. eccles. seculi IV. diss. XIX prop. 2. & 3.* 6) idem in Oriente obtinuit; ut ex Can. Apost. XXV. Concil. Ancyran. 10. Neocæsaren. can. 1. Gangren. can. 4. Chalcedon. can. 14. constat, solo hoc discrimine, quod usus conjugii dissimulatus fuerit illis, qui iam mariti in Sacerdotium adsumebantur. Dissimul.



mulationis hujus causas recenset *Zech cit. loc.* §. 46. 47. 7) a seculo IV. existant in Ecclesia latina scriptæ leges perpetuam continentiam Episcopis, Presbyteris, Diaconis inculcantes. Rigger §. 35. circa clericos autem *minores* imo & *Subdiaconos* nihil adhuc primis V. seculis firmiter constitutum deprehenditur *Zech. cit. loc.* §. 44. 45. 8) interim dissimulatione priorum temporum apud Græcos in favorem conjugalis consuetudinis magis erumpente (*Zech §. 48.*) in Occidente Gregorius M. sec. VI. Leo M. pluraque Concilia continentiam ad *Subdiaconos* etiam extendere conantur haud felici satis effectu, donec tandem seculo XI. fluctuans circa Subdiaconorum cœlibatum disciplina terminaretur. Thomas fin. *loc. cit. cap. 65. §. 3. P. I. lib. II* 9) ab illo jam tempore, præprimis a Gregorii VII. Pontificatu inconcussa stat in Ecclesia præprimis latina ad cœlibatum Subdiaconorum quoque obligatio, quam non ex præcepto solum Ecclesiæ, verum etiam ex voto descendere defendit *Cominek de Sacrament. Disput. XX n. 130* ita ut omnis jam circa cœlibatum quæstio in eo versetur: an *juste?* an *utiliter* Ecclesia clericos perpetuæ castitatis lege & voto constrinxerit? vid. Rigger §. 29.

- 22) Consonat hæc propositio cum illa, quam Carolus Sardagna *Tom. III. Theologiæ dogmat. polem. Art. IV. §. 526.* plurimis argumentis defendit: nempe *lex continentia nec juri divino naturali, nec positivo repugnat*; quæcumque igitur pro hac militant rationes, illi quoque demonstrandæ servient. Adde: 1) obligationem in eundem matrimonii esse præceptum *affirmativum*, tale e. g. quale id est: *cole agrum, quia agricultura ad conservandum genus humanum est necessaria*: sed præcepta affirmativa non obligant, si non adest occasio illa adimplendi, vel si ex eorum nonobservantia majus oritur bonum 2) si

omnes jure divino naturali aut positivo ad matrimonium obligarentur: quæso, quomodo excusares ab injustitia Principes, qui ob Reipublicæ bonum plurimos militum, ad eum statum etiam coactorum, nuptiis prohibent? 3) *affirmantis esse probare*: at quæcunque hucusque protulere cælibatus adversarii argumenta, splendida sane magis, quam solida non Theologis modo, verum etiam Politicis visa sunt. Conf. cit. Sardagna cit. loc. §. 589. seq.

n) Libere vero in id, quod salva divina, ac humanâ lege fieri potest, consentientibus injuriam haud inferri, notissimum est.

o) Quid! quod tentationes ejusmodi carnis rarius experiantur Clerici vocationis suæ memores, implendisque officiis status sui, quæ præcedente n. I. 4. indicavimus, indies occupati. Conf. I. ad Cor. VII. v. 28. 32.

## 2) utilitas inde elucet.

- a) quod *ministerium divinum* indivisum cordis erga Deum amorem, ac summam animi, corporisque integritatem deponat; p)
- b) quod *cura animarum* in quibusvis, vitæ etiam propriæ, periculis intrepida vix cum anxia uxoris proliumque cura componi queat;
- c) quod Clerici conjugati *æstimatio*, ac laicorum erga ipsum in sacro tribunali, aliisque animæ negotiis *fiducia* deficiat;
- d) quod *bona ecclesiastica* aut familiæ alendæ haud sufficerent, aut ad usus non sacros, non levi rei spiritualis detrimento, distraherentur; q)

e) quod



e) quod proin *Reipublicæ* etiam, & *Principum* quam maxime intersit, ut lex ista conseruetur, ne de congrua non clerici solum, sed & uxoris liberorumque sustentatione providere bonis temporalibus amplioribus debeant. r)

p) *Qui autem cum uxore est, sollicitus est, quæ sunt mundi, quomodo placeat uxori, & divisus est.* I. ad Cor. VII. Huic D. Pauli rationi insistens Ecclesia Clericorum nuptias prohibuit, ne ipsi a divinis officiis & ecclesiasticis ministeriis retrahantur. Expressit hanc Ecclesiæ mentem claris verbis Alexander III. cap. 12. de cler. conjug. in prima compilat. Decretal apud Ant. August. item Gratian; Dist XXXI can. 1. 2. 4. 5. 6. sequ. Quare injurii in Ecclesiam sunt ii, qui cælibatus præcepti rationes unice ex motivis politiciis, dominationem pontificiam apprimæ stabilituris, desumptas esse contendunt. Conf. Rigger § 30. Schol.

q) Agnovit id optime Justinianus Imperator L. 42. cod. de Episc. & Cler. scribens: Etenim vix fieri potest, ut vacans hujus quotidianæ vitæ curis, quas liberi creant parentibus maximas, omne studium omnemque cogitationem circa divinam liturgiam, & res ecclesiasticas consumat. Nam cum quidam summa in Deum spe, & ut animæ eorum salvæ fiant, ad sanctissimas accurrant Ecclesias, & eis omnes suas facultates adferant, & relinquunt, ut in pauperes & egenos, & alios pios usus consumantur, indecens est Episcopos (aliosve animarum curatores) in suum illas auferre lucrum, aut in propriam sobolem & cognatos impendere. Oportet enim Episcopum, minime impediri affectionibus carnalium liberorum, omnium fidelium spirituale esse Patrem. Has igitur ob causas prohi-

*prohibemus habentem uatos, aut nepotes ordinari  
Episcopum.*

r) Conf. lib. Salisburgi an. 1784. editus Ueber den  
Eölibat der Geistlichen, und die Bevölkering  
in katholischen Staaten.

### 3) Extensio.

a) Clerici in *minoribus* constituti contracto, a  
quo equidem non prohibentur, matrimo-  
nio ad beneficia *inhabiles* fiunt, hactenus  
possessä amittunt, fructusque prius per-  
ceptos restituere tenentur; s)

b) qui vero jam *majori* ordine initiati sunt,  
si matrimonium, *invalidè* licet, contrahere  
adtentent, *excommunicationem latæ sententiæ*  
incurrunt, a beneficio *suspenduntur*, ad pæ-  
nitentiam adiguntur, fiuntque *irregulares*  
salva tamen Episcopis dispensandi faculta-  
te. t)

s) Cap. 3. *Et s. de cler. conjug.* Conf. Rigger *dis-  
loc. §. 39. seq.*

e) Conf. idem de Rigger § 43. *seq.* Circa eos,  
qui conjugali vinculo adstricti ad statum cleri-  
calem adspirant vid. *Dist. XXXII. can. 2. Cap. 5.  
§. de convers. conjug.* De hodierna Græcorum circa  
cölibatum *disciplina* sequentia notasse sufficiat:  
permittit nimirum Ecclesia Clericis suis jam an-  
te ordinationem ductis uxoribus utendi potesta-  
tem (Cap. 6 *de cler. conjug.*) præcipit autem simul  
1) ut sacerdos antequam Missam celebret vel per  
*hebdomadam* vel per *triduum* ab uxore abstineat.  
(Benedict. XIV bullar. rom. I. bulla LVII. §.  
VII. n. 28) 2) Episcopus post consecrationem su-  
am non utatur conjugio prius contracto; 3) nec  
ullus



ullus Clericus in majoribus ordinibus, qui ad ordines cœlebs pervenerat, post susceptos eodem matrimonium ineat.

### §. III.

#### PRIVILEGIA CLERICORUM COMMUNIA.

I. Clericis ob sublimem officii sacri ac dignitatis gradum varia tributa sunt jura, ac privilegia, quæ

- a) vel *personas* ipsas,
- b) vel *res* seu *bona* clericorum concernunt.

u) Cum de immunitate *reali*, & *personali* in genere jam in P. I. cap. II. §. IV. actum sit, hic privilegia tantum *personarum specialia* subjungenda sunt.

II. Ut ab omni contra Clericum vel Monachum violentia absteineatur, cautum est a Concilio Lateran. II. & a *Canone* ibi lato dicitur Privilegium Canonis, v) quo

- a) ne quis actione externa graviter injuriante Clericum *injuste* adficiat;
- b) aut ad actionem similem malo animo concurrat;
- c) sub pœna excommunicationis latæ sententiæ Pontifici reservatæ prohibetur. x)

v) Canonem refert Gratianus *Caus. XVII. q. 4. can. 29.* occasionem, qua editus fuit, vide in epitomo hist. eccles. *Period. IV. §. 18.*

- x) Cum gravitas injuriae aut injustitia non in omni Clerici percussione subvertetur: non omnis etiam percussor hanc poenam incurrit; ipsi jam Canones plures exceptiones admittunt *Cap. 1. 3. 10. 24. de sent. excommunicat.* Ceterum excommunicati Clerici percussores vitandi sunt sub poena excommunicationis *minoris*, si de facta percussione adeo *notorie constiterit*: ut factum non possit aliqua tergiversatione celari, neque aliquo juris suffragio excusari. *Cap. 29. ibid. Conf. Schenkl §. 438. Schol. 1. 2.*

III. Ut porro Clerici quietius vacare suis officiis queant, exempti quoque a muneribus civilibus, servitiis, ac oneribus personalibus sunt per Privilegium servitiorum y) quo

- a) a *militia*, nisi extrema necessitas urgeat; z)
- b) a *publicis & curialibus* officiis civitatis; a)
- c) a muneribus *sordidis & servilibus*;
- d) a *censu capitis*, seu tributo personali immunes sunt. b)

- y) Unde vero Privilegium istud Clericis competit? Distinguenda sunt civilia servitia, quae cum Clericorum officiis lege divina iisdem injectis consistere possunt ab iis, quae clericalibus obligationibus directe opponuntur. Exemptionem a servitiis primi generis Principum liberalitati deberi P. I, cap. II. §. III. n. III. ostendimus. At si servitia alterius sint generis, jure divino Clericos ab iisdem immunes esse, res ipsa loquitur. An enim vel cogitari potest, Christum Clericis obligationes quaspiam imponentem non simul iisdem jus ad ea dedisse, sine quibus impossibile foret harum obligationum observantia? imo ne praeceptorum suorum efficacia ab hominum arbitrio pendeat, ademisse censendus est Principi-



Principibus potestatem Clericos ad ea servitia adigendi, quæ cum honestate vitæ clericalis, & cum officiis eorum spiritualibus stare haud queunt. Atque de hoc servitiorum genere loquutos esse Pontifices & Concilia, ad quorum sententias provocant, qui immunitatem Clericorum juris divini esse volunt (vid. *P. I. cap. II. §. III. not. y*) verosimillimum est.

- 2) In extrema necessitate Clericis non debere alienam esse illam fortitudinem, quæ vel bello meretur patriam, vel domi defendit infirmos, vel a latronibus socios, quamque plenam justitiam appellat S. Ambrosius *lib. I. offic. C. 17.* ostenditur passim 1) exinde, quod dignitas clericalis ab officiis erga rempublicam non absolvat; 2) quod, dum respublica ab interitu defenditur, ob arctissimum religionis cum salute civitatis nexum (*P. I. Cap. II. §. I.*) servitium Ecclesiæ præstetur; 3) quod tute supponi possit, Principes immunitatem concedentes necessitatis casum exceptum voluisse. Confirmantur hæc verbis Gregorii *lib. VII. epist. 20. in decretal. cap. 2. de immunit. eccles.* quæ ita sonant: *Quia vero comperimus, multos se a murorum vigiliis excusare, sit fraternitas vestra sollicita, ut nullum nec per nostrum vel Ecclesiæ nomen, aut quolibet alio modo defendi a vigiliis pariat, sed omnes generaliter compellantur, quatenus cunctis vigilantibus melius auxiliante Domino civitatis valeat custodia procurari.* Conf. Paul a Rigger *cit. loc. P. I. §. 448. Schol.*

- a) Quare exempti sunt a muneribus municipalibus, tutelis, curatelis, nisi quas sponte suscipiunt. *L. 2 §. 6. item 52. Cod. de Episc. & Cler.* Conf. Zech *cit. loc. §. 57.* Per §. XXIII. Sanctionis pragmaticæ episcopalis Nissæ 1699. 26. Octobr. ad suscipienda ejusmodi munera facultas Vicariatus necessaria clericis est.

- b) *Cap. 4. de censib. in 6. Clement. 3. de censib. item Auth. nulla C. de Episc. & Cler.*

IV. Clerici quoque ære alieno gravati, cui reddendo pares non sunt, gaudent Privilegio Competentiæ, quo

- a) congrua ipsis sustentatio semper relinquatur;
- b) nec carcere, aut alia, quæ statum clericalem contemui exponeret, via ad solvendum compelluntur. c)
- c) Varios adsignant Eruditi fontes, e quibus privilegium *Competentiæ* promanat; nempe 1) paritatem Clericorum cum militibus secularibus, quibus leges ob merita in Rempublicam id indulgent. *L. 6. 18 ff. de re judic. l. 7. ff. de cast. pecul. Cod. cit. Pruss. P. I. tit. XI §. 680 seq.* 2) Capitulum 3. Odoardus *de solut.* 3) æquitatem, qua non decet eos, qui divino ministerio adscripti sunt, cum ordinis dedecore mendicare, aut sordidum aliquem questum exercere. ut ait Concilium, *Trident. Sess. XXI, cap. 2. de reform.* Ceterum non eadem est ubique locorum quantitas, quæ Clerico ad congruam sustentationem relinquatur; speciales hac in re Principum leges potissimum attendendæ sunt, *Conf. cod. cit. Pruss. P. II tit. XI §. 1147.*

V. Tandem æquissimo Principum maxime, beneficio per Privilegium fori

- a) a jurisdictione iudicis laici in causis civilibus,
- b) & criminalibus communiter,
- c) non



- c) non tamen in causa *feudali*, eorum iudice feudali agenda, eximuntur; d) explicari vero hæc immunitas ad diversos regionum mores, & limites ab ipsa Ecclesia positos debet. e) Privilegio vero ipsi, in favorem totius Cleri dato, renuntiari a quoquam *nec per juramentum* potest. f)

d) Conferantur dicta P. I. cap. II. §. III n. IV. not.

a) Excipi vero ab hoc privilegio 1) causas *feudales*. 2) aliquas *criminales* in casibus expresse per canones permissis docent. cap. 6. & 7. de for. compet. cap. 12. de iudic. cap. 25. 45. de sent. excom. cap. 1. de homicid. in 6.

e) Mores, ac leges nostræ angustos eidem satis limites ponunt. vid. cit. Cod. P. II. tit. XI. §. 53. seqq.

f) Cap. 12. & 18. de for. compet. Potest vero Clericus non modo hoc, verum & aliis privilegiis exui tum ob delictum jure expressum, tum ob conditiones, quas Ecclesia requirit, non observatas. Videatur Zech cit. loc. cit. V. §. 64. seq.

#### §. IV.

### SUSTENTATIO CLERICORUM, ET BENEFICIA IN GENERE.

I. Beneficium ecclesiasticum jus dicitur perpetuum percipiendi fructus ex bonis ecclesiasticis ob officium sacrum auctoritate ecclesiastica cum eo connexum. g) Eorum origo sequens est.

a) Pri.

- a) Primis IV. seculis ex cummuni oblatio-  
num massa Clericis ab Episcopo de con-  
grua sustentatione fuit prospectum; h)
- b) seculo vero V. facta proventuum ecclesi-  
asticorum in quatuor partes divisione Epis-  
copo, fabricæ, pauperibus & Clero in  
commune adhuc viventi sua portio obve-  
nit: i)
- c) seculo VI. Beneficia parochialia sensim  
cæpere, cum ruralibus Presbyteris fundi  
quidam assignarentur, qui primum qui-  
dem post eorum obitum liberæ Episcopo-  
rum dispositioni relictæ, postea vero ipsis  
parochiarum titulis innectebantur: k)
- d) tandem deserta vira communi, divisisque  
Episcopos inter & Capitula bonis, in ec-  
clesiis cathedralibus, collegiatis, aliisque,  
Beneficia hodierna exorta sunt. l)
- g) *Beneficium* idem olim, quod feudum seu munus  
regium denotabat; (Du Fresne *gloss. lat.*  
*soc. munus regium*.) Apud Francos adpel-  
latione beneficii veniebat omne jus utendi, fru-  
endi bonis pro officio concessum; (Murato-  
rius in *antiquitat. ital. diss. XI. col. 554.*) in  
utroque igitur jure, civili & ecclesiastico nomen  
Beneficii in usu erat. Nunc vero quatuor cha-  
racteres essentiam Beneficii absolvunt 1) *offi-*  
*cium sacrum* seu spirituale: inde vulgatum il-  
lud, *Beneficium datur propter officium.* Cap. 15  
*de rescript. in 6 &*, ut ait Concilium Trident.  
Sess. XXI cap. 3. *de reform.*; Beneficia ad divi-  
num cultum, atque ecclesiastica munia constituta  
sunt; 2) *jus percipiendi fructus*, ipsi ministerio  
ecclesiastico, quod in beneficio principale est,  
adnexum seu accessorium; 3) *perpetuitas* quæ  
tam



tam diuturna sit, ac vita Beneficarii; 4) *auctoritas Ecclesiae*, seu Episcopi seu Pontificis, ut eorum manibus & sacra munia, & possessiones a Clericis accipi videantur. Unde jam colligitur: 1) jus percipiendi fructus laicis competens, 2) pensiones, ex redditibus ecclesiasticis cuiusdam adtributas, 3) praestimonias, seu stipendia ex iisdem ad alendos studiosos, aut milites in bello sacro detracta, 4) canoniam simplicem, 5) beneficia, quae vocant, manualia, 6) vicarias temporales, seu administrationes beneficii curati, 7) Commendas temporales beneficiis proprie talibus accenseri non posse. Quae ratione *Præbenda* a Beneficio differat, vid. apud Rigger *P. III. §. 92. Schol.*

b) Conf. *P. I. cap. II. §. IV. n. VII. not. c)*

i) Auctores divisionis istius fuere Simplicius, & Gelasius Pontifices relati in *Caus. XII. quest. II. can. 23. seq.* ad eam faciendam Administratorum avaritia, cupiditate, & oblivione Pauperum permoti. Quare autem quarta soli Episcopo obveniret? hanc rationem Gelasius *epist. X.* reddit: quod scilicet peregrinos & captivos nobiliores excipere deberet. Ceterum an quadripartita hæc divisio *arithmetice*, an *geometrice* accipienda fuerit, non satis liquet. Conf. *Peheim cit. loc. P. II. §. 130. Schol.*

k) Non Presbyteris solum, verum etiam aliquando laicis minuscula id genus prædia ex singulari necessitate, aut ob singularia personæ alicujus merita ab Episcopis concedebantur, ea tamen lege, ut Ecclesiam semper bonorum istorum dominam agnoscerent, ad quam etiam mortuo possessore cum omnibus accessionibus & statu meliore revertantur. Inde vero deducitur 1) res ecclesiasticas dispensandi potestatem, facta etiam eorum divisione, manibus Episcoporum non excidisse;

disse; 2) quia ejusmodi prædia Presbyteris concessa non nisi gravissimis de causis & rarissime ante eorum mortem revocabantur, non immerito asseri, primam beneficiorum proprie talium originem ad seculum VI. referendam esse. Conf. Thomaslin cit. loc. *P. III. lib. II. cap. 14. seq.* Symachus *P. epist. V.* apud Gratianum *causs. XVI. quæst. I. can. 61.* 3) mutationes circa beneficia postea non leves evenisse, antequam eam, quam nunc habent formam, obtinuerint. Ac ita est sane: jam sub seculi IX. exordium Episcoporum auctoritas non nihil labefactari cepit, quandoquidem ea non adtentia prædia in Clericos & Canonicos, Xenodochia, & templorum fabricam transferri cæperunt, quin Clerici, qui forte in demortuorum locum venerant, novis precibus Episcopos pro reditibus adirent, aliunde se fundatam intentionem ad percipiendos proventus intra fines suarum parochiarum provenientes habere credentes, idque inter jura titulis parochiarum adnexa referentes, quod nuper personale dicebatur. Van Espen *J. E. P. II. Sect. III. tit. 1.*

1) Vid. *P. I. cap. I. §. VIII n. II. lit. c. not. 5).*

## II. Species beneficiorum:

- a) alia sunt *qualificata*, vel *duplicita*, quæ dignitatem, officium speciale, aut curam animarum adnexam habent; sin; *simplificia*; m)
- b) alia *majora*, quibus jurisdictio sacra propria, & in foro etiam externo adjuncta est; quæ illa carent, *minora*; n)
- c) alia *electiva*, quæ per plurium suffragia, & Superioris confirmationem, aut *collativa*, quæ ex Prælati arbitrio conferuntur: o)
- d) alia



d) alia *mixta* aut *patronata*, quæ Prælarus ad Patroni præsentationem, vel nominationem confert:

e) alia *secularia*, quibus Clerici seculares, vel *regularia*, quibus regulares præficiendi sunt, p)

f) alia demum *compatibilia*, quæ in eadem persona conjungi possunt, vel quæ nequeunt, *incompatibilia*. q)

m) Ad *simplicia* in regula referuntur *Canonicatus* ecclesiarum cathedralium, & collegiatarum, nec non *capellæ*, & *capellaniæ* perpetuæ; ad *duplicita* vero *Prepositura*, *Decanatus*, *Archidiaconatus* & alia Vid. Van Espen P. II. Sect. III. tit. I, cap. 4. Quæ curam animarum adnexam habent, *curata*, nomine alio, compellantur.

n) Si cum Riggero P. III. §. 104 Dignitatem a Personatu discernamus, illamque jurisdictionem quandam externam beneficio adhaerentem dicamus: omnia ea beneficia, quæ præced. lit. a. not. m) ob adnexam iisdem dignitatem qualificata seu duplicia vocavimus, inter majora referri debebunt, siquidem jurisdictio non vicaria solum & delegata sed *propria* fuerit: illudque unicuique inter beneficia ob adhaerentem iisdem dignitatem, qualificata, & majora discrimen erit, quod illa jurisdictionem *externam* sive vicariam & delegatam, sive propriam, ista vero *propriam* adjunctam habeant.

o) In Germania itaque Episcopatus, Abbatia beneficia *electiva* sunt. Vid. Prolegom. cap. II. §. II. n. II lit. a) n. III. lib. b)

p) Beneficium *regulare* aut ex natura sua regimen monasticum requirit, uti Abbatia, Prioratus; aut tale regimen ex natura sua non exigit, sed tamen

tamen fundator specialiter ordinavit, id a Regulari regendum esse; aut demum ex seculari, præscriptione quæ ad minimum 40 annorum esse debet cum possessione continua & pacifica regulare evasit. Cum voluntas Fundatoris, & præscriptio res facti sint, facta vero non supponantur, sed probari debeant; lequitur, asserenti beneficia ex natura sua regimen monasticum non exigentia esse regularia probationem incumbere, atque in dubio præsumi debere ejusmodi beneficia secularia esse.

4) *Incompatibilia* rursus dividuntur in ea, quæ primi, & ea, quæ secundi generis vocantur: illa sunt, quorum tanta est invicem dissensio, ut ad secundum accedere non possis, quin hoc ipso vacare primum incipiat; ejusmodi sunt duo curata, duæ dignitates, duo personatus, imo curatum etiam unum cum dignitate sive in eadem sive in diversis ecclesiis; quin duo etiam uniformia, licet sint simplicia, sub uno tecto existentia, i. e. in una ecclesia; hæc vero, quorum societas quidem non potest subsistere, attamen secundi pacifica consequutione priore non continuo ipso jure possessor excidit. Omnem hanc incompatibilitatem ex triplici fonte derivant 1) ex obligatione *residentiæ*; 2) ex *servitio* uno eodemque tempore præstando: 3) ex *sufficientia* sustentationis, quam vel unum beneficium præbet. Pluralitas beneficiorum, incompatibilium præprimis, gravissimis rationibus interdicatur. Vid. Rigger cit. loc. P. III. §. 10. item Concil. Trident. Sess. XXIV. cap. 17. de reform. Sunt tamen, qui Pontifici Romano jus super eadem dispensandi vindicant, dummodo causæ a S. Thoma lib. IX. quæst. VII. art. 11. explicatæ circumstant: nempe *Necessitas vera*, non ficta; ecclesiæ *Utilitas*; & *mens fundatoris* non contraria. Conf. Concil. Trident. cit. loc. add. Sess. VII. cap. 2. & 4. de reform. item Zesch de jure rerum

Sist.



*Sect. III. tit. VIII. §. 108. seqq. & cit. Cod. Pruss.  
P II tit. XI. §. 115. seqq.*

### III. Erectio beneficiorum fieri debet

- a) *legitima* Superioris ecclesiastici, quoad cathedralia, aut his majora Pontificis, quoad reliqua, Episcopi *auctoritate*; r)
- b) *ex fine & intentione* cultus divini, aut salutis animarum; s)
- c) *per dotem sufficientem*, t)
- d) *in loco congruenti*,
- e) & cum eorum quorum interest, *consensu*. u)

r) Vid. P. I. cap. I. §. I. n. V lit. b) not a) item cap. 9: de vit. & honest. cler. Trident. Sess. XXV. cap. 3 de regular.

s) Beneficium datur, inde & erigitur propter officium. Conf. definit. præced: n. I

t) Cap. 8. de consecr. eccles. cap. 3. de eccles. adif.

u) Cap. 36 de præbend.

### IV. Provisio, seu modus, quo quis canonice ad beneficium promovetur, perficitur

- 1) *per designationem personæ*, quæ fieri potest
  - a) vel *per electionem*, seu plurium suffragia;
  - b) vel *per nominationem* seu sententiam unius personæ;
  - c) vel *per præsentationem*, qua persona designata, illi, qui beneficium confert, instituenda proponitur:

- 2) *collatione tituli*, seu juris beneficii;  
 3) *introductione* in possessionem beneficii. v)

v) Infra fufior horum explicatio occurret; conf. inferim *cap. 17 de prab. in 6.*

## V. Beneficium generatim conferatur

1) non nisi vacans, x) ubi

a) id, quod de *jure tantum* vacat, seu possidetur equidem, sed sine legitimo titulo, alteri, cognita tamen prioris possessoris causa, conferri potest: y)

b) quod de *facto tantum* vacat, seu cujus quis titulum, sed absque possessione tenet, adeo conferri alteri nequit, ut præter *nullitatem actus* id scienter acceptantem a communione Ecclesiæ pellendum, & ad idem beneficium, si deinceps etiam legitime vacaverit, sine dispensatione haud admittendum canones decreverint. z)

c) quod vero de *jure* simul & *facto* vacat, conferri non potest solum, sed & debet. a)

x) Idque ideo: ne desiderare quis mortem proximi videatur, in cujus locum & beneficium se crediderit successurum. *Cap. 2. de concess. prab. & eccles. non vacant.* Quapropter lege Concilii Trident. Sess. XXIV. cap. 19 de reform. abrogatae sunt, & nullae ac irritae declaratae Expectantiae, seu concessionibus beneficii vacaturi: excipiuntur tamen 1) *Coadjutoriae* in ecclesiis cathedralibus, & regularibus; *P. I. cap. I. §. VII. n. III* quibus aliqui 2) addunt canonicos *domicellares*, seu in herbis, qui jam in canonicorum ordinem inducti præbendam proxime vacantem præstolantur. Sed

enim



enim si verba canonum, ait *Pe hem cit. loc. P. II § 174.* eorumque mens & ratio animo præjudiciis vacuo perpendatur, nullus superest dubio locus, quin id genus Canonorum probari haud queat. At saltem valebunt *promissiones* beneficii vacaturi *indeterminati*? aut scriptura vel juramento firmata? — Equidem tolerantur illæ in *cap. 14 de concess præbend.* Sed reprobantur jure posteriore, & prioris derogatorio, decreto nimirum Bonifacii VIII. *cap. 2 de concess. præbend. in 6* juramento etiam firmata, quod contra bonos mores præstitum haud est obligatorium *Cap 58 de reg. jur in 6* Num Summi etiam Pontificis potestas his juribus quoad Germaniam saltem, ligetur, ex Concordatis Germaniæ desolendum est. Vid. *Zech cit. loc. §. 124.*

1) *Cap. 28. de præbend. in 6.*

2) *Cap. 1 2. 7 de concess præbend. & eccles. non vacant: Cap. 4 de donat.*

a) Quot modis vacantia hæc beneficii contingere possit, vid. apud *Zech cit loc § 124* Debere id genus beneficium conferri, ratio est: quod longior ejus vacatio cultui divino, salutis animarum, ipsique fundatorum menti præjudiciosa sit.

2) Non nisi digniori b) qui nempe

a) illis ornatur dotibus, quas *jus commune*, si-  
ve statuta ecclesiarum *particularia* requi-  
runt;

b) & qui consideratis omnibus Ecclesiæ uti-  
lior futurus creditur. c)

b) Indigno si beneficium conferatur, nemo negave-  
rit, nullam esse collationem *Conf Cap. 22 de  
elect. & cap. 7. 14. eod. in 6. cap. 1. de instit. in*

6. cap. 7. de cler. excom. Dignus igitur fit oportet, & inter plures dignos dignior, qui beneficium obtineat: *omnia enim jura clamant, ut meliores, & sanctiores eligantur*, ait Fagnanus ad cap. 8. de consuetud. n. 19. Ceterum indulgent, jura humana validam esse beneficii collationem, siquidem neglecto meliore dignus saltem beneficium obtineat, secus enim omnis collatio calumnias, lites, & controversias post se traheret, nemoque beneficium acceptare posset, quoniam se ipsum citra notam ambitionis digniorem aestimare nequit.

c) Seu ut Concilium Trident. Sess. XXIV. cap. 18 de reform. sapientissime monet: *qui etate, moribus, doctrina, prudentia, & aliis rebus ad vacantem ecclesiam gubernandam opportunis ceteris magis idoneus judicatus est*. Hæc præscripta ad Patrones ecclesiarum, qui ad beneficia præsentant, quam maxime pertinere, res ipsa loquitur. At utinam non doceret experientia, mores a saluberrima hac doctrina frequentissime discedere, ipsaque beneficia hominibus, non homines beneficiis dari!

3) Canonice, seu secundum præcepta Canonum; id est:

- a) gratuito, absque simonia;
- b) libere, absque coactione;
- c) absolute, & determinate;
- d) integre, sine diminutione;
- e) & definito tempore. d)

\*) De tempore, intra quod singulæ beneficiorum species conferri debent, suo loco dicetur; liberam, & absolutam debere esse beneficii collationem docet cap. 2. de his, quæ vi &c. & cap. 2. de elect.



in 6. Conf. Concordati Calixtini tenor in Prolegom. cap. II. §. II. n. II.

§. V.

MODI PERVENIENDI AD BENEFICIA MAJORA.

I. Modi, quibus beneficiis *majoribus*, si vacaverint, providendum est, a jure ecclesiastico probati, sunt sequentes: nimirum

- a) Electio, seu vocatio personæ idoneæ ad prælaturam ecclesiasticam per eos, qui jus suffragii habent, canonice facta, & a Superiore ecclesiastico regulariter confirmanda;
- b) Postulatio, seu petitio a capitulo, vel alio jus nominandi habente ad Superiorem directæ, ut is personam impedimento canonico, dispensari tamen solito, laborantem ad prælaturam ecclesiasticam admittere velit: c)
- c) Nominatio regia, qua Princeps personas prælaturis ecclesiasticis præficiendas designat, salva tamen Ecclesiæ eas confirmandi, & ordinandi facultate;
- d) Translatio, qua Prælati ecclesiastici ab una ecclesia ad alteram canonice transponuntur.
- e) Postulatio ita definita *solemnis* est; alia *minus solemnis*, seu simplex dicitur, qua consensus Superioris, in electionem canonicam sui subditi, nullo impedimento laborantis, exquiritur, quæ

proin ad regulas electionis componitur, de qua  
mox.

II. Circa electionem igitur hæc præcipue notanda sunt:

1) ratio, quæ electio ad capitula devenerit? f)

a) Compositis illis, quæ ob investituras per baculum & annulum orta sunt, transactione calixtina diffidiis, clerus & populus circa electiones Episcoporum reditus suo juri est; g)

b) postea ecclesiarum cathedralium Canonici, qui alias majoris momenti negotia cum suis Episcopis pertractarunt, sibi solis quoque jus electionis, tacentibus ceteris, vindicare cœperunt, Pontificum dein, ac Principum sanctionibus ipsis stabilitum: h)

c) at amaris denuo tum ob *Regum interpellationes*, tum *Pontificum reservationes* Sacerdotum inter & Imperium exortis jurgiiis, jus denique istud per Concordata Germaniæ capitulis restitutum est. i)

f) De variis constituendorum Episcoporum ab origine Ecclesiæ usque ad initas transactiones inter Sedem Romanam & nationem præsertim Germanicam vicissitudinibus in Prolegom. cap. II. §. II, actum est. Conf. etiam hac de re Pechm P. II, § 179 seqq. Hic loci de illis vicissitudinibus agendum superest, quas eligendorum Episcoporum ratio a Concordati Calixtini ætate ad nostra usque tempora experta est.

g) Vid. Transactio Calixtina in concordat. nation. german. integr. tom. I. p. 34. seq. Supponebat id



id Gregorius VII. pro libertate electionum constantissime pugnans, ut legitimum *lib. I. epist. 35.* hujusque principis Transactio Calixtina superadificata fuit.

b) Jus illud seculo XIII. ad capitula transiit, populo vel ideo prerogativam transactione Calixtina sibi restitutam non reclamante, quod eandem regis nominationibus antea advetus non admodum cordi habuerit. *Conf. tit. de elect. & post. pralat. item aurea bulla Friderici II. de libert. eccl. de an. 1213.*

c) Exceptis quibusdam casibus Pontifici reservatis; quoad reliquos vero ipsa eligendi libertate ad alia quoque collegia ecclesiastica, & regularium conventus extensa. (Vid. *Concordat tenor. in Prolegom. cap. II. § II n. III.*)

2) Quinam voce activa gaudeant?

a) Jure *communi ordinario* omnes & soli Capitulares b) qui proin & omnes vocandi sunt: c) cedere tamen juri suo, aut legitime impediti *Procuratorem* constituere possunt. m)

b) Jure *extraordinario*, privilegii Pontificis, vel ex lege *foundationis*, aut *unanimi Consensu* Capitularium, *præscriptione* &c: etiam extranei. n)

k) Canonici capitulares dicuntur, qui votum & sessionem in capitulo (*P. I. cap. I. §. VIII. n. II. nor. q)* habent; ab his differunt *domicellares* voto & sessione in capitulo eousque non gaudentes, donec post aliorum capitularium obitum in eorum locum subrogentur.



- l) *Cap. 42. § 28 de elect.* Si eorum vel unus non vocatur, de contemptu agere potest ad rescindendam electionem *Cap. 38. 36. de elect.*
- m) *Cap. 42. § 1. de elect.* Procurator unus ex Capitulo, vel si Capitulum consenserit, etiam extraneus, Clericus tamen constituendus est, modo absens de justo impedimento iurijurandi religionis, capitulo id exigente, fidem faciat. Imo plures etiam constituere procuratores fas est, aut singulos in solidum, non quidem ut omnes suffragentur, sed ut admittatur, qui reliquos praevenit, quique a maiore parte capituli delectus fuerit, aut prior in litteris mandantis nominatus *Cap. 42. de elect. Cap. 46. ibid. in 6.* Cum autem Capitularium quis alterius quoque nomine eligit, non potest anticipi conscientia dividere suffragia in diversos, sed debet & suum, & Principalis conferre eidem personae, nisi de certa persona eligenda dederit sibi Dominus speciale mandatum. *Cap. 46. ibid. in 6.* Per litteras autem fas non est mittere suffragium; cit. *cap. Conf. Laics pralection. canon. de legit. Episcoporum. institut. § 31.*
- n) *Cap. 40. de elect. cap. 3. de consuetud. cap. 3. de caus. possess. in fine cap. 1. de praescript. in 6. Conf. Zech de hierarch. eccles. §. 21.*
- 3) Quinam eligere nequeant?
- a) *Laici omnes; o)*
  - b) *innodati Excommunicatione maiori, suspensi a iure Capituli, personaliter interdicti, aut in loco interdicto temerarie celebrantes; p)*
  - c) *nondum subdiaconi, nisi contraria obstat consuetudo; q)*
  - d) *ab-*





*mens* susceptus; reliqui vero ita sint comparati, ut intra annum sacerdotio initiari queant;

c) *professio religiosa* in eo ordine facta, in quo quis ad Prælaturam regularem promovendus est. u)

u) *Cap. 7. de elect. Concil. Trident. Sess. XXII. cap. 1. & Sess. XXIV. cap. 12 de reform.*

5) Quinam voce passiva destituantur?

a) *Irregulares omnes*; v)

b) *simoniati*, pecunia etiam ipsis nescientibus, modo non in fraudem aut odium, ab aliis oblata; x)

c) *plura beneficia incompatibilia sine dispensatione retinentes*; y)

d) *Regulares proprietarii*; z)

e) *excommunicati* excommunicatione etiam minore, *suspensi* ab officio vel beneficio, *personaliter interdicti*, vel *interdictum locale*, aut *personale violantes*; a)

f) *in electionem sui, per abusum secularis potestatis factam*, aut alias, *antequam eligerentur, consentientes*; b)

g) *indigni, vel minus digni*; c)

h) *indignum scienter eligentes per triennium*, d)

v) *Conf. huj cap. §. 1. num. II. seq.*

x) *Cap. 59. de elect. cap. 27. & 33. de simon* Excipitur quoque catus, ubi sciens offerri pretium constanter & expresse contradixit.

y) *Conf. præced. §. IV. n. II. not. q)*

z) *Concil.*



2) Concil. Trident. Sess. XXV. cap. 2. de Regular.

a) Cap. 7. & ult. de cler. excomm. cap. 8. de consuet.

b) Cap. 20 de elect. cap. 26. de jur. patron. cap. 46. de elect.

c) Conf. preced. § IV n. V. 2. not. b) quæ enim ibidem de indignis beneficiatis dicta sunt, de electis quoque indignis valent. Nimirum 1) irrita est electio indigni sive indignitas ex defectu, delicto aut censura (excepta minore excommunicatione, ubi electio expresse irritanda dicitur cap. fin. de Cler. excomm.) oriatur, pro foro utroque, & ipso jure, etsi electio solum prohibeatur, nec verbis expressis irritetur: lex etenim prohibens in regu a simul est irritans vid. præcognit. cap. I. §. V n. I. 3. not. r) 2) Inter dignos digniorem quidem adsumi jubent Canones uti Concil. Trident. Sess. XXIV. cap. 1. de reform. at non eo effectu, ne valeat digni electio, sed ut eligentium oneretur conscientia de digniore quantum fieri potest, eligendo. 3) Indignis accensendus non est extraneus si utilior Ecclesiæ futurus videatur. Cap. 1. de elect. Ceteris tamen paribus eligendus potius aliquis est ex gremio Ecclesiæ. Can. 12. 13. 16 Dist. LXI. can. 19. Dist. LXII. cap. 41. de elect.

d) Plura hac de re vid. apud Zech cit. loc. §. 212. seq.

## 6) Adjuncta electionis.

a) Preparatio electionis fit terminum electionis capitulari consensu definiendo, eundem Superioribus, ac illis, qui præsidii, vel Commissarios mittendi jure pollent, intimando, e) & omnes, qui jus eligendi ha-

habent, per litteras ad absentes singulos missas, *f*) & edictali citatione valvis Ecclesiae adfixa invirando.

b) *Tempus* electionis ad Ecclesiam cathedrallem, vel regularem *trimestre*, ad alias inferiores *semestre* a die notae vacationis determinatum est. *g*)

c) *Locus* decens sit, & regulariter intra vacantis Ecclesiae ambitum, plerumque in *conclavi capitulari* constituitur, ubi celebrata prius Missa de Spiritu sancto, & electoribus S. Synaxi refectis, cetera in canonibus praescripta exacte observanda sunt. *h*)

e) Vi Codicis cit. Pruss. P. II. tit. XI §. 982. competit Principi jus electionem per *Commissarios* dirigendi; eidem igitur etiam terminus electionis intimandus est.

f) Eodem Cod. cit. loc. §. 966. dicitur, sufficere ad citationem, dum litterae, quibus absentes invitantur, ad consuetum eorum domicilium, aut curiam missae sunt. Sed enim particularia locorum statuta hac in re attendenda sunt.

g) Ratio est: ne pro defectu Pastoris gregem dominicum lupus rapax invadat; aut in facultatibus suis Ecclesia viduata grave dispendium patiatur. Quodsi intra tempus istud (justo impedimento cessante) electio celebrata non fuerit, privantur electores ea vice eligendi potestate. Cap. 41. de elect. Conf. Cod. cit. loc. cit. §. 979.

h) Cap. 14. 28. 30. de elect. De ceteris sive remotius, sive proxime ante electionem observandis legatur Lakies cit. loc. §. 38. item Zech cit. loc. §. 215. seqq.

7) For.



7) Forma electionis *triplex*: nempe

- a) Scrutinii, cum præsentibus omnibus electoribus tres scrutatores de collegio adsumti vota singulorum sive *viva voce*, sive *scripto* danda colligunt, votisque numeratis *in communi* publicant, tot esse suffragia, quot electores, & facta collatione ille, in quem *absolute major* pars, quæ hodie & *senior* reputatur, consenserit, capitulo primum, mox & aliis ex loco publico ceu legitime electus denunciatur. i)
- b) Compromissi, quando unanimi eorum, qui jus eligendi habent, consensu uni pluribusve eligendi potestas vel *absolute* vel *limitate* seu sub certis conditionibus relinquiritur, qui *compromissarii* vocantur; tunc per horum vota *absolute majora* definitur electio, & ab uno, communi compromissariorum nomine promulgatur. k)
- c) Inspirationis vel *vere talis*, si Deus ipse signo manifesto eligendum designaret, vel *præsunto*, cum electores, nullo tractatu prævie habito, in eandem personam uno ore consentiant. l)

i) Hæc eligendi ratio usitatissima est; utque præscripto modo omnia paragantur, exposcit 1) ut eligantur *Scrutatores* electione nullis solennitatibus adstricta, ac proinde etiam publica; 2) ut isti suffragia sive *viva voce* data, sive in chartam conjecta *secrete*, *singillatim*, *diligenter* colligant, Cap. 42. de elect. *Secrete* a Scrutoribus vota exquirenda sunt, ne palam fiat, quem quisque suffragio suo honorarit. *Diligenter*, ne nimirum

mirum quispiam ex electoribus aut suam schedulam in urnam demittere negligat, aut in eandem plures schedulas demittat. *Singillatim*, ut vota viva voce edita scripto excipi possint, ne in oblivionem abeant. Ceterum usitatus est, ut scripto vota dentur, ac electiones quidem Regularium, Abbatum, Generalium, & Abbatissarum per vota secreta fieri Synodus *Trident.* conceptis verbis præcipit. alit. rque factas electiones irritas esse statuit. *Sess. XXV. cap. 6. de regular.* 3) ut ipsi scrutatores a se ipsis mutuo excipiant suffragia, & quidem si per schedulas vota eduntur, nihil interest primo an postremo loco suffragia sua in urnam demittant. Contra est, si viva voce id fiat, ut ne enim in eorum sit potestate, votis suis vim electionis elevare, primus ante omnia a reliquis scrutatoribus vota excipit, hique rursus a primo; 4) ut vota examinent, num nimirum sint certa & categorica; quodsi enim *alternativa*, aut *conditionata*, aut *incerta* fuerint, pro non adjectis habenda sunt, iique, qui eo modo elegerint, pro ea vice jure eligendi priventur. *cap. 2. de lect. in 6* 5) ut suffragia numerent, utrum nempe eorum numerus electorum numero congruat. Nam alioquin comburenda sunt schedulae, atque aliud scrutinium instituendum. *Cod. cit. Pruss. cit. loc. §. 985* 6) ut scrutinium publicent, seu personas exprimant, qua suffragia meruerint, minime autem quot, qualesve personae huic, illive faverint. Publicatio eam habet vim, ut mutandae voluntatis potestas electoribus adempta censetur. *cap. 58. de elect.* 7) ut vota inter se conferant eo ex fine, ut adpareat, in quem omnes, vel major, vel sanior pars capituli consenserit. *cap. 42. de elect.* Est vero *collatio*, votorum si jus spectes, *triplex*: numeri ad numerum, zeli ad zelum, meriti ad meritum. 8) ut deum illum, in quem major pars consenserit, ceu



aeu legitime electum pronuntient. Volunt quidem canones, ut legitima habeatur electio, & *sanio rem partem* consensisse. *cap. 57. de elect.* At cum, quæ fuerit sanior, difficulter judicari possit, in usu partis duntaxat majoris haberi solet ratio. Sunt autem vota vel *absolute majora*, cum scilicet habita ratione totius capituli major eligentium numerus consentit: aut *respective* quæ, ut verbis utar *cap. 48. & 50. licet majorem partem faciunt partium comparatione minorum, non tamen ad majorem partem capituli pervenerunt.* Ad legitimam electionem *absolute major* pars votorum requiritur, exceptis casibus quibusdam extraordinariis, de quibus vid. *cap. 40 53. de elect. cap. 22. eod. tit. Conf. Schenk. §. 476. Schol.*

- k) Quando per scrutinium, repetitum etiam, absoluta votorum majoritas obtineri haud potest, adhiberi plerumque *Compromissum* solet, circa quod præscribunt canones 1) omnes nemine dissentiente in hunc eligendi modum consentire oportere. *Cap. 29. de reg. jur. in 6.* 2) nihil referre, in unum aut plures consentiant. *Cap. 8. & 40. de elect.* dein 3) ejusdem sint collegii, an extranei compromissarii modo sint *ex numero Clericorum.* *Cap. 8. de elect.,* qui 4) leges compromissi exacte observent, siquidem electionem velint subsistere. *Cap. 32. 52. de elect. cap. 29. eod. in 6.* modo nihil contineant in fraudem formæ a canonibus præscriptæ. *Cap. 23. eod. in 6.* 5) Si plures sint compromissarii, nec limitata eorum potestas, possunt isti aliquem ex se ipsis eligere, & ab aliis electus potest tuo suffragio electionem complere. *Cap. 33. de elect.* 6) Sæpissime tamen adhibetur scrutinium *mixtum* compromisso, ut compromissarii teneantur secreto exquirere vota omnium, & eum eligere, in quem major & sanior pars capituli consenserit. *Cap. 23. 29. de elect. in 6.* Quo in casu ea, quæ in scrutinio servanda sunt, etiam in compromisso adhibenda erunt

erunt. 7) Quodsi indignum eligant compromissarii, jus eligendi ad compromittentes revertitur. *Cap. 37. eod. in 6.* 8) Expirat compromissum instar mandati vel per revocationem, re adhuc integra, id est, cum compromissarii ad ipsum electionis actum nondum processerunt, factam, *cap. 30. de elect.* vel per lapsum temporis a capitulo aut a jure præscripti. *Cap. 41. eod.* vel per electionem peractam, etsi effectum non fortitur. *Cap. 37. de elect. in 6.* vel demum morte unius ex compromissariis, eo quod non in singulos, sed in omnes compromitti soleat. 9) Electio per compromissum facta promulganda est ab uno communi compromissariorum nomine. *Cap. 21. de elect. in 6.* Conf. cit. Cod. Pruss. cit. loc. §. 992. seqq. Ceterum quoniam duplex hæc forma in ecclesiis viduaris observanda præcipitur (*cap. 42. de elect.*) communi interpretum doctrina invaluit, ut solennitates hactenus recensitæ ad eorum Prælatorum duntaxat electiones pertinere censeantur, qui ob vinculum quasi conjugale cum Ecclesia spiritualiter contractum (*cap. 4. de translat. Episc. cap. 21. de elect.*) sponsi Ecclesiæ dicuntur, quorumve morte Ecclesiæ remanent viduatæ, & sine pastore. Quare observanda est hæc forma in electionibus 1) Episcoporum: 2) Abbatum; & Prælatorum regularium, qui Monasteria obtinent in titulum perpetuum: 3) Prælatorum præcipuorum Ecclesiarum collegiarum, qui in spiritualibus generali præditi sunt jurisdictione in iisdem Ecclesiis; non autem 4) in electionibus superiorum regularium etiam generalium, qui perpetui non sunt, servata tamen forma Concilio Tridentino præscripta *Sess. XXV. cap. 6. de regular.* neque 5) in aliis dignitatibus personaribus, & canonicatibus Ecclesiarum. Conf. Fagnanus ad *cap. 42. de elect. n. 5. seq.* Singularis quoque non nulla in electionibus Abbatissarum & Summi Pontificis sancita sunt *cap. 43. de elect. in 6.* Concilii



*Tridentini Sess. XXV. cap. 7. de regular. Clement. 2. §. ceterum de elect. item cap. 6. de elect. Conf. Pechem cit loc. P. II. §. 201. seq.*

f) *Inspirationis* divinæ exempla quædam antiquitas habuit: qualia sunt Fabian apud Eusebium *hist. eccles. lib. VI. cap. 29.* Alexandræ apud eund. *lib. cit. cap. 11* Martini apud Severum Sulpitium *in vita Martini cap. 7.* De quasi inspiratione monet Espenius *P. II. tit. XXI cap. 4.* non facile esse admittendam, & probandam, ne sub prætextu ejusmodi divinæ impulsus regulæ electionum ab Ecclesia præscriptæ negligentur, & tumultuariis, & præcipitatis electionibus via aperiatur. Ad id, quod notat Neller *dissert. de S. elect. processu §. 5.* inspirationem non esse propriæ electionis formam, sed duntaxat, ut ex capituli 42. *de elect.* verbis eruitur, exceptionem, quæ electores ab observandis duabus præmissis formis absolvit; exceptionibus vero, ne legis auctoritas vilesceat, non facile dandum esse locum.

## 8) Effectus electionis.

- a) Electione peracta mentem mutare electores nequeunt, sed electo absenti intra octiduum ab eo tempore, quo commode fieri potest, computandum electio significanda, & ab eo intra mensem acceptanda est; m)
- b) qui proin per consensum jus quidem ad rem, non tamen in re nanciscitur; n)
- c) in Germania tamen illi, qui in concordia electi, a Pontifice vero adeo remoto confirmandi sunt, tum in spiritualibus, tum etiam, excepta rerum alienatione, in temporalibus administrationem mox consequuntur. o)

m) *Cap. 6. § 16. de elect. in 6.* Si electus intra mensem consensum suum aut non negat, aut non præstat, amittit jus ex electione sibi quæsitum, nisi conditio personæ amplius spatium requirat. *cap. 6. cit.* Tenetur vero electus negare consensum, si impedimento licet occulto irretitum se noscat. *cap. 20. de elect.* Ast ad præstandum ad sensum cogi non potest, etsi nullius vitii sibi conscius sit. *Nov. 2. in append. cod. Theod. Simplicius P. epist. ad Joann. Ravenat.*

n) *Cap. 44. de elect.*

o) *Cap. eod. ibid. §. Ceterum.* Sed conf. *Cod. cit. Pruss. cit. loc. §. 1010.*

## 9) Confirmatio electionis, p)

a) intra *Trimestre*, a dato electi consensu q)  
a Superiore immediato, r) in Germania,  
quoad Episcopatus, & Abbantias consistoriales,  
a Pontifice peti, s) & facta causæ cognitione,  
eque legitima inventa, ab eodem concedi debet; t)

b) per eandem *jus in re*, seu jurisdictio ipsa,  
exceptis, quæ sunt ordinis episcopalis, &  
consecrationem requirunt, obtinetur; u)

c) necitur *vinculum spirituale* inter Ecclesiam  
& Prælatum; v)

d) et per clausulam: *Supplentes* &c. ea, quæ  
fors contra legem humanam in electionem  
irrepserunt, vitia sanantur.

p) *Confirmatio* decretum superioris est, quo electionem  
canonicam esse, prævia electionis cognitione  
& probatione declarat.



- q) *Cap. 6. de elect. in 6. Cod. cit. loc. cit. § 1092. Conf. vero ejusdem Cod. § 1009 ibid.*
- r) Est enim confirmatio actus jurisdictionis; igitur ad immediatum Superior m spectat
- s) P. I. Prolegom. cap. II. § II. n III. lit. b) Solus Archiepiscopus *Salisburgensis* in Germania gaudet jure confirmandi quatuor Episcopos suos suffraganeos *Seccoviensem, Gurcensem, Lavantinum, & Chiemensem.* Vid. Zallwein tom. IV Q. IV. cap. I §. 8
- t) *Cap. 3. de elect.* Antequam vero Romæ confirmatio tribuatur, duplex hodie processus instituitur, alter *informarius* in partibus, alter *definitivus* in curia: formam utriusque exhibet Lakiés loc. cit. §. 103 seq. Ad utrumque recte peragendum requiritur 1) ut ab Electro æque, ac a Capitulo exhibeantur cuncta ad instruendam justæ & canonice electionis probationem necessaria. *Cap. 44. de elect.* 2) ut Electus ad sedem apostolicam iter intra mensem a die præstiti consensus arripere, aut impeditus procuratorem rite instructum mittere non moretur. *Cap. cit. 44. §. Ceterum: & cap. 16. de elect. in 6.* nisi hæc obligatio Episcopis & Prælati sit remissa. Conf. SchenkI cit. loc. §. 481. Schol. ubi, quæ circa petendam confirmationem in Germania usitata magis sunt, recenset.
- u) Sunt tamen aliqua ad jurisdictionem potius, quam ad ordinem episcopatem pertinentia, quorum jus confirmatione ipsa ante consecrationem non acquiritur: nempe 1) cognitio causæ feudalium primo ad Episcopum pertinere dicitur, ex quo fuerit consecratus *Cap. 7. de for. compet.* hujus dispositionis probabilem rationem assignat Berrardus loc. cit. tom. I. pag. 150. 2) confirmati, sed nondum consecrati non possunt clericum ab ordine deponere: delegare degradationem, aut clericum in manus curiæ secularis tradere. Vid. Lakiés loc. cit. §. 108.

v) *Cap. 4. de translat. Episcop.*

### III. Circa postulationem adrendenda sunt

1) impedimenta dispensari solita, quibus ligatus quis non quidem *eligi, postulari* tamen *potest, ac debet*; quæ sunt:

a) defectus natalium; x)

b) ordinis; y)

c) ætatis; dummodo ad Ecclesiam cathedrallem postulandus non sit minor XXVII. annis; z)

d) professionis religiosæ; a)

e) libertatis, dum quis jam spirituali conjugii vinculo certæ Ecclesiæ adstrictus est. b)

æ) *Cap. 20. de elect.*

γ) Ut si e. g. ad prælaturam quancunque laicus peratur, vel in minoribus ordinibus constitutus ad Ecclesiam cathedralem. *Can. 10. Dist. LXI. cap. 22. de elect.*

2) Si minor annis XXVII. postulatus quocunque modo suæ postulationis admissionem apud Sedem apostolicam promoverit, neque eligi deinceps, neque postulari potest, donec annum ætatis XXXV. attigerit.

α) Hoc impedimento ligatur Novitius, vel alius nunquam professus *Cap. 27 de elect. cap. 18. ibid. in 6.*

β) Uti sunt Archiepiscopi, & Episcopi non modo consecrati, sed etiam confirmati tantum. *Cap. ult. de postulas.* Præter hæc impedimenta dantur alia, in quibus non potest, aut non solet dispensari, quibusque laborantes prohibentur postula-



ri. Tales sunt 1) omnino illiterati. *Cap. 22. de elect.* 2) Simoniaci. *Cap. 12. in fin. ibid.* 3) Falsarii. *Cap. 7. de crim fals.* 4) Aliicriminosi, moribusque infames. *Cap. ult. de temp. ordin. cap. 87. de reg. jhr. in 6.* 5) Bigami, & ex damnato coitu progeniti. *Cap. 10. de renuns.* 6) Corpore vitiiati. *Cap. 21. de elect. & 6. de corp. vitiat.* 7) Minores annis XXVII. ad Ecclesias cathedrales. *Vid. not. præced. 2)* 8) Religiosi ex ordine mendicantium ad Ecclesias cathedralibus inferiores, (*Extrap. un. de postulat. inter comm.*) qui postulationem de se non jure factam sollicitantes inhabiles fiunt, idque in perpetuum ad aliam quamcunque extra ordinem gerendam administrationem. *Vid. Neller in collect. method. SS. Canonum, de postulat. prælat. §. 2. ad lit. b. cris. 2.*

2) Forma postulationis, & numerus votorum necessarius.

- a) Cautius, si non necessario, forma *compromissi* vel *scrutinii* adhibetur; c)
- b) rumque in regula, sicut in electione, vota *absolute* majora sufficiunt;
- c) si vero postulario cum electione *concurrat*, postulatio verosimilius non prævalebit, nisi *duæ tertice* totius capituli postulato favent, nec vincet electus, nisi *ultra unam tertiam* totius itidem capituli sibi habeat suffragantem. d)

- e) Qualiscunque autem teneatur forma, non tamen licet his vel similibus uti formulis: *eligo & postulo: postulo eligendum: eligo postulandum* &c. utpote incertis, & inter se pugnantibus. *Cap. un. de postulat. in 6.* In dubio tamen, utrum quis eligendus vel postulandus sit, valet hæc formula: *eligo & postulo, prout melius de jure valere potest,*

test, quò casu, qui sic postulabitur, dum consensus ejus exquiretur, declarabit, utram viam præoptet, electionis an postulationis? Quodsi vero certum sit, aliquem esse postulandum, non debet sub pœna nullitatis adhiberi verbum *elige* nec vicissim. *Cap. 4. § ult. de postulat.*

- 2) *Cap. 40. de elect.* quod eo minus jam dubio caret, ex quo Innocentius XI anno 1688. die 20. Sept. confirmavit electionem Clementis Bavaricæ Ducis in Archiepiscopum *Coloniensem* electi *novem suffragiis* ex 24 Capitularibus contra postulationem Fürstenbergii *tredecim* suffragiis factam. Conf. etiam Joan. Christ. Koch diss. *de vocis duplo majoribus*; item Cod. cit. Pruss. cit. loc. §. 938 & seq. Ceterum rarior est hodie, sicut postulatio, ita ejusdem cum electione collisio, cum plures sibi prius de *Brui eligibilitatis* prospiciant, quo defectus ille, qui electioni obstaret, jam remissus censetur.

### 3) Admissio postulationis

- a) a postulantibus petenda, e) & ab illius, qui jus confirmandi habet gratia pendet, f) sed, siquidem eam evidens ecclesiæ utilitas svadeat, denegari licite non potest; g)  
 b) quodsi tamen e. g. ob *indignitatem personæ*, aut aliam postulantium culpam denegetur, jus provisionis tamen ad capitulares *innocentes*, etsi *unicus* is foret, regreditur. h)  
 c) Prius vero præsentanda est postulatio rite peracta postulat. & ab hoc consensus conditionatus præstandus.  
 f) Cum igitur jus confirmandi Episcopos Pontifici Romano competat (vid. *n. præced. II. 9. lit. a. not. 1*) atque in Germania ad Abbatis quoque con-



confistoriales extendatur (*ibidem*) sequitur, apud Pontificem Romanum interponendam esse Episcoporum aliorumque Prælatorum immediatorum, in Germania inprimis postulationem, quaesito, ac obtento prius in provinciis nostris ex lege cit. Cod. cit. loc. §. 1009. Principis territorialis consensu; ceterorum vero Prælatorum mediatorum apud Episcopum aut Archiepiscopum veluti immediatum horum Superiorem; quo tamen casu, si Postulandus impedimento laboret Pontifici reservato, res ipsa loquitur, adendum tum esse simul Pontificem, ut inpedimenti veniam faciat. In litteris autem postulationis, ad quemcunque Superiorem dirigantur, exprimendi sunt omnes, quibus postularus laborat, canonici defectus, utpote quorum facienda est relaxatio. Si postulantes scienter hoc facere omittant, præterquam quod postulatio viribus careat, ipsi quoque pro ea vice eligendi, & postulandi jure excidunt. Cap. 20. de elect. cap. 1. §. 2. de fil. presb. in 6.

- 3) Violare enim officia sua nemini licet. At quisque Ecclesiæ Superior ad promovendam communem Ecclesiæ utilitatem ex officio obligatur; ergo & ad postulationem admittendam, quam evidens Ecclesiæ utilitas svadet. Quod si igitur subordinatus Superior hoc in casu postulationem repelleret, possunt postulantes, non autem postulatus, ad Superiorem, cui ille subordinatur, provocare, ut admissionem postulationis impetret. Aliud dicendum est, ubi de evidente utilitate ex admissa postulatione promanatura haud constat; posse tunc Papam, etsi personæ merita adessent, salvis etiam Germaniæ Concordatis postulationem rejicere, patet vel ex eo, quod dispensationes, quibus in admissione postulationis semper locus est, rarissime tantum, ac non nisi ex causa majoris utilitatis concedendæ sint. Ubi Germaniæ Concordata contrarium asserere



videntur, de confirmatione electionis, in qua nulla dispensatio intercedit, intelligenda sunt. Conf. Barthel *dissert. III. de concord. cap. 3* & Thesaur. J. E. tom. II. prg. 765.

b) Cap. 23. de elect. idem valet, ubi *digna ceteroquin* personæ postulationem in casu not. præced. expressio Pontifex rejicit. Ratio est: ne relinquatur occasio Superioribus jura eligentium, aut postulantium ambiendi, atque provisiones beneficiorum quocunque sub prætextu arbitrio suo denique subjiçendi.

#### 4) Effectus postulationis:

a) ante admissionem postulatus jus nullum omnino consequitur; i)

b) *admissa* vero vis eadem est, ac electionis confirmatæ. k)

i) Ut enim jus quodpiam adquiratur, acceptatio accedat, necesse est. Ast ea, quam postulatus præstitit, a conditione admissionis ex gratia Superioris sequuturæ suspenditur; ergo, antequam hæc sequatur, nulla fere est; nullum igitur etiam effectum producit. Vid. not. præced. e) Inde vero provenit, quod 1) postulatus negotiis Ecclesiæ, ad quam postulatus est, nullo modo sese ingerere audeat; 2) quod postulantem revocare postulationem, licet jam oblatam postulato, sine injustitia, non tamen decenter possint. En unum inter cetera postulationis ab electione discrimin! Conf. n. præced. II. 8

k) Admissa enim postulatione declarat Superior, nihil jam obesse, quominus postulatus ad beneficium promoveatur: atqui idem per electionis confirmationem fit, ut ex n. præced. II. 9. not. p) colligitur; quidquid ergo ibid. *lit. b. c. d.* de confirmationis effectibus dictum est, valet etiam de



de postulatione jam admissa. At quid 1) de postulatione a Superiore rejecta? — Si ideo rejicitur, quia postulatus tali impedimento laborat, in quo vel non solet, vel non potest dispensari, & postulatio suffragiis facta sit unanimibus, locus est juri devolutionis: *Cap. 1. de postulat. cap. 2. ibid. cap. 7. de elect.* & indignum postulantes triennii suspensionem a beneficiis incurrunt; *Extrav. un. de postulat. praelat. inter comm.* Aliiter se rem habere, dum aut dignus, aut indignus quidem sed non omnium votis postulatus rejicitur, *praced. n. 3. not. h)* diximus. Nimirum redit priore in casu jus eligendi vel postulandi ad postulantes; in posteriore vero ad innocentem solum, reliquis præterea per triennium a beneficiis suis suspensis. Quid 2) de postulatione simplici? Ad regulas electionis istam componi *praced. n. 1. not. e)* indicavimus. Adde ratione hæc 1) Cardinales non Episcopos, *Cap. 3. de postulat.* 2) Clericos beneficiatos alienæ diocæseos *Can. 37. caus. VII. Q. I.* 3) Religiosos ad alienas Abbantias, *cap. 27. de elect. in 6.* postulari, exceptis religiosis mendicantibus, quos non posse postulari ad Ecclesias cathedralibus inferiores, aut monasteria extra suos ordines *praced. not. b)* dictum est.

#### IV. Nominatio regia 1)

- a) naturam electionis & postulationis sequitur, eosdemque producit effectus; m)
- b) unde & confirmationem vel admissionem a Pontifice Principes petunt, n)
- c) ac conditiones in Concordatis vel Indultis præscriptas observare debent.

d) *Nominatio*, vi cujus Reges ac Principes christiani in suis regnis, & provinciis Archiepiscopos, Episcopos, aliosque Prælatos designant, præsentant

tant, & constituunt, usitata erat sub Regibus in Gallia, Belgio, nunc adhuc in Hispania, Lusitania, Hungaria, & Bohemia, alibique jure Patronatus Regii, & consuetudinis. In *Silesia* ita cum electione conjungitur, ut *tres* semper ad Abbatiam vacantem eligi debeant, e quibus postea Rex *unum* nominat a Superiore confirmandum,

m) Unde 1) qui nec eligi, nec postulari possunt, iidem etiam non debent nominari. 2) qui electionis sunt capaces, simpliciter; qui de jure sunt postulandi, cum postulatione nominari debent

n) Conf. Van Espen *P. I. tit. XIV. cap. III.*

## V. Translatio o)

a) non nisi exigente utilitate gravi, aut necessitate p) & per legitimum Superiorem q) qualis nunc circa Episcopatus Romanus Pontifex est, cui *causae majores* reservantur, facienda, r)

b) tollit vinculum, & jus omne in amissam, & jam *vacantem* ecclesiam, salvis tamen redivisibus officio jam praestito respondentibus. s)

o) *Translatio* in sensu *latiori* est Praelati cujusque; in *strictiori* vero Episcopi ab una ad aliam Ecclesiam legitima auctoritate facta adsumptio. Posteriores distinguunt aliqui a *translocatione* ita, ut illam *volenti* & in melius, hanc autem *invito* & plerumque in deterius contingere velint. Distinctionis hujus minimum esse usum vel inde apparet, quod an quis Episcopus transferri invitatus queat, plures disputent, Conf. Thomas fin. *P. II. lib. II. cap. 64. n. 9.* Pechem *P. II. §. 232.* Quidquid sit horum: *translatio*, quae *tria* involvit 1) *renuntiationem* Praelaturae seu dignita-



dignitatis ecclesiasticæ; 2) *provisionem* de alia dignitate; 3) *admissionem* tum renunciationis, tum novæ provisionis, severis satis legibus in antiqua Ecclesia *verita* fuit. Nec abs re quidem: cura enim animarum continuum laborem exposcit, atque tempore opus habet ad conciliandam fiduciam, sine qua pastorale munus cum fructu obiri nullo modo potest; huic prout etiam officio noscendi oves suas frequentiores translationes, quantum noceant, res ipsa loquitur. Accedit translationum licentia avaritiæ & ambitioni portas aperiri. Hoc malum cum jam in Ecclesia invaluisset seculo IV. Concilium *Nicaenum I. Can. 15.* omnes translationes *irritas* declaravit. & *Sardicense can. 1.* pœnas gravissimas adjecit, (Vid. *Caus. VII. Q. I. can. 19. seq.*) confirmante hosce canones frequentissime universa Ecclesia. *Cap. II. de elect.* Ubique igitur obtinet, pro *exceptione* a lege habenda est.

p) *Can. 34. 42. 44. Caus. VII. Q. I.* Ratio est: quod exceptiones a lege non nisi hac ex causa ceu *suprema* omnis S. imperii, & legum ecclesiasticarum norma & *mensura* locum habere possint.

q) Olim translationes Episcoporum auctoritate Synodorum provincialium fiebant, sæpe tamen Patriarcharum, aut Papæ consensus requirebatur. *Conf. P. I. cap. I. §. I. n. V. not. a)*

r) Labentibus nimirum seculis tum per consuetudinem, tum ob Conciliorum provincialium infrequentiam, & languidicrem auctoritatem omnes Episcoporum translationes ceu *causæ majores* Pontifici reservatæ sunt, & ad eundem hodie private spectant, P. I. loc. cit. item Thomas. sin. loc. cit. *cap. 61. n. 12. seq.* Rigger *P. II. §. 381. seq.* salva tamen Episcoporum auctoritate quoad translationes Prælatorum non exemptorum, & clericorum inferiorum. Qui *propria aucto-*

auctoritate ab una Ecclesia migrant in aliam, hodie privantur utraque (Leo M. in *epist. ad Anastasium Thessal. cap. 8. Cap. 3. de translatione*) seorsum ac olim, ubi nunc mitior, nunc severior poena imminabat; Vid Concil. *Nican. I. can. 15. Sardicen. can. 1.*

- s) *Cap. final de postulat. Causs. X. Q. II. can. 2. Causs. XII. Q. I. can. 33. Et ult. Conf. Covaruvias lib. I. var. resolut. cap. 15. n. 12.* Vacantis Ecclesie provisio Sedi apostolicæ reservatur. Extrav. Ad regimen: inter comm: præbend. Concordat. Nation. germ: §. II. Exinde vero deducunt non pauci, ad translationes rite peragendas consensum eorum, quorum interest; Regum, qui jus nominandi habent; illorum ad quos provisio alias pertinet, accedere oportere. Van Espen *P. I. tit. XV. cap. IV. §. 21. Conf. Rigger cit. loc. p. 383.*

Quæri solet: a quonam tempore ecclesia per translationem vacare incipiat? Congregatio Card. super negotiis Episcoporum declaravit an. 1624. 12. Decembr. vacare ecclesiam, a qua quis volens transfertur, ab eo tempore, quo Episcopus ab illius vinculo absolvitur in Confistorio Sanctitatis suæ, etiam ante expeditionem litterarum apostolicarum, vel adeptam possessionem secundæ Ecclesie — & habita hujus absolutionis noticia teneri eum abstinere ab exercitio ordinariæ jurisdictionis, eamque transire in capitulum tanquam sede vacante.

VI. Provisionem, nisi translatione fiat, sequitur Consecratio, t) quæ

- a) intra tres menses ab obtenta confirmatione,  
u) die dominica, aut Apostolo sacra, in propria, aut ejusdem provincie ecclesia,  
v) ab



- v) ab Episcopo *consecratore*, & duobus aliis, saltem Abbatibus usu pontificalium præditis, *adstentibus* celebranda est; x)
- b) per eam character ordinis Episcopalis, & jurisdictio propria confertur, & conjugium spirituale, prius *ratum*, consummatur; vacantibus de cetero, quæ ab Episcopo prius possessa erant, beneficiis. y)

z) Seu impositio manuum super caput electi Episcopi sub certis verbis inunctione chrismatis aliisque ceremoniis tempore, loco, ac ritu per canones determinato a legitimo consecratore Episcopo tanquam ministro facta. Ordinationis hujus hodiernos ritus describit Pontificale Rom. *rit. de consecrat. Episc.*; ejusdem variam disciplinam eleganter exponit Lakics *l. c.* §. 122. 125.

u) Olim intra totidem ab electione menses suscipi debebat. Qui eandem hodie ultra idem a confirmatione spatium differunt, restitutione fructuum puniendi, aut etiam, si contumacia per totidem porro menses perduret, jure suo privandi declarantur. Concil. *Trident. Sess. XXIII. cap. 2. de reform.*

v) Idem Concil. *Trident. eod. loc.*

x) *Can. 4. & 5. Dist. LXIV. Conf. Lakics loc. cit. §. no. — 121.*

y) *Cap. 4. de translat. cap. 7. de elect.*

Abbatibus consecrationis loco *Benedictio* tribuitur, quæ licet ad similitudinem consecrationis instituta sit, ab ea tamen quam maxime differt, nec absolute necessaria est, sed ad majorem tantum solemnitatem pertinere videtur. Suscipere eam secundum opinionem communem tenentur infra annum a die eorum electionis computandum, ab Episcopis, in quorum diocesisbus

MORR.

monasteria existunt, quamvis ex privilegio & delegatione Papæ ab Abbate, vel simplici presbytero fieri queat. Vid. Benedictus XIII. *constit. de an. 1725*. Ejus effectus sunt 1) gradus proximus post Episcopos: 2) facultas gerendi baculum pastorem, mitram &c. 3) conferendi regularibus suis subditis ordines minores: 4) ordinis episcopalis quædam participatio quoad usum quorundam pontificalium (*P. I cap. I. §. 10 n. IV.*) quibus etiam uti & defungi possunt, si eos Episcopus tertio humiliter requisitus benedicere renuerit. *Cap. 1. de supplenda negligent. Pralat.*

## §. VI.

### MODI PERVENIENDI AD BENEFICIA MINORA. 2)

I. Beneficiis minoribus providetur primo & regulariter per Collationem liberam, a) quæ jure independenti exercetur, et

- a) primis decem seculis penes Episcopos illæsa permansit, b)
- b) postea vero jure extraordinario Privilegii, Consuetudinis, Transactionis &c. ad alios quoque pervenit. c)

a) Collatio, proprie dicta, est assignatio; seu concessio vacantis beneficii ab eo facta, qui potestatem habet. Alia est libera, alia necessaria; hæc adstricta est ad alterius nominationem, vel præsentationem, atque institutio quoque necessaria vocatur; prior non item. Differt collatio ab electione & præsentatione præter alia in eo, quod illa ante captam possessionem jam jus in re conferat,



ferat, cum ex istis jus tantum ad rem nascatur.

b) Conf. *P. I. cap. I. §. V. n. IV. lit. e. not. c)* item Thomassinus *P. II. lib. I. cap. 33. seq.* Van Espen *P. II. Sect. I. tit. IX cap. 2: & Sect. III. tit. IV. cap. 1.* Quibus in locis hanc Episcoporum in conferendis beneficiis auctoritatem plurimis argumentis solide demonstratam invenies.

c) Ac 1) quidem arrogarunt sibi jus collationis beneficiorum Canonici cathedrales. Qua occasione? vid. apud Rigger *P. III. §. 116. seq.* 2) Pontifices Romani, qui a seculo XII variis titulis jus istud pene omne ad se pertrahere conati sunt, quos tamen in Germaniæ beneficiis ultra terminos in Concordatis positos, nihil moliri posse, notum est. Conf. *Prolegom. cap. II. §. II. n. 4.* item *n. III. ibid.* Imo 3) ipsis laicis aliquando non denegatam beneficiorum collationem, quantum temporalia respicit, adstruunt Van Espen *loc. cit. tit. VIII. cap. IX.* & Thomassinus *P. II. lib. I. cap. 55.* Conf. Rigger *cit. loc. P. III. §. 122.* Sed enim cuicumque jus istud præter Episcopum competat, illud tenendum semper est 1) quod, qui Episcopi collationem restringere prætendit, titulum probare debeat, alias in dubio pro Episcopo est judicandum; 2) quod pro institutione autorizabili ad Episcopum necessario recurrendam sit, quotiescunque ad alium jurisdictione quasi-episcopali non præditum collatio pertinet,

II. Collationi *necessariæ* innectitur *Jus Patronatus*, seu facultas, præter varias prærogativas, nominandi, sive præsentandi clericum ad beneficium vacans. d)

a) Si

a) Si *nomen* spectemus, frustra quoddam in antiqua Ecclesia quærimus vestigium; e)  
 b) at si *res ipsa* adtendatur, jam seculo V. Episcopis ecclesias alibi ædificantibus, postea seculo VII. in Concilio *Toletano IV & IX*, etiam aliis facultas data est, clericos fundatis, vel exstructis a se ecclesiis præficiendos designandi, eos Episcopo loci offerendi, imo & alimenta, si forte fundatores ad egestatem redigerentur, ex hisce beneficiis percipiendi. f)

d) Variantes hujus juris definitiones vid. apud Bæmerum *tit. de patron. §. 4*. Si vero datam mox definitionem pro legitima habeas, nulla negotio, quis *Patronus* dici debeat, inferes. Jure nostro regio illi nomen hoc tribuitur, cui immediata in Ecclesiam inspectio, atque cura circa conservationem, & defensionem ejusdem incumbit. Vid. *cit. cod. cit. loc. Sect. VIII §. 568*.

e) Reperitur quidem nomen istud in juribus romanis, sed non in eo sensu, quo ad materiam nostram pertinet: ibi enim partim illum denotat, qui servum suum manumisit, prout etiam sumitur *can. 61. Causs. XII. quest. II*; partim, ut in *l. 14. §. 1. D. de judic.* pro caussarum advocato accipitur. Ad idem, quod hodie per patronum, & jus patronatus intelligitur, designandum veteres fundatoris & foundationis nomina adhibebant. Nec contrarium probat mentio patroni in *cap. 1. & 2. h. tit.*; quia etiam in collectione prima & in integris canonibus, qui existant in Concilio *Cabilonensi II* sub Carolo M. & *Triburensi* sub Arnulpho desideratur, ut observat Rigger *cit. loc. P. III §. 683*. a Raymundo in loc. cit. vocabulum patroni adjectum fuisse discendum est.



f) Testantur id innumera pene documenta: ac 1) quidem certum est ex *Can. 6. Causs. X. quæst. I.* item *cap. 24. de jur. patron.* jam primis seculis ecclesiarum fundatoribus jura quadam honorifica ex *gratitudine* concessa fuisse. Sic nomina & elogia fundatorum templis inscribi, ipsasque ecclesias eorum nominibus insigniri voluerunt sancti Patres; 2) quod *jus presentandi* adtinet, deprehenduntur ejus vestigia in Concil. *Arauscano I. an. 441. can. 10.* apud Harduin: *tom. I. col. 1785.* ubi Episcopo in aliena diocæsi ecclesiam edificanti conceditur, *ut quos desiderat clericos in re sua videre, teneatur Episcopus ordinare, aut si ordinati jam sint, adquiescere;* quod dein in Concilio *Arelatensi II. de an. 451. can. 39* apud Harduin: *tom. II. col. 776.* confirmatum, atque solum edificatori Episcopo reservatum est; 3) extensum esse jus istud seculo VII. in Concilio *Toletan. IV. an. 633. Toletano IX. an. 655.* imo, si velis, jam seculo VI. in Concilio *Aurelian. IV. an. 524.* etiam ad alios fundatores in primis oratoriorum extra parochias, ac ipsarum quoque parochialium ecclesiarum, colligitur ex ipsis horum Conciliorum canonibus: nempe *Aurelian. can. 6. — Toletan. IV. can. 32.* apud Gratian: *can. 60. Causs. XVI. quæst. I.* *Toletan. IX. can. 1.* apud eund. *can. 31. Causs. XVI. quæst. VII. can. 30. ibid.* 4) At hæc concilia Toletana maxime ad *Hispaniam* pertinent. Seculo VIII. idem jus in *Germania* notum fuisse docet constitutio *S. Bonifacii* Archiepiscopi *Moguntini*, qua vetat *presbyteros sine consensu Episcopi beneficiis præponere.* E quibus testimoniis sane eruitur, rem ipsam, quamvis jura patronatus nomen ignotum fuerit, ab antiquissima ætate extitisse. *Conf. definit. præced. n. II. §. not. d.)* Ceterum persvâsum est Eruditis nomen quoque *Patronorum* paulo post, seculo nempe IX. invaluisse, & obliterata sensim fundatoris

appellatione, in constantem legem abiisse. Insignis locus est apud Hincmarum seculi huius scriptorem in *cap. Synod. Rhemens.* an. 874. in *eius oper. tom. I. pag. 737.* Cum vero nomen istud eo potissimum tempore in usum venerit, quo Patroni amplissimam sibi in Ecclesias potestatem, & quasi proprietatem vindicarunt, concludunt non pauci: fundatores ecclesiarum exinde patronos appellatos fuisse, quod ecclesiarum veluti domini fuerint, ea fere ratione, qua Dominus feudi patronus olim dictus fuit. Quidquid sit, id certe negari non potest: patronos, de quibus hic agitur, ab *advocatis* illis *secundariis*, de quibus *P. I. cap. II. §. IV. n. VIII.* dictum est, semper distinctos fuisse.

a) Dividitur g)

- a) in *ecclesiasticum*, quod competit ecclesiae, communitati ecclesiasticae, vel clerico ratione beneficii, officii, aut dignitatis ecclesiae; in *laicum*, si ex alio titulo debeat; b) & in *mixtum*, si ecclesiastico simul & laico, vel partim ratione beneficii, partim titulo patrimonii competat: i)
- b) in *reale*, quod intuitu rerum & bonorum competit, & ad omnes eorum possessores transit; k) & in *personale*, quod personae citra omnem ad bona respectum proprium est: l) hoc vero
- c) in *haereditarium*, quod ad haeredes quoque transit, qui dein in *stirpes* non in *capita* succedunt; & in *familiare* vel *gentilitium*, quod illis tantum, qui de eadem familia aut genere descendunt, obtingit: m)

d) in



d) in *plenum*, quod omnia Patronatus jura complectitur; & *minus plenum*, cui aliquod ex juribus deest, v. g. si alii jus *nominandi*, alii vero jus *praesentandi* comperat. n)

g) Multis seculis unius duntaxat generis jus patronatus fuisse, neque differentiam ullam inter ecclesiasticum & laicale in antiquis canonibus, & Justiniani novellis occurrere adserit Perhem cit. loc. *P II § 246*.

b) Non obstat, quod clericus eo per accidens e. g. quia haeres bonorum patrimonialium gaudeat. In dubio censei volunt potius esse laicum, quam ecclesiasticum; id quod tamen ratione non condemnanda inficiatur Berrardus loc. cit. *tom. II. pag. 57 seq.* An vero jus patronatus Academiae competens laicale sit, an ecclesiasticum? non conveniunt. Quoad praerogativas juri patronatus laico competentes, laicum censendum esse, defendit Van Espen loc. cit. *cap. II. §. 29 30*.

h) Ex natura juris patronatus *mixti* profuit, duos ejusdem beneficii patronos esse posse, alterum ecclesiasticum, alterum laicum, qui simul jus illud exerceant. Et hoc casu propter communionem non privilegiatus gaudet jure privilegiati, & ex utroque pravalet qualitas magis favens, ne ex communiōne jus alterius laedatur. *Cap. unde jur. patron. in 6.* idque obtinet, etsi praesentationis jus tanquam praecipuus juris patronatus effectus alternis vicibus, seu per turnum exerceatur, modo utriusque patroni nomine praesentatio fiat. Quod secus se habet, si singulus turnarius in suo turno seorsim, nulla compatroni facta mentione praesentet; tunc enim jus patronatus in turno patroni laici mere laicale, in ecclesiastici mere ecclesiasticum habendum erit. Vid. Van Espen loc. cit. *§. 20. seq.*

- k) Istud distribuunt in *regium, feudale, & privatum*; illius mentionem facit Concil. *Trident. Sess. XXV. de reform. cap. 9.* feudale & privatum describit Schenkl §. 506.
- l) In dubio jus patronatus reale potius, quam personale censendum est. Vid. cit. Cod. Pruss. cit. loc. §. 579; rationem adsignat Rigger cit. loc. §. 694.
- m) Addunt complures tale, ex quo quis facultate presentandi, & ceteris patronatus prerogativis gaudeat, quod *activum* vocant; aut unde solum juri cuidam familiae quasitum est, ut ex ea quis designari debeat ad beneficium vacans, quod *passivum* dicunt. Conf. Berrardus loc. cit. tom. II. pag. 89. & seq.
- n) Pertschius in *elem. jur. can. lib. II. tit. XXVI. §. 375.* plenum vocat, quod in jure presentandi, minus plenum, quod in solo consensu, & voto quodam negativo consistit.

### 3) Adquiritur o)

- a) *fundatione seu concessione fundi majoris pretii;*
- b) *exstructione ecclesiae propriis sumptibus;*
- c) *dotatione ex bonis propriis cum consensu Ordinarii facta;* p)
- d) *praescriptione immemoriali, vel possessione per 50 annos quiete continuata intuitu laici.* q)
- o) Jus patronatus consideratur vel primo quatenus *adquirendum*; vel secundo, quatenus *jam acquisitum, in alios transferendum.* Modi id adquirendi sunt 1) *ordinarii*, quo fundatio, exstructio, dotatio; — 2) *extraordinarii*, quo praescriptio ac ut plures volunt, privilegium refertur. Vid. Rigger P. III. §. 698.



2) Solam *foundationem* ad jus patronatus acquirendum non sufficere, sed hæc tria simul, aut saltem *foundationem* cum *exstructione* vel *dotatione* requiri, docent plerique: tum quod, qui fundum duntaxat dono dat, *magis benefactor* quam patronus dicendus sit: tum quod glossa ad *can. 6. Dist. I. de consecrat.* expresse dicat: *Parronum faciunt dos, edificatio, fundus.* Sed enim distinguendum puto cum Pehemio cit. loc. § 253. an *beneficium* fundetur, an *ecclesia*? Si prius: certum videtur, eum, qui bona donavit, ex quibus *beneficium* ecclesiastica auctoritate erigetur, jus patronatus adquirere, & si plures pro parte contulerint, omnes in solidum ad jus patronatus admitti. Si posterius: denuo videndum est: an unus jus patronatus adquirere velit exclusis aliis? an alios ejus participes in solidum admittere? Si illud: *fundatio*, *exstructio* & *dotatio* simul requiritur; si vero hoc: uno quoque ex enumeratis titulis id in solidum adquiri, canones innuunt. Vid. *cap. 25. de jur. patron.* Concil. Trident. Sess. XXV. *cap. 9 de reform.* Sess. XXIV. *cap. 12 de reform.* Quare qui solus hæc omnia præstat, patronatum solus acquirit; si vero tres concurrant, quorum singuli ad singula conferant, omnes in solidum patroni dicentur, quasi isti unius vice fungantur. Franc. de Roye in *prolegom. ad tit. de jur. patron. cap. 13.* Excipitur casus, quo ecclesia ab aliquo fundata & exstructa, non etiam dotata est, eaque ex intervallo aliunde, uti ex oblationibus fidelium, dotem acquisivit; tum jus patronatus ex integro adquiri fundatori & exstructori æquius est *Arg. cap. 25. de jur. patron.* Econtra si patronus de dotanda ecclesia jam edificata interpellatus eam dotare recuset, dum tamen necessitas aut evidens ecclesiæ utilitas dotem, aut certe majus ejusdem augmentum exposcit, eaque haberi nequeant, nisi ea offerenti

jus patronatus annuatur; non adparet, cur jus patronatus huic dotanti addici non posset, saltem ut cum fundatore & exstructore concurrat. Van Espen loc. cit. *cap. III. Berrardus* loc. cit. *tom. II. pag. 95. & seq.* Idem dicendum est de eo, qui ecclesiam suis impensis reparari curat, aut rerum inopem de novo dotat; dummodo 1) ecclesia ita diruta fuerit, ut nova consecratione indigeat: 2) prior ejus fundator & exstructor illam reparare dotareve aut nolit, aut non possit. Boekn *ad tit. de jur. patron. n. 3.* Cod. cit. Pruss. *cit. loc. §. 570 571.*

Sed quærunt 1) num jus patronatus fundationi, exstructioni, & dotationi, *ipsa jure* insit? an vero expressis verbis in ipsa fundatione, constructione vel dotatione excipi, aut reservari debeat? Illud affirmat Paul a Rigger cit. loc. §. 698. modo Episcopi dioecesani consensu ecclesia ædificata fuerit, & cathedralis, vel collegiata non sit; secus enim reservatio expressa necessaria est. Ad aliam vero jus nostrum regium sententiam accedere videtur cit. cod. *cit. loc. §. 573.* quo jus patronatus non nisi concessione Imperantis civilis accedente adquiri posse statuitur. 2) An laici acquirendi modo *ordinario* juris patronatus capaces existant? an vero, quod habent, ex *privilegio* duntaxat Pontificis habeant? Jure Decretalium jus patronatus res spiritualis, vel spirituali adnexa censetur (*cap. 16. de jur. patron.*) quare incapaces per se ejusdem laici declarantur. (*cap. 2. de jud.*) hoc tamen non obstante ex *privilegio* Pontificis omnes & solos fideles, non solum personas ecclesiasticas sed etiam laicas, mares & feminas ejusdem capaces esse redditos expressi canones agnoscunt. *Can. 26. 27. 29. 30. Caus. XVI. quest. VII. cap. fin. de concess. præb. cap. 7. de jur. patron.* Sed enim non desunt Eruditi, quibus jus patronatus ex natura sua mere temporale videtur Conf. Rigger *cit. loc.*



§. 695) hi igitur, si consequenter argumentari velint, non inveniunt, cur laicos ab eo per se acquirendo arceant; quare fatentur etiam, non Protestantes modo & Reformatos, qui in Germania ex instrumento pacis osnabr. *Art. V. §. 31.* jus hoc æque, ac Catholici exercere possunt, verum etiam alios a sacris nostris alienos illud habere posse. At an simul exercere? id negat. cit. *Cod. Pruss. cit. loc. §. 532. seq.* Vid. vero *Wiestner de jur. patron. n. 42.*

- 9) De modis *extraordinariis* acquirendi jus patronatus, ac 1) quidem de *præscriptione* sequentia notanda sunt: præscriptio æque inter modos *adquirendi*, ac adquisitum jam jus patronatus *transferendi* numeratur; titulo enim hoc non modo in ecclesiam aut beneficium adhuc liberum jus patronatus obtineri, verum etiam ab ecclesia in aliam, vel ab hac in laicum, vel demum ab anteriori patrono laico in laicum transferri potest. Conf. *Cod. cit. Pruss. cit. loc. §. 574. seq.* Quantitatem temporis ad præscribendum necessariam, aliaque ad probandam præscriptionem requisita determinavit Concilium *Trident. Sess. XXV. cap. 9. de reform.* Cum vero lites circa jus patronatus apud nos, vi *casarei Rescripti de an. 1673. 9. Decemb.* (ut habet *Joan. de Friedenber. cit. loc. lib. I. cap. X. §. 37.*) & cit. *Cod. cit. loc. §. 577.* a Consistoriis episcopalibus ad ordinarium judicem laicum remitti debeant, huicque ad eas decidendas per §. 575. & 576. singulares *P. I. tit. IX. §. 629. seq. cit. Cod.* datæ sint leges; sequitur, Concilii *Trident.* determinationes venerandam equidem nobis, at non unicam finiendarum ejusmodi controversiarum normam esse;
- 2) de *privilegio*: posse Pontificem alicui, qui neque fundavit, neque exstruxit, neque dotavit ecclesiam jus patronatus *vi potestatis de camera*, uti loquuntur, concedere, Decretalistarum adserunt. Sed negant id alii, quod adsertio talis

firmiter, haud satis nitatur fundamento. Vid. Rigger *cit. loc. §. 703*. Quidquid sit: jus nostrum provinciale tituli huius non meminit, at vero meminit alterius, hactenus in iure communie ecclesiastico, si vocem spectes ignoti, nempe de *mandationis*: qua societas ecclesiastica nulli adhuc patrono subordinata jus patronatus cuiuspiam defert. Cod. *cit. §. 572. cit. loc.* quæ tamen, ni fallor, a donatione, de qua paulo infra inter modos transferendi juris patronatus agitur, haud differt.

#### 4) Transfertur

- a) *successione testamentaria vel legitima*; r)
  - b) *donatione*, quæ ecclesiæ libere fieri, laico autem extraneo non nisi cum consensu Episcopi potest; s)
  - c) *permutatione pro re spirituali*, pro re enim *temporali*, transferri *directe* nequit, nisi tanquam *res coherens* cum castro, prædio &c. modo intuitu patronatus pretium non augetur: idem de *venditione* tenendum; t)
  - d) *infeudatione, locatione, conductione* ceu accessorium rei principalis; u)
  - e) *præscriptione*, ubi quadragenaria requiritur, si ab ecclesia in alium transferatur, a laico vero, ut in alium transeat, ordinaria sufficit. v)
- 2) Et quidem 1) ad hæredes quoscunque *in solidum*, etiamsi hæreditas inæqualiter dividatur, quia jus patronatus est indivisibile; inde vero est, quod omnes patronatus effectus singulis competant hæredibus præter præsentationem, ad quam omnes concurrere debent, aut per turnum, aut cum præsentando, quem major pars nominaverit.



rit, aut plures ad vacantem ecclesiam designando ea lege, ut unus ex iis per Episcopum eligatur, & admittatur: 2) in *stirpes*, non in *capita*: plures igitur ab uno ex patronis ecclesie relictis habentes vocem duntaxat unius habent in praesentatione. Clement. 2. de jur. patron.

At disputant DD. num jus patronatus in fideicommissarium transeat? In decidenda hac quaestione praecipue habenda est praecens distinctio inter jus patronatus reale & personale (praeced. n. 2. lit. b.) Istud possessorem rei sequitur (ibid.) hoc, si hereditarium sit, fideicommissario itidem ratione satis solida vindicat Boeckn h. t. n. 34. De successione in patronatum gentilitium (ibid. lit. c.) pluribus agit Berrardus loc. cit. tom. II. pag. 106 seq.

- 5) Quoad donationem ecclesiae monasterio, aut alteri loco religioso factam distinguunt: utrum donatum sit jus patronatus, an vero ecclesia patronata? Priori in casu donationem sine Episcopi consensu subsistere, idemque valere, dum patronus compatro suo five laico five clerico jus istud donet, ex cap. 7. 8. 14. de jur. patron. cap. un. ibid. in 6. certum est; at in posteriori necessario Episcopi consensum requiri, & absque illo donationem nullam atque irritam esse, ex cap. 5. 11. 17. h. tit. desumitur. Idem de donatione juris patronatus in favorem laici non compatro facta dicendum est. Num vero Episcopus ad consensum praestandum cogi poterit? Adhuc auctoritate cap. 7. de patron: Ait contrarium placet Berrardo. loc. cit. tom. II. pag. 109.

- 6) Cap. 5. de rer. permut. cap. 16. de jur. patr. Quid vero, si contra legem jus patronatus separatim pro temporali pretio permutaretur vel venderetur? Hunc in casum excommunicationis & interdicti poenam statuit Concilium Trident. Sess. XXV.

*cap. 9. de reform.* Add: ad hanc materiam Van  
Espan *loc. cit. cap. IV.*

u) Particularia hic quam maxime provinciarum ju-  
ra attendenda sunt. Quoad Silesiam videatur  
*cit. Cod. P. II. tit. XI. §. 600 — 604.*

z) *Recol. præced. not. g)*

### 5) Amittitur

a) *ob delictum*, si hæresin non toleratam Patro-  
nus sectetur, x) si clericos ecclesiæ occi-  
derit, aut mutilaverit, si proventus usurpa-  
rit, aut jus ipsum modis illegitimis in alios  
transulerit. y)

b) *sine delicto*, ecclesia penitus collapsa, dote con-  
sumpta, illo, cui adnexum est, bono deperdi-  
to, vel deficiente familia, si sit familiare; vel  
si ecclesia patronata cum consensu patroni,  
absque juris reservatione, in collegialem vel  
conventualem fuerit mutata. z)

x) Jure nostro provinciali *cit. Cod. §. 582. seq. cit.*  
*loc. ejusmodi patronis non ipsum jus patronatus,*  
*sed exercitium solum ejus negatur, ita ut hoc,*  
*quamdiu bonum, cui jus patronatus adheret,*  
*possident, alteri cuiquam deferre possint, onera*  
*vero ipsi e proventibus boni portare debeant.*

y) *Cap. 12. de pæn. Trident. Sess. XXII. cap. ult. de re-*  
*form. item Sess. XXV cap. 9. de reform. Conf.*  
*Wiestner h. tit. art. X. item cit. Cod. cit. loc.*  
*§. 613. seq.*

z) *Cap. un. h. tit. in 6. Barbosa J. E. lib. III. cap.*  
*12. Berrardus loc. cit. tom. II. pag. 128. seq.*



6) Jura patronatus honorifica & utilia sunt a)

a) jus *Processionis*, vi cuius saltem Principibus patronis ad ecclesiam venientibus obviamitur: b)

b) — *loci honoratioris* in ecclesia: c)

c) — *sepulturæ & luctus* ecclesiastici: d)

d) — *precum publicarum*, quæ pro Patronis quandoque institui solent: e)

e) — *alimenta* ex proventibus illius ecclesiæ, si, unde vivat, aliunde patronus non habeat, *percipiendi*. f)

a) Antiqua patronorum jura vid. *præced. n. 1. not. f)*

b) Jam Pontificem Gelasium juris hujus meminisse loco apud Gratianum *can. 26. 27. Caus. XVI. quæst. VII* item *cap. 25. de jur. patron.* plures credunt. Illud certum est, ex interpretatione verborum Gelasii (an recte? dubitant alii) jus illud dimanasse. Duobus autem modis patrono honos hic defertur: primo itur ei, *si talis ac tantus sit*, processionaliter obviam; deinceps ceditur ipsi honoratior in ipsa processione locus.

c) Conf. Cod. cit. *loc. cit. §. 588.*

d) Ibidem §. 590. 594.

e) Ibidem §. 589.

f) *Can. 30. Caus. XVI. quæst. VII. cap. 23. de jur. patron.* Idem ex jure regio in Silesia obtinet sub clausulis cit. Cod. §. 596. 597. expressis. Conf. Rigger cit. loc. §. 713. Schol.

## 7) Jus ipsum præsentandi.

- a) Vacante beneficio, & instituto, ubi moribus receptus est, *concurso*, g) Patronus idoneum, et, si cura animarum conjuncta sit, digniorem quoque præsentat: h)
- b) *seipsum* quidem præsentare Patronus nequit, i) filii tamen præsentandi copia datur: k)
- c) Si plures sint *Compatroni*, jus istud vel per vora *majora*, vel *alternatim*, vel in patronatu reali suffragia *pro rata* partium, quas in re tenent, ferendo exercent: l)
- d) inter Patronum vero *ecclesiasticum*, & *laicum* hoc interest *discriminis*, quod laicus intra *quatuor*, ecclesiasticus intra *sex menses* præsentare debeat, m) & quod speciali iuris favore *laicus variare*, aut *plures* successive præsentare, electione dein dignioris penes *instituentem* relicta, possit, imo etsi minus idoneum præsentarit, jure tamen alium præsentandi haud privetur, n) quod fecus est in Patrono *ecclesiastico*. o)
- g) Concilium Trident Sess XXIV, cap 18. de reform. abunde insinuat, se se velle ut ecclesiarum *parochiales*, aliaque beneficia, quibus cura animarum est adnexa, conferri non possint, nisi instituto inter plures vel nominatim, vel saltem per edictum publicum evocandos *concurso*; ubi post examen coram tribus saltem ab Episcopo constitutis examinadoribus, presente vel ipso Episcopo, sive eo impedito, ejus Vicario Generali peractum, conferenda sunt illis, qui magis idonei reperti fuerint, sive de libera Episcopi collatione agatur, sive ad alterius institutionem pertinente. Lecta dignis



dignissimum est hæc super re integrum *Tridentini* decretum. Videantur quoque constitutiones Pii V. in conferendis de an. 1566, & Benedicti XIV. de an. 1742. 14ta Decembr. Verum saluberrima hæc Concilii *Tridentini* constitutio plurimas jam exceptiones patitur. Videantur apud Rigger P. III. §. 126. Plures earum improbat Van Espen P. II. Sect. III. tit. V.

b) Secus si factum fuerit, salva manet Episcopo auctoritas præsentatum *rejiciendi* *Causf. XVI. Q. VII. can. 38. Concil. Trident. Sess. XXIV. cap. 18. de reform.* Inde vero est, quod omnes præsentationes ad Episcopum tanquam *Ordinarium* loci immediate dirigi; præsentati vero cum iisdem se vel Episcopo vel Vicario Generali *personaliter* sistere debeant. *Sanctio. pragmat. episcop. de an. 1699. 26. Oct. Nissæ §. I. Ut omnes* Schema præsentationis exhibet de *Friedenberg* cit. loc. §. XXXVII. pag. 213. 214.

i) *Cap. 26. de jur. patron. ad Hebr. cap. V. a. 4. Huc quoque valet gravissimum S. Thomæ 2. 2. q. 100. art. 5. ad 3. de clericorum ad beneficia præsertim curata cursitationibus, & sollicitudinibus dictum: Si aliquis pro se rogat, ut obtineat curam animarum, ex ipsa præsumptione redditur indignus.*

k) Imo *patronus a compatrono* nominari non prohibetur.

l) *Recol. præced. n. 4. not. v.) conf. cap. 3. de jur. patron. Clement. 2. eodem: item Schenkl. cit. loc. §. 511.*

m) Unde vero discrimen istud? Diversæ lectioni canonis 17. Concilii *Lateranensis* sub Alexandro III. adscribitur a Riggero cit. loc. §. 716. seq. qui *sic* etiam pendente tempus illud currere, eo-que

que finito fas esse Episcopo appellatione remota in eadem ecclesia personam idoneam instituere, ita quod representeretur ab eo, qui jus evicerit patronatus, hac inprimis ex causa asserit: quod propter discordias laicorum non debeat ecclesis præjudicium generari. cit. loc. §. 718. Excipitur casus, quo inter ipsum Episcopum & patronum controversia esset. Jure nostro provinciali sex mensium spatium tum clericis tum laicis patronis ad præsentandum conceditur. cit. Cod. cit. loc. §. 393. quo elapso, nisi prolongatio ejusdem petita sit, provisio ad Episcopum devolvitur. *ibid.* §. 398.

n) Quæ tamen præsentatio dignioris, si semestri a jure ad præsentandum concessum jam effluxerit, ultra sex hebdomades porro differri non debet. *ibid.* §. 399.

o) Innocent. III. lib. III. Regest. epist. 226. Fagnanus ad cap. 4. b. tit. Contentit jus nostrum provinciale cit. Cod. §. 392. *ibid.*

### §) Patroni obligationes.

a) Ecclesiam, cujus Patronus est, ejusque jura defendere tenetur, quin tamen ex in jurisdictionem sive in beneficium, sive in possessionem consequatur: p)

b) ad reparationem quoque ecclesiæ saltem pro rata fructuum, quos inde perelipit, concurrere debet. q)

p) Can. 31. 32. 18. 25. Caus. XVI. quæst. VII. cap. 23. 24. de jur. patron. cap. 12. de pen. Tridentinum Sess. XXIV. cap. 3. Sess. XXV. cap. 4. de reform. Conf. cit. Cod. cit. loc. tit. XI. §. 650. seq.

q) Cod. cit. §. 584. & §. 720. Fufius hac de re agit Concilium Trident. Sess. XXI. cap. 7. de reform.



III. Præsentationem legitime factam, quæ quis *jus ad rem* obtinet, necessario sequitur collatio Tituli, seu juris *in re*, quæ institutio dicitur. r)

#### 1) Dividitur

- a) in *verbalem*, quæ verbis concessionem beneficii exprimentibus absolvitur;
- b) *auctorisabilem*, qua cura simul animarum *ordinaria* pro certa plebe tribuitur; s)
- c) in *realem*, quam & *investituram*, *installationem* &c. vocant, quæ actuali introductione in ipsum beneficium, variis modis peragi solita, perficitur; t)

r) *Institutio* hæc alter est ad beneficia minora perveniendi modus. Vid. præced. n. I. not 2)

s) *Autorisabilem* institutionem alii *approbationem* ad animarum curam dicunt.

t) De origine *investituræ* legatur Rigger P. III. §. 163 seq.

#### 2) Jus instituendi competit,

a) si de institutione *verbali* sermo sit *proprie* Episcopo, u) sede vacante *capitulo*, v) ex privilegio vero, vel consuetudine etiam *inferioribus*. x)

b) si de *auctorisabili* quæras, *soli* Episcopo *privative*, utpote animarum summo per *Dioecesan* pastori, adeo, ut nec Abbatibus *in* *tuitu non regularium*, nisi jurisdictionem *quasi*episcopalem in ipsos habeant, conveniat: y)

c) *realem*

c) *realem* verò institutionem *Episcopus*, aut  
ejus *delegatus* peragit, 2) nec repugnat,  
quo minus quis etiam a *Laico* quoad tempo-  
ralia in possessionem beneficii immitta-  
tur. a)

u) Per decretum Concilii Trident. Sess. XIV. cap. 12.  
de reform. Conf. P. I. cap. I § V. n. IV in. e.  
not. c) Consonat cap. 3. de instit. cap. 4. de offic.  
archid. An vero etiam Vicario Generali compe-  
tat? Respondent: quemadmodum in aliis, ita  
& hac in re ejus potestatem ex concessione Epis-  
copi dimetiendam esse (Vid. P. I. cap. I § VII.  
n. IV 3.) quæ si non sit restricta sine mandato  
speciali eidem competit. Cap. 3. de instit. Conf.  
Sanctio pragmat; episcop Nissæ an. 1699. §. I.  
præsentationes. §. IV. ad parochias.

c) Cap. 1. de instit. in 6. Conf. Zach de hierarch.  
ecclless: tit. XXIX. § 35a.

2) Conf. Trident. Sess. XIV. cap. 13. & Sess. XXV.  
cap. 9 Cap. 6 de instit. Conf. P. Westner  
h. tit. n. 9. seq. Quid verò ad quæstiones 1)  
an præsentatus ad beneficium, qui alias jure in-  
stituendi gaudet se ipsum instituere queat? 2)  
an examen prævium requiratur? 3) intra quod  
tempus institutio hæc fieri debeat? responden-  
dum sit: vid. apud Rigger cit. loc. §. 154 155.  
157.

7) Concil. Trident. Sess. VII. cap. 13 Sess. XXIII cap.  
15. de reform. cap. 4 de offic. archid. Ratio est:  
quia Episcopus positus, est a Spiritu S. regere  
ecclesiam Dei, & gregi dominico sibi commisso  
adattendere; quapropter illius cura principalis ei  
incumbit, & nemo alius, sine ejus nuntio & au-  
thoritate in partem sollicitudinis & ministerii se-  
eri venire potest. Inde vero jam patet, quid de  
sententiis sequentibus tenendum sit: 1) Distin-

guen



guendum esse hac in re inter *consuetudines* Concilium *Tridentinum* *antecedentes*. & *consequentes*; illas per Patres concilii abrogatas quidem esse, non istas; 2) via *prescriptionis* obtineri posse facultatem institutionem *auctorisabilem* impertienti; 3) *fundatorem* beneficii curati ad probationem ad curam animarum, seu *institutionem auctorisabilem* Praelato eidem inferiori *reservare* posse. Vid. Wiestner *tit de instit. n. 34. 36.* Conf. Rigger *cit. loc. § 160 161.*

- 2) Olim *missio* in possessionem beneficii per *Archidiaconos* nomine Episcopi peragebatur *Cap. 7. de offic. archid.* Hodie per Episcopum aut in persona, aut scripto, aut per delegatos, quos Episcopus nominaverit, absolvitur, quibus, si Episcopus scripto investiverit, non nisi ius introducendi investitum relinquatur; quod in *Diaecesi nostra* in more est. Forma introductionis habetur in *Rituali diaecesano.*

- a) Conf. *praeced. n. I. not c)*

IV. Tertijs ab uno beneficio minori ad aliud canonicus transeundi modus permutationis beneficiorum est, b) quæ ut *legitima* sit, requiritur

- a) *prævia causæ cognitio*: c)

- b) *consensus* eorum, qui ius habent vel conferendi, vel eligendi, vel præsentandi ad beneficia: d)

- c) *auctoritas Episcopi*, vel jurisdictione quasi episcopali gaudentis, cujus in loco sita sunt beneficia. e)

- b) Seu mutua beneficiorum dimissio, sive resignatio, ut alter alterius dimittentis beneficium conse-

quatur. *Translationi*, si effectum species, vicina est; quapropter plura, quæ *§. præced. V. n. V.* de illa dicta sunt, ad hanc quoque adcommo-  
dari possunt.

c) Sicut enim translatio, ita quoque permutatio sine *necessitate*, aut *utilitate* fieri non debet; hanc ergo adesse, antequam permutatio fiat, cognoscendum, ac definiendum prius est.

d) Ne de contemptu juris sui litem movere audeant.

e) *Cap. 7. de rer. permut. Conf. n. præced. III. n. 2. lit. a) b) c)* Hanc Episcopi auctoritatem adeo necessariam esse docent citati tituli *de rer. permut.* Interpretes, ut si beneficia *diversarum* sint *Dioecesium*, utriusque Episcopi consensus exigi debeat, sique hoc neglecto privata auctoritate aliqui permutent, beneficia prævia sententia amittant.

Quæstionem: an, si alius resignare nolit, postquam alter permutationis causa jam resignavit, posterior beneficio suo excidat? negative resolvit Innocentius III. *cap. 8. de rer. permut.* statuens: posse eum ad resignatum beneficium redire; *beneficia* enim permutationis causa *resignata debent*, & *possunt solum permutantibus conferri*, ipsaque jura *deceptis*, non *decipientibus obvenire*. Adcuratius de permutatione beneficiorum agit Zech *Sect. III. de jur. rer. tit. IX. §. 129. seq.*

V. Addunt non nulli beneficia minora acquirendi modis præscriptionem, vi cujus

a) aliquis, qui *bona fide*, & *titulo colorato* absque simoniæ, similive vitio beneficium per *triennium* quiete possidet, a nemine inde turbari potest: f)

b) imo



b) imo, qui etiam nullo, ne quidem colorato titulo pacifice per *annum continuum* a tempore impetrationis inchoatum beneficium possidet, insignem, non tamen eundem favorem percipit. g)

f) Desumunt id ex Regula Cancellariæ XXXVI. ex quodam Concilii *Basileensis* decreto, in Germania sub Alberto II. acceptato hausta. Conf. Van Espen *P. II Sect. III tit. IX. cap. IV.*

g) Lata est nimirum alia Cancellariæ Regula XXXV. ab Eugenio IV. ad imitationem feudorum contra involatores alienorum beneficiorum, litiumque artifices, quos *devolutarios* vocant. Vi hujus non prodest impetratio beneficii per annum continuum quiete ab altero possessi a Sede apostolica obtenta impetranti, nisi in impetratione exprefferit nomen gradum, nobilitatemque possessoris, & possessionis tempus & causam, quare possessori nullum jus in beneficio competat; item nisi possessorem ipsum intra sex menses in judicium vocet, causamque ex tunc infra annum usque ad definitivam sententiam prosequatur. Conf. Van Espen *cit. loc. cap. III.*

Quod adinet 1) *Optionem*, cujus nomine jus venit quibusdam capitulis competens, vicusque seniores per gradum præbendam aliam vacantem, priore dimissa, eligere possunt: 2) *Turnum*, quo ordo significatur a capitulo statutus, secundum quem Capitulares ad beneficia vacantia nominant, quique, si secundum senium procedat, *stabilis*; si vero cuique certum anni tempus adsignatum sit, intra quod vacanti beneficio ille, cui tempus hoc adtributum est, providere queat, *errans* dicitur: 3) *Nominationem utilem*, vi cujus Capitulares unus ex alio, vel successive, vel simul & semel candidatos nominant, quibus suo tempore de canonicatu, vel præbenda va-

cante sit providendum, notamus paucis: 1) ex jure communi modos hosce acquirendi beneficia haud promanare; 2) variam esse variis in ecclesiis hac in re disciplinam, quia a particulis plerumque statutis dependet; consuli nihilominus non inutiliter poterunt, qui ex professo de iis scripsere, uti Joan. Petrus Moneta *tract. de optione canonica*. Conf. interim Zech *cit. loc. §. 128*.

### §. VII.

## JURA PONTIFICIS CIRCA BENEFICIA VI CONCORDATORUM GERMANIÆ.

I. Ex Concordatis Germaniæ, quorum tenorem, valorem, ac interpretationem jam in Prolegom: cap. II. §. II. determinavimus, varia Romano Pontifici circa beneficia jura competunt, deductione paulo ampliore digna, quorum primum est Jus Episcopos & Abbates consistoriales confirmandi,

- a) cum potestate electiones in Germania liberas prævie *dijudicandi* intime connexum,
- b) a *Tridentino Sess. XXIV. cap. 1. de reform.* de novo stabilitum,
- c) et constanter hucusque a Pontificibus exercitum. h)

b) Quæ jure communi circa confirmationem electionis præscribuntur, *preced. §. V. n. II. g.* indicavimus; recolantur hæc: ut quæ in Germania singulariter obtinent, facilius intelligantur. Ista vero ad sequentia reducuntur: 1) intra tempus jure communi præscriptum (*vid. ibid. lit. a*)  
Epis.



Episcopi & Abbates *immediati* confirmationem a Pontifice petant. A. C. Episcopi & Prælati immediati, siquidem electio eorum concorditer facta sit, ea non indigent; sin vero: a Cæsare eam expetant. Rigger P. II. §. 323. 2) Ad iter Romam suscipiendum haud obligati (vid: §. præced. V cit. n. not. 1.) publicum instrumentum de actu electionis a Notario apostolico confectum, aut a Capitularibus vel Scrutatoribus subscriptum ad Sedem apostolicam transmittant per Legatum Papæ, aut Nuntium ejus provinciae; qui etiam per se vel vicinum aliquem Episcopum examen instituit de electi natalibus, ætate, doctrina, moribus, fideique professionem ab eodem exigit ad normam constitutionis Gregorii XIV. de an. 1592. *Onus Apostolicae*. 3) Tum electio Romæ examinatur modo per Concilium *Trident.* Sess. XXIV. cap. 1. de reform. præscripto. 4) Hac legitima inventa Papa eam confirmet, nisi ex rationabili & evidenti causa, & de fratrum consilio de digniori, & utiliori persona duxerit providendum. Concord. Germ: §. III. Peragitur autem Confirmatio in Consistorio vel tota simul in uno vel in duobus, ut in primo fiat duntaxat *præconizatio*, in altero *confirmatio*. Post hæc Bulla aut Breve confirmatorium editur. Plura hac de re vid. apud Dürr *dis. serv. de judice controuv. in caus. elect. Episc. Germ. Tom. II. Thesaur. J. E. n. 8.*

II. Jus alterum quoque Concordata sub certis limitationibus Pontifici stipulantur, nimirum jus de obtento beneficio partem fructuum primi anni, aut certam de illis pecuniæ summam seu Annatas exigendi. 1) Harum sunt

## 1) IV. genera: scilicet

- a) *Annatæ simplices*, seu dimidia pars unius anni reddituum, soli Papæ ex beneficiis *minoribus & regularibus* ultra viginti quatuor aureos taxatis obveniens: k)
  - b) *Servitia communia*, quæ proprie Germanis *annatarum* nomine veniunt, & ab Ecclesiis cathedralibus, & Abbatibus consistorialibus solvuntur, quorum pars dimidia Pontifici cedit, pars altera Cardinalibus Romæ præsentibus distribuitur:
  - c) *Servitia minuta* seu taxæ minores, minoribus Papæ officialibus solvendæ:
  - d) *Quindennia*, sive summa pecuniæ singulis quindecim annis Cameræ Apostolicæ ex beneficiis *perpetuo unitis* vel a *reservatione* specialiter *exemptis* pendendæ. l)
- 2) Circa *originem* Annatarum non eadem est omnibus opinio: aliqui enim ad hos, alii ad alios usus vel abusus natales earum referunt. Aequius sentiunt, qui eas ab *indulto* illo repetunt, quo Romani Pontifices Episcopis nonnunquam vel omnes fructus, vel fructus primi anni ex Beneficiis ad collationem horum Episcoporum pertinentibus, quæ intra certum tempus e. g. intra biennium, vel quinquennium vacassent, pro expungendis Ecclesiæ suæ debitis concesserunt. Plura ejusmodi indultorum exempla recenset Thomasinus *P. III. lib. II. cap. 58 n. 2. seq.* Ex libris Decretalium notiora sunt Honorii III. *cap. 32. de verb. signif.* Bonifacii VIII. *cap. 10. de rescript. in 6* item *cap. 26. de præbend. in 6.* Nempe idem sibi quoque licere censebant Pontifices, quando Ecclesia Romana necessitatibus urgebatur, quod pari in casu aliis Episcopis



pis concefferant. Ex dictis vero liquet, hæc beneficiorum emolumenta longe prius penes Episcopos varios fuiffe, antequam ad Romanos Pontifices pervenerint, ingratum proin adfumere laborem eos, quicunque Episcoporum in Concilio *Constantienfi* & *Basileenfi* contra Pontificias Annatas querelas ab omnis invidiæ nota purgare conantur.

- k) *Annatæ Bonifacianæ* nomine hocce genus hodie compellatur, quia forma ejus hodierna a Bonifacio IX. ortum duxit.
- l) Juxta Constitutionem Pauli II. *Decet Romanum*, quam illustrat Cardinalis Petra *Commentar. in Apostolic. constit. tom. V.*

## 2) Titulus Annatarum

- a) hodie *perpetuus m)* ac justus est, cum pro ferendis a Pontifice pro bono Ecclesiæ, & Ministrorum fuorum sustentatione sumtibus tribuantur; n)
- b) nec *Simoniæ* incusari illarum exactio poterit ex eo, quod Bullæ confirmatoriæ plerumque ad earum usque solutionem retineantur, cum non tam Pontificum cupiditas, quam Episcoporum eas hinc inde, obtentis semel Bullis, solvere recusantium tergiversatio hunc morem induxerit. o)

m) Olim titulus petendi Annatas erant *necessitates* Ecclesiæ; (Vid. *not. præced. i*) hæc vero *transseunt* erant: titulus ergo Annatarum *perpetuus* dici haut potuit. At nunc jam Pontifici stabili lege & absolute vi Concordatorum Germaniæ debentur; cum igitur Concordata hæc naturam veri, publici, ac perpetui pacti habeant, sequitur

Annatarum titulum perpetuum esse, Conf. Barthel *differe. gen. de concordat. cap. 3. Sect. II. §. 12. pag. 385.*

- 2) Qui rationem hanc ad probandam Annatarum *justitiam* insufficientem dicunt, viderint ne sibi met ipsis non consent, quotiescunque eandem ad removendam ab aliis Episcoporum aut Parochorum emolumentis simoniæ suspicionem adhibent. Sed enim supersunt argumenta alia, quæ justum esse Annatarum titulum ostendunt.
- 1) Non Prælatus, sed ecclesia ipsa antequam ei aliquis præficatur, ad solutionem Annatarum de mediis fructibus ex ipso vacationis die Camera apostolicæ obligatur: propterea qui ecclesiæ præficatur, medios solvit fructus, sicut alia debita ad utilitatem ecclesiæ contracta. Ita ratio cinatur Thomas Campegius *tract. de annat. institut. n. 11.* 2) Juste, atque absque simoniæ vitio pensio beneficiis imponi potest; cur non & annatarum onus? 3) *Basileense* Concilium, cujus auctoritate damnari annatas putant, simoniacum non censuit, Romano Pontifici promittere, pro oneribus, quæ eum pro regimine universalis Ecclesiæ subire oportet, proque sustentatione S. R. E. Cardinalium & aliorum necessariorum Officialium debite omnino & congruenter providere se velle (*Sess. XII in fine*) ergo eo ipso Annatarum titulum a simoniæ culpa absolvit. 4) Idem Concilium electo suo Pseudo-papæ Felici V. eas indulgit *Sess. XLII* 5) Quid? quod e Protestantibus plures de nimio in Pontifices favore minime suspecti ingenue fateantur, inania esse quæ ex vitio simoniæ annatis adsparguntur? (Vid. Boehmerus *Jur. eccles. Protestant. lib. I. tit. XI. §. 46.*) ac unanimiter Annatas, quas Pontifici solvi ægre ferunt, Principibus suis ex pluribus beneficiis referunt? Idem *cit. loc. §. 32.* item Stryckius *Dissert. vol. VII. disp. 4. de jur. papali Principum evangel.*



gel. cap. 4. §. 7. seq. Plura legi possunt apud Petrum de Marca *de concord. Sacerdot. & Imper. lib. VI cap. 12.*

- o) Ut ex responso Cardinalis Senensis Æneæ Sylvii ad litteras Cancellarii Moguntini Martini Mayr colligitur quibus hic acerbe conquestus est, quod Annatæ absque ulla dilatione temporis exigantur. Vid. Zech *de jur. ver. Sect. III. tit. XII §. 173.*

### 3) Annatas solvendi modus.

- a) De ecclesiis *cathedralibus* omnibus, & monasteriis *virorum*, immediate Pontifici subiectis certa pro fructibus *primi* anni pecuniæ summa solvitur, in libris *Camere apostolicæ*, taxata, quæ *servitiorum communium* nomine venit;
- b) neque prius pendenda hæc summa est, nisi habita *pacifica possessione* totius, aut majoris fructuum partis, ita ut secundum Concordata pars dimidia infra annum, pars altera infra annum sequentem solvatur, quod tamen hodie non obtinet. p)
- c) si vero infra annum *bis* vel *pluries* vacaverit Prælatura, *semel* tantum solvitur, nec debitum hujusmodi in successorem transit;
- d) de beneficiis demum, quæ summam *viginti quatuor aureorum de Camera* non excedunt, nihil exigitur; prout in Germania, ubi beneficia minora quæcunque a Pontifice collata ultra hanc summam taxata haud sunt, de his *annatæ nullæ*, sed *servitia* tantum *minuta* præstantur. q)

p) Ut prius *preced. n. 2. lit. b.* animadvertimus. Ex eo vero, quod Annatas non nisi habita pacifica possessione fructuum solvendas esse. Concordata statuunt, ob rationis paritatem inferitur: eas, seu pecunias jam solutas, si quis possessionem non obtineat, esse restituendas. Sic Romæ judicatum an. 1667. & 1677. item an. 1712. prout refert Card. Petra in *Comment. ad Constit. apostol. tom. V. ad constit. I. Nicolai V. Sect. un. n. 67.* occasione Coadjutoris Olomucensis ante Coadjutum defuncti.

q) Conf. Concordatorum ipsorum tenor.

III. Jus tertium Pontifici in Concordatis firmatum, at secundum illorum verba explicandum, versatur circa beneficiorum reservationes; r) ubi

1) illæ primo occurrunt, quæ in *jure scripto*, cui eo tempore *Extravagantes* nondum adjunctæ fuerant s) continentur, a Clemente IV. investæ. Istæ

a) se ad sola beneficia *per obitum apud Romanam Curiam* vacantia extendunt, t)

b) & de se *perpetuæ* sunt, ita, ut beneficia, vacante Sede Romana, nisi sint *curata*, quæ moram non patiuntur, futuro Pontifici usque ad elapsum integrum a die vacationis mensem reserventur. u)

r) An reservationes beneficiorum antiquitus in usu fuerint? Negat Franc. Florens ad *lib. III. Decretal. tit. V. tom. 21. fol. 307.* ea ex causa: quod in collectionibus SS. Canonum de ejusmodi reservationum mandatis nihil ante tempora Alexandri III. reperiatur; hicque Pontifex ta-



les formulas adhibuerit, e quibus firma animi  
 ejus persuasio de jure beneficia ad Ordinariorum  
 collationem pertinentia sibi reservandi hauderu-  
 ritur. Nempe in epistola 43. epistolis Petri  
*Cellensis* adjecta commendat Pontifex Alexan-  
 der Abbati & Capitulo S. Remigii quem-  
 dam Clericum his verbis: *Caritati Vestrae pre-  
 ces affectuosas porrigimus &c. Ibid. epist. 7. Com-  
 mendamus rogantes. Et rogando mandantes &c.*  
 Postea morosis Collataribus dabantur *Monitoria*,  
 dein *Præceptorialia*, demum essentiali Primatui ju-  
 re supplendi negligentiam Pralatorum *Exequu-  
 toria. Cap. 30. 37. 39. de rescript.* varia scribendi  
 forma adhibita. Vid. Zech *cit. loc. tit. X. §.*  
*137.* Ut jus istud frequentius exerceretur, illa  
 inprimis atate, qua vitiis immersi Episcopi &  
 Principes prodiga manu in indignos beneficia  
 dispergebant, postulavit Ecclesie salus. Huic  
 igitur proviluri Pontifices Romani Episcoporum  
 potestatem in conferendis beneficiis, quo minus  
 ea abuti possent, restringere, sibi que beneficio-  
 rum plurium collationes reservare ceperunt.  
 Erant autem ab initio reservationes istæ specia-  
 les, sensim a temporibus Clementis III. ad  
 totum aliquod beneficiorum genus extensæ, in-  
 crescebant numero suo adeo, ut tempore ma-  
 gni schismatis ad finem seculi XIV. & initium  
 XV., cum singuli, qui se pro Pontifice gere-  
 bant, fautores suos gratis vellent cumulare,  
 paucissima superfuerint beneficia, quæ a Pon-  
 tificum Romanorum collatione non dependis-  
 sent. Inde graves illæ, at irritæ in Concilio  
*Constantiensi* contra reservationes quærelæ! in  
*Basileensi* feliciter repetitæ, tandem per Concor-  
 data *Germanicæ* ita compositæ, ut non superfit  
 causa, cur plures reservationes abolitas dole-  
 ant Pontifices; aut aliquas iisdem relictas invi-  
 deant Episcopi. Jam quæ hæc sint? videndum  
 est.

- s) *Nomine juris scripti* hic non nisi *decretum Gratiani, Decretalium libri V. sextus, & Clementine* intelliguntur. Conf. *Sehenkl cit. loc. §. 531.*
- t) Per *Curiam Romanam* non solum locus, in quo causæ a Pontifice audiri, & litteræ Apostolicæ expediri solent, verum etiam vicina loca designantur, quæ ultra *duas dietas legales* a loco, ubi moratur Curia, non sunt remotæ. Per *diatam* vero *legalem* intelligitur iter unius diei, quo ordinarie *viginti miliaria italica* percurruntur. Beneficia per *obitum apud Curiam Romanam vacantia* sunt, (ut exponit Bonifacius VIII, in *cap. 34 de præb. in 6.*) quæ habent illi, qui negotiorum causâ ad Curiam Romanam venientes, vel etiam ab ipsa recedentes in locis Curie vicinis moriuntur. His præmissis sequitur hunc esse propositionis sensum: Vi Concordatorum illa primò beneficia Romano Pontifici reservantur, quæ vacant a morte eorum, qui negotiorum causâ ad Curiam Romanam venientes, vel ab ipsa recedentes obeunt in loco quopiam ultra 40 miliaria a Curie ipsius loco non distante. *Cap. 34. de præbend. in 6.*
- u) Elapso mense a die, quo dignitates seu beneficia ipsa vacaverint, possunt ea conferre illi, ad quos alias eorundem beneficiorum & dignitatum collatio spectat. *Cap. 3. de præbend. in 6.*
- 2) Receptæ dein sunt & illæ, quæ in Extravagante; *Ad Regimen* exprimuntur, proin eriam
- a) beneficiorum *vacantium per depositionem, privationem, translationem*, judiciali Pontificis sententia factas: v)

b) va-



- b) vacantium per *cassatam electionem, repulsam* a Papa *postulationem, vel admissam renuntiationem*: x)
- c) vacantium per *obitum Cardinalium* aliorumque Curiae Romanae *Officialium*, qui in Concordatis recensentur: y)
- d) vacantium per *promotionem*, seu illorum, quae promoti a Pontifice *tempore promotionis* possidebant. z)
- v) Unde non reservantur Pontifici vacantia 1) per *exaustorationem* a Canone, vel Ordinario decretam; 2) per *resignationem* in manus Ordinarii aut absolute, aut permutationis gratia factam; aut 3) factam ab eo, qui post *resignationem* diebus *viginti superstes* non est, ubi per obitum censetur vacare. Adde, indultum de eligendo in locum exaustorati Capitulo negari vix posse a Pontifice, siquidem exaustorationis causa Capitulo imputari nequeat: cum innocens privari jure suo non debeat.
- x) Eiam hic innocenti Capitulo jus salvum manebit.
- y) Videlicet *Vice-cancellarii, Camerarii* verosimiliter solum, si in Curia supremum diem obeant; *Legatorum* vero, vel *Nuntiorum* seu *Rektorum* aut *Thesaurariorum* ubicunque decedentium. Discriminis hujus causam adfert Maur. Schenk l § 533 Schol. Quare quotiescunque *Episcopum*. Germaniae *Cardinalem* creari, aut ad officium Curiae Romanae evehi contigerit, Capitula sibi per *Indultum* consulunt.
- z) *Exceptiones* ab hac regula recenset Schenk l cit. loc. § 535 Schol.
- 3) Accedunt porro *Reservationes* in *Extravagante*: *Execrabilis* indicatae, vi cujus ex sensu,

sensu Concordatorum a Pontifice conferenda sunt

- a) beneficia quævis vacantia per *affecutionem* alterius beneficii *incompatibilis*,
- b) ita tamen, ut *unum tantum*, & secundum mentem Concordatorum *primum*, non utrumque reservatum sit,
- c) modo secundum *immediate* a Pontifice sit collatum,
- d) ac impetrans in hujus secundi *pacifica & frugifera* possessione existat.

4) Denique Pontifici per Concordata concessum est jus conferendi beneficia in mensibus imparibus *Januario, Martio &c.* qui ideo *Papales* audiunt, vacantia: excipiuntur tamen

- a) beneficia juris Patronatus *laici*, vel *mixti*:
- a)
- b) *dubia*, an in mense Papali, an alio vacaverint: b)
- c) *dignitates* præsertim *electivæ*, & *maiores* post pontificalem in ecclesiis cathedralibus, ac *principales* in collegiatis; cum instrumento potius Concordatorum, sat clare hoc inveniendi, quam quibusdam Bullæ confirmatoriæ exemplaribus standum sit. c)
- a) Ne laici a favoribus ecclesiæ præstandis absterantur.
- b) In dubio enim favendum est potius Ordinariis.

c) Præterea



c) Præterea enim quod Concordata utriusque partis consensu facta sint, ipsa vero Bulla confirmatoria a solo Pontifice procedat, proin in collisione cum Concordatis, posterioribus major sit auctoritas; accedit: exemplaria Bullæ, ætati Concordatorum propinqua magis, favere Concordatis. Conf. Schenk. l. §. 536. Ceterum non eadem est quoad beneficia, quæ in mensibus papalibus Pontificis collationi remanent; ubique in Germania disciplina. Jus istud mensium papalium sæpe per alios ex privilegio, aut aliis ex titulis exercetur; sic tribus Electoribus ecclesiasticis *vi quinquennalis privilegii* concedi solet, qui & in congressu *Emfano* illud perpetuum esse voluerunt.

g) Circa adjuncta hujus provisionis Pontificiæ notanda sunt

a) *tempus*: beneficia enim in *Curia* vacantia *unius*, quæ vero in mensibus *papalibus* vacant, *trium mensium* intervallo conferenda, & provisio in loco beneficii notificanda est; d)

b) *subjectum* provisionis: quod illis, quas leges & statuta particularia exigunt, dotibus ornatum sit: at

b) *Sede Romana vacante* jus mensium *expirat*, & collatio potiori jure Ordinario vel Capitulis, quam Cardinalibus aut Archiepiscopis vindicatur. e)

d) Secus pertinet collatio ad Ordinarios.

e) Quod *formam collationis* Pontificiæ adinet: rescripta provisionis alia in forma *commissoria* seu *dignum*, alia in forma *gratiosa* dantur; per ille datur quidem jus quoddam ad beneficium: de

eo tamen non fit provisio Romæ, sed facienda, aut saltem per tituli collationem perficienda remittitur ad Ordinarium, cum mandato, ut præmisso examine idoneus inventus in beneficio instituat; per hæc vero Papa jam Romæ confert beneficium ceu ei, quem idoneum cognoscit, quique proin necessario erit instituendus in beneficio.

### §. VIII.

#### PROVISIO BENEFICIORUM PER PRIMAS PRECES.

I. Jus Imperatori saltem competens, durante regimine suo, semel aliquem idoneum ad unum beneficium in quibusdam Germaniæ ecclesiis vacans, vel vacaturum nominandi Jus primarum precum vocatur. *f)* Hujus origo

a) *quoad tempus* incerta quidem, at ex consuetudine paulatim manasse, & ultra seculum XII. non differenda videtur, cum Rudolphus I. jus istud jam ex antiqua, & adprobata consuetudine deducat; g)

b) *quoad fundamentum* varia a variis assignantur; h) id tamen veritati consonum magis, jus istud ex variis *Advocatiæ*, *Privilegiis* &c titulis a Cæsaribus ceptum, consuetudine firmatum, ac *Indulto Pontificis*, ut facilius executio, aut promptior obedientia redderetur, roboratum fuisse. i)



f) Dicitur 1) *jus precum primarum*, utpote quæ una vice tantum ad quamvis ecclesiam adhibentur; & *primariarum*, ut quæ necessitatem imponant, & reliqui omnibus præferri debeant; 2) differt a jure *Patronatus*, quod istud ad beneficium quotiescunque vacans, illud semel tantum & etiam ad vacaturum exerceri queat; 3) distinguitur a *litteris panis*, quæ non ad beneficium ecclesiasticum, sed ad alimenta laicorum pertinent.

g) Nimirum anno 1273. Ante hunc igitur annum longe prius in usu erat, quod hanc veluti gratiam haberent Ecclesiæ Imperatoribus, quorum beneficiis & protectione fruerentur *Moscow Princip. Jur. publ. germ. lib. V. cap. I. §. 28.*

h) Celebriores de juris hujus origine variorum opiniones recenset, & examinat Schenkli §. 542. 543. negans; illud 1) *ex jure majestatico Principum*, & *jure in sacra*, ut volunt Protestantes; 2) *ex dotatione, & fundatione ecclesiæ*, aut *privilegiorum Cæsareorum concessione*; 3) *ex dignitate Imperatoris canonicali*; 4) *ex coronatione ejusdem*; 5) *ex advocatia ecclesiarum suprema*; 6) aut *ex solo indulto Pontificis*, vel *ex consuetudine sola*, derivari posse.

i) *Indulti Pontificis meminere Fridericus III. & plerique ejus successores in suis precum formulis*; at a tempore Josephi I. nulla amplius, si Carolum VII. excipias, illius in litteris Cæsareis occurrit mentio; disputatum enim est acriter ab ea ætate, an necesse sit, ad ejus exercituum concessionem petere a Pontifice? Pro negativa prodire: an 1712. *Vindiciæ primariarum precum*, Cæsareæ Majestati suo uno, & proprio jure vi, ac virtute electionis per Imperium Romanum competentium; Romanæ Curie causam egit Conrad. Oligenius, seu Petrus

Marcellinus Corradinus, tum Subdarius, postea Cardinalis. Illi respondit Dn. Gribnerus in disert: *de precibus primariis Imperialibus, sine Pontificis indultu validis*. Solenniores factæ sunt lites hæc sub Francisco I. jure istud absque ulla alia concessione sibi proprium adserente: tum enim adnitus est ipse Benedictus XIV. auctoritatem Pontificiam, ceu juris hujus fontem plurimis argumentis extollere. Conf. Schenkl. *cit. loc. p.*

## II. Competit autem jus primarum precum

- a) sine controversia Imperatori; k)
- b) Imperatrici a multis denegatur; ab aliis velut ab Imperatore *cessum*, & ejus nomine exercendum; ab aliis iterum, adductis Eleonoræ, Blancae Mariæ, & Annæ Augustarum diplomatis, vel in *omnibus*, vel saltem in ecclesiis *sexui famineo* destinatis ceu *proprium* tribuitur: l)
- c) Regi Romanorum exempla Maximiliani I. & Josephi II. favent; is tamen factus postea Imperator illas repetere nequit:
- d) Vicariis S. R. I. quidam hoc jus ex Bullæ aureæ tenore vindicant, in qua ipsis potestas ad *beneficia præsentandi* adjudicatur, verum hanc ad ea solum beneficia, in quibus Imperator *jus Patronatus* habet, alii restrictam volunt:
- e) tandem *Dominis territorialibus* Protestantium plures id juris concedunt, imo & ad uxores eorum extendunt, sed alii cum Catholicis



tholicis unam maxime circa hoc *observantiam* adtendendam censent. *m)*

*k)* Cui de novo in Pace W. firmatum est. Vid. *Instr. P. O. art. V. §. 18.*

*l)* Vid. Deinlinus *de Jure primariarum precum Imperatricis Augustæ* Cont. Mascow cit. loc. *lib. III cap. VI §. 5.*

*m)* Conf. Schenk. *l. §. 545. Schol.*

### III Jus hoc Cæsareum extenditur

*a)* ad ecclesias *cathedrales & collegiatas catholicas* omnes, nisi privilegium, aut consuetudinem contrariam probare possint: *n)*

*b)* ad *Protestantium* ecclesias *immediatas*, in quibus Imperator ante P. W. hoc jus exercuit;

*c)* & illas *mediatas*, in quibus *prima Januarii* anni *normalis* jus hoc ab eodem exercitum, seu, ut prudentiores explicant, in quibus *facultas* hujus exercitii cum facto quodam, seu precibus ante hac datis, conjuncta nulla adhuc eo die contradictione elisa fuit; *o)*

*d)* in ecclesiis tamen *Protestantium* non nisi A. C. addictus, in *mixtis* vero ejusdem tantum religionis confors cum eo, cujus beneficium vacaverit, *primaria prece* gaudebit. *p)*

*n)* Vi cujus vere plures ecclesias, n. seq. eximitas videbimus.

o) *Instr. P. Osu. art. V. §. 18. 26. Conf. diff. J. A. Brand de jur. Cæs. primarum precum. cap. III. §. 14. seq. extat in Thesaur. J. E. Tom. V. n. 4.*

p) P. W. cit. loc.

IV. Etsi vero juxta formulas precum recentiores jus Cæsareum se exporrigere ad omnia beneficia videatur, tamen tum consuetudine, tum aliis titulis excipiuntur

- a) dignitates episcopales, aut majores post episcopalem in cathedralibus, & principales in collegiatis: q)
- b) beneficia curata, nisi præbendis canonicalibus unita sint: r)
- c) regularia: s)
- d) perpetua unita; t)
- e) beneficia Patronatus laici, & mixti; u)
- f) monocularia seu quorum collator unum duntaxat, vel non saltem quatuor conferre potest: v)
- g) dignitates, personatus, si canonicatui non perpetuo adnectantur: x)
- h) beneficia liti eum eorum possessoribus defunctis jam motæ, nec adhuc finitæ implicita: y)
- i) vacantia permutationis causa, aut etiam, juxta quorundam opinionem, per resignationem sive simplicem, sive in favorem, coram Pontifice factam.

q) Quia uni electioni ex Concordatis & praxi obnoxia sunt. Vid. §. preced. V.



- r) Ut animarum salutis alio modo melius prospiciatur.
- s) Ea saltem, quæ ex natura sua talia sunt.
- t) Seu incorporata ecclesiis, quæ proin ob perennitatem ecclesiarum nunquam reapse vacant.
- u) Ob singularem horum favorem.
- v) Ne Collator omni occasione exercendi jus suum privetur.
- x) Urget tamen sæpe Aula cæsarea *precistarum* etiam ad hæc beneficia admissionem.
- y) Ne via facti litem dirimere Imperator videatur in præjudicium alterius litigantis.

#### V. Preces primæ dirigendæ sunt

- a) non nisi pro personis *dotibus illis*, quas leges tum *communes*, tum *particulares* ecclesiarum requirunt, *instruatis*; z)
- b) a quibus dein *ordinario* collatori *insinuandæ* sunt, & intra *unum mensem* a notæ vacationis die *acceptandæ*, nisi, diplomate precum fors indefinito, aliud vacaturum fors expectare malint; a)
- c) ne tamen ordinarii collatores reluctantur, *exequutores* in ecclesiastica dignitate constituti a Cæsare nominari solent, qui *monitis*, ac si necesse sit, etiam *cenfuris* id urgeant, vel *ipsi* demum *precistæ* beneficium conferant;
- d) quodsi fors *lites* circa *precistæ* admissionem oriantur, pro dubii varietate jam Cæ-

far, jam iudex ecclesiasticus rem dijudicabit.

- 2) Seu non nisi pro dignioribus, aut saltem dignis, & ubi statuta exigunt, generis nobilitate claris.
- 4) Hanc precum *insinuationem collationem* Ordinarii præcedere debere, secus beneficii, quod ante insinuationem collatum est alteri, acceptandi, aut etiam petendi nullum amplius præcisa, eodem licet currente mense, jus fore adferit Cl. Endres differt. *de insinuationis prim. precum Cæsar. : necessitate.* Thesaur. J. E. Tom. VII. n. 9.

## VI. Effectus primarum precum

- a) tantus est, ut præcisa omnibus reliquis, qui spem quocunque alio titulo ad beneficium habent, *anteponatur*,
- b) ac si *intra mensem* petat, statim ei cum *præbenda locus in choro & capitulo* assignari debeat, in quo tamen Capitulorum praxis necdum certa est, eoquod hæc ex æquitate quædam onera v. g. *annorum carentiæ* tali prius sustinenda esse prætendant. b)
- b) Conf. supr. cit. Brand loc. cit. cap. V. §. 10.

## VII. Exspirant denique

- a) *revocatione*, non tamen sine gravi causa facienda:
- b) *morte præcisa*:
- c) *renunciatione* facta cum consensu Cæsaris, ac sine *simoniæ* reatu: c)
- d) *matrimonio*, aliove *impedimento perpetuo* subsequente:

e) ob.



- e) obtento alio *beneficio incompatibili*:  
 f) ita tamen, ut, si preces ejusmodi pro uno effectum ob has causas sortitæ non sint, repeteri pro alio in eadem ecclesia possint.  
 d)

c) *Renunciatio vel absoluta est, vel fit in favorem alterius; ad posteriorem solum legitime faciendam Cæsaris venia requiritur.*

d) Modis ergo quibus beneficiis provideri potest recensitis monendum adhuc, jus provisionis, si illud vel *ultra tempus præscriptum differendo vel indignum designando, cum culpa quadam non canonice exerceatur, regulariter ad Superiorem, ordine hierarchico per gradus servato, & quoad Episcopatus & Prælaturas regulares immediatas in Germania pro illa vice ad Pontificem devolvi; aut siquidem provisio de jure ad Episcopum seu Prælatum & Capitulum simul pertineat, negligente eam Episcopo Capitulum ex jure ad crescendi providere poterit. De reliquo beneficia ex jure devolutionis haud aliis conferri posse, quam qui ad ea provisione ordinaria pervenire potuissent, monito vix eget, cum illud in hujus locum succedat. Plura de jure devolutionis vid. apud Schenkl cit. loc. §. 551. seq.*

## §. IX.

### OBLIGATIONES ET JURA CUM OBTENTO BENEFICIO CONNEXA. e)

I. Ante cetera obstringuntur beneficiati jure humano ad fidem catholicam publice professendam. f) Nimirum

a) *Papa* ante electionis suæ publicationem;

g) *promoti* ad Episcopatum; h)

c) *Prælati* ordinum *regularium* etiam *militarium*;

d) *provisi* de *Canonicatu*, vel dignitate *cathedrali*; i)

e) *provisi* de beneficio *curato*; k)

f) *aliique plures*. l)

e) *Obligaciones Beneficiatorum* aliæ jure *humano* introductæ sunt, aliæ vero ex natura beneficii, aut *divina* positiva lege prosuunt. Posteriores sequente numero dabimus.

f) Magnopere enim ad salutem Ecclesiæ interest, eam de suorum beneficiatorum fide speciatim certam esse; id autem humano modo alia fieri ratione nequit quam publica & solenni fidei professione. Cum vero jam aliunde lege nimirum Christi fidem veram animo colere & opere testari illi imprimis obligentur, qui ceteris fidelibus præstant, sequitur: eousque solummodo hanc de fide catholica publice profitenda obligationem *juris humani* dici posse, quatenus ad *formam* professionis Ecclesiæ auctoritate determinatam respicitur.

g) Concil. Constantiense Sess. XXXIX add. libr. *diurn. rom. Pontif. cap. II. tit IX.* ex edit. Joan. Garnerii.

h) *Can. 2. Dist. XXIII. can. 4. Dist. C.* Professionem hanc ex decreto Concilii Trident. Sess. XXIV. cap. 12 de *reform.* Episcopi in prima ab electione Synodo provinciali emittere deberent. At cum Synodi provinciales celebrari hodie non soleant, Episcopi officium suum implere censentur professionem edendo in manibus Nuntii apostolici,



vel ejusdam Episcopi: ea autem hac ratione  
emissa scripto exarata Romam mittitur, inserta  
instrumento de facta inquisitione super qualita-  
tibus electi.

d) Concil. Trident. Sess. XXIV. cap. 12. de reform. Ne  
autem saluberrimum istud Concilii Tridentini  
decretum facile infringatur, cautem est porro,  
ut provisi de dignitate vel canonicatu in ecclesiis  
cathedralibus aut de beneficio curato, neglecta  
per duos menses a die adeptæ possessionis hac pro-  
fessione fructus deinceps non faciant suos, nec il-  
lis possessio triennalis secundum regulam Cancellaria  
XXXVI suffragetur. Conf. §. preced. VI. n.  
V. lit. a) Ex qua dispositione consequitur 1)  
ut provisi de beneficio curato vel canonicatu ca-  
thedrali ultro teneantur se offerre ad faciendam  
fidei professionem, utpote ab ipsa lege interpel-  
lati. 2) Ut intra bimestre præfixum dolo vel  
culpa omitrentes professionem ad fructuum postea  
perceptorum restitutionem teneantur ante om-  
nem judicis sententiam: cum clausula *fructus  
non facere suos* manifestam inducat inhabilitatem  
ad fructus porro percipiendos; 3) ut tamen non  
priventur *distributionibus quotidianis*, nisi forte  
omnes beneficii fructus in distributionibus con-  
sisterent; tum enim, ut sanctio Consilii effectum  
sortiatur, fructuum appellatione duas saltem ter-  
tias distributionum istarum improprie talium  
comprehendi, recte adfirmant. Vid. Barbosa  
J. E. lib. I. cap. XXI. §. 74 Ceterum hæc sanctio  
non extendenda est ad provisos de canonicatu,  
& dignitate in Ecclesiis collegiatis, nisi aliud con-  
suetudo introduxerit.

k) Concilium Trident. Sess. XXIV. cap. 12. de reform.  
Conf. not. preced. i)

l) Nempe 1) baptizandi, si adulti sint, can. 58. &  
59. Dist. IV. de consecrat. 2) heretici Ecclesie  
catholice

catholicæ dogmata amplexuri. *Cap. 9. de heret.*  
 3) *sacris ordinibus initiandi, can. 6. Dist. XXIII.*  
 4) *Doctores & Magistri publici cujuscumque disciplina. Trident. Sess. XXV cap. 2. de reform.*  
 5) *promovendi in Academiis ad gradus litterarios, vel ad licentiam docendi. Pius IV. const. Sacrosancta.*

## II. Ex natura beneficii obligantur Beneficiarii ad officium sacrum, m) quod

- a) pro varia beneficii ratione *varium, n)*
- b) atque adeo religiose implendum est, ut qui illi per *seipsum*, nisi legitime impeditus sit, obeundo negligenter deesset, *fructus haureretur suos*, sed pro rata omissionis ad restitutionem jure *naturali* hypothetico teneretur. o)

m) Ex def. beneficii *præced. §. IV. n. 1.*

n) Recolantur, quæ *P. I. Cap. I. de variis Episcoporum, Canonorum, Parochorum, Regularium officiiis* fusius dicta sunt. Inde enim intelligitur officium illud sacrum vel in *cura animarum*, aut *regimine ecclesiastico*, vel in verbi divini *predicatione*, vel in offerendis certo numero *Missæ sacrificationis*, vel in persolvendis in choro *horis canonicis*, aut saltem illis privatim recitandis consistere. Conf. *Schenkl cit. loc. §. 560.*

o) *Conc. Trid. Sess. XXIII. cap. 1. & Sess. XXIV. cap. 12. de refor.* Nec abs re quidem: nam jure *naturali* tenetur quisque præstare id, ad quod pacto expresso vel tacito se obligavit; idque eo magis, siquidem sub conditione illud præstandi commoda percipit non modica. Porro quis nescit fundatores, quorum mentem ecclesia mutare nec voluit, nec nisi ex causis certissimis, & gravissimis potuit, reditus



reditus beneficiorum non nisi sub conditione explendi officii, & hoc reapse peragentibus assignasse? ipsam que rationem sufficientem percipiendorum fructuum in religiosa officii observantia esse repositam? quia igitur cessante ratione sufficiente rationatum cessat; & conditione pacti non impleta ex parte alterius, alter ad promissum præstandum non obligatur; patet: fructu beneficii non nisi impientibus officium suum obvenire, quique secus percepti fuerint, restituendos esse. Hisce principiis conforme est 1) decretum *congregat. Concil.* 4 Jun 1689 & 17. Nov. 1695 ut beneficiatus vel Capellanus, cui incumbit onus missas quotidie celebrandi per se ipsum, & si ex diuturna infirmitate excedente quindecim dies impediatur per alium satisfaciat; 2) Concilii *Trident. Sess. XXIV. cap. 12 de reform.* præceptum, ut ad chorum obligati per seipsos psallant, non per *Vicarios*, qui impeditis quidem, at non negligentibus dati sunt.

### III. Adstricti demum sunt Beneficiati ad *residentiam*, p) quæ

- a) quamvis ipsa *naturæ lege* omnibus beneficiatis sine discrimine præcepta: q)
- b) a Christo ejusque Apostolis tum verbis tum exemplis *animarum* inprimis *curatoribus* impensissime commendata: r)
- c) Conciliorum etiam, ac Pontificum, imo & Imperatorum legibus frequentissime inculcata sit; s)
- d) nihilominus labentibus seculis multiplici ex causa adeo relaxata fuit, t) ut Concilium *Tridentinum* antiquorum Canonum auctoritatem resuscitare, u) residendi obligationem adcuratissime explicare, v) ac pœnis



pœnis etiam in non residentes constitutis  
 x) observantiam ejus urgere quam maxi-  
 me necessarium judicaverit. y)

p) *Residentia* est assidua commoratio in loco beneficii officii ecclesiastici personaliter præstandi causa. Dividi solet 1) in *veram* & *fictam*. Illa præter personalem in loco præsentiam id etiam involvit, ut pro beneficii natura beneficiatus ipse sacras functiones obeat: hæ personalem quidem præsentiam non requirit, juris tamen quadam interpretatione, & fictione facit, ut revera absens ex justa causa cum in finem præsens esse fingatur, ut fructus beneficii tuta conscientia percipere queat. *Cap. 14. 15. de cler. non resid. & cap. un. ibid. in 6. 2)* in *veram* & *propriam* nimirum adeo exequendam ut pœna non residenti clerico imminet *privationis tituli* juxta canonum sanctiones: & in *causativam* seu *impropriam*, quam qui non fervet, aut nullos fructus percipiat, aut fructuum diminutionem patiatur, quin privari beneficio possit. Conf. Cardinal de Luca *de benef. disc. 57. & seq.* item in *adnotat. ad Concil. Trident. disc. 4.*

q) *Juris naturalis præceptum*, ut quicumque beneficiatus *vere* resideat, difficulter quispiam negaverit. Est enim vera præsentia necessaria ad satisfaciendum officiis beneficio adnexis: at officia ista implere naturæ lege beneficiati obligantur (*n. præced. II. not. o*) quid ni igitur etiam ad media? Inde vero nullo negotio colligitur 1) *dispensationem* proprie talem in obligatione residendi haud dari; sed quidquid vulgo nomine dispensationis hac in re venit, *declarationem* duntaxat esse, quod ea adsint adjuncta, in quibus naturale jus ad residendum non obligat: 2) *canones* residentiam præcipientes, si qui ab Ecclesie Rectoribus dati sunt, quod postea probabitur, legem naturalem solum *declarare*, & inculcare;



care; 3) *conseruandine contraria*, qualem e. g. quoad beneficia prorsus *simplicia* excusant mul-  
ti; quæ vero non placet Berrardo loc. cit.  
*tom. II. pag. 208. & seq.* utpote genuino legis  
sensui aduersa, obligationem hanc, quantum  
naturalis est enervari non posse.

- 7) Notissima sunt Christi Domini verba, quibus  
ad *cognoscendas oves* animarum Pastores horta-  
tur; at quomodo, quæso, abiens a grege pastor  
easdem cognoscet? Magistri præceptum re-  
petit Paulus II. Timoth. IV. 5: *Tu vero  
vigila, in omnibus labora, opus fac Evangelista,  
ministerium tuum imple: et Act. XX. 28. Atten-  
dite vobis & universo gregi, in quo vos posuit Spi-  
ritus sanctus regere Ecclesiam Dei, quam adquisi-  
vit sanguine suo* Nullam hic Apostolus *Vicari-  
orum* mentionem injicit: sed ubique *personalem*  
sicut officii pastoralis impletionem, ita *presen-  
tiam* prædicat. At *consilium* residendi, non *præ-  
ceptum* a Christo datum fuisse dicunt; idque ideo  
quod in exordio Ecclesiæ residentia ab Apostolis  
seruata non sit. Sed enim potuitne tum seruari,  
quamdiu videlicet messis erat multa, operarii  
autem pauci? Imo postulavit majus Ecclesiæ bo-  
num, ut fundaretur per orbem Ecclesia prius,  
postea vero a Fundatoribus suis stabiliter residen-  
tibus gubernaretur. Quare fatemur equidem  
ab exordio Ecclesiæ Apostolos non reledisse;  
quia nec ad impossibile casum, nec ad illum,  
ubi non residendo magis promouetur Ecclesiæ  
bonum, præceptum istud pertinet; illuc tamen  
adduci haut poterimus, ut verbis Christi, ac  
Apostoli consilium residendi solummodo ex-  
primi concedamus. Quid? quod & ipsa Aposto-  
lorum ætate speciem quamdam residentiae serua-  
tam fuisse certum sit, alio aliam\* sibi orbis par-  
tem deligente Apostolo: eo in Europa, in Asia  
isto, illo alibi in vinea Domini laborante? aut  
discipulos sibi soligente, quos velecclesiis recens

extructis Episcopos præficeret; vel in remotissimas, quo ipse venire non paterat, terras paricum potestate ablegaret, plerumque arctioribus terminis circumscribendo sedes quas deferere nefas erat? Conf. Act. apost. item Paul. ad Tit. ac Timoth. Quod vero ad primos post mortem Apostolorum Episcopos adinet: notissimum est illud S. Cypriani *lib. VI. epist. 6.* *Singulis Pastoribus portio gregis fuit adscripta, quam regat unusquisque, & gubernet.*

- 5) Testantur id abunde jam primorum quinque seculorum annales ecclesiastici. Ne alia commemorem, Synodus Sardicensis jam *can. VII.* decrevit, ne Episcopi ad comitatum accedant, nisi forte hi, qui religiosi Imperatoris literis vel invitati vel evocati fuerint; & *can. XIV.* tempus etiam absentiae præscribit quod nisi necessitas sit inexcusabilis, trium hebdomadarum curriculo absolvatur, Concilio Carthaginensi V. quod verius VI. sub Aurelio dixeris totius Africae plenario id *can. V.* placuit, ut nemini Episcoporum facultas sit relicta principali cathedra ad aliquam ecclesiam in diocesi constitutam se conferre, vel in re propria diutius, quam oportet, curam, vel frequentationem propriae cathedrae negligere. Vid. Harduin in collect. Concil. tom. I col. 643. 647. 987. Eadem decreta ad inferiores etiam pastores, quos curatores vocamus porrigi, docet Synodus Nicæna *I. can. XVI.* aperte statuens: quoscunque Presbyteros, vel Diaconos, qui ab Ecclesia sua discedunt, nequaquam ad aliam ecclesiam recipiendos: eosque si non revertuntur communionem privandos esse. Apud Harduin *ibid.* col. 330. Nec alia fuit seculis proxime succedentibus, sexto videlicet septimo & octavo Ecclesiae disciplina, ut adeuratissime probat Thomasinus *de vet. & nov. eccl. discipl. P. II. lib. III. cap. 30 seq.* Quaque dem periodo & Imperatores ipsi conciliorum & Pontificum decreta legibus suis firmare conati sunt.



sunt. Sic Justinianus Imp. Nov. VI. cap. 1. sanxit, ut ne Episcopi diutius, quam anno uno ab ecclesiis suis abessent, neque id etiam nisi electabilis cogat necessitas. Verum cum indulgentius hoc factum esset, Conciliis & Pontificibus superioris ævi rigorem reducere necessarium visum est. Quare Patres Trullani, quod in Concilio Sardicensi olim constitutum erat, continuos tres dominicos dies concedebant, quibus si abfuerint ab ecclesiis suis Episcopi, & Clerici, seu alii beneficiati exauctorentur. Synod. Trullan. seu Quini-sex. can. 80.

- 1) Causæ hæ duplicis erant generis: aliæ ab Ecclesia approbatæ, quæ Episcopos aliosque beneficiatos curæ animarum addictos a residentia exeusabant, eosque, si revera subessent, in conscientia tutos reddebant; aliæ vero, quæ citra Ecclesiæ sanctionem accesserunt, toleratæ quidem sunt, at plurimorum abusu fons erant. De illis vid. Thomas sin. cit. loc. P. II. lib. III. cap. 36. seq. 2. II de his vero Fleury Inst. J. E. P. II. cap. 28. §. 3
- 2) Jam ante Concilium Trident. summis studiis incubere Concilia alia generalia, & particularia, ipsique Pontifices, in id, ut huic corruptelæ mederentur, quod abunde testantur canones, & decreta Pontificum huic titulo in *Decretalibus*, & in *sexto* inserta; vid. cap. 15. de *rescript.* in 6. Verum cum parum conatus hi proficerent, resumpta est in Concilio Trident. tota hæc causa. Primo quidem agitata est summis animorum motibus quæstio: an residentia jure divino præcipiatur? Aiebant Galli, & Hispani, negabant Germani & Itali, quam historiam spartim exposuit Pallavicinus in *hist. Concil. Trident.* lib. XVIII. cap. 15. & lib. XXI. cap. 12. Prævaluit tandem adfirmans sententia; & doctrina de residendi obligatione animarum Pastos tribu-

ribus divinitus imposita, virtualiter, ut ajunt cum Fagnano ad cap. 8. de cler. non resid. n. 1. 20. seq., hocce tenore verborum fuit definita: Cum præcepto divino mandatum sit omnibus, quibus cura animarum commissa est, oves suas agnoscere pro his sacrificium offerre, verbi divini prædicatione, sacramentorum administratione ac bonorum omnium operum exemplo pascere pauperum aliarumque miserabilium personarum curam paternam gerere, & in cetera munera pastoralia incumbere, quæ omnia nequaquam ab iis præstari, & impleri possunt, qui gregi suo non invigilant, neque adsistunt sed mercenariorum more deserunt, sacrosancta Synodus eos admonet & hortatur ut divinorum præceptorum memores factique forma gregis in judicio & veritate pascant, & regant, Sess. XXIII. cap. 1. de reform. Add Sess. VI. cap. 1. de reform.

- e) Ut jam penitus, quæ ab hoc Concilio de residenti obligatione statuta sunt, intelligamus, dicendum videtur 1) de Episcoporum; 2) parochorum aliorumque curatorum etiam religiosorum; 3) illorum, qui habent simplex beneficium, & Canonicorum residentia.

Quoad Episcopos declarat Synodus 1) nemini quacunque dignitate conspicuo integrum esse ab Ecclesia discedere: sed omnes patriarchalibus, metropolitanis ac cathedralibus Ecclesiis quibuscunque quocunque nomine & titulo præfectos, etiamsi S. R. E. Cardinales sint, obligari ad personalem in sua Ecclesia vel Diœcesi residentiam, ubi injuncto sibi officio desungi teneantur. Ex cujus decreti posterioribus verbis intelligimus: non qualemunque residentiam sufficere, ut legi satisfiat, sed laboriosam requiri juxta præceptum Apostoli (preced. not. 1) & Ecclesiæ, quæ ordinando dicitur: *Ecce ego mitto te, & prædica populo tibi commissio.* 2) Quo-



niam fieri potest, ut vel ratio legis, vel officiorum collisio exceptionem a residentia necessitate postulent, addidit Synodus, postquam omnes ad residentiam obstrictos dixit, sequentem limitationem: *nisi ex causis, & modis infra scriptis, id est, cum* 1) christiana charitas, 2)urgens necessitas, 3) debita obedientia, 4) ac evidens Ecclesiae vel Reipublicae utilitas, aliquos non nunquam abesse postulant, & exigunt. En solos justos non-residentiae casus! solas legitimas absentiae causas, quas tamen a Superiore immediato Episcopi in scriptis prebandas esse. Synodus decrevit, cit. *Sess. XXIII, cap. 1. de reform.* 3) Extra hos casus minutas solummodo quasdam absentias Episcopis indulgit, relinquendo scilicet eorum conscientiae, quam religiosam & timoratum fore sperat, ut singulis annis per duos aut ad summum tres menses a sua abesse possint Ecclesia, ita tamen: ut ne absentia in festos dies Ecclesiae sollemniore incidat, aut cum periculo gregis conjungatur, cit. *Sess. cit. loc.* At tum abentes cogitent, ut si corpore adesse nequeant, adfectu tamen, & cura, quantum fieri potest, semper adsint. S. August. epist. 122.

Arctius adhuc Parochos, ceterosque animarum cura gravatos, proinde ob identitatem rationis & Superiores Regularium adstrinxit Synodus statuens: 1) ut quandocunque eos causa prius per Episcopum cognita & probata, abesse contigerit. Vicarium idoneum ab ipso Ordinario adprobandum cum debita mercedis assignatione relinquant; 2) discedendi autem licentiam in scriptis, gratisque concedendam ultra bimestre tempus nisi ex gravi causa non obtineant. *Sess. cit.* At sunt non nulli, qui non obstantibus claris satis Concilii verbis dubitant: an sicut trimestri Episcopus ita Curatus bimestri tempore sine facultate abesse nequeat. Dubium sane oculosum; ait

Rigger P. III §. 73. Schol. *dubium periculis non paucis, & disciplinae laxitati obnoxium*: apud nos dudum §. 24 & quandoquidem Sancti: prag. Niss. 26. Oct. 1699. quod nullus sine expressa Vicarii Generalis facultate, aut si necessitas aliter postulaverit, Commissarii, vel Archipresbyteri sui praesentia ultra triiduum a grege sibi contredino abire audeat, item recentioris Cod: Pruss. P. II. tit. XI. §. 413. & seq. verbis abunde resolutum. Juvat ea hic adponere: §. 414. Wenn sie (die Pfarrer) zu verreisen genöthigt sind, so kann es nur mit Vorwissen und Erlaubniß des — Erzprieesters geschehen. §. 415. Dieser muß die Genehmigung der geistlichen Obern einholen, wenn die Zeit der Abwesenheit mehr, als einen Sonntag unter sich begreift. Quærent alii, an beneficiatus curatus tempore pestis ad evitandum periculum abesse possit? His respondet Gregorius II. P. epist. 2 ad Bonifacium Episc. his verbis: *quod valde fatuum videtur, non enim valet quisquam effugere manus Dei*, apud Harduin. rom. III. col. 1860. Nota est porro similitudo a milite stationem suam deserre non audente desumpta.

Hæc de residentia Curatorum. Superfluum ii, qui sine animarum cura beneficiis potiuntur. Synodus Tridentina residentiam *Canonicorum* ita determinavit, ut 1) illis quolibet anno per tres menses continuos vel interpolatos nullo etiam substituto Vicario, sine periculo incurrendi pœnam quamdam humanam absque licentia abesse liceat, nisi *consuetudo*, vel *mens fundationis* longius residentiae tempus, quam novem mensium exigat; 2) quæcunque statuta, aut consuetudines longius absentiae tempus concedentes sublata censentur. Sess. XXIV. cap. 12. de reform. Ceterum non irritavit Synodus causas, ex quibus remissa residendi obligatione absentes Canonici *fictione juris* quasi praesentes habiti



habiti fructus præbendæ, non vero *distributiones* lucrantur. Harum caussarum præcipuæ sunt 1) corporis *infirmitas*; cap. 15. de cler. non resid. 2) frequentatio *studiorum* in scholis publicis cum licentia Superioris; cap. 12. *ibid* 3) *negotia* Episcopi proprii, & Ecclesiæ, cui quis interservit cap. 7. 13. 14. *ibid*. Attamen jus commune ita disposuit ut duo tantum & simplices quidem Canonici Episcopi officiis simul occupentur. Cap. 15. *ibid*.

- 8) Pænæ autem a *Tridentino* statutæ sunt ita, ut Episcopi quidem diutius, ac tribus mensibus extra casus ab Ecclesia probatos (*vid præced not.* 2) absentes pro rata temporis absentis fructus suos facere nequeant, sed eos Ecclesiæ aut pauperibus adplicare teneantur, & si moniti non emendent, Pontifici denuntientur. *Sess. XXIII. cap. 1. de reform.* Parochi, & Curati iisdem pœnis subjaceant, & non emendati censuris subtractione fructum, etiam usque ad privationem ad residendum compelluntur. *Trident cit. Sess. cap. 1. Conf. cap. 2. 8. 10. & fin de cler. non resid.* Hæc quidem de Regularibus ob votum pauperati non valent. Eos tamen illegitime absentes nec a reatu peccati, multo minus a pœnis a constitutionibus ordinis religiosi dictatis immunes esse, omnes facile admittunt. Canonici denique primo anno dimidia parte fructuum, quos ratione etiam præbendæ ac residentis suos fecerant: iterato autem negligentes omnibus fructibus, quos eo anno lucrati sunt, priventur. *Tridentin: Sess. XXIV. cap. 12 de reform: Conf. cap. 4. 8 sequi & ult de cler. non resid. item cap. un de cler non resid. in 6.*

- 9) Cupiens nimirum medelam ferre malis ex negligentia residentis profluentibus, quæ hisce verbis amare deplorat Fleury: *populus sine doctrina, clerici sine disciplina, vitia impunita, cultus publicis*

*neglectus. Ecclesia sine ornamentis, ædificia sine reparacionibus, pauperes denique destituti satis proclamavunt, quantum interesset, clericos non resdere. Inst. J. E. P. II. cap. XXIII §. 3.*

IV. Officio clericali, & Residentiæ fructus, ac bona respondent, quæ dividuntur

1) in genere:

- a) in *patrimonialia*, quæ clericus titulo *proprio* hæreditatis &c. possidet:
- b) in *beneficialia*, quæ intuitu *Ecclesiæ*, & *sacri ministerii* percipit: 2)
- c) in *superflua*, quæ, spectato loco ac dignitate officii, *congruæ* sustentationis quantitatem, prudenti iudicio æstimandam, *excedunt*; a)
- d) in *parsimonialia*, quæ non ob ipsius in congruam datæ portionis excessum, sed ob vitam *parcius* a Clerico institutam ex bonis *beneficialibus* superflua.

2) Paulo alia bonorum, quæ Clericis competunt, *diviso* præplacet Riggero P. III. §. 369. seq. aliisque. Nimirum spectant hi Clericum aut ut Ecclesiæ ministrum, aut ut Reipublicæ membrum. Bona, quæ Clericus titulis quibuscunque, ceteris Reipublicæ civibus communibus, acquirit, *patrimonialia*; quæ vero eidem ut Ecclesiæ ministro intuitu ipsius Ecclesiæ obveniunt, *clericalia* vocant. Priora, prout nempe illa vel *hereditate* a parentibus, aut consanguineis, vel *donatione*, labore, *industria* acquirit, in *vere*, — & *quasi-patrimonialia*; posteriora vero, prout illa vel titulo *beneficii ecclesiastici*, vel *ratione functionis*.



*functionum* clericalium etiam sine beneficio percipit, in *beneficialia*, & *clericalia in specie* dividunt. Ab his distincta sunt *bona Ecclesiæ*, quæ ad ipsius patrimonium spectant, & ad certos in ecclesiâ usus destinata sunt.

- a) His opponuntur *necessaria*, quæ nimirum ad congruam clerici sustentationem requiruntur. Etiam istorum quantitas ex diversis loci, personæ adjunctis æstimanda est. Rarius vero recte æstimatur: *nescit enim frequenter cupiditas, ubi finitur necessitas*. S. August. *lib. IV. contra Julian: cap. 14. §. 70.*

## 2) quoad Canonicos in specie:

- a) in *fructus grossos, annuos, præbendæ*:  
 b) in *distributiones quotidianas*, ob præsentiam in divinis officiis dari solitas: *b)*  
 c) in *fructus anni deserviti*, qui ob præstita servitia etiam defuncto ad animæ salutem, aut decedentis mentem pie impendendi conceduntur: *c)*  
 d) in *fructus anni gratiæ*, seu qui post obitum anno proximo hæredibus defuncti, aut massæ ab eo relictæ cedunt. *d)*

- b) De istis notetur 1) absque simoniæ, aut saltem mercenarii affectus labe eas pro frequentandi divini officii primario motivo haberi non posse; ad acuendam solummodo in frequentandis divinis officiis Canoniorum industriam inventæ sunt, idcirco etiam *Tridentinum Sess. XXII. cap. 3. de reform.* eas probavit, & augeri voluit; 2) solum vere præsentibus obveniant, nisi fors absentem justæ causæ excusent, de quibus vid. *Tridentinum Sess. XXIV. cap. 8. de reform. Sess. XXII. cap. 3. de reform.* 3) portiones absentium cedant



cedant presentibus, si generatim omnibus presentibus portio inter eos dividenda sit assignata; nec absentibus remitti, aut condonari queunt; *Trident. ibid. S<sup>e</sup> Sess. XXIV. cap. 12 de reform.* 4) si vero cuilibet presenti definita sit adscripta portio, absentium portiones fabricæ ecclesiæ, alterive loco pio a biurio Ordinarii adplicescentur, aut si hæc ex massa communi pro distributionibus destinata desumuntur, in hac massa remaneant.

- e) Pro rata itaque temporis, & præstiti officii dandi sunt, & si decedens integram anni residentiam implevit, omnes & integri.
- f) *Anni gratia*, sicut & anni *deserviti*, modus ad statuta particularia, quæ & originem debet, eam normam exigendus est.

V. Quod jam Clericorum in hæc bona dominium adinet, ac usum, cui illa impendere possunt, aut tenentur, varium secundum ipsas bonorum species discrimen adverti debet. Enimvero

- a) bona *patrimonialia*, ceteraque, quæ nulla ratione ex clericatu proveniunt, ad Clericos, *qua civis*, pertinent, unde & plenum ipsis in hæc dominium competere nulli facile dubio est obnoxium: e)
- b) in *beneficialia*, & *clericalia in specie*, si illa præcise portio in congruam data, nec superabundans, spectetur, cum clericis ex iustitia debeantur, (P. I. cap. II. §. IV. n. VI.) dominium quoque ad instar Levitarum veteris legis sibi vendicant; f)

e). quod



c) quod consequenter & de *parsimonialibus* adseverandum erit, quæ utique Clericus non *Ecclesiæ*, sed *sibi* subtrahita reponit: g)  
 d) at de *superfluis* vexatissima est quæstio. Quamvis enim *jure naturæ hypothetico* ad pias causas expendenda esse, omnes facile admittant, h) de jure tamen, quo Clericis competunt, diversissimas sententias defendunt. i)

e) Clericus enim naturam civis non exuit, proin nec jura reliquorum civium amittit. Vid. *P. I. cap. II.* Nec conditio Clericorum naturam bonorum *patrimonialium* immutat. Ipsa demum Ecclesia liberæ Clericorum dispositioni hæc bona permittit. *C. 19. Causæ XII. quæst. I. cap. 1. §. de re. flam.* Quodsi tamen omnibus, etiam laicis dixerit *S. Augustin. enarrat. in Psalm 147. tom. IV. col. 1659. Quare, quantum tibi dederit Deus, & ex eo tolle, quod sufficit. Cetera quæ superflua jacent, aliorum sunt necessaria; superflua divitum, necessaria sunt pauperum.* Quanto magis id Clericis dictum censeatur, qui alimenta habentes, & quibus regantur, contenti esse monentur ab *Ap'lo stolo I. ad Timoth. VI. §.*

f) Adde: portionem hanc e *bonis clericalibus* ad vitæ sustentationem Clerico *necessariam* haud ab illa differre, quæ ex ecclesiasticis redditibus pauperibus tribuitur; at in istam pauperes adquirunt dominium, ergo & Clerici in illam. Conf. *Zech de jure rerum Sect. III. tit. VII. §. 89. Quare poterit Clericus hæc bona honeste vivendo consumere; quæ temperantius vivendo pauca superfluerint, eventuris fors necessitatibus levandis adservare, quin id agendo metuere eum oporteat, a se quidpiam Ecclesiæ fundatorumque menti adversum committi.*

g) Hæc tamen ita intelligas velim: ut Clericus ea ad usum pios impendat. Certum enim est, quod ex natura sua ad hosce usus destinata sint. Certum est pariter, quod ad illos impensa non fuerint. Qua ergo ratione fieri posse credam, ut mirabili prorsus metamorphosi profanentur propterea tantum, quod piis usibus non fuerint adhibita, a quibus ministrum etiam sustentatio non eximitur: Conf. Zech. *cit. loc. § 98.* Hæc clausula adjecta adferatur, per me licet, Clericis in *parsonialia* dominium! *Plenus* tamen illud, ac perfectum haud esse, res ipsa loquitur.

b) Nec abs re quidem. Admittendum enim id iudicet 1) officii clericalis ex ipsa Christi institutione ratio 2) tum fundatorum mens, & 3) Ecclesiæ constans sententia. Juvat singula paulo accuratius evolvere. 1) Officium clericale ex natura sua, & Christi institutione mercenarium & lucratorium haud est, sed ad solam congruam sustentatione ministro jus præbet *Matth. X. 2. Luc. X. 7. I. Cor. IX. 12. I. Tim. V. 17.* Quotidiano igitur Clerici bona superflua ad usus plerumque sibi placitos expendendi jus sibi absque iniustitia tribuent? 2) Fundatorum & quorumcunque fidelium bona sua Deo in Ecclesiæ ministrorumque usum conferentium mens alia non erat, quam opus pium, Deo gratum, & merito plenum facere. Hanc eorum mentem tum res ipsa, tum quotquot ad nos pervenere fundationum, & donationum formulæ attestantur. Vid. *Behlen diss. de caus. secularizat: illegit. §. 12. seq.* Quis igitur putet, redditus ex his bonis superfluos ad profanos usus, ad cumulandos divitiis hæredes a Clericis impendi posse? Imo ad conditionem hanc, & mentem fundatorum implendam ex pacto saltem tacito, & iustitia Cleri-



cos obligari, nemo ambigit. 3) Nec enim Ecclesia hanc fundatorum intentionem immutavit. Quando enim? ubi? quibus ex causis? quæ certissimæ ac gravissimæ simul debuissent adesse. Mutatam quidem novimus administrationis bonorum formam: naturam vero eorundem immutatam non novimus. Quem igitur in scopum Ecclesia hæc bona acceptavit, in eundem illa ab Episcopis primum, dein ab aliis Clericis administrari voluit. At quis quæso scopus ille? Audi S. Urbanum P. in *lectionibus Breviarum* 25 *Maji* statuentem: *Ipsæ res fidelium, quæ Domino offeruntur, non debent in alios usus, quam Ecclesiasticos, & christianorum fratrum vel indigentium converti; quia vota sunt fidelium, & præstia peccatorum ac patrimonialia, pauperum.* Adde partes totius, quod divisum est, naturam servare. At ante divisionem bona ecclesiastica omnia per Episcopum in usus pios impendi debebant; ergo & divisione facta idem dicendum est, Nec enim facta divisione Canones, & S. Patres de hisce bonis alio modo quam ante loquuntur. Conf. *Ruprecht Not. in J. C. lib. III. tit. 25. n. 6. 7.* item *Rigger P. III. § 380.* Etiam facta divisione bona Clericorum omnia præter patrimonialia Ecclesiæ relinqui jubentur; (Vid. *cap. 1. & fin. de pec. cler.*) ac in causas profanas impensa pauperibus & ecclesiis per furtum subrepta dicuntur. *Trident. Sess. XXV. cap. 1. de reform.* Conf. *Thomas fin. P. III. lib. II. cap. 38. seq.*

Errant igitur, qui beneficiatos ad bona superflua in usus pios eroganda non ex *justitia*, sed solum ex *charitate*, ac *pietate* obligari docent.

- 2) Nempe quidam jure *dominii*, alii jure *administrationis* seu *procuratoris* Clericis hæc bona competere adfirmant. Utrinque argumentis sat va-

lidis pugnatur. Præcipua illorum, quibus prior sententia præplacet, concessit Zech *cit. loc.* § 91 eorum vero, qui Clericis non nisi *procuracionem* rerum ecclesiasticarum relictam volunt, Rigger *cit. loc.* §. 376. Sed enim cui bono disputatio, a qua prudenter Concilium *Tridentinum* Sess. XXV. cap. 1. *de reform.* abstinendum esse exemplo suo docuit, dum, teste Palavicin: *hist. trident. Concil. lib. IV. cap. III. n. 4.* sanctionis suæ rationem: quia *proventuum ecclesiasticorum dispensatores sunt*, ideo delevit, ne scholasticis litibus ansam daret. Si tamen dicendum est, quod sentio, dicam: exactam mihi non videri esse iis notionem dominii, qui hoc Clericis in *superflua clericalia bona* adstruunt. *Judicio Wolffii Inst. J. N. & G. P. II. §. 195.* dominium jus proprium est de re pro arbitrio suo disponendi; ut plenum sit, etiam involvat necesse est, jus nimirum proprietatis, jus utendi, & fruendi, ibid. §. 198. Quod jam horum Clerico in *superflua bona* competit, quæ aliunde in pios usus ex justitia eroganda esse ultro fatentur? Vid. Zech *cit. loc.* §. 92. Rectius philosophantur, qui dominii quidpiam Clericis in *necessaria*, aut si vis, etiam *parsimonialia* tribuunt: quoad *superflua* vero ingenue cum S: Bernardo ad Fulcon. *episc. epist. 2.* fatentur: *Quidquid præter necessarium victum, ac simplicem vestitum de altari retines, tuum non est, rapina est; sacrilegium est.*

VI. Facile ex his, quæ de testamentis Clericorum statuenda sunt, deducuntur; nempe

- a) de *patrimonialibus*, aliisque omnibus titulo *profano* acquisitis testari posse Clericos extra controversiam est; h)

b) de



- b) de bonis vero *ecclesiasticis* ad causas *pias* testandi facultas, etsi primitus denegata, h) hodie tamen rationabili consuetudine firmata est; m)
- c) sed ex iisdem *ecclesiasticis* bonis ad causas *mere profanas*, v. g. consanguineorum, ne utriquam indigentium divitias augendas &c. testamenta condere in foro *interno* non solum illicitum, sed & invalidum reputari debet; n)
- d) quamvis in foro *externo* testamenta Clericorum fere quæcunque hodie tolerentur. o)

k) Conf. *præced. n. V. not. e)*

l) Prohibitionem eam testandi per secula priora, usque ad XII. saltem, continua serie illibatam fuisse, luculentis ex testimoniis constat, quæ Thomasinus *P. III. lib. II. cap. 39. & seq.* retulit. Ipse Gratianus adhuc *Quæstionem V. Causæ XII.* ita inscribit: *testamenta vero non licet eis conficere, nisi de rebus propriis, quæ sententia in Decretalibus retenta est, ut ex Can. Concilii Lateran. III. cap. 7. de testament. relato constat*

m) Ansam relaxandæ huic disciplinæ dederunt, teste Thomasino *loc. cit. cap. 39.* primo variæ Pontificum concessionibus, e. g. Alexandri III. ut Clerici viventes & sui compotes moderate valeant ex bonis ipsis non *ratione testamenti*, sed *elemosynæ* intuitu erogare in ægritudine constituti. *Cap. 8. de testam. Innocentii III.* ut quædam de *mobilibus* per actum ultimæ voluntatis servitoribus, & pauperibus relinquere valeant. *Cap. 12. de testam.* Mox enim maiorem sibi hac in re libertatem arrogare, & ea præprimis ex *ratione*

ratione testandi potestatem ad causas pias in consuetudinem trahere Clerici ceperunt, quod morti proximus iure, quo sanus gaudebat, privandus haud videatur. Conf. Van Espen *loc. cit. Cap. VII.* Confirmata est hæc consuetudo non raro Præsulum ecclesiasticorum sanctionibus, quibus tum causæ, ad quas testari liceat, tum portiones singulis causis assignandæ diligentius definitæ fuerunt. Vid. *cit. Tract. Joan. de Friedenberg tom. I. Cap. X. § 50.*

- n) Gravissime hunc in locum scripsit Nellerus *dissert. de cler. secul. testam. fact. n. 20. B.*: Effrenata libertas testandi ex bonis per Ecclesiam adquisitis ad quoscunque usus, etiam vere, ac coram Deo, & mundo profanos, pro ditandis consanguineis, est prorsus irrationabilis, animabus Clericorum sic forte testantium, atque heredum periculosa, contra propositum vitæ clericalis, contra gratitudinem, contra invariatalem indolem bonorum ecclesiasticorum, ministris Ecclesiæ præbitorum, nec habet usque modo pro se consuetudinem, etiam facti duntaxat, cum suis requisitis. — Qui hæc. nus dictis contrarii volumine esse, ab his postulo, ut non dispuent mecum super tot animarum periculo superficialiter, & contentiose, sed cum profunda indagine, & timore Domini: quo plus autem legent adversarii mei, ut me confutent, eo magis vincet eos veritas, ne posthac sua doctrina carnalibus desideriis adulatorie deserviant. Conf. *diff. ejusd. de test. fact. Episcoporum. Exstant Theaur. J. E. tom. VI. n. 9. 10.*

- a) Sequentes præcipue ob causas 1) ut lites evitentur, quæ eo certius orirentur, quo difficilius sæpe discernitur, an bona hæc titulo sacro, an profano comparata sint. 2) quia dubium non raro est, num facta dispositio causæ piæ rationem habeat, vel non. Ceterum an id, quod in foro externo toleratur potius, quam probatur, coram Deo



Deo etiam excuset, ego saltem non dixerim. Quare tutius acturum puto in Dicecesi nostra Clericum, qui testamento de rebus dispositurus, saluberrimas leges præ oculis habuerit, quas plures Episcopi §. 13. sanct. pragmat. de an. 1699. 26. Oct. conformes iterato edidere, quibusque tum testatorum, tum executorum officia ad communis Ecclesiæ, ac Religionis boni normam sapientissime describere. Vid. apud cit. de Friedenberg cit. loc. §. 50.

### §. X.

## RENUNCIATIO, VEL RESIGNATIO BENEFICIORUM. p)

I. Abdicatio ultronea Prælaturæ vel beneficii, omnisque juris in illud, ex causa sufficiente coram Superiore eam acceptante legitime facta *Renuntiatio*, vel *Resignatio* vocatur, atque dividitur

- a) in *expressam*, quæ verbis, aut scriptura, & *tacitam*, quæ facto quodam beneficiati, quod cum possessione beneficii vel ex natura sua, vel juris dispositione componi nequit, perficitur: q)
- b) in *puram*, seu *simplicem irrestrictam*, & *conditionatam*, quando sub conditione vel reservatione beneficium abdicatur. r)

p) Aptius forsitan §. iste de modis amittendi beneficia ecclesiastica inscriberetur, quorum tria passim genera adferuntur. Nempe amittuntur beneficia  
 1) præter mortem naturalem ex juris dispositione ipso facto, si a) minorista contrahat matri-  
 monium

monium validum. Vid. *supr* §. II. n. II. 3. lit. a) b) si Clericus beneficiatus mutet religionem: Instr. P. O. *art* V. §. 15. c) si quis absque dispensatione aliud beneficium cum priore incompatible primi generis (§. *præced* IV n. II. *not*. q) cum pacifica & frugifera possessione consequatur. Cap. 28. *de præbend. cap* 4. *ibid*, inter *Extravag. comm.* d) si promotus ad parochiam intra annum sacerdotium non suscipiat: P I cap. I §. *de paroch.* e) qui crimina commiserunt, ob quæ privatio beneficii ipso facto incurritur, de quibus legi interim potest Bernardus *loc. cit.* tom II p. 254 2) per *judicis sententiam* ob crimen, cui talis pœna inferenda a jure decreta est, qua de re uberius alibi Notetur interim *discrimen*, quod hunc nter, & priorem amittendi beneficia modum duplex est: a) si pœna privationis ipso jure contracta est, sententia judicis retrahitur ad diem commissi criminis, ita ut omnes fructus ex beneficio ab eo tempore percepti auferantur, & omnis actus circa beneficium post admissionem criminis susceptus nullus sit; secus est si beneficium amittatur per sententiam judicis inferendam. b) Si beneficium ob crimen ipso jure alicui adimatur, etiam ante sententiam declaratoriam criminis tanquam jure vacans impetrari & conferri potest, quod in beneficio vacante per sententiam ferendam fieri nequit 3) *voluntaria* ecclesiastici tituli *abdicatione* seu renuntiatione a qua, ut potiore amittendi beneficia modo §. hic inscribatur.

q) *Tacitam* videmus renuntiationem e. g. per eos, qui illa agunt, ob quæ ex juris dispositione beneficium ipso facto amitti præced. *not*. p) diximus.

r) *Conditionata* igitur erit renuntiatio: 1) si fiat ex causa *permutationis*: 2) cum *reservatione* certæ pensionis & fructuum: 3) *in favorem* tertii. 4) cum



cum pacto aut reservatione *regressus*, *accessus*, vel *ingressus*. Est vero *regressus*, dum beneficium jam possessum dimittitur cum pacto, ut si resignatarius præmoriatur, beneficium resignatum revertatur ad resignantem. *Accessus*, quando ille, cui conferendum esset beneficium, propter ætatis immaturitatem illius habendi incapax alteri id conferendum permittit, usquedum ætatem legitimam nactus fuerit; qua adveniente propria auctoritate ad illud beneficium accedere valeat. *Ingressus*, si beneficium obtentum ante captam possessionem alteri resignetur sub conditione, ut mortuo resignatario ingressus pateat resignanti in abdicatum beneficium.

II. Quod resignandi licentiam adtinet, dicendum est:

- a) omnem *renuntiationem* regulariter *prohibitam*: s)
- b) non nisi *ex certis causis* *permittendam* esse. t)

s) Quoties de munere publico agitur, regula etiam romani juris perspicue docent, neminem officio se abdicare posse. *L. 1. de excusat. & vacat. mun.* Quam ob rem cum etiam Clericorum munera beneficiis adnexa juris publici esse videantur; generalis erit recipienda doctrina, quæ postulat, *ne semel suscepta dimittantur*. Adde: quod beneficiatus vinculum quasi conjugale contrahat, quod unius voluntate dissolvi nefas est. *Cap. 21. de elect.* Hæc ratio est: cur *Caus. VII quest. I. eam. 19. & 23.* definitum sit, eum, qui renuntiavit beneficio, ut ad illud redeat, cogendum esse: curque prioribus Ecclesiæ seculis vix exemplum inveniamus Clericorum a suis beneficiis recedentium. Aliam adsignant non pauci in eo præsertim positam: quod cum beneficia

tunc

tunc temporis a sacra ordinatione penderent, & ista perpetua vi indelebilis characteris consistat, ita quoque beneficia Clericis perpetuo adhærere debere veteres judicarent.

- e) Omnis enim ecclesiastica lex salutem Ecclesiæ pro scopo habet. Quodsi igitur ejusmodi emergant causæ, quæ exceptione a lege magis, quam observantia ejus, salutem hanc promoveri posse aperte doceant, permittet lubens fieri lex ea, quæ aliis in circumstantiis veruit. At quæ sunt causæ illæ, ob quas renuntiatio & licite & valide concedi poterit? Plures determinavit Innocentius III. *cap. 9. 10 de renunt.* quas jam sequentibus versiculis exprimere solent:

*Dibilis, ignarus, male conficius, irregularis,  
Quem mala plebs odit, dans scandala, cedere possit.*

Hæ causæ ad resignationem Episcopatus requiruntur. Ad renuntiationem beneficio um Episcopatus inferiorum etiam minores, dum modo non sint frivole, sufficere plerique statuunt. Vid. Schrodt *hoc tit. §. 366.*

III. *Dores, quas ex justis causis concedenda resignatio habere debet, sunt:*

- a) *fiat libere: u)*  
b) *cum consensu Superioris: v)*  
c) *pure. x)*

u) Quidquid igitur libertatem tollit, aut minuit iuram aut irritandam facit resignationem. Conf. *cap. 3 & 4. de his, quæ vi, metusve.* Ceterum nil obstat, si per procuratorem specialiter tamen mandato instructum (*Clementin. un. de renunt.*) si per ipsum resignantem fiat.

v) Et quidem sub pena nullitatis, ut decissum legitur *cap. 4. de renunt.* Ratio est: quod iuxta debent



beant adesse causæ ad resignandum. *n. preced.*  
**II.** Tales verò num vere adsint, proprio resignantis iudicio determinandum relinqui haud possit. Quare Superioris sententia expetenda est; & donec advenerit, resignatio differenda. At cuius Superioris? Illius profecto, ad quem jus confirmandi, conferendi, vel instituendi pertinet. Inde intelligitur 1) ratio, cur renuntiatio Episcoporum olim in Synodo provinciali facienda fuerit: 2) quod hodie ad renuntiationem Episcopi auctoritas Pontificis requiratur, quæ etiam in hoc negotio Abbates exempti egent. *cap. fin. de renunt.* 3) quod aliorum beneficiorum renuntiationes puræ cum consensu Episcopi, vel ejus, qui huic par jus habere censetur, fieri debeant: 4) in manus patroni laici resignatio facta non valeat *cap. 8. b. r.* quamvis æquitas siveat, ut eo, & in beneficiis electivis electoribus consensu fiat. 5) quod Pontifex Pontificatus renuntiaturus nullius consensu opus habeat. *cap. 1. hoc tit. in 6.*

- 6) Id est: sine ullo simoniæ vitio, aut successione hereditariæ in Ecclesiam introducendæ periculo. Rarius alterutrum in resignatione pura apprehenditur; eo frequentius vero in conditionata. Operæ pretium igitur est definire, quænam istius species a Superiore permitti, quæ vero denegari debeant. Quod 1) resignationes conditionatas adinet, quæ fiunt ex causâ *permutationis* (vid. *preced. §. VI. n. IV.*) has ex causis jure probatis ab Episcopis admitti posse ex cit. mox loc. & quotidiano usu liquet. Idem 2) de resignationibus cum reservatione certæ portionis fructuum, vel annuæ pensionis valet, dummodo per eas in beneficio nihil contra leges innovetur. At 3) si fiant cum *pactis pensiones* per anticipatam solutionem *cassandi*, annullantur per constit. Benedicti XIV. *In sublimi.* de an. 1741. 29. Augusti: 4) Aliter sentiunt circa resignationes

tiones cum reservatione regressus, accessus, ingressus, & speciatim in favorem tertii, utpote ob successionis hæreditariæ speciem prorsus odiosas, & sacris canonibus prohibitas (Concil. Trident. Sess. XXV. cap. 7. de reform.) Posteriores Pius V. in Bulla: *Quanta Ecclesia Dei* de an. 1568 Ordinariis admittendas interdixit, & Sedi Apostolicæ reservavit.

IV. Effectus resignationis a Superiore admittæ in solutione illius vinculi consistit, quod inter resignantem & Ecclesiam prius intercesserat; y) sed

- a) admissa etiam renuntiatio, quæ in favorem, vel sub conditione facta est, ex parte resignantis, acceptata solum conditione effectum sortitur; z)
- b) si vero ab infirmo facta fuerit, isque a facta resignatione 20 dies completos haud supervixerit, beneficium juxta regulam Cancellariæ: *de viginti*, haud per resignationem, sed per obitum vacare censebitur. a)
- c) Demum ad præcavendas lites statutum est, ut, si in Curia Romana facta sit resignatio, & intra montes, seu in Italia beneficium existat, intra sex menses: ultra montes vero intra novem menses a data gratiæ concessionis computandos publicatio fiat; si vero extra Curiam resignatio fiat, ea intra tres menses a die factæ collationis in loco beneficii publicetur. b)

y) Quare fit 1) ut renuntians jus amittat, quod ex electione, aut postulatione consecutus est; Clement. un. h. s. adeo, ut nullus jam sit, locus penitentiæ.



*nitentia. Cap. 12. h. t. 2)* ut, qui renunciavit beneficio, ad illud non revertatur sine novo titulo, aut nova collatione; *cap. 2. 3. h. t. 3)* ut re-  
versus auctoritate legitima in collegio ultimum  
locum obtineat, quasi nunc primum collato ei  
beneficio. Barbosa *de canon. cap. 18. §. 16.*  
Hæc tamen *respectively* non nisi de resignatione 1)  
*simplici* seu pura, 2) quæ nulla vi injusta ex-  
torta est, valent. Conf. *can. 2. Causs. II. quæst. I.*

2) Nisi enim conditio acceptetur, supponi debet, re-  
signantem renunciare beneficio noluisse. Qua-  
re integra manent, ut prius jura ejus.

Verba regulæ loquuntur proprie de infirmis re-  
signantibus, qui postea intra viginti dies mori-  
untur; *praxis* tamen Curie Romanæ etiam ad  
sanos resignantes sensum ejus extendit. Conf.  
Schrodt *h. t. §. 393.* Circa remissionem hujus  
regulæ, quam Curia Romana non nunquam in-  
dulget, distinguendum esse svidet Schloer  
*differt. jur. pub. eccles. ad Concord germ. de reser-  
var. benef. & dignit. §. XLII. seq.* an nempe obi-  
tus resignantis contingat in mente *papali*, an  
*Ordinarii*? casu priori effectum habituram, non  
item posteriori docet.

Hanc tamen publicationem, imprimis quoad re-  
signationes in manus Ordinarii factas, haud  
ubique, nec etiam in Germania usu receptam  
dicunt. Quæ jure nostro provinciali circa re-  
signationes Canoniceatum *cir. cod. Pruss. P. II.*  
*tit. XI. §. 1099. seq.* constituta sunt, partim ab  
hactenus dictis differunt.

## INNOVATIO BENEFICIORUM.

I Si status primævus beneficii, seu illius jura, officia, vel redditus immutentur, beneficium innovari dicitur. c) Fit vero innovatio

a) *Diminutione*, si beneficio, aut beneficiario nova onera imponantur:

b) *Dismembratione*, d) cum salva beneficii unitate, eoque adhuc penes Rectorem suum remanente, pars reddituum, quibus abundat, a beneficiario auferitur, & alteri, cui alio modo provideri nequit, applicatur:

e) *Unione*, quando plura beneficia vel Ecclesiæ conjunguntur: e)

d) *Divisione*, cum ex uno duo vel plura fiant beneficia, ita ut divisis redditibus duo item, vel plures beneficiarii instituuntur: f)

e) *Subpressione*, dum ecclesiæ subtrahitur erecta ibi dignitas, vel præbenda, aut præbendarum numerus diminuitur: g)

f) *Extinctione*, quando ecclesiæ destruitur una cum redditibus, ut nullus ibi fiat cultus divinus. h)

g) *Alteratione*, cum prima beneficii species v. g. *Episcopatus*, *Parochia* &c. in aliam v. g. *Archiepiscopatum*, *Monasterium* &c. mutatur.

h) *Innovationem beneficii regulariter prohibitam esse* 3) vel inde jam patet: quod Concilium Tridentinum



*Sess. XXV. cap. 5. de reform.* levere præcipiat, sancte servandas esse leges, & conditiones, canonibus non adversas, foundationibus beneficiorum ex voluntate fundatorum adjectas. Quapropter pro regula habetur id: *beneficia ecclesiastica sine diminutione conferantur, nisi iusta necessitatis, aut utilitatis majoris causa exceptionem poscat.* Causa hæc frequenter adesse censetur. Non igitur mirum est: sæpe exceptionem a regula fieri, ipsaque beneficia pluribus modis innovari.

d) *Dismembratio* beneficii aliquando in sensu largiore pro divisione accipitur. Hic loci, ut in *cap. 9. de his. quæ fiunt a prælat.* in stricta significatione sumitur.

e) *Conjunctio* hæc, si fiat in commodum, & favorem personæ duntaxat ita, ut per ejus mortem expiraret, *personalis*, quæ vero intuitu Ecclesiæ fit, imposterum semper permansura *perpetua & realis* dicitur. De illa, utpote pallio tantum, quæ beneficiorum pluralitatem tenetur, & a Concilio Trident. *Sess. VII cap. 4. de reform.* damnatur, nobis sermo tuturus non est.

f) Huc spectat *dissolutio unionis*, vi cujus beneficia olim conjuncta, cessante unionis causa, rursus separantur, & in statum pristinum restituntur.

g) Consulatur interim de *suppressione* Concilium Trident. *Sess. XXIV. cap. 15. de reform.*

h) *Extinctionis* exempla veteribus, qui erigere magis, quam destruere beneficia & templa amabant, fere ignota erant.

## II. Diminutio fieri potest

1) per impositionem oneris *personalis*, v. g. curæ animarum:

K 3

2) per

2) per impositionem oneris *realis*, cujus species sunt:

- a) *Census antiquus*, seu annua præstatio ex fructibus vel pecunia de proventibus ecclesiasticis solvenda, quæ jam in *ipsa fundatione* beneficii —
- b) *Census novus*, seu præstatio ejusmodi, quæ *deinceps* primum imposita est: quo reducitur
- c) *Pensio* seu portio ex proventibus ecclesiasticis, aut ex beneficio justis ex causis detracta, vel clerico vel alteri ob *spirituale* vel *temporale* obsequium adsignata. i)

i) Hinc & in clericalem, laicam, & mixtam dividitur. Pensiones ob necessitatem Clerici moderate eisdem pendendas, antiqua jam novit, probavitque Ecclesia; Vid. Rigger P. III §. 273. seq. eas vero, quas ad captandum lucrum cupiditas invenit, vetus ignoravit, & recentior Ecclesia damnavit. Idem *ibid.* Conf. Thomaslin: P. III. lib. II. cap. 29.

3) a legitimo Superiore, k) ita ut

- a) onera *spiritualia* pro cultu Dei augendo, & *censum novum* & *temporaneum* Episcopus, l)
- b) *censum vero*, aut *pensionem perpetuam* vi Decretalium solus Pontifex imponere queat, m) cui tamen Concordata Germaniæ obstant, eoquod collatio beneficiorum libera exin detrimentum caperet. n)

k) Diminutio



h) *Diminutio* enim, utpote innovationis beneficio-  
rum species juri communi contraria est *præced:*  
*u. I. not c)* ergo non nisi auctoritate eorum, qui  
legibus solvere possunt, eam fieri posse aper-  
te *cap. 8. de præbend.* edicit.

i) Jus onera *spiritualia* pro cultu Dei augendo Cle-  
ricis imponendi, exinde passim Episcopo vindicatur,  
quod ipse ordinarius sit Ecclesiæ Rector,  
proin ad eum pertineat media ad Ecclesiæ scopum  
apta disponere, ministros seligere, singulisque,  
quid eos in commune Ecclesiæ bonum  
agere oporteat, præscribere.

Quod *pensiones* adinet: certum est eas,  
tum inprimis quando *bene meritis & indigentibus*  
Clericis per eas succurritur, aequitati, & utilitati  
Ecclesiæ esse conformes. Facultas igitur eas-  
dem talibus personis assignandi eo minus Epis-  
copo denegari poterit, quo apertius est, distri-  
butionem reddituum ecclesiasticorum olim penes  
eum fuisse, nec restrictionem quamquam hac in  
re factam dilucide ostendi posse. Vid. Ant.  
Schmidt *P. II § XX II in schol.* De indole  
vero hujus juris disputant, an nimirum ex  
officio Episcopis a Christo commissio, an vero  
ex Pontificis Romani in Episcopos *liberalitate*  
profluat? Rigger *P. III § 280.*

m) Vi plenitudinis ut ajunt, potestatis Pontificiæ  
Van Espen *J. E. U. P. II. Sect. III. tit. XI.*  
*cap. 5.*

n) Si nimirum *perpetuas* pensiones ex quibuscunque  
beneficiis præstandas imposeret. Nam restringi  
etiam collationum libertatem, dum beneficiis in  
mensē *papali vacantibus* pensiones imponit *tem-*  
*poraneas*, in successorem non transeuntes, mihi  
saltem non illucescit. Quare istas in Germania  
quoque imponendi jus Pontifici negare haud  
possum.

- 4) sub certis tamen regulis, nempe  
 a) non nisi ex *caussa pacis, resignationis, aut permutationis* facile admittantur; o)  
 b) *tertiam*, aut ad summum *dimidiam* fructuum partem non excedant; p)  
 c) nec imponantur Ecclesiis *cathedralibus*, quæ supra *mille*, & *parochialibus*, quæ supra *centum ducatorum*, secundum verum valorem, reditus non ferunt; q)  
 d) ipsi demum *pensionarii* ad *onera* beneficio, ex quo pensionem percipiunt, adnexa *pro rata* fructuum ferenda obligentur. r)

e) Ut eo minus sub prætextu pensionum simoniæ & avaritiæ locus pateat. Verum sunt viri multi, illique graves, quibus nec hi quidem concedendæ pensionis tituli satis probentur, quod scilicet ad impedienda pessima pensionum consecraria, aut ad pensionarium excusandum insufficientes videantur. Meritum igitur potius personæ in Ecclesiam, & indigentiam ejus substitui cupiant, cui per pensionem instar elemosynæ, aliunde ex superfluis redditibus beneficiati in pauperes erogandæ, assignatam subveniatur. Hac ratione putant, pensiones definitioni Concilii delectorum Prælatorum an. 1537. vel 38. sub Paulo III. celebrati (vid. apud Rigger *cit. loc. f. 273.*) ipsique reditus ecclesiasticorum præscripto usui (*præced. f. IX. n. V.*) optime responduras.

p) Cap. 26. 36. de *præb.*

q) *Trident. Sess. XXIV. cap. 13. de reform.* Similibus ratione pensionibus onerari non debent *dignitates*, nisi de illa parte reddituum, quæ *centum*; & alia beneficia *simplicia*, nisi de ea, quæ *viginti quatuor ducatorum summam* veri *annui* valoris excedit,

r) *Alia*



- a) Alia pensionariorum officia vid. in *constit.* Pii V.  
Ex *proximo*: ac Sixti V. *Cum sacrosanctam.*

III. Dismembrationi tunc præcipue  
locus est, si

- a) alterum quidem beneficium redditibus  
abundat, alterum vero præcipue *curatum*  
& Ecclesiæ ac animarum saluti utile, aut  
necessarium egeat; s)  
b) verum & hic *potestas legitima* interveniat,  
ac *jus tertii* salvetur; t)  
c) ipsaque *superfluum* ac *necessarium quanti-*  
*tas* æqua lance ponderetur. u)

s) Quid enim hoc in casu dismembratione æquius?  
quid fundatorum piæ menti, ac Ecclesiæ accep-  
tantis voluntati convenientius? Sane si jus Ec-  
clesiæ negari nequeat imperandi, ut beneficiati  
reditus superfluos in pios usus impendant, quis  
dismembrandi potestatem eidem competere in  
dubium vocabit. Conf. *præced. n. I. not. c)*

t) Vi *cap. 9. de his. quæ fiunt a prælat.* requirit dis-  
membratio easdem causas, & solemnitates, quæ  
ad *alienationem* rerum ecclesiasticarum requi-  
runtur.

u) Id est: habeatur ratio *dignitatis, loci*, aliorumque  
*adjunctorum* personæ, cujus beneficium, aut in  
cujus favorem dismembratur. Sicut enim hæc  
non eadem apud omnes personas sunt, ita quo-  
que non eadem rerum quantitas apud omnes su-  
perflua, aut necessaria dicenda est. Sed potest  
quidpiam spectatis unius personæ adjunctis su-  
perfluum videri, ac esse, quod relate ad aliam  
personam necessarii mensuram haud superat.  
Quæ igitur *præced. not. s)* ad commendationem  
dismembrationis dicta sunt, moderatius sumi

debent, quam passim ab invidis quibusdam politicis recentiore ætate sumuntur, qui nulla spendoris externi diversis hierarchiæ ecclesiasticæ gradibus non una ex causa necessarij ratione habita, omnes eorum redditus ad perfectæ æqualitatis legem dismembrandos esse importune clamentant.

IV. Circa unionem *perpetuam & realem* varia occurrunt animadversione digna: nempe

1) diversæ ejus species:

- a) alia quippe est per *exæquationem*, cum salvis utriusque beneficii juribus, ac indole uni Rectori subjiuntur: v)
- b) alia per *confusionem*, dum plura beneficia in unum quoddam conflantur, & ecclesiarum jura, & privilegia confunduntur: x)
- c) alia per *subjectionem*, dum minor ecclesia majori, ceu *filia matri* subjicitur, ac proin vacante *ha.* & illa vacare conferitur; unde Patronus unitæ ecclesiæ jus suum, nisi id specialiter sibi reservarit, amittit; de cetero vero exceptis iis, quæ altiore jurisditionem respiciunt, unita ceu *accessoria principalem* sequitur: y)
- d) alia demum per *incorporationem*, cum beneficium quoddam Collegio, Monasterio &c. adjicitur, vel *quoad temporalia* solum, ut, assignata Vicario congrua sustentatione, redditus ceteros sibi vindicer: vel simul *quoad spiritualia*, ut insuper Prælati talis Collegii verus Parochus habeatur, ac de suis, *etiam ad tempus*, Vicarium exponere possit:



possit: vel demum cum ipsa *iurisdictione quasi-episcopali* in Clerum & populum, ac proin cum iure Vicarium examinandi, adprobandi, visitandi &c. 2)

1) Corollaria ex hacce descriptione profluentia videntur apud Rigger *cit. loc. §. 287.*

2) Unionis per *confusionem*, aut, ut alii eam vocant, *subpressionem* effectus recenset Idem *ibid. §. 288.*

3) Duobus iterum modis unionem istam fieri posse, *absolute* nimirum, & *secundum quid*, docet Rigger *cit. loc. §. 285. Schol.* Ubi etiam varia huius unionis consuetudina legi merentur. Conf. Wiestner *lib. V. tit. XXXI. n. 6.*

2) Primam unionem *minus pleno*, alteram *pleno*, tertiam *plenissimo* iure factam vocant, quamvis non tam ex *terminis* istis, in formulis, ac chartis fors occurrentibus, sed ex earum potius *sensu incorporationis* modus desumi debeat.

## 2) Requisita:

a) *caussa* unionis *iusta* esse debet, necessitas scilicet, vel evidens utilitas Ecclesiae; a)

b) *consensus* quoque illorum, quorum interest, accedat, nimirum *Capituli, Patroni*, vel *Principis* ceu *Advocati*, si de *majori ecclesia* agatur; b)

c) tandem *legitima auctoritate ecclesiastica* fiat, quæ circa *Episcopatus*, aut beneficia *consistorialia* penes Pontificem, circa alia vero *ordinarie* penes Episcopum residet. c)

a) Est

a) Est enim *omnis unio* beneficiorum, utpote quæ vel *alienationis* rationem habet, vel *cũtũm* divinum, aut *reditus* diminueret, *odiosa* quapropter *stricte* interpretanda ac non nisi ob dictas causas facienda. (*cap. 33. de præb.*) quibus sane positis ratio odii evanescit. Causæ hæ in unionibus *personalibus* præced. n. I. not. e) & *gratiosis* (de quibus Rigget § 289) rarius præsto sunt: recte igitur illæ a Concilio *Trident. cit. Sess. VII. cap. 4. de reform.* rejiciuntur; istæ vero a claris juris eccles.: interpretibus ut minus legitimæ vituperantur.

b) Concil. *Trident. Sess. VII. cap. 6. de reform.* Regula Cancellariæ de union. XXII. Cont. Rigget cit. loc. § 292.

c) *Cap. 4. de offic. legat. cap. 8. de excess. pralat.* Causus, in quibus Episcopi potestas beneficia uniendo restricta est, vid. in Concil. *Trident. Sess. XXIV. cap. 13. de reform.* *Clement. ult. de reb. eccles. non alienand. Trident. Sess. XIV. cap. 9. de reform.*

V. Reliquæ innovationis species, nimirum: Divisio, Subpresio, Extinctio, & Alteratio easdem fere leges sequuntur, ut adeo in istis quoque

a) *causæ graves auctoritas ecclesiastica*, & eorum, quorum interest, *consensus* exigatur;  
b) & *Episcopatum*, aliarumque ecclesiarum *immediatarum* divisio, aut alteratio Pontifici reservetur. d)

d) Fuerunt nostris temporibus, qui graves pro *Episcopatibus dividendis*, novisque *erigendis* rationes assignarunt; et dubitarunt sane, an speciatim *Imperii Germanici* rationem, ac sequelas cordi habuerint,



buerint, quæ in Status hujus regimen *politicum* æque, ac *ecclesiasticum* redundarent. Verum illud saltem non diffitemur, pro divisione *Paro-  
chiarum* si ob locorum distantiam cura animarum difficilior sit, & redditus simul pluribus Clericis alendis sufficerent, graviores stare rationes, a pio & sincero rerum æstimatore haud facile contemnendas. Conf. libellus: Gründe wider die projectirte Zertheilung der alten, und Errichtung neuer Bisthümer.

## CAPUT II.

### JUS PRIVATUM CIRCA RES SACRAS, ET ECCLESIASTICAS. e)

#### § I.

#### DE SACRAMENTIS IN GENERE.

I. Necessaria esse quædam ad Ecclesiæ scopum sacramenta, ipsa Ecclesiæ scopi, ac Sacramenti genuina *notio* loquitur. f) Quare

- a) instituit Christus aliqua; g)
- b) at nec plura, nec pauciora, quam *septem*.

h) e) Res ad Ecclesiam pertinentes non uno, eodemque modo distribuunt. Alii eas 1) in *spirituales*, *temporales*, & ex utrisque, *mixtas*: alii 2) in *spirituales*.

*spirituales* in se, vel per annexionem tales, in *sacras* seu benedictione, aut consecratione *sacras*, & *ecclesiasticas* simpliciter; 3) alii eas in *spirituales*, & *temporales*, & has rursus in *sacras sanctas*, *ecclesiasticas*, prout vel consecrantur, vel benedicuntur, vel sumtibus in Ecclesia faciendis serviunt, alii aliis modis partiuntur. Inde vero *diversus* nascitur *matarum* hujus capitis, *ordo*. Nobis non adeo, quem *juste* divisionis logicae leges imperant, verum quem utilitatis ac simplicitatis ratio svadet, *præplacet*. Res itaque Ecclesie in *sacras* & *ecclesiasticas* in *specie* dividimus. *Ille* propius *divinum* cultum, ac religionem respiciunt; *istæ* remotius; ad *illas* sacramenta præcipue, & sacramentalia, dies festi, Sanctorum, imaginum, reliquiarum cultus, dies jejuni, & vigiliarum pertinent: *istæ* vero loca præprimis *sacra* & *religiosa*, bonorumque *ecclesiasticorum* *diversas* species in se complectuntur. De singulis jam totidem fere §§. agendum est.

f) Vox *sacramenti* profanis scriptoribus illud denotat, quidquid interposito jurejurando geritur. Nobis *signum visibile* est *invisibilis gratia* ad nostram sanctificationem a Christo *permanentiter* institutum. Cum vero sanctificatio, seu ut Theologi ajunt, *gratia* sanctificans adeo arcte cum beatitudine supernaturali hominis conjungatur, ut sine ea hac frui nequeamus; beatitas autem supernaturalis Ecclesie scopus sit, (vid. proleg. §. I. n. V. §. II. n. I.) patet jam, ut sanctificationem hominum, ita quoque Sacramenta quæpiam ad Ecclesie scopum *requiri necessario*. Conf. Concil. Trident. Sess. VII. de *sacram. can. 4.*

g) Christus enim 1) ut omnis gratiæ auctor sacramenta instituere potuit; at 2) ut sapientissimus Ecclesie fundator media etiam ei ad finem necessaria *desse noluit*; quare, cum inter hæc media



dia sacramenta in primis numerentur, (*not. præced.* voluit quoque eadem instituere Voluntas hanc Christi nullatenus inefficacem fuisse, adeuratus demonstrant Theologi dogmatici.

b) Est hæc ex traditione, & sacra scripturæ textibus hausta Concilii *Tridentini* definitio. *Sess. VII. can. 1 & seq.*

## II. Dividuntur *multifariam*; speciatim vero

- a) a Concilio *Trident. Sess. VII. proem*: in ea, quibus omnis vera *justitia incipit*, vel capta augetur, vel amissa reparatur; i)
- b) a Canonum interpretibus vero in sacramenta *characterem indelebilem imprimentia*, & eundem *non imprimentia*. k)

i) Illa quibus vera *justitia incipit*, aut amissa reparatur sunt ad salutem *absolute* necessaria. Sicut enim sine *justitia* salus *absolute* haberi nequit, ita nec sine sacramentis, quibus illa incipit, aut reparatur. Porro cum *augmentum justitiæ* & reparatio *initium* ejusdem præcessisse supponat, nullus dubio locus est, sacramenta *primæ classis* ceteris *precedere* debere, nullumque, nisi baptizatum hominem, ceterorum sacramentorum suscipiendorum capacem esse; sique hic per peccatum grave gratiam amiserit, obligari eundem ad illam per pœnitentiam reparandam, antequam ad ea, quibus reparata augetur, suscipienda accedat, seu quod idem est: *debere hominem in statu gratiæ esse, quotiescunque sacramenta suscipit, quibus vera justitia augetur*; nec enim ego mihi augmentum gratiæ cogitare possum, nisi existentiam ejusdem in homine præsupponam.

k) Quid

- k) Quæ *characterem* imprimunt iterari non possunt. *Trident. cit. Sess. VII. can. 9.* Nil enim sine ratione sufficiente fieri debet; at quæ esset ratio reiterandi sacramenta, quorum semel susceptorum effectus, character nempe indelebilis, perpetuo durat?

### III. Quæcunque vero sint, requirunt

#### 1) *essentialiter*

- a) *materiam, formam, ministrum.* l)  
b) quæ tria proin Christus, quod *substantiam* saltem, determinavit. m)

#### 2) *accidentaliter* vero ritus, n) quorum determinatio

- a) ita Ecclesiæ Præsulibus relicta est, o)  
b) ut immutare eosdem auctoritate privata ad Ministros inferiores nulla ratione pertineat. p)

d) Sunt enim sacramenta 1) signa visibilia (vid. *præced. n. l. not. f.*) ergo *materiam*, seu rem requirunt, quæ in sensus cadat: 2) signa invisibilia gratiæ (*ibidem*) ergo & *formam* seu verba requirunt, quæ gratiam, quam sacramenta operantur, exprimant; cum vero verba ipsa sine persona eadem proferente gratiam actu exprimere haud possint, sequitur: requiri 3) *ministrum*, qui *formam* ad *materiam* adplicet.

ss) Qui enim sacramenta instituit (vid. *præced. n. l. lit. a.*) b) *not. g.*) absque dubio & ea, quæ illis *essentialia* sunt, in *genere saltem*, determinare debuit. Quapropter nequeunt hæc tria ab Ecclesia immutari, sed *talìa esse semper debent, qualia Christus esse voluit.*

n) Num



n) Nam *accidentaliter* & pietatem excitare, alere, proin & cum decore administrari debent; ad id vero ritus quantum conferant, suo loco videbimus.

o) Præfulum ecclesiasticorum potestati, quæ tamen conservendæ unitati, & consensioni fidelium quoad actus etiam cultus divini exteriores studere semper debet, relictam esse rituum sacramentalium determinationem, testantur 1) libri *liturgici* ab Apostolorum jam ætate a variis Episcopis præscripti; 2) *vicissitudines*, quas antiqui, olimque usitatissimi ritus habentibus seculis voluntate eorum, qui Ecclesiam regebant, subiverunt; 3) ipsa demum *diversa* fidelium *indoles*, variabiles eorum mores, quibus ritus religiosi per Episcopos non raro adcommodari debere salus communis postulat.

p) Concil. *Trident. Sess. VII. can. 13.* Ne nimirum arbitraria hac ritus immutandi facultate unitas & cultus exterioris consensio perturbetur.

## §. II.

### DE SACRAMENTIS IN SPECIE PRÆTER MATRIMONIUM.

I. Baptismus, græcum nomen, alias omne *ablutionis* genus significat; hic vero definitur sacramentum *regenerationis per aquam in verbo vitæ*. q) Circa baptismum notanda veniunt

1) dignitas baptisimi: nimirum

a) est *verum* novæ legis *Sacramentum*, r) & quidem

Pars II.

L

b) quo

b) quo omnis vera *justitia incipit*, & quod *characterem indelebilem animæ imprimit*. s)

q) Catechism. Concil. *Trident. P II cap II* Uberius definitionem hanc explicat *Zech de jur. ver. Sect II. tit. II. § 187. seqq*

r) Concil. *Trident. Sess VII de sacram. can. 1.* Et vere: quæcunque enim genuina sacramenti notio (*præced. §. I n I not f*) involvit, hæc in baptismo adesse manifestum est textus S. Scripturæ ad Ephes. V. 26 Joan. III. 5. Marc. ult. 16. lustrantibus.

s) Primum ex Concil. *Trident. Sess VI de justificat. cap IV.* alterum vero ex ejusd. Concil. *Sess VII. de sacram. can 9* eruitur. Inde vero jam concludimus 1) baptismum inter alia sacramenta *maxime necessarium*, & reliquorum esse januam. §. *præced. n. II not. i*) Conf. Concil. *Trident. Sess. VII. de sacram. can. 5. de baptismo*; item *cap. 3 de presbyt. non baptizat.* 2) iterari eum non posse. *præced. §. n II. not. k*.)

2) materia, forma, minister: t)

a) *materia baptismi est aqua naturalis*, sive per immersionem, sive per adspersionem, sive per infusionem adhibita; u)

b) *forma in verbis consistit*, quibus actus baptizantis, persona baptizata, & distincta invocatio personarum SS. Trinitatis in una essentia exprimitur; v)

c) *minister ordinarius præprimis est Episcopus*: post hunc *parochus*, vel alius *sacerdos* a parochovo vel ordinario *delegatus*; imo & *diaconi baptismi sollemnis administratio committ*



mitti potest, non autem inferioribus clericis, aut laicis. x)

z) *Materia, forma, minister*, sicut ad *substantialia* cujusvis sacramenti pertinent (§. *præced. p. III. lit. a. not. l.*) ita in baptismo, aliisque sacramentis ex voluntate Christi determinari debent. (*ibid not. m.*) Quare quotiescunque imposterum quæretur: qualianam hæc *substantialia* in illo, aliove sacramento sint: valeat generalis illa responsio: (*loc. mox cit.*) *talìa scilicet, qualia Christus esse voluit.*

y) *Not. præced. & Joan. III. 5. Conf. Van Espen P. II. sect. 5. tit. II. cap. I. item Zech cit. loc. §. 189. not. 37.*

x) *Not. præced. t.) & Math. 28. 19. Conf. Morinus de pœnit. lib. III. cap. 16.*

xx) In casu *necessitatis* vero omnibus jus est baptizandi, etiam mulieribus. Tertullian. *lib. II. de baptis. cap. 16. 17. can. 20. 21. 23. 24. 29. 34. Dist. IV. de consecr. can. 10. Causs. I. Q. I. can. 4. Causs. XXX Q. II. imo & hæreticis. Can. 23. 24. Dist. IV. de consecr. At nemo, nequidem in casu necessitatis se ipsum baptizare potest; Cap. 4. de baptis. sed eo in casu baptismum fluminis *martyrium*, aut *vorum* ejusdem perfecta charitate junctum supplebit. *Can. 34. Dist. IV. de consecr. Conf. Zech cit. loc. §. 193.**

3) personæ baptizandæ, & adstantes:

a) baptizari possunt *omnes*, non solum adulti, sed & parvuli; y)

b) in *adultis* intellectus & voluntas, & sedula præparatio requiritur; z)

- c) *infans* baptizandus jam natus sit oportet;  
 a)  
 d) in *patrinis* rogandis & admittendis delectus fervari debet. b)  
 e) *numerus* eorum jure recentiore ad duos tantum diversi sexus restringitur. c)

y) *Nisi enim quis renatus fuerit ex aqua & Spiritu Sancto, non potest introire in regnum Dei* Jo an. III. 5. Pone igitur non omnes baptizari posse; carebunt illi, quos a susceptione baptismi excluderis, necessario ad salutem medio. Quod cum divina misericordia nullatenus conciliari potest. Conf. can. 7. 8. 74. 76. 129. 130. 138. Dist. IV. de consecr. cap. 2. & 3. *de baptism.* item *Recess. imp. de an.* 1529. §. 6.

z) Hinc cum olim per catechismum præparandi erant, *catechumenorum* nomen gesserunt. Conf. vero *Zech cit. loc.* §. 194. & 196.

a) Inde est, quod *infans* non censeatur baptizatus in utero, si mater prægnans baptizetur. Can. 14. Dist. IV. de consecrat.

b) Adeo enim *gravia* sunt *patrinorum officia*, ex sententia Augustini Can. 105. Dist. IV. de consecrat. relata, ut non a quovis promiscuo impleri ea posse certissimum videatur. Quare arcentur 1) *nondum baptizati*, nec confirmati: 2) *Abbares: monachi: moniales:* 3) *exclusi a sacro commercio:* 4) *hæretici:* 5) *parentes* ob cognationem spirituales. Can. 102. 103. Dist. IV. de consecrat. Alii vero, qui admittuntur, ut paterni quodammodo amoris affectu ad implenda solertius erga prolem baptizatam curæ spiritualis officia excitentur, *cognationem spirituales* cum ea contrahunt, de qua inter impedimenta matrimonii redibit sermo.

c) Ne



- c) Ne scilicet cognationis spiritualis *impedimenta* nimium ad crescant. *Cap. fin. de cognat spiritual. in 6. Trident. Sess. XXIV. cap. 2 de reform. matrimon. Conf. Van Espen. loc. cit. cap. V.*

4) locus, tempus, ritus:

a) nisi gravis causa aliud svadeat, *locus*, ubi confertur baptismus, sit *Ecclesia parochialis propria*; d)

b) *tempus* ex veteri disciplina extra casum necessitatis erat *Paschæ*, & *Pentecostes*: hodie quodcunque; e)

c) *ritus* antiquitate venerandi, f) siquidem in casu necessitatis *omissi* fuerint, commodo tempore *suppleantur* a Parocho. g)

d) Sanctitas actus baptismalis, rituum præscriptorum ratio, ordinisque conservandi necessitas id exigunt. Conf. *Clement. un. de baptis.*

e) Ex veteri hacce disciplina *dominica primæ* post Pascha in *albis* denominatio derivatur.

f) Antiquissimos esse baptismi ritus erudite demonstrat Jos. Vicecomes *observat. eccles. vol. I.* Hodie in eos, qui baptismum *antecedunt*, *comitantur*, *sequuntur*, dividi, ac in ritualibus explicari solent. Vid. interim Zech *cit. loc. § 199. 200. 201. seqq.* ubi utilissima quædam a parochis circa baptismum evitanda & præcavenda exponit. *§. 203.*

g) *§. præced. I. n. III. not. n.) item præced. n. 2. lit. c)*

5) Effectus.

a) alii *interni* sunt; quo præter eos, quos *præced. n. 1. lit. b. not. s)* indicavimus, in-

primis remissio peccati *originalis*, & omnium *personalium* refertur. *h*)

b) alii *externi*, scilicet: quod baptizatus fiat *Ecclesiae membrum*, ejusdem potestati subji-  
ciatur, ac jurium reliquis Christianis com-  
munium parriceps reddatur. *i*)

*h*) Concil. *Trident. Sess. XIV. cap. 2. de pœnit.* Plura  
hac de re leg. apud *Zech cit. loc. §. 195.*

*i*) Inter cetera a macula *civili*, & tolerantiae *censu* li-  
beratur; *l. 56. §. 3. cod. de episc. & cler.*

II. Confirmatio est manuum impositio,  
ac hominis in fronte unctio sub certa forma eo  
ex fine facta, ut homo roboretur ad fidem in-  
trepide profitendam, & fortiter tuendam. *k*)

1) Est *verum sacramentum*, *l*)

a) quod *gratiam auget*, *m*)

b) & *characterem imprimit*. *n*)

*k*) *Can. 1. seqq. Dist. V. de consecr.* Quas alii eodem ex  
fonte Confirmationis definitiones hauriunt, ab  
hacce nostra, si *rem* species, haud differunt.

*l*) Est enim 1) *signum visibile (ex def)* quo 2) *Spi-*  
*ritus Sanctus (Act. VIII. 17. 18.)* qui hoc loco *gra-*  
*tiam sanctificantem* denotat (*Theol. exeget.*) con-  
fertur, proin 3) a Christo, qui solus gratiae  
auctor est (*Theol. dogm.*) institutum. Hæc vero  
absolvunt essentiam novæ legis sacramenti (*pre-*  
*ced. §. I. n. I. not. f.*) Add. Concil. *Trident. Sess.*  
*VII. can. 1. de Confirm.*

*m*) Ita tamen, ut etiam *per accidens primam gratiam*  
producere possit. S. Thomas *P. III. quest.*  
*77. art. 7. ad 2.*

*n*) Concil.



n) Concil. Trident. Sess. VII. can. 9. de sacram. Valent igitur de Confirmatione ea, quæ supra §. I n II. nos i. k) de sacramentis in genere dicta sunt.

2) Quod vero adinet Confirmationis

a) *materiam*: dicunt, *remotam* in manuum impositione & chrismate, *proximam* vero in unctione consistere; o)

b) *Formam* Græci aliam, aliam Latini adhibent; p)

c) *Persona* confirmans seu *Minister ordinarius* est *Episcopus*, q) *extraordinarius* etiam *Presbyter*; r) confirmanda vero baptizatus s) omnis, t) quem tamen bene dispositum esse decet. u)

e) Ita Zech loc. cit § 205 seq Conf. præced. n. I. not. t) Act VIII. 17 18. His enim in syllogismum redactis si cap. un. de sacr. unct. verba: *per frontis chrismationem manus impositio designatur*, addideris, sponte sua veritas asserti profluet. Vid. porro Concil. Constantiens Sess. ult. Ceterum ex oleo olivarum, & balsamo chrisma confici (cap. un. de sacr. unct. & ab Episcopo benedici debet. Simplici Presbytero facultatem benedicensi chrisma a Pontifice dari quidem posse, at vix unquam hucusque datam fuisse, docet Benedictus XIV. de Synod. diæces. lib. VII. cap. 8. Conf. etiam respons. S. D. P. Pii VI. ad Clerum Galliarum nuper inter cetera querentem: an in dira, qua adhuc premitur, persecutione deficientibus Episcopis chrisma a Presbyteris benedici posset?

f) Græci hac utuntur forma: *Signaculum donationis Spiritus Sancti*: supple, *tibi imponitur*. Inter Latines quidam & orationem, quam Episcopus

manus imponendo fundit, & verba, quæ ungens profert: *Signo te signo crucis. Et confirmo te ebriitate salutis in nomine Patris & Filii, & Spiritus Sancti.* ad substantiam formæ pertinere arbitrantur. Sed enim posterioribus verbis sufficienter Confirmationis effectus exprimitur; ea propter placuit Patribus Florentinis in Decreto Eugenii IV. pro Armenis illis solis essentiam formæ hujus sacramenti designare. Nec Græcorum tamen, nec Latinorum forma in antiquissimis documentis descripta invenitur: rationem ex arcani disciplina repeti debere, ex Innocentii I. ad Decentium Eugubinum Episcopum epistola 29. colligimus, quæ ita habet *Verba vero dicere non possum, ne magis proderi videar, quam ad consultationem respondere.*

- g) *Præced. n. I. not. t) & Act. VIII. 14. 15 item Concil. Trident. Sess. VII. can. 3. de Confirm.*
- r) Ex commissione nempe Summi Pontificis, quam eo facilius credimus dari posse, quo certius est 1) evenire subinde necessitatis casus, in quibus Episcopus confirmare haud possit; 2) nulli delegationem hanc juris Episcopalis pro ejusmodi casibus esse vetitam; 3) communi utilitati per eam consuli; nec demum 4) exempla talis commissionis data deesse. Vid. *Bullar. Benedicti XIV. Tom. III. constit. 6. ibid. constit. 30. Tom. I. constit. 10. Conf. Ejusd. de Synod. dioces. lib. VII. cap. 7.*
- s) *Præced. §. I. n. II. not. i) §. II. n. I. not. s) n. II. lit. a. not. n) demum Act. VIII. 16. seq.*
- t) Omnibus enim illud I. Petr. V. 8. 9. Ephes. VI. 11 dictum est. Inprimis vero ad suscipiendum hoc sacramentum obligantur *Adspirantes ad Clericatum*, qui ut aliquando alios in fide confirmare valeant, ipsi prius roborati sint necesse est. Conf. quæ cap. I. §. I. n. IV. §. not. o) de



de irregularitate ex defectu sacramenti dicta sunt.

u) Ad hanc *dispositionem* pertinent 1) *status gratiæ*, aut ex baptismo conservatus, aut per pœnitentiam reparatus. (*n. præced. I. lit. a. not. n.*) & *§. præced. I. n. II. not. i.*) 2) *perseverantia in oratione & jejuniis* secundum exemplum Apostolorum Spiritum S. exspectantium; 3) *proin & ætas*, qua confirmandus ratione jam utitur. Postremum olim non adtendebatur, prout nec hodie in Ecclesia orientali adtenditur, in qua Confirmationem etiam parvulis mox post baptismum conferunt. Sed ab hoc more dudum Ecclesia *occidentalis* recessit, uno hoc casu excepto: si parvuli periculose ægrotent, & copia Episcopi habeatur; tunc enim denuntiari sibi ejusmodi parvulos jussit S. Carolus Borromæus (*P II Act. Eccles. Mediolan pag. 232.*) & Prosper Lambertinus Archiepiscopus Bononiensis: postea Pontifex Benedictus XIV. (*Inst. eccles. VI. pag. 24.*) ut confirmare eos posset, cum ex doctrina S. Thomæ *P III. Q. 72. art. 8. ad 4.* etiam pueri confirmati decedentes majorem gloriam consequantur, sicut & hic majorem obtinent gratiam.

3) Cerimoniæ, quas pro Confirmatione Pontificale Romanum præscribit,

a) adprime *scopum* ac virtutem hujus sacramenti *significant*; v)

b) quapropter *semper* adhiberi debent. x)

v) Vid. Zech *cit. loc. §. 22.*

x) Alia asserti hujus ratio est: quod nimirum ad quodvis sacramentum decore ministrandum ritus necessarii sint; *§. præced. I. n. III. not. n.*) proin non nisi ob majorem necessitatem omitti possint.

At nulla ejusmodi necessitas in sacramento Confirmationis, quod ad salutem absolute necessarium non est (*ibid. n. II. not. 2*) adesse videtur; ergo nec rituum omissio unquam probanda est.

III. Eucharistia, si vocem spectes, bonam gratiam, gratiarum actionem significat; si rem ipsam: est Corpus ac sanguis Domini Nostri Jesu Christi sub speciebus panis ac vini ad spirituales fidelium alimoniam latens. y) Est

1) sacramentum, singularis, super reliqua, excellentia, justitiam inceptam augens; 2) cujus proin

a) perceptio hominibus necessaria est necessitate praecepti: a)

b) Materiam panis triticeus, & vinum de vite constituunt; b)

c) Formam vero verba Salvatoris in ultima cena adhibita: c)

d) Minister sive conficienda, sive dispensanda Eucharistiae ordinarius est Sacerdos legitime ordinatus: d)

e) Cultus ei debetur latratu. e)

1) Vid. arg. Sess. XIII. Concil. Trident. de SS. Eucharistia cap. 2.

2) Tria haec propositio complectitur, quorum primum ex not. sacram. §. praeced. l. n. I. not. 1. ad textus scripturae Math. XXVI. 26 27, Luc. XXII. 19. Joan. VI. 59 applicato, & ex Concilii Trident. Sess. VII. cap. 1. de sacram. Sess. XIII. de SS. Eucharist. alterum ex ejusd. Concilii cit. mox Sess. XIII. cap. 3. postremum vero ex I. Cor. XI. 27. & §. praeced. l. n. II. not. 2) facili opera cognoscitur.

a) Duplex



a) Duplex ad sumendam frequenter Eucharistiam præceptum urget, 1) *divinum* Joan. VI. 54. 55. 2) *humanum*. Concil. Agathense an. 506. can. 18. relat. in *Can 19 Dist. II. de consecr. Lateranens. IV. an. 1216. relat. in cap. omnis 12. de penit. & remiss. Tridentin. Sess. XIII. can. 9. de SS. Eucharist. sacram.* De utroque notandum in genere est: 1) neutro imponi obligationem sumendi Eucharistiam sub *specie duplici*, quantum ad laicos pertinet: aliud vero de *Sacerdotibus celebrantibus* dicendum est. Conf. Cardinalis Bona *Rer. liturg. lib. II. cap. XVIII. n. 2.* Quapropter diversa hac in re variis temporibus obtinuit in Ecclesia disciplina. Vid. *hist. eccles.* 2) utrumque datum esse præcipue hominibus *adultis, ratione utentibus*, & inter hos potissimum *infirmis*. Concil. *Trident. Sess. XIII. can. 9. de SS. Euchar.* item *Sess. XXI. cap. 4. de commun.* Conf. Zech *cit. loc. §. 222.* 3) Vi utriusque hominem Eucharistiam sumentem a peccato inprimis *mortalis* immunem esse debere. I. Cor. XI. 28. *Trident. Sess. XIII. can. 11. de Euchar.* Vi præcepti *humani* etiam *jejunum*. Conf. Zech *cit. loc. 225. seq.* 4) Illi divino præcepto respondisse adprime primorum Christianorum pietatem, ut pluribus exemplis probat Binghamus *Orig. eccles. lib. XV. cap. 9. §. 1. seqq.* 5) tepescente vero Christianorum zelo humanum accessisse, quo, ut saltem *singulis annis circa Pascha* communicent, statutum est. Conf. Zech *cit. loc. §. 224.* Ex hoc vero sumendæ frequenter, ac infirmis ministrandæ SS. Eucharista præcepto sponte sua sequitur: paratam illam semper ad servari debere 1) in sufficiente quantitate, 2) in vasis mundis, 3) in tabernaculis ecclesiarum regulariter parochialium. Concil. *Trident. Sess. XIII. cap. 6. de SS. Eucharist.* Cardinal. Bona *cit. loc. lib. I. cap. 24 n. 6.*

b) Chri-

- b) Christum ipsum pane triticeo, & vino de vite usum fuisse, cum Eucharistiam institueret, Theologi ex Math. XXVI. 17. Marc. XIV. 12. Luc. XXII. 7. ad Exod. XXIX. relatis demonstrant. Dubium ergo nullum est in his materiam Eucharistiae consistere. Conf. *præced. n. I. 2. not. t*) & Decret. Eugen. IV. pro Armenis. Quid autem sit panis triticeus, quid vinum de vite, ex vulgari æstimatione & iudicio petendum est. Illud autem sat certum est, utrumque panem tam azymum quam fermentatum esse veram & sufficientem hujus sacramenti materiam, ipsumque diversum usum esse unum de punctis disciplinæ, quod etiam de modica aqua vino admiscenda valet. Unusquisque tamen tenetur morem suæ ecclesiæ servare, adeoque Presbyteri in Ecclesia latina non possunt uti pane fermentato sub pœna amissionis officii & beneficii Card. Bona cit. loc. cap. XXIII. Conf. *præced. s. I. n. III. lit. b. not. p.*)
- c) Nempe pro consecratione panis verba: *Hoc est corpus meum*; pro consecratione vini: *hic est sanguis meus*. Ratio ex iisdem respective locis scripturæ, quæ *præced. not. b*) indicavimus, petitur. Adde: Evangelistas, ut ex collatione eorum intelligitur, in solis his verbis a Christo pronuntiatis convenire; noverunt igitur, & docere nos voluerunt, sola hæc ex Christi exemplo & lege ad formam hujus sacramenti spectare. Conspirant quoque hac in re omnes tam orientales quam occidentales antiquæ & modernæ liturgiæ. Quare longior illa hodierna consecrationis forma Latinorum, præsertim calicis, non est tota ac integra de essentia sacramenti. Nilominus tamen necessario ab omnibus servanda. Vid. *præced. s. I. n. III. lit. b. not. p*) Conf. Benignus Bosuët in *explicat. quarumd. difficult. circa preces Sacrific. Missæ n. 45.*
- d) Solis enim Apostolis, & cum ritus consecrationis perpetuo sit in Ecclesia duraturus, eorum suæ



successoribus Sacerdotibus dixit Christus: *hoc facite in meam commemorationem* I. Cor. XI. ergo hos solos, *Ministros* Eucharistiæ & conficiendæ, & dispensandæ *ordinarios* esse voluit. Conf. Concil. *Trident. Sess. XXII. cap. 9. de Sacrif. Missæ.* Competiit tamen aliquando Eucharistiæ jam confectæ dispensatio etiam *Diaconis* tanquam *Episcoporum & Sacerdotum Ministris*; sed evanuit jam hodie mos iste, quia nulla ejus retinendi necessitas superest. Sacerdotes igitur eam dispensant, & quidem *sanis* extra tempus *paschale*; quicumque legitime ordinati sine ulla parochialis Presbyteri licentia; *infirmis* vero instar *viatici*, aut tempore *paschali* *sanis* proprii eorum *Parochi*, aut alii in *casu necessitatis*, extra hunc, cum Parochi consensu. Conf. *P. I. cap. I. §. IX. n. IV. not. m)* & *Trident. Sess. XXIV. cap. 13. de reform.* Ceterum quisque ministrans Eucharistiam *ritus* ab Ecclesia præscriptos servare debet, quo pertinet 1) *tempus*: istud, si *sanis* Eucharistia distribuitur, mox post communionem Sacerdotis celebrantis adsignatur; (*Zech cit. loc. §. 221. not. 41.*) si *infirmis*, diurnum matutinum, nisi necessitas aliud suadeat. *Rigger P. III. §. 803. Schol.* 2) *modus* eam ad *infirmos deferendi*: hic cap. 10. *h. tit.* ita describitur: *Eucharistiam in decenti habitu superposito mundo velamine ferat, & referat manifeste, ac honorifice ante peccatus, cum omni reverentia & timore semper lumine præcedente, cum sit candor lucis æternæ, ut ex hoc apud omnes fides & devotio augeatur.* Quid ad quæstionem: an quispiam, præter Sacerdotem celebrantem, sibi met ipsi Eucharistiam ministrare audeat? respondendum sit, docet *Zech cit. loc. §. 221.*

- e) Continetur enim in almo hoc sanctæ Eucharistiæ sacramento D. N. Jesus Christus verus Deus; (Concil. *Trid. Sess. XIII. cap. 1. de Euchar.*) cui omne genu flectatur, cultum laudeticum eidem

dem deferendo. Quare, verbis utar ejusdem Concilii Trident. Sess. cit. cap. 5. pie, & religiose admodum in Dei Ecclesiam inductus est hic mos, ut singulis annis peculiari quodam & festo die præcelsum hoc venerabile sacramentum singulari veneratione ac solemnitate celebraretur, urque in processionibus reverenter & honorifice illud per loca publica circumferretur; aut extra processiones adorationi fidelium in altari exponeretur, processiones ipsas, & expositiones ordinante Episcopo, ne earum frequentia minuat reverentiam, & ne ad cujuslibet pene devotionem, & privatis sæpe ex causis, quarum plures minus probandas recenset Zech cit. loc. §. 229. palam spectandum exhibeatur. Conf. Rigger cit. loc. §. 805. seq.

2) *Eucharistia* est etiam *sacrificium* novæ legis incruentum fidelibus tam vivis quam defunctis salutare, quod *missa* dicitur: f)

- a) *Dividitur* in *publicam* & *privatam*; g)
- b) ad eam saltem diebus dominicis & festis celebrandam tenentur quicumque Sacerdotes; h)
- c) non tamen omnes promiscue admittendi sunt; i)
- d) circa *ritus*, *tempus*, *locum*, *missarum* celebrandarum *numerus*, ac *stipendia* plura ab omnibus religiose observanda præscribunt Canones. k)

f) *Missa* nomen latinum est derivatum a *missione* seu *dimissione*. Ejus pars prima usque ad Offertorium olim vocabatur *Missa Catechumenorum*, qua completa isti dimittebantur: altera *Missa fidelium*, qua finita dimittitur populus per verba



Diaconi: *ite: missa est.* Conf. Cardinal. Bona *cit. loc. lib. II. cap. 1.* Partes ejus magis *essentiales* sunt 1) *oblatio*; 2) *consecratio*; 3) *communio*. *Accidentales* vero sunt *cerimoniae*, quibus illae perficiuntur. In Missa offerri 1) longe perfectius, ac in veteri lege, Deo sacrificium, definivit Concil. *Trident. Sess. XXII. can. 1. 3. 4.* lateque ostenderunt Theologi, uti Melchior Canus *de loc. theol. lib. XII. cap. 12.* Bellarminus *Tom III. lib. I. de Missa. cap. 6.* Nobis hic loci argumentum ex notione Sacrificii cum notione Missae collata ductum sufficiat. Est vero hoc: *Sacrificium* dicitur oblatio externa rei sensibilis soli Deo per legitimum Ministrum facta per realem hostiae immutationem ad cognoscendum supremum ejus in res omnes creatas dominium. At omnia haec in Missa habentur. a) *minister* legitimus Christus principalis offerens Sacerdotum ministerio: Paul. ad *Hebr. V. 6.* b) *Oblatio externa* rei sensibilis, nimirum corporis, & sanguinis Christi sub speciebus panis, ac vini, ex def. Eucharistiae *praeced. n. III.* c) *immutatio hostiae* nempe mystica, quatenus vi verborum tanquam gladio spiritali sanguis Christi a corpore separatur ad cognoscendum supremum Dei Dominium. Conf. *Zech cit. loc. §. 232.* 2) esse illud sacrificium vivis, & defunctis salutare variis rationibus probat idem Concil. *Trident. Sess. XXII. cap. 2. de S. Sacrific. Missae*; & apertius *can. 3. ibidem* definit.

g) *Publicam* etiam *solemnem* vocant. Quid per publicam & privatam olim: quid hodie intelligatur: vid. *Rigger cit. loc. §. 783.* Paulo aliam publicae Missae descriptionem legimus *Sess. cit. Concil. Trident. cap. 6.*

h) Concil. *Trident. Sess. XXIII. cap. 14. de reform.* Officium istud his ex fontibus fuit, 1) ex sacerdotali ordine, & munere; *Luc. XXII. 19. I. Cor.*

Cor. XI. 24. 2) ex communi omnium mortali-  
um officio Deum colendi, eidemque sacrificia  
offerendi, quod adeo claris characteribus omni-  
um cordibus inscriptum est, ut nulla gens bar-  
bara etiam, existat, quæ id ignoret; 3) ex pe-  
culiari omnium fidelium obligatione, diebus sal-  
tem dominicis & festis Missam audiendi. Hæc  
vero de Sacerdotibus in genere valent. Stricti-  
us ad frequentiorem, imo ad quotidianam Mis-  
sæ celebrationem urget præceptum istud in spe-  
cie 1) animarum Curatores. Vid. P. I. cap. I §.  
IX. n. II. not. c) 2) eos, qui ad eam ex funda-  
tione tenentur.

i) Nullus Clericus *peregrinus sine commendatitiis* sui  
Ordinarii litteris ab ullo Episcopo ad divina co-  
lebranda, & sacramenta administranda admitta-  
tur. Ita Concil. *Trident. Sess. XXIII. cap. 16. de  
reform.* Id in ecclesiis etiam Regularium licet  
exemptis obtinere dubium non est. Conf. Van  
Espen. *J. E. U. P. II. Sect. I. tit. V. cap. 9.*

k) Quod adinet 1) *ritus*: exacte juxta Rituale Rom.  
servandi sunt. Concil. *Trident. Sess. XXII. cap.  
5. de Sacrif. Missæ. item præced. §. I. n. III. lit. b.  
not. p)* Plura ad ritus pertinentia refert Zech  
*cit. loc. §. 242.* 2) *tempus*: communiter ab au-  
rora usque ad meridiem computatur; excipe ta-  
men Natalem Domini, & ubi privilegium  
aliud indulget. Idem *ibid. §. 240.* 3) *locum*:  
Ecclesiam vel consecratam, aut saltem benedictam;  
Altare in ea consecratum esse debere volunt Ca-  
nones 1. 11. 12. *Dist. I. de consecr.* Ab Episco-  
pis non facile concedendam esse facultatem in  
*Oratoriis privatis* celebrandi, sapienter decrevit  
Concil. *Trident. Sess. XXII. Decret. de celebr.  
Missæ.* Legatur denuo Zech *cit. loc. §. 241.*  
cum adnotation. 4) *numerus* celebrandarum  
una die Missarum: olim ob paucitatem Sacerdo-  
tum pluries per diem sacra facere pernitebatur.

hodie



hodie cautum est, ut singulis diebus semel tantum singuli sacrificarent, præterquam in solennitate *Natalis Domini*. Alicubi in *Hispania* die *Commemorationis Defunctorum* duas a quolibet Sacerdote Missas fieri: item eadem die tres Missas celebrandi facultatem *Lusitanis Sacerdotibus* a Benedicto XIV, ea tamen adjecta conditione: ut pro una tantum accipi stipendium possit, concessam fuisse narrat Zech §. 239. adnot. 98. 5) *Stipendia* demum: hæc in locum oblationis panis & vini inter Missarum solennia a laicis fieri solita successisse videntur; nunc eleemosinæ instar sunt, quæ sustentationi Clerici a fidelibus succurritur. Nihil ergo, si abusus præscindantur, quod damnetur, in se habent: igitur poterunt salva conscientia illi, quibus aliunde sufficiens sustentatio assignata non est, eadem acceptare. Numerum acceptandorum diu indeterminatum reliquit Ecclesia, neminem futurum sperans, qui eleemolinam sibi non necessariam cumularét, pluraque, quam quibus in honestæ sustentationis subsidium indigeret, aut persolvere posset, stipendia colligeret. Sed enim sordida sæpe avaritia, aut prodigalitas omnes justis & æqui leges in eis suscipiendis violavit; capropter opus erat regulis, quæ malis inde promanantibus medelam ferrent; atque ad cumulationem inprimis stipendiorum offerentibus ea injuriosam impedirent. Quapropter statutum est universim: *Neminem plura stipendia suscipere audere, quam quæ intra modicum tempus persolvere valeat*. Tempus hoc in Diocesi nostra ad mentem declarationis Congregat. quæ modicum tempus ita sumit, 30 diebus definitur. Sed vid: de stipendiis, quæ Benedictus XIV. lib. V. de Synod. diæces. cap. 8. 9. 10. & alibi præstantissime scripserat. Conf. etiam Zech cit. loc. §. 244. de cautionibus, sub quibus stipendium permittitur.

IV. Pœnitentia alia interna est, alia externa. Evolvenda est

1) utriusque notio:

a) interna est dolor animi, quo mala commissa plangimus cum serio proposito illa rursus non committendi; l)

b) externa est sacramentum novæ legis, m) quo per Sacerdotis absolutionem homini confesso, & interna pœnitentia contrito peccata post baptismum commissa remittuntur. n)

l) *Can. 1. 4. Dist. III. de pœnit. Lactantius Divin. Instit. VI. 24* Hujus pœnitentiæ necessitatem, sed simul insufficientiam recta ratio agnoscit, dum quæ ratione divinæ justitiæ faciendum sit satis ignorat; ut abunde testantur diversi illi ab Ethnicis adhibiti iratos placandi Deos modi.

m) *Concil. Trident. Sess. XIV. can. 1. 2. de sanctiss. pœnit. Sacram.* Quod porro ex characteribus cuivis Sacramento novæ legis essentialibus (s. præced. l. n. I. not. f.) atque in pœnitentia facile reperiundis (vid. def. & Math. XVI. 19. Joan. XX. 23) ipse præfuit.

n) Ex hoc vero deduces 1) pœnitentiam esse Sacramentum tale, quo amissa justitia reparatur. Per quid enim justitia amittitur, nisi per peccatum grave? at per pœnitentiam a peccatis solvimur: ergo amissam justitiam recuperamus. 2) esse eam adultis lapsis ad salutem necessitate mediæ, ut ajunt, seu absolute necessariam, ut nondum regeneratis baptismum, scilicet in re, vel voto: proin recte eam dici secundam post naufragium tabulam. *Trident. Sess. XIV. cap. 2. in fin. Luc. XIII. 5. & supra s. I. n. II. not. i* 3) illis inpro-



mis adultis necessariam esse, qui sacramenta gratiam augmentia suscipere volunt. *ibid. nor. k)*  
 4) sapientissime demum ab Ecclesia determinatos esse quospiam casus singulares, ac tempora, quibus homines officiorum suorum passim immemores ad agendam pœnitentiam efficaciter impellerentur. Casus hi videantur apud Zech cit. loc. *§. 254. 255.*

2) *externæ pœnitentiæ divisio:*

a) notissima est ea, qua in *publicam*, & *privatam* distribuitur: o)

b) illa per priora *sex secula* sola obtinuit in Ecclesia; p)

c) hæc a *septimo seculo* non nisi quoad peccata *occulta* adhibita a *seculo XII.* ad *publica* etiam extendi cœpit. q)

o) Spectatur hic loci pœnitentia *exterior* potissimum quoad *satisfactionem*; illaque *publica* dicitur, quæ in facie Ecclesiæ publice & palam peragitur: si secus fiat, *privata* vocatur. De illa agit Joan. Morinus *de Sacram. pœnit. lib. V. seqq.*

p) Sive peccata fuerint publica, sive occulta; hac tamen differentia, quod peccatores occulti nec pœnitentiam, nec absolutionem publice recipere, nec per censuras, sed per privatam absolutionis denegationem ad eam subeundam adigerentur. Conf. Morinus *cit. loc.*

q) Nampe a seculo VII. tacito quodam Ecclesiarum consensu invaluit axioma: *de peccatis publicis publice, de occultis occulte esse pœnitendum.* Publica igitur pœnitentia ab ea ætate solummodo publicis peccatoribus imponebatur, qui adhuc ut ante in quatuor classes dividebantur: 1) in *flentes*; 2) *audientes*; 3) *genuflectentes* seu sub-

stratos; 4) *consistentes*. Morin: loc. cit. lib. IV. cap. 16. n. 5. lib. VI. cap. 1. seq. Conf. etiam Rigger P. IV. §. 547. In singulis autem peccatoribus curandis maxima sollicitudine canonibus, & libris pœnitentialibus utebantur illi, ad quos pœnitentias injungere pertinebat. De antiquitate Canonum pœnitentialium legatur Rigger cit. loc. §. 548. Collectiones eorum plures videantur apud Morinum cit. loc. lib. VI. Nec enim decet negligere penitus ætate nostra usum Canonum illorum, qui olim adeo salutares peccatorum emendationes operabantur. Quod vero a seculo XVI. omnis fere pœnitentia publica evanuerit, ex Scholasticorum præprimis sententia venerat, quibus certissimum videbatur: pœnitentiam injungendam a libero Confessarii arbitrio pendere, & satisfactione injuncta, acceptaque, peccatorem extemplo absolvendum esse. Multum etiam ad pœnitentiæ publicæ neglectum indulgentiarum, temporibus præprimis expeditionum cruciatarum concedi solitarum, copia contulerat. Conf. Rigger cit. loc. §. 549. seqq. Quid hac de re Concilium Trident. fœnferit, vid. Sess. XXIV. cap. 8. de reform.

### 3) *Materia, forma, Minister* pœnitentiæ:

- a) *remota* Sacramenti pœnitentiæ *materia* sunt peccata post baptismum commissa; r)
- b) *proxima* sunt tres pœnitentis actus, nempe *contritio, confessio, satisfactio* s)
- c) *Forma* in illis Ministri verbis posita est: *ego te absolvo.* t)
- d) *Minister* est solus *Episcopus & Sacerdos* approbatus, *jurisdictionem* habens; u)
- e) ad *sigillum confessionis* non violandum gravissime adstrictus. v)

7) De



- \*) Docent nempe Catholici contra Novatianos 1) nullum reperiri peccatum, quantumvis gravissimum, quod pœnitentia expiari, & ab Ecclesia remitti non possit; 2) inde peccata *mortalia* esse *materiam* pœnitentiæ *necessariam*; *venialia* vero, quæ aliis quoque mediis expiari possunt, *sufficientem* sed *liberam*. Conf. Concil. *Trident.* Sess. XIV. cap. 8. de confess.
- s) *Trident.* Sess. XIV. cap. 3. de pœnit. item *ibid.* can. 4. Est autem 1) *contritio* dolor & detestatio de peccato commissio cum proposito ultra non peccandi. Prout vero aut Dei amor, aut pœnæ metus aliudve motivum honestum fons est, ex quo promanat, ita aut *perfecta* aut *imperfecta* dicitur. Cum *cor* vere *contritum*, & *humiliatum* Deus non despiciat, (Psalm. L. 19.) inferimus: contritione *perfecta* Deo reconciliari hominem, antequam pœnitentiæ sacramentum suscipiat; quapropter eam extra istud ad salutem  *necessariam* esse. Num autem etiam ad valorem Sacramenti requiratur: controvertitur inter Theologos. Vid. Zech cit. loc. §. 252. Quidquid sit: illud in praxi notandum est a) contritionem debere esse *liberam & bonam*; *supernaturalem*: *veram & sinceram*: *magnam & vehementem*. b) excitandos esse omnes ad dolorem ex motivo charitatis eliciendum: *quod in evangelica lege amoris*, verbis utor cit Zech cit. loc., *difficile videri non debet*, cum etiam extra casum pœnitentiæ quilibet teneatur sæpius elicere actum charitatis Divinæ, & quilibet pœnitens debeat habere propositum servandi omnia mandata, & præcipue primum illud & maximum mandatum dilectionis Dei. c) cuicunque contritioni adjungendum esse propositum non peccandi in posterum, illudque debere esse *firmum & stabile*: *universale*. *efficax*. 2) Confessio, quam Græci *exomologesin* adpellant, est peccatorum accusatio eo suscepta, ut veniam virtutis clavium impetremus. *Catechism.*

*Concil. Trident. de pœnit. Sacram. cap. VII* Necessariam esse ad Sacramentum pœnitentiæ confessionem peccatorum, aperte in Concilio Trident. Sess. XIV. de pœnit. cap. 5 & can. 7 definitum legimus. Demonstrare id ipsum porro solent Theologi a) ex I. Cor. IV. 1. Act. XIX. 18. b) ex non interrupta omnium seculorum traditione. Vid. Sardagna *Theol. schol. dogm. polem.* c) ex ipso pœnitentiæ scopo, & Sacerdotis absolventis munere iudiciario. Ex hac vero tandem necessitate deducunt, a) confessionem a Christo institutam fuisse: Conf §. *præced. l. n. III lit. b. not. m*) b) proin in aperto errore versari eos, qui illam seculo XII. a Concilio Lateranensi inventam docent. Tempus equidem, quo a fidelibus confessio fieri debeat, a Patribus Lateranensibus sub Innocentio III. an. 1215. determinatum scimus; rem autem ipsam ab eis institutam fuisse, iterum iterumque negamus. Conf. Concil. Trident. cit. mox loc. ubi sacramentalis confessionis condiciones & qualitates suis descriptas invenies. Solent vero passim his versibus exprimi:

*Sit simplex, humilis confessio, pura, fidelis,  
Atque frequens, nuda, discreta, libens, verecunda,  
Integra, secreta, lacrymabilis, accelerata,  
Fortis, & accusans, & sit parere parata.*

3) *Satisfactio* est pœnæ a Confessario injunctæ voluntaria permissio ad expungendam pœnam temporalem. Concilii Trident. cit. Sess. cap. 8. de necessitate & fructu satisfactionis argumentatio ad sequentem formulam reducitur: Remissa peccati culpa non illico reatus pœnæ temporalis remittitur; potest vero per opera laboriosa redimi, quæ satisfactionem dicimus: quapropter non modo utilissima hæc est, verum etiam ad sacramentum pœnitentiæ summo opere necessaria. Conf. *ibid. can. 12. 13. 14.* Circa eam imponendam



dam ad leges imputativitatis, naturam delicti, indolem delinquentis, canonesque veteres pœnitentiales, exemplo antiquioris Ecclesiæ, de quo *præced. not. q.*) respiciendum esse, res ipsa loquitur.

Ceterum solent jam ad supplendum plenæ satisfactionis defectum concedi *indulgentiæ*, per quas pœnæ temporalis, quæ post remissam culpam luenda superest, extra Sacramentum, & ab eo, qui potestate præditus est, factam remissionem cum Zechio cit. loc. §. 258. aut, ut aliis placeat, remissionem pœnitentiæ in satisfactionem criminum impositæ intelligimus; ac *triplicis* esse generis novimus: nempe *partiales*, *plenas* & *indulgentias Jubilæi*. Idem §. 263. 264. Plurima contra indulgentiarum dignitatem ac usum a Lutheri inprimis adseclis dicta, scriptaque moverunt *Tridentinos* Patres ad Catholicorum doctrinam de indulgentiis accuratius definiendam *Sess. XXV. decret. de indulgent.* quo statuunt 1) concessam absque dubio a Christo Ecclesiæ esse potestatem eas conferendi, hæcque potestate antiquissimis etiam temporibus illam usam fuisse. Vid. exempla varia apud Zechio cit. loc. §. 259. 2) Salutarem hunc, & Conciliorum auctoritate probatum indulgentiarum usum porro retinendum esse; ita tamen 3) ut moderatio juxta veterem in Ecclesia consuetudinem adhibeatur (de qua vid. *can. 12. Concil. Nicæn.* apud Rigger *P. IV. §. 550.*) ne nimia facilitate ecclesiastica disciplina enervetur. 4) Abusus auctoritate Episcoporum, ac Romani inprimis Pontificis abolendos esse, ut ita sanctarum indulgentiarum munus pie, sancte, & incorrupte omnibus fidelibus dispensetur.

- \*) *Concil. Trident. Sess. XIV cap. 3. de pœnit. & Concil. Florentin. in Decreto Eugeni II IV. pro Armen.* Porro talis certe cujusvis Sacramenti for-

ma est, qualem Christus voluit (*preced. n. 1. 2. not. t*) voluit vero procul dubio talem, quæ effectum Sacramenti sufficienter exprimeret. (*s. præc. l. u. III. not. l*) Cum igitur pœnitentiæ effectum, remissionem scilicet peccatorum dicta verba abunde expriment: non est, cur iisdem formam pœnitentiæ absolvi dubitemus. Ceterum verba hæc 1) ad præsentem confessionem dicenda — ex litterali eorum sensu: 2) *indicative*, non *deprecativè* proferenda esse ex judiciali Confessarii munere colligimus. Conf. Widmann *Theol. dogmat. tom. VI. §. 127.*

u) *Preced. n. I. 2. not. t*) & Joan. XX. 23. Concil. *Trident. Sess. XIV. de pœnit. cap. 6. Et can. 11.* Olim, quousque nimirum pœnitentia publica viguit (*preced. n. 2. lit. b. not. p*) *ordinarium* huius Sacramenti *Ministram* solum *Episcopum* fuisse, docet e pluribus Conciliorum locis Rigger cit. loc. §. 557. *Schol.* Hac vero, quod peccata occulta, a seculo VII. cessante privatas pœnitentias imponendi auctoritas ad *Presbyteros* devolvi cœpit. Ad illos autem tantum, qui specialiter ad curam animarum tanquam proprii Sacerdotes erant gregi suo præpositi, adeo, ut irrita haberetur absolutio ab alieno Sacerdote sine proprii licentia obtenta. (*arg. cap. fin. de pœnit. Et cap. 12. ibid.*) Seculo XIII. Romani Pontifices exortis tum ordinibus Fratrum mendicantium concesserunt, ut fidelium confessiones ubique libere excipere, pœnitentias injungere, & absolutionem impertiri valerent. Inde vero gravium discordiarum originem ipsi Pontifices reperunt, de quibus componendis & tollendis egit Bonifacius VIII. *cap. 2. de sepult. extra vag. comm.* & Clemens V. Bonifacii constitutionem innovando *cap. 2. de sepult. in Clement.* Facultates illas Regularibus concessas Concil. *Trident.*: non quidem sustulit penitus



attamen multum restrinxit *Sess. XXIII. cap. 15. de reform.* nihil in eo, quod sapissime constitutum est, mutans, nempe: ut *fideles saltem semel in anno tempore paschali proprio Sacerdoti, aut alieno, sed de proprii licentia, confiteantur. Cap. 2. de Treug. & Pac. extravag. comm.* Ex hactenus vero dictis deduci facile ratio poterit, cur *Sacerdotem*, pœnitentiæ Ministrum, *adprobatum & jurisdictione prædium* esse debere Canones doceant: primum ideo: quia vicaria est quodammodo Sacerdotis curati, & delegata non curati absolvendi potestas (*P. I. cap. I. §. XI. n. I. lit. d*) proin talis, quam non nisi probatus ab eo, cui propria est, exercere audet; alterum vero: quia adprobatus Sacerdos officium judicis obit, qui, ut competens habeatur, jurisdictione præditus sit necesse est.

Hæc vero jurisdictio ab arbitrio eam concedentis dependet: quapropter non necessario ad omnia peccata, omnemve locum, aut personam extenditur. Dari igitur *casus reservati* possunt, a quibus summi duntaxat Sacerdotes absolvant. Et vere dantur *duplicis generis*, alii nimirum *Pontifici*, quidam vero *Episcopis reservati*. Hos omni ætate in Ecclesia notos fuisse, nemo facile negaverit. Illos vero ante seculum XI. nondum ubique invaluisse, nobis ex *P. I. cap. I. §. I. n. V. lit. c. not. b*) verosimillimum videtur. Conf. Rigger cit. loc. §. 562. De utrisque legatur Concilium *Trident. Sess. XIV. cap. 7. de pœnit. can. 11. ibid.* item Zech cit. loc. §. 267, 268. ut nempe 1) quæ sit reservationum utilitas: 2) quæ papales, quæ episcopales censendæ sint: 3) quis denique a reservationibus absolvere possit, perfectius cognoscatur.

- 2) Nempe sub pœna depositionis, ac perpetuæ pœnitentiæ in monasterio agendæ. Conf. Cod. cit. Pruss. *P. II. tit. XI. §. 89.*

V. Extrema unctio est hominis aegrotantis cum oleo benedicto, ac sub certa verborum forma unctio facta per Sacerdotem eo ex fine: ut partim spirituale, partim corporale robur ad varia morbi incommoda perferenda obtineat. x) Sacramenti huius y) characterem *non imprimantis* z) ac inceptam *justitiam augentis*, a)

a) *materia remota* est oleum olivarum: b) *proxima* autem ipsa unctio; c)

b) *forma oratio*, quam Sacerdos fundit aegrotum inungendo; d)

c) *Minister* tantum Sacerdos. e)

d) *Subiectum* homo aegrotus, *adultus*, *rationis usu praeditus*: f) *prævia pœnitentia* vel in re, vel in voto in *statu gratiæ* constitutus, g)

x) Desumpta est hæc *descriptio extremæ unctionis* ex epist. Jacobi V. 14. 15. quæ ita habet: *Infirmatur quis in vobis? (en hominis aegrotantis) inducat Presbyteros Ecclesiæ (per Sacerdotem) & orent super eum (sub certa verborum forma) ungentes eum oleo (cum oleo facta unctio-) & oratio fidei salvabit infirmum (ad spirituale-) & alleviabit eum Dominus. (ad corporale robur aegrotanti tribuendum.*

y) *Verum esse extremam unctionem novæ legis Sacramentum* Concilium Trident. Sess. VII. de sacram. can. 1. & Sess. XIV. cap. 1. & can. 1. de extr. unct. aperte definivit. Quod etiam ex essentialibus, cujusvis Sacramenti characteribus præced. §. 1. n. 1. not. f) eum Jacobi cit. textu, & Concilii Trident. Sess. cit. can. 1. sententia:



*extrema unctio a Christo instituta & per S. Jacobum promulgata est, collatis sponte sua profluit.*

z) Idem enim Concilium cap. 3. *ibid.* dicit: *superata una infirmitate extremam unctionem in alia iterari posse.* Quod sane, si characterem imprimeret, fieri non deberet. Conf. §. *præced.* I. n. II. not. k)

a) Passim complementum penitentiae Sacramentum istud vocatur. Cum igitur per penitentiam amissa iustitia reparatur; (*præced. n. IV. i. not. n.*) sequitur: *extrema unctione reparatam augeri.*

b) Concil. Trident. Sess. XIV. cap. 1. *de extr. unct.* item Jacobi verba: *ungentes eum oleo.* Per oleum enim sine addito, *oleum olivarum* intelligi notum est Theologis exeger: Ceterum *benedictum* ab Episcopo esse debere oleum istud Concilium Trident. cit. loc. edixit. Tale enim dignitati Sacramenti optime respondet. Conf. Zech cit. loc. §. 272. Schol. 96. Benedictus XIV. de Synod. dioces. lib. VII. cap. 16.

c) Eorum præcipue membrorum, quæ solent peccatis præ cæteris deservire. De variarum hac in re Ecclesiarum ritu vid. Benedictus XIV. cit. loc. cap. 18. In casu *necessitatis* unica capitis *unctio* sufficit. Zech cit. loc. §. 272. Schol. 99.

d) Concil. Trident. cit. loc. Forma hæc extra necessitatis casum in singulis unctionibus repetitur: focus vero, cum caput solum inungitur: (*not. præced.*) tunc enim semel tantum, ac generico adhibito vocabulo, omnia membra alias inungi solita experiente ita profertur: *Per istam sanctam unctionem, & suam piissimam misericordiam indulgeat tibi Dominus quidquid per sensus deliquisti. &c.*

9) Concil.

e) Concil. Trident. Sess. XIV. de extr. unct. cap. 1. & can. 4. Conf. porro §. *preced.* II. n. I. 2. not. i) cum epistola Jacobi verbis: *inducat Presbyteros.* Verbis his nititur, teste Leone Allatio *de consensu Eccles. orient. & occident. lib. III. cap. 16.* disciplina Græcorum *septem* vel saltem *tres* Sacerdotes in collatione extremæ unctionis adhibentium. Latinis *unum* sufficere notum est. At non promiscue quemvis, ut licite ministraretur Sacramentum, admittunt; sed *ordinarie Parochum*; vel alium *Presbyterum* ab illo specialiter *delegatum*; ac non nisi in casu necessitatis, ubi absentis Parochi consensus presumitur, alium Sacerdotem Ministrum esse volunt. Conf. *Clement. 1. de privil. g.*

f) *Aegrotis* sacramentum hoc conferendum esse, ex ejusdem S. Jacobi verbis: *infirmatur quis in vobis?* Latini statunt. Diversum denuo hac in re morem servant Græci unctionem cuilibet fideli poenitenti sive *sano* sive *infirmo* ministrantes. Quæ ratione autem eos excusent quidam: vid. apud Zech cit. loc. §. 275. *Schol. 6.* Conf. etiam Benedictus XIV. *de Synod. dioc. lib. VIII. cap. 5.*

g) *Præced.* §. I. n. II. not. i) & *preced. not. a)* Plura de *Subjeto* extremæ unctionis leg. apud eundem Benedictum XIV. cit. loc.

VI. Per *Ordinem in genere* manuum impositionem, aut alium quempiam ritum externum ab Episcopo factum intelligimus, quo sub certa verborum forma confertur potestas ad ministeria ecclesiastica, præcipue circa Eucharistiam sive conficiendam sive dispensandam obeunda.



- a) *Plures dantur Ordines; h) non omnes tamen a Christo instituti. i)*
- b) *Diaconatus, Presbyteratus, Episcopatus sunt verum novæ legis Sacramentum, k) quod characterem imprimit.*
- c) *cujus materia in genere manuum Episcopi impositione, & traditione instrumentorum, functionibus cujusvis Ordinis respondentium: l)*
- d) *forma vero verbis in manuum impositione, & instrumentorum traditione prolatis absolvitur: m)*
- e) *Minister autem solus Episcopus est. n)*
- h) *Sicut Clerici ordinati. cap. I. § I. n. I. not. y) ita quoque ipsi Ordines in majores, & minores dividuntur. Singulorum diversus est scopus, & ad eum consequendum potestas, inde & diversa in specie definitio, quæ tamen facile ad genericam Ordinis notionem reduci potest.*
- i) *Ordines minores, & Subdiaconatum humanæ esse institutionis in Proleg. cap. I. § II. n. IV. 2) diximus. Conf. etiam Concil. Trident. Sess. XXIII. can. 6. Hi igitur Sacramentis adnumerari nequeunt. §. præced. I n. I. not. f) Quare nec de iis intelligenda sunt ea, quæ de Sacramento Ordinis mox dicentur.*
- k) *Habent enim omnia veri Sacramenti essentialia constitutiva cit. mox loco enumerata. Conf. Concil. Trident. cit. Sess. cap. 4. & can. 3. item Widmann theol. dogm. tom. VII. §. 150. 151.*
- l) *Talis enim cujusvis Sacramenti materia, qualem Christus esse voluit. (præced. n. I. i. not. r) At voluisse Christum manuum impositionem vel inde patet, quod Apostoli ordinando Diaconos (Act.*  
VI

VI. 13) Presbyteros, & Episcopos (I. Timoth. IV. II. Timoth. I.) eandem semper adhibuerint. Quod sane haud fecissent, nisi eam a Christo praescriptam esse novissent. Adde Concil. Florent. Decretum pro Armenis, quod ita habet: *Sextum Sacramentum est Ordinis, cujus Materia est illud, per cujus traditionem confertur Ordo, sicut Presbyteratus traditur per Calicis cum vino, & Patenae cum pane porrectionem.*

m) Per *formam* enim verba intelliguntur, quae invivibilem Sacramenti effectum exprimunt. §. praeced. I. n. III. not. l.) At id praestant verba a Ministro Ordinis, dum aut manus imponit, aut instrumenta tradit, prolata. Conf. Pontificale Roman. quod singulorum Ordinum formam exacte describit.

n) Act. XIV. 22. II. Timoth. I. 6. Concil. Trident. Sess. XXIII. can. 7. Conf. vero dicta praeced. cap. I. §. I. n. VI. 1. item Zech. de hierarch. eccles. Tit. VI. §. 73. seq. De subiecto huius Sacramenti, ac diversis ordinationis adjunctis abunde praeced. cap. I. §. I. integro actum est.

### §. III.

## DE MATRIMONIO, EJUSQUE IMPEDIMENTIS IN GENERE.

I Matrimonium *in genere* est legitima maris & foeminae conjunctio procreandae, & educandae sobolis causa inita. Habet

- a) rationem contractus, o)
- b) & Sacramenti novae legis, gratiam augentis, quod tamen characterem non imprimit. p)
- c) Qua-



c) Quare tum ob diversam hanc indolem, tum ob varium, quod pro fine habet, bonum *variis subflare legibus* debet. q)

o) Frustra sunt, qui ineundi matrimonii obligationem ad singulos homines pertinere contendunt. *præced. cap. I. §. II. n. II. lit. a. not. m)* Quare a voluntate singulorum & promissio & acceptatio ejusdem dependet; seu quod idem est, naturam contractus imitatur. Negat istud quidem Huber. *in prælect. ad instit. nupt. n. 2.* ea ex ratione: quod contractus circa res, quæ in commercio sunt, versari soleant. Sed enim non videtur animadvertisse Vir præclarus pacta non tantum formula: *do, ut des*; verum etiam: *facio, ut facias* exprimi, proin etiam de factis honestis, & licitis iniri posse

p) *Sacramentum hoc magnum est*, inquit Apostolus ad Ephes. V. 32. Ego autem dico in Christo & in Ecclesia. Doctrinam hanc Pauli post Eugenium IV. in Decreto pro Armenis perspicue exposuit Synodus Tridentina (Sess. XXIV.) in doctrina, & can. 1. de Sacram. matrim. ac invictis argumentis contra Protestantes propugnarunt Theologi, in assignanda solummodo, ut advertit Melchior Canus *de loc. theol. lib. VIII. cap. 5.* materia, forma, Ministro matrimonii eapropter paullo a se invicem recedentes: quod contractum a Sacramento non adeurate satis discernent, & essentialia constitutiva illius, huic non raro adtribuerent. Ego quidem, si probabiliora sequi fas est, ipsum contractum matrimoniale *naturaliter, & civiliter validum materiam* constituere arbitror. Formam in his aut similibus secundum cujusque ecclesiæ consuetudinem reponendam censeo: ego vos in matrimonium conjungo in nomine Patris & Filii &c: Ministrum vero Sacerdotem verba hæc proferentem

rem esse puto. Qua in re consentientem, mihi habeo. Ignatium Martyrem *epist. ad Polycarpum* ex recensione Cotelerii *n. 5.* Tertullianum *lib. II. ad uxor.* Ambrosium *epist. ad Vigilium n. 7.* Concilium Carthaginense *IV. can. 13.* ipsum etiam Concilium Trident. *Sess. XXIV. cap. 1. de reform. matrim.* jubens: ut Parochus intellecto mutuo viri & mulieris consensu dicat: ego vos in matrimonium conjungo. Quæ formula haud verificaretur, si contrahentes ipsi per mutuum consensum sibi hoc Sacramentum ministrarent. Conf. Melchior Canus *cit. loc.* Bertieri *theol. dogmat. in systema redact. §. 346* Pehem *lit. J. E. P. II. §. 443 seq.* in primis vero Benedictus XIV. *de Synod. dioces. lib. VIII. cap. 12. 13.*

- 9) Nempe ut Sacramentum subjeicitur auctoritati Ecclesiae. *P. I. cap. II. §. I. n. III.* ut *Contrætus* determinationes suas ex jure naturæ, & positivo divino & humano obtinet; ac in specie quidem, quatenus in bonum naturæ ordinatur, mutuumque amorem ac generis humani propagationem promovet, ex lege divina naturali & positiva: quatenus bono civitatis. novos illi ac bonos suppeditando cives, consulit, ex lege civili in quantum vero bonum Ecclesiae auget, super naturali conjuges ornando gratia, ac illam prole pie & sancte educata ditando, ex lege quoque ecclesiastica determinandum est. Justam itaque reprehensionem ferunt, qui de matrimonii sive licentia sive valore ex una tantum lege naturali statuunt, & absurdissima confectaria admittunt. Hanc negligendam omnino non esse, persuasum nobis est. At divinam etiam positivam, & humanam tum ecclesiasticam tum civilem adtendi debere, certum est; cuius ex qualibet earum ut ait S. Thomas *lib. IV. 2. 2. q. 64. a. 1. 2.*



*sent. Dist. XXIV. art. I. ad 4. persona ad matrimonium illegitima effici potest.*

II. Divisio Matrimonii varia est, aliud enim dicitur

- a) *legitimum: ratum: consummatum; r)*
- b) aliud *civile* seu *solenne*: & *canonicum* seu non *solenne*. s)
- c) aliud denique ad *morganaticam*: *inæquale* seu *disparagium*: & *conscientie*. t)

r) *Legitimum* vocant, quod præcise secundum *leges naturales & civiles* contrahitur. Obtinet 1) inter *Judæos & Infideles*. Neque *Sacramentum* est, neque etiam tale evadit post *conversionem ad fidem*. Jurisdictioni *seculari* tantum subijcitur, ac omnibus effectibus *civilibus* gaudet, iis duntaxat exceptis, qui speciatim ei *denegati* sunt *Boehmer Inst. §. E ad tit. de clandest. despons. §. 4* 2) inter *fideles*, si vera est *sententia* multorum: quod a *Contractu Matrimonii* separari queat *ratio Sacramenti*. Vid. *Rigger cit. lib. P. IV. §. 30. Ratum*: quod inter *Christianos* secundum *leges ecclesiasticas* initur, adeoque *ratihabitionem Ecclesiæ* habet. Istud *proprie Sacramentum* est. (*Cap. 7. de divor.*) & si *corporum conjunctio* accessit, *consummatum* audit. *Ratum* etiam nonnunquam, uti *Concil. Trident. Sess. XXIV. cap. 1. de reform. matrim.* opponitur *irrito*. Quo sensu *rationem Sacramenti* necessario non involvit.

- s) In illo *solemnitates jure civili* requisitæ: in isto *vero* ea tantum adhibentur, quæ a *SS. Canonibus* exiguntur. *Zech de jur. rer. Sect. II. tit. IX. §. 292.*

2) Matrimonium ad *Morganaticam* seu *Morgengabiam* contractum dicitur: quando vi pacti adjecti liberi, cetera legitimi, contenti esse jubentur portione ad sustentationem suam necessaria, nec conditionis aut dignitatis paternæ participes fiunt, maternæ tamen familiæ jura non amittunt. Plura hujusce Matrimonii exempla in Germania recenset Pteffinger in *Vitriar. illustr. Tom. III. tit. 16. in not. d)* ad § 100. *Tom. III p. 1306. seqq.* ubi etiam talia matrimonia omni jure licita & valida esse defendit. Add. Grotius *de J. B. & P. Lib. II cap. 7. §. 8.* Conf. Rigger cit. loc. § 34. *seq.* *Inæquale* seu *disparagium* est, quod sine tali pacto inter virum illustrem ac foeminam ignobilem contrahitur. De hoc Germaniæ legibus cautum est (*Capitulat. Cæs. Art. XXII. §. 4.*) ne uxores dignitatem maritalem participant, aut liberi in paterna bona succedant. Matrimonium *conscientiæ* id vocamus, quod coram Paracho quidem, aut alio Sacerdote, & duobus testibus familiarissimis, sed occulte omnino celebratur. A Benedicto XIV. salutaribus conditionibus restrictum est. Constit. *Satis vobis §. 1. seq.* de an. 1741. Vid. Rigger cit. loc. §. 73. *seq.*

III. Ea, quæ obstant, quo minus Matrimonium contrahi possit, aut etiam contractum valeat impedimenta dicuntur; suntque

- a) *impedientia*, si contractum illicitum solum,
- b) *dirimentia*, si illum & invalidum reddant.
- c) *naturalia & positiva* divina ac humana. u)

u) Schenk l. §. 613. Conf. *n. præced. I. lit. c. not. 9)*

IV. Jus statuendi impedimenta, siue *impedientia*, siue *dirimentia*, ob graves salutis

tis



ris publicæ civilis rationes competit Principi politico; v)

a) *Contractus* enim quilibet ob bonum publicum Imperio civili *naturaliter* subjecti sunt, cui Christum derogasse non constat, cum matrimoniali pacto Sacramenti virtutem adtribuit. x)

b) porro *effectus boni*, aut *mali*, qui ex coniugiis bene aut male ordinatis in Rempublicam redundare solent, hoc jus Principi confirmant; y)

c) quod & a piissimis Imperatoribus ac Principibus exercitum fuisse Theodosii, Justiniani &c. leges, & Regum Francorum Capitularia testantur; z)

d) neque hæc Cæsarum statuta improbat unquam Ecclesia, sed adoptavit etiam, quod vel ex solo Canons 5. Concilii *Lateran I.* clarescit. a)

v) Celeberrima est disputatio, cui potestati, an *sacra*, an *politica*, an *utrique* competat jus impedimentum matrimonii, dirimentia imprimis, statuendi? Decretalistarum plerique eam Principis potestatem esse negant. Alii media incedentes via, principiis supra n. 1. lit. c. not. q) consone argumentantur, ac utrique potestati jus illud tribuunt. Petr. Collet *Tom. XV. Art. VIII. §. 2.* Theod. Ruprecht *Not. hist. ad Tit. de sponsal. n. 79. seq.* Rigger cit. loc. §. 80. *seq.* Sunt vero demum alii, qui, ne parum nimis Principibus tribuisse videantur, Ecclesiam adeo hoc jure exuunt, ut eidem quoad *dirimentia delegatam* tantum a Principibus: quoad *impedientia* vero sola *propriam* potestatem relinquunt. His

adnumeramus Franc. Ernest. Valentin.  
Abhandlung über das Recht der Kirche tren-  
nende Ehehindernisse zu setzen. Wien 1790.

x) Imo elevatum ad dignitatem Sacramenti Matri-  
monium rationem Contractus retinuit. *præced.*  
*u. l. § not. p.)*

y) Ut recte animadvertit Petr. Soto *Señt. IV. de*  
*marrim.* scribens: *Nec debent Prælati Ecclesia*  
*gravate suscipere, si, quod temporali paci videtur*  
*necessarium. Principes seculares statuunt: nec est,*  
*cur se illis opponant: sed permittant potius*  
*matrimonium legibus humanis ordinandum, cum*  
*officium humanum sit.*

z) Vid. *lib. XXIII. Digest. Tit. 2.* Plura impedin-  
torum a Principibus statutorum exempla refert  
Rigger cit. loc. §. 83. *Schol.*

a) Conf. Zech cit. loc. §. 299. *seq.* Ceterum a plu-  
ribus jam seculis, si quasdam recentioris ævi  
constitutiones excipias, Principes potestatem im-  
pedimenta statuendi dirimentia uni Ecclesiæ re-  
liquerunt.

V. Sed & eadem *potestas propria Matrimo-*  
*nia* ob salutem fidelium spiritualem, si in peri-  
culum adduceretur, *impediendi*, seu prohibendi  
et, si per hoc sufficiens medela non feratur,  
etiam *irritandi*, non in ratione Sacramenti ran-  
tum, verum & ipsius Contractus Ecclesiæ  
vindicanda est.

a) Enim vero *jure suo* proprio utitur Ecclesia,  
cum saluti animarum graviter noxia fieri  
prohibet, ac Principes quoque christianos,  
ceu sibi eatenus subditos, mediis spiritua-  
libus,



libus, ne talia statuant, aut tolerent, urger, ac obligat: b)

b) Sed poterunt sane eæ adesse circumstantiæ, ut negato solum Sacramento, seu impedimento mere prohibente posito, malis spiritualibus reipsa haud caveretur, cum forent, qui neglecta Sacramenti gratia, cæcæque libidine ducti legem contemnerent, si vinculi tamen valor, effectusque civiles ejusmodi connubiis concederentur.

c) igitur, exigente id reipsa animarum salute, legem ferre poterit Ecclesia, qua Principes etiam, quamdiu ejusdem membra esse velint, stringentur, ne *civiliter validum*, tale conjugium habeant, aut illi effectus ceteros indulgeant, seu, quod in idem recidit, potestatem habebit impedimenta dirimentia statuendi. c)

d) unde ratione hac ex ipso Regiminis ecclesiastici conceptu firmata, necesse jam non erit ad statuta jam olim ab Ecclesia hujusmodi impedimenta irritantia provocare, quorum *pleraque* Viri doctissimi jam prius vel lege civili, vel jure divino constituta, & ab Ecclesia approbata solum, vel declarata fuisse ostendunt; d)

e) multo minus Concilii *Tridentini Canonem 3. Sess. XXIV.* ad eum sensum detorquere oportebit, quo quidam *Ecclesiæ* nomine *Principes* intelligi, aut cum jus proprium in Canone non legatur, illud delegatum tantum a Principibus, & Ecclesiæ precario concessum esse voluerunt. e)

b) *P. I. cap. II. §. I. n. VI. lit. a)* & *ibid. §. II. n. IV. lit. a. not. k)*

c) *Si quis dixerit Ecclesiam non potuisse constituere impedimenta Matrimonii dirimentia, vel in iis constituendis errasse, anathema sit. Trident. Sess. XXIV. can. 4 de Sacram. matrim.*

d) Quod autem *neceffe* non est, cave, ne etiam inutile fore dixeris. Quamvis enim lubentes fateamur, pleraque impedimenta dirimentia prius ab alia lege fuisse proposita, quæ tandem ab ecclesiastica aut probata, aut declarata fuerunt: ut tamen id de omnibus dicamus, permoveri haud poterimus; quod Viri æque docti ostendant, plura ab Ecclesia primum fuisse introducta, quæ tandem legibus Principum ut Ecclesiæ Advocatorum confirmata solum fuerunt. Quare inutile penitus haud erit ex huiusmodi Ecclesiæ factis jus eidem competens statuendi impedimenta dirimentia demonstrare, ut illud demonstravit Rigger cit. loc. §. 80.

e) Qui per Ecclesiam Principes intelligendos esse volunt, exhibeant, quæso, prius quempiam textum, quo vox illa significatu hoc unquam sumpta fuit; tum demum demonstrent a Concilio Tridentino, quod ab impropriis vocibus cautissime abstinuit, significatum hunc Ecclesiæ contra omnem consuetudinem tributum fuisse.

VI. Impedimenta, exceptis illis, quæ *jure naturali*, aut *divino positivo* statuta sunt, & ab Ecclesia declarari tantum, non proprie relaxari possunt, ab ea, a qua profecta sunt, potestate ex causis gravibus *abrogatione* vel *dispensatione* tolluntur. f) Nunc vero Jus dispensandi,

a) in



- a) in impedimentis *dirimentibus* Summo Pontifici per consuetudinem reservatum est, g) ac ipsa *dispensatio*
- b) in *occultis* quidem impedimentis a *Pœnitentiaria*, pro foro duntaxat *interno*, in *publicis* autem a *Dataria* & pro foro præcipue *externo* conceditur: h)
- c) si tamen *Matrimonium publice*, bona saltem *fide* unius contractum, ac impedimentum *occultum* sit, & conjuges sine scandalo separari nequeant, nec Pontifex facile adiri possit —
- d) imo & ante *Matrimonium*, si periculum sit in mora, dispensandi facultas *Episcopo* salva persistit, i)
- e) quæ & per privilegia *quinquennalia*, *Episcopis Germaniæ* concedi solita, ad plura se extendit; k)
- f) in *dubio* autem semper *Jurisdictioni Episcopali* favendum erit. l)
- f) Qui enim legem condit, ille eandem abrogare, aut dispensatione relaxare potest. Cum igitur supra demonstraverimus *preced. n. IV V.* impedimenta *humana* sive impediencia sive dirimentia a potestate tum *civili* tum *ecclesiastica* ortum suum habere, sequitur: 1) eidem jus ea abrogandi, aut relaxandi convenire; 2) ob diversam rationem jus illud ad impedimenta *naturalia*, aut *divina positiva* non extendi; 3) bene vero ad ea, quæ ex jure divino positivo *veteris testamenti*, *Levit. XIII.* a Christo quoad *forenses* & *cerimoniales* leges abrogato, a Legislatoribus humanis adsumta denuo sunt, atque hac ratione indolem humani impedimenti induerunt. *Concil. Trident. Sess. XXIV. cap. 3. de Sacram. matrim.*

rim. 4) posse jus istud ab illo, cui proprium est, in alium transferri, hocque factum non esse; quod non solum Principes in impedimentis dispensare haud amplius soleant facultate hac Episcopis relicta: verum etiam quod Episcoporum hac in re jurisdictio arctioribus, quam olim erant, limitibus circumscripta sit. Conf. Rigger cit. loc. §. 173 seq.

g) Expressum Canonem, vi cuius Pontifici jus istud reservaretur, non habemus; ex consuetudine igitur, cuius anam P. I. §. I. n. V. not. b) indicavimus, repetendum est. Conf. vero ibid. n. VI.

b) *Modum & solennitates* in dispensationibus impedimentorum petendis, & exequendis servandas vid. apud Pyrrhum Corradum *prax. dispens. apost. lib. VII. & VIII.* Strictius de eadem re egit Schenkl §. 625, Conf. porro Jo an. de Fridenberg cit. loc. *Lib. I. cap. X. §. 16.*

2) Præterea tradunt passim Doctores, quoad impedimenta *impedientia* tantum generaliter Episcopos dispensare posse, exceptis duobus, sponsalibus scilicet & voto. Wiestner ad tit. de Matrim. contract. contr. interd. eccles. art. IV. n. 55.

A) Vid. Schenkl. §. 624. & Schol. 2.

1) Quemcunque autem dispensantem monet Synodus Trident. Sess. XXIV. cap. 5. de reform. ut veteris Ecclesiæ summam in dispensando circumspectionem, ac morositatem de qua Rigger §. 177. adhibeat: *In contrahendis matrimoniis vel nullum omnino, inquit Synodus, detur dispensatio, vel raro: idque ex causa, & gratis concedatur. In secundo gradu nunquam dispensetur, nisi inter magnos Principes & ob publicam causam.* Add. Sess. XXII. cap. 5. de reform. Causas, ob quas iuste datur dispensatio a Riggero §. 187. re-latas accuratius exposuit Wiestner cit. loc. art.



*art. V. De taxa Cancellaria, & insuper compensatione, seu certa quantitate pecunie Officialibus Curie exhibenda in Datavia consulantur iidem, prior §. 186. alter art. VIII. n. 149. seq. item Pius V. constit. In omnibus. 83. Bull. Rom. In Penitentiaria nihil omnino occasione dispensationum solvitur.*

#### §. IV.

### DE IMPEDIMENTIS MATRIMONII IN SPECIE.

I. Ex magno quondam impedimentorum Matrimonium impediendum numero *m*) hodie adhuc *quatuor* recensentur, scilicet:

*Sacratum tempus, vetitum, sponsalia, votum. n)*

- a) Sacratum tempus, dum ab *Adventu* Domini usque in diem *Epiphaniæ*, & a die *Cinerum* usque in *octavam Paschatis* nuptiarum *solemnitates* prohibentur: o)
- b) Vetitum, seu interdictio Matrimonii ex iustis causis a Superiore ecclesiastico, etiam Parocho, si e. g. impedimentum opponatur, facta: p)
- c) Sponsalia prius cum alio contracta, nec legitime soluta: q)
- d) Votum *simplex continentiae*, religionis ingrediendae, aut *sacros ordines* suscipiendi r)

m) Quæ ex antiquis impedimentis *impedientibus* in desuetudinem abierunt, solent his versibus exprimi:

*Incestus, raptus, sponsata mors mulieris, susceptus propriæ sobolis; mors presbyteralis: vel si pœniteat solemniter, aut monialem accipiat; prohibent hæc conjugium sociandum.*

n) Hæc impediunt fieri, permittunt facta teneri.

o) Concil. Trident. Sess. XXIV. cap. 10. de reform. matrim. Sensem hujus Decreti vid. apud Wiestner loc. cit. Art. II. n. 34.

p) Cap. 3. de claud. despons. Si hac prohibitione non obstante contrahatur matrimonium, validum erit, cap. 1. 2. 3. de Matrim. contract. contr. interd. nisi aliud impedimentum intercesserit. cap. 4. de spons. duor. pœnitentia tamen est contrahentibus imponenda. cap. 2. cit.

q) Fidem enim cuiquam datam violare haud licet: ergo nec Matrimonium inire cum altero, quamdiu sponsalia prius cum alio inita subsistunt. Juste igitur jure canonico pœnitentia imponitur bina sponsalia contrahentibus cap. 1. 31. de spons. & jure civili satisfactio personæ læsæ præstanda decernitur. Conf. Cod. Pruss. P. II. Tit. I. §. 133. seq.

r) Cap. 3. 4. qui cler. vel vovent. Est autem ex mente Bonifacii VIII. cap. un. de vor. & vor. redeunt. in 6 votum simplex, quod non est solemnizatum per susceptionem sacri ordinis, aut per professionem expressam vel tacitam factam alicui de religionibus per Sedem apostolicam approbata. Voventem, est absque præjudicio alterius conjugis, semper obligat, nisi ille dispensationem impetraverit.



II. Impedimenta dirimentia ad quatuor classes reducuntur: nimirum

- a) ad defectum *adsensus interni*:
- b) — — *libertatis externæ*:
- c) — — *personæ seu habilitatis*:
- d) — — *solemnitatis. s)*

s) Levandæ memoriæ causa omnia his versiculis concluduntur:

*Error: conditio: votum: cognatio: crimen:  
Cultus disparitas: vis: ordo: ligamen: honestas:  
Aetas: affinis: si clandestinus & impos:  
Si mulier sit rapta, loco nec reddita tuto.  
Hæc facienda vetant connubia, facta retractant.*

III. Ob interioris adsensus defectum invalidum reddit Matrimonium

1) error, t) si versetur

- a) circa *personam*; u)
- b) vel circa *qualitatem* in personam redundantem; v)
- c) vel circa eam *qualitatem*, cui ceu conditioni adsensus expresse, aut ex communi hominum æstimatione tacite adfixus fuit. x)

t) Quod de errore dicitur, valet quoque de *dolo ac fraude*.

u) Talis fuit error Jacobi, cui ignorantî Lia supposita fuit. Genes. XXXIX. 23. seq.

v) Exemplum erroris circa ejusmodi qualitatem vid. apud Zech cit. loc. §. 310.

x) Ceterum præsumendum facile non est, quod contrahentes voluerint ab aliqua qualitate *accidenta-*

li consensum suum dependere. Van Espen  
loc. cit. cap. IV §. 6. Conf. cit. Cod. Pruss.  
cit. loc. §. 40. seqq.

## 2) *conditio*, nempe

- a) *status* proprie *servilis* invito Domino, aut ab altero contrahente libero ignoratus; y)
- b) dein *conditio* pacto conjugali adjecta, quæ *fini & substantiæ* Matrimonii repugnat; z)
- c) aut alia *impossibilis*, cui adensus vere fuit adligatus; a)
- d) conditiones tamen aliæ *turpes* in favorem Matrimonii pro *non adjectis* habentur, *validumque* habetur conjugium, donec consensum defuisse in foro *externo* demonstretur. b)

y) Apud Romanos cum personis servilis conditionis non dicam nuptias, sed ne quidem contubernium esse potuisse, ex notione potestatis dominicæ adparet. Inde illud Plauti in *Prologo Casina*. *Quid istuc est? serviles nuptiæ? servine uxorem ducunt, aut poscent sibi?* Hasce leges sequuta est Ecclesia *can. 8. Causs. XXIX. quæst. II.* servorum matrimonia citra voluntatem Dominorum nullo etiam interveniente errore contracta, invalida reputans. Postea, cum pietatis ratio svaderet: ut, sicut in Christo Jesu neque liber, neque servus a Sacramentis Ecclesiæ removendus est, ita nec inter servos Matrimonia ullatenus prohiberentur *cap. 1. de conjug. serv.* statutum est: ut invitis etiam Dominis contracta a servis matrimonia valeant; solaque conditionis servilis ignorantia faceret nulla. *Cap. 2. & fin. de conjug. serv.* Conf. Zech. cit. loc. §. 311. De subditorum obligatione consensum Domini ad ineunda matrimonia expetendi, vid. Cod. cit. Pruss. P. II. tit. VIII. Sect. IV. §. 161. seqq.

z) Cap



2) *Cap. ult. de condit. apposit.*

a) Qui enim talem conditionem adponunt, procul dubio talem habent cogitationem, ut nihil agi existiment. *L. 131. de O. & A.*

b) *Cap. 1. & ult. de cond. appos.* Corollaria ex hisce propositionibus deducenda vid. apud Rigger cit. loc. §. 5.

3) *metus*

a) *gravis,*

b) a causa libera ad extorquendum in nuptias consensum,

c) *injuste incussus.* c)

e) Consensus enim locum non habet, ubi metus talis vel coactio intervenit. *cap. 14. 15. 28 de spons. & matrim.* Nec adjectum *juramentum* dat firmitatem; *cap. 2. de eo, qui duxit.* sequitur enim naturam contractus, cui adjiçitur. *cap. 25 de jurjur.* Porro etsi metus libertatem non tolleret, pactum tamen eo extortum ob *injustitiam* humana auctoritate irritatur. Sanari autem nullitatem matrimonii, quando sublato metu consensus sponte sive verbis sive factis exprimitur, ex *cap. 21. 28. de spons. & matrim. & cap. 4. qui matrim. accus.* passim deducunt. Conf. Zech cit. loc. §. 324.

4) *raptus*, seu *violenta* abductio personæ invitæ contrahendi matrimonii causa,

a) quamdiu rapta persona est in potestate raptoris;

b) loco vero tuto restituta, si consentiat, valebit conjugium. d)

d) Im-

d) Impedimentum hoc jure civili primum constitutum *L. un. Cod. de R. V.* postea a jure canonico acceptatum olim absolute & perpetuo matrimonium dirimebat. *Can. 11. Causs. XXXVI. quest. II.* Tandem auctoritate Decretalium valde imminutum, Matrimonium eousque nullum reddebat, quousque rapta in illud non consensisset. *Cap. 6. 7. de rapt. Tridentina Synodus* inter jus antiquum & novum mediam elegit viam. *Sess. XXIV. cap. 6. de reform. matrim.* Ad hujus mentem raptum non esse, si quis aliquam vel aliquem blanditiis & amatoriis incitamentis seducat, ut consentiat, & insciis aut etiam invitis parentibus matrimonii contrahendi causa recedat, proin & matrimonium ejusmodi valere doceant Germani contra Gallos. Num recte? dubitant alii. Vid. Rigger cit. loc. §. 160. Jure provinciali nostro matrimonia sine consensu eorum, quorum interest, inita, quoad effectus civiles, invalida declarantur §. 984. cit. *P. tit. I Conf. §. 45. seqq.* ac in raptum sive violentum sive subornationis severæ pœnæ statuuntur. cit. loc. tit. XX. §. 1095. *seqq.*

#### IV. Ob defectum libertatis e) dirimit Matrimonium

- a) votum *solenne* per validam in religione adprobata professionem: f)
- b) ordo *sacer* libere susceptus, aut per liberum exercitium rati habitus: g)
- c) ligamen, seu vinculum conjugii prioris *validi* sive *rati*, sive *consummati*. h)

e) De *libertate morali* hic loci sermonem esse, sponte sua intelligitur. Hanc non minus ac *physicam* ad contractus valorem requiri in jure nat. demonstratum supponimus. Quare quidquid alterutram



seruatram tollit, recte inter impedimenta matrimonii dirimentia numeratur. Quæ hætenus retulimus *n. præced. III.* potissimum ob physicæ libertatis defectum talia erant.

- f) *Cap. un. de vot in 6. Concil. Trident. Sess. XXIV. can. 9.* Fundamentum, quo lex ista nititur ex *P. I. cap. I. §. X. n. II. lit. a) not. c)* erues; quis vero sensus ejus sit: vid. apud Rigger §. *iii.*
- g) *Concil. Trident. cit. loc. Conf. quæ supra cap. I. §. II. n. II. integr. de cœlibatu Clericorum diximus.*
- h) Impedimentum istud constitutum est 1) si de *pollicitura* sermo sit jure naturali. 2) etiam absque hac jure divino positivo. *Math. XIX. 8.* 3) jure ecclesiastico *Concil. Trident. Sess. XXIV. can. 2. & cap. 2. 3. 4. de spons. duor.* 4) demum jure civili *L. 2. Cod. de incest. nupt. Cod. cit. Pruss. P. II. tit. I. §. 948. collat. ad §. 16 ibid.*

V. Ob defectum habilitatis personæ conjugium irritat

- i) impotentia ad exercendum actum conjugalem,
- a) si sit *perpetua, i)*
- b) *antecedens, k)*
- c) et *absoluta* quidem *respectu omnium, l)*
- d) *respectiva* vero cum illa solum persona irritum conjugium reddit, cum qua copula haberi nequit; *m)*
- e) non tamen soli conjugum testimonio creditur, sed *probatio* per medicos & obstetrices, pro sexus diversitate, instituenda est. *n)*

z) Seu

2) Seu *immedicabilis*. Cap. 3. de *frigid.*

k) Quæ enim matrimonio contracto supervenit inhabilitas, ne quidem divortio locum facere visa est. *Can. 25. Causs. XXXII. quæst. VII. can. 26. ibid. cap. 14. de conser. conjug.* Aliter Gregorio II. vel III. *can. 18. Causs. cit. quæst. VII.* placuit, & jure civili *L. 22. §. 7. de solut. matrim.* constitutum est, cui consonat *§. 696. cit. cod. Pruss. cit. loc.*

l) Talis enim respectu omnium impossibile reddit contractus matrimonialis objectum, proin & ipso jure naturæ matrimonium nullum. Ex his redditur ratio: 1) cur *Eunuchorum* matrimonia illegitima habeantur *L. 39. de jur. dot. Novel. Leon 98.* & per constitutionem Sixti V. de an. 1587. prorsus damnentur. 2) cur *senum* matrimonia, quamvis ut plurimum parum honesta, rejici tamen quasi injusta omnino non debeant: 3) cur sola *sterilitas* ad dirimendum matrimonium non sufficiat. *can. 27. & fin. Causs. quæst. cit. Vid. Rigger cit. loc. §. 102.*

m) Quare si penes utramque personam impotentia solummodo respectiva fuerit, utrique ad alias nuptias transeundi jus erit.

n) *Cap. 4. 6. 7. 14. de probat.* Hac peracta vel deimpotentia satis constat, vel non? Si prius, poterunt instar fratris & sororis simul cohabitare; (*cap. 4. de frigid.*) siquidem *ambo consentiunt simul esse* (*cap. 4. ibid.*) Quod tamen hodie vix admitteretur, præsertim si cum scientia ejusmodi impotentia contraxerint. Vid. constit. Sixti V. *preced. not. l. cit.* Si posterius, *judicium verum & rectum* adhibendum est, (*Can. 1. Causs. XXXIII. quæst. I. can. 29. Causs. XXVII. quæst. II. cap. 1. 5. de frigid.*) cujus requisita indicat Rigger cit. loc. *§. 108. 109. ubi etiam §. 107. Schol. quæstionis inter Scholasticos agitata meminit:*



*num nimirum inter impotentes instar fratris & sororis invicem habitantes verum subsistat matrimonium?*

2) ætas immatura, seu minor

- a) XIV. annis in masculo,
- b) & XII. in fœmina; o)
- c) nisi fors pubertati proximi sint,
- d) aut *malitia* ætatem suppleat. p)

o) *Cap. 3. de desponsat. impub.* Quia in ejusmodi personis regulariter præsumitur impotentia. Consentit jus provinciale nostrum, eo tamen discrimine: quod in masculo 18; in fœmina 14 annorum ætatem ad validas nuptias postulet. cit. Cod. cit. loc. §. 289. & 37.

p) *Cap. 9. de despons. impub.* Cessat enim hoc in eaturatio sufficiens legis. Sed conf. *cap. 14. ibid.*

3) cultus disparitas, dum pars una est, altera non est baptizata;

- a) hoc impedimentum jure veresimilius *consuetudinario* ob gravia incommoda ex iis matrimoniis oriri solita invecum est:
- b) olim enim valida ejusmodi conjugia fuisse pluribus exemplis constat. q)

q) Quali sunt inter cetera S. Monica cum Patrio, S. Clothildis cum Clodovæo matrimonio junctarum. Conf. I. Cor. VII. 12. & Benedict: XIV. constit. *Singulari nobis* §. 9. 10. de añ. 1749. Attamen his non obstantibus certum est conjugia inter ejusmodi personas ob perversionis periculum semper fuisse prohibita, ipsam proin cultus disparitatem ab initio mox

inter impedimenta impediencia numerantur. Tertullian. lib. II. ad uxor. cap. 2. S. Augustin. de conjug. adult. lib. I. cap. 25. Synod. Eliberitan. can. 15. seq. Postea Imperatores Christianorum cum Judæis conjugia damnare ceperunt. L. 6. cod. de Jude. Inde factum puto, ut consuetudinario jure impedimentum hoc generaliter ad fidelium cum infidelibus matrimonia extensum (Can. 16. 17. Causs. XXVII. quæst. I.) atque recentioribus etiam Principum legibus confirmatum sit; Vid. Cod. cit. Pruss. cit. loc. §. 36.

#### 4) Crimen r)

- a) solius adulterii ex utraque parte formalis, cum promissione futuri matrimonii: s)
- b) solius conjugicidii, si duorum contrahere cupientium consensu, causa ineundi matrimonii, sit procuratum: t)
- c) cædis & adulterii simul, si cædes conjugis ab alterutra adulterantium parte, altera etiam inscia, vel invita patrata sit, aut procurata.

r) Circa impedimentum criminis visum est antiquis nullas valere posse nuptias, quæ inter quoscunque complices adulteros contrahebantur: L. 27. Cod. ad L. Jul. de adult. Navel. 134. cap. 12. Id quod & jure canonico sæpe repetitum can. 1. seq. XXXI. quæst. I. & a S. Augustino lib. I. de nupt. & concup. cap. 10. expresse traditum fuisse animadvertit Cujacius ad cap. 1. de eo, qui duxit in matrim. Multis hæc disciplina seculis viguit, ut ex can. 40. Concilii Triburiens. an. 895. manifestum est; decernitur enim ibidem: Non licere, nec christiana religioni oportere, ut ullus ea utatur in matrimonio, cum qua prius pollutus est adulterio. Tandem vero placuit Gra-



tiano ad duos tantum casus impedimentum istud restringere, si nempe vel adulterio fides futuri matrimonii accessisset, vel insidiæ in vitam conjugis junctæ essent. Gratian: *ad Can. 3. Caus. 8. quest. cit.* Hunc sequutus est Alexander III. in *cap. 1. de eo, qui duxit* ac tandem Innocentius III. *cap. 6. ibid.* definiens: legitimum esse adulteri cum adultera matrimonium post mortem legitimæ uxoris: *nisi aliter eorum in mortem defunctæ uxoris fuerit machinatus, vel ea vivente sibi fidem dederint de matrimonio contrahendo.* Idem fere jure nostro provinciali cit. *Cod. cit. loc. §. 25. seqq.* statutum legitimus.

s) *Cap. 7. de eo, qui duxit.* Conf. Rigger cit. loc. §. 164

e) *Cap. 6. ibid.* Nec juvat ad infidelis conversionem patratum esse conjugicidium: *cum tale damnum tali lucro Ecclesia compensare non velit.* *Cap. 1. de convers infid.*

## 5) Cognatio naturalis, seu consanguinitas. u)

a) in quocunque gradu lineæ rectæ, v)

b) in linea vero collaterali usque ad quartum gradum inclusive; x)

c) gradus vero in jure canonico ita computantur, ut in linea recta, quæ genitos & genitores complectitur, tot sint gradus, quot personæ deinceps stipite, y) in linea vero collaterali æquali tot gradibus duo distent inter se, quot ambo distant a communi stipite: z) in inæquali — quot gradibus distat remotior: a)

d) in exprimendo vero gradu *inæquali*, seu *mixto* a gradu *masculi* semper incipiendum, sine propinquior is, sive remotior fuerit.

u) *Cognitionem* distinguunt triplicem: *naturalem*, *legalem*, *spiritualem*. Prior, de qua sola hic agitur, est connexio personarum ab eodem stipite descendentium carnali conjunctione contracta. In materia matrimoniali parum interest, sive ea ex iustis nuptiis, sive ex illegitimo coitu, sive ex contubernio servili orta sit. *L. 8. 14. §. 2. L. 54. de R. N.* Ex gradibus & lineis dijudicatur, de quibus vid. Rigger cit. loc. §. 115. *Schol.*

e) Sive *ascendentis* sive *descendentis*; utrinque enim eadem ratio obtinet, nempe: quod inter personas in hac linea æqualitas illa naturalis haud datur, quam implendorum officiorum conjugali-um ratio in conjugibus postulat. Adde, quod plures adfirmant, per ejusmodi conjugia generationi prolium non satis consuli. Naturalem hanc regulam jus civile romanum §. 1. *inst. de nupt. L. 53. eod.* provinciale nostrum cit. loc. §. 3. probavit, & Ecclesia nunquam non sancte custodivit. Vid. Nicolai I. *respons. ad consult. Bulgar. cap. 39.*

æ) Impedimentum cognitionis in linea *collaterali* non posse ex jure *naturali* derivari, ostendunt passim ex eo: quod nec æqualitati conjugum, nec generationi prolis hæc cognatio adversetur, ut ex ipsa historia primæ generis humani per Adami posteros factæ propagationis abunde clarum est. *Divina positivæ legi* Levit. XVIII. 6. 7. 10. II. & XX 17 12. 13. Deuter. XXVII. 22. originem suam debet; e qua ad Ecclesiam christianam *in propagationem charitatis*, ut loquitur S. Augustinus lib. XV. cap. 16. *de civit. Dei* apud Gratian. *can. 1. Caus. XXXV. quæst. I.* transit, frequentibus postea Principum legi-



legibus confirmatum. §. 2. 4. 5. *Inst. de nupt*  
*Cod. cit. Pruss. cit. loc. §. 4.* Non ad eundem  
 tamen omni aetate gradum extendebatur. (Vid.  
*Rigger cit. loc. §. 126. seq.*) ideo: quod vel  
 non eadem semper fuerit stirpis notio (idem  
 §. 119.) vel non eadem graduum ecclesiasticorum  
 ad civiles computatio (idem §. 127. 129. 121. 130.)  
 vel demum non eadem legis mosaicae *Levit.*  
*XVIII. 6.* interpretatio. Innocentius III. tan-  
 dem, cum cognovisset: quod in ulterioribus gradi-  
 bus (nempe a Seculo XI extendebatur impedi-  
 mentum cognationis usque ad gradum decimum  
 quartum. cap. 1. de consang.) iam non possit absque  
 gravi dispendio huiusmodi prohibitio tolerari,  
 constituit in Concilio Lateran. ut prohibitio co-  
 pula conjugalium quartum consanguinitatis gradum  
 de cetero non excedat. Cap. 8. de consang. Atque  
 hoc jure juxta computationem canonicam in li-  
 nea aequali hodie utimur. De inaequali statuit  
 Gregorius IX. posse virum, qui a stirpe quar-  
 to gradu, & mulierem, quae ex alio latere distat  
 quinto, licite matrimonialiter copulari, cap. fin.  
 eod.

1) Seu, ut alii loquuntur: tot sunt gradus, quod ge-  
 nerationes. Vi hujus regulæ Pater & filia uno,  
 avus & neptis duobus, proavia & pronepos tribus  
 gradibus distant. Eadem vero etiam est com-  
 putatio in jure civili.

2) Jus civile in linea collateralis computat gradus se-  
 cundum regulam lineæ rectæ. Hinc frater a so-  
 rore distat jure civili secundo, jure canonico pri-  
 mo gradu: consobrini jure civili quarto, jure  
 canonico secundo gradu.

3) Hic denuo, ut supra in linea recta & collateralis  
 æquali eadem obtinet juris civilis regula: quot  
 sunt personæ stirpis demto, tot sunt gradus. Vid.

*declarat. arbor. consanguinit. Causs. XXXV. quest. V.*

6) Cognatio spiritalis ex baptismi & confirmationis collatione & susceptione b)

a) inter susceptores in utroque Sacramento, & susceptum, susceptique parentes:

b) inter ministrum, & susipientem, hujusque patrem, & matrem. c)

b) De origine, ac successiva hujus impedimenti extensione vid. Rigger cit. loc. §. 134. seqq.

c) Concil. Trident. Sess. XXIV. cap. 2. de reform. matrimon. add. Pii V. Constit. Cum illius. de an. 1566.

7) Cognatio legalis ex adoptione perfecta, cum quis extraneus in filium cum omnibus plane juribus recipitur, d)

a) inter adoptantem, adoptatum, hujusque descendentes:

b) inter uxorem adoptantis, & adoptatum, & vicissim:

c) inter adoptatum, & liberos adoptantis, quamdiu in eadem patria potestate constituti sunt. e)

d) Can. 1. §. 6 Causs. XXX. quest. III. Benedictus XIV. de Synod. dioces. lib. IX. cap. 10.

e) L. 17. L. 55. de R. N. §. 1. & 2. inst. de nupt. L. 17. eod.

8) Ad-



g) Adfinitas seu propinquitas personarum ex commercio carnis f)

a) si ex copula *illicita* oriatur, usque ad *secundum*, g)

b) si ex *licita* usque ad *quartum* gradum *inclusivè*, h)

c) inter *virum* & *consanguineos* *fæminæ* ab eo cognitæ, vel *viciissim*; i)

d) in quo autem gradu quis *consanguineus* est *viro* seu copulam habenti, in eo & *adfinis* cognitæ censetur & vice versa. k)

f) Duplicem adfinitatem distinguit Rigger *cit. loc. 138. seqq.* 1) *antecedentem legitimam* & *illegitimam*; 2) *consequentem* sponsalia aut matrimonium. De priore hic potissimum sermo est.

g) Concilium *Trident. Sess. XXIV. cap. 4. de reform. matrim.* Pius V. in constit. *Ad Romanum* de an. 1568.

h) *Cap. 8. de consangu.* cap. 1. *ibid.*

i) Itaque uxor mortuo suo marito non potest nubere ulli ex iis, qui ad dictum usque gradum fuerunt consanguinei suo defuncto marito. Vicissim maritus nullam ducere potest fæminam in uno ex his gradibus priori uxori suæ consanguineam. Econtra fieri potest 1) ut *duo fratres* ducant ex alia familia *duas sorores*; 2) ut *duo comprivigni*, tamen si communem fratrem sororemve habeant, matrimonio jungantur, 3) ut *viduus*, qui mariti defuncti sororem in matrimonio habuerat, viduam relictam huius mariti sibi jungat.

k) Modum adfinitatis gradus computandi uberius explicatum apud plerosque Juris interpretes le-

gimus. Vid. interea *Declaratio arb. adfinitatis*  
*Causa XXXV. quest. V. adjecta*. De adfinitate  
 vero *consequente* sponsalia aut matrimonium con-  
 sulatur Rigger *cit. loc. 147. seq.*

9) publica honestas, quæ oritur

- a) vel ex *sponsalibus validis & puris* cum alia  
 persona jam contractis — & usque ad gra-  
 dum *primum* — l)
- b) vel ex *matrimonio rato*, sed nondum *con-*  
*summato*, licet *invalide* contracto, modo non  
 fuerit invalidum defectu consensus — &  
 usque ad gradum *quartum inclusive* matri-  
 monium inter *sponsum & consanguineos spon-*  
*sæ & vicissim* invalidum reddit. m)

h) Concil. *Trident. Sess. XXIV. cap. 3 de reform.*

m) Pius V. in constit. *Ad Romanum*. an. 1568.  
 Quo ex jure impedimentum istud originem su-  
 am trahat; aut quousque olim patuerit, vid.  
 apud Rigger *cit. loc. §. 150, 151.*

VI. Denique ob defectum solennitatis  
 valori conjugii per legem *Tridentini* n) obstat  
 clandestinitas

- a) ut adeo ad valorem contractus matrimo-  
 nii præsentia Parochi *proprii*, aut ejus *dele-*  
*gati*, & *duorum testium* requiratur; p)
- b) sufficit vero sponsi vel sponsæ Parochus  
*domicilii*, vel *quasi-domicilii*; q)
- c) etsi vero lex ista in iis tantum locis, ubi  
*Tridentinum* promulgatum est, vim obli-  
 gandi habeat, *invalide* tamen contrahent,  
 qui



qui in fraudem legis in ea se loca ad nuptias clandestine celebrandas conferent, ubi Concilium hocce receptum non est. r)

n) Sess. XXIV. cap. 1. de reform.

o) Matrimonia remotis omnibus arbitris privata singulorum voluntate contracta sancta Dei Ecclesia ex causis justissimis semper detestata est, iteratisque decretis etiam sub gravissimis pœnis prohibuit *can. 1. seq. Causs XXX. quest. V. cap. 3. h. t.* Attamen si a contrahentibus postea publicata fuerint, comprobata sunt, tanquam a principio in Ecclesiæ conspectu contracta. *Cap. 2. h. t. arg. cap. 15. 30. de spons.* Postquam autem prohibitiones istæ propter hominum inobedientiam jam non prodesse videbantur, Synodus Tridentina efficacius aliquod medium adhibendum esse censuit, statuitque: ut clandestinitatis impedimentum hætenus impediens, esset imposterum dirimens. *cit. Sess. cit. loc.*

p) De variis postulatis circa præsentiam Parochi in matrimonii celebratione vid. Benedictus XIV. *de synod. diœces. lib. 13. cap. 23.* De eo, qui proprius Parochus dici debeat, plura adnotat Joan. de Friedenberg *cit. loc. §. 15. Conf. vero cit. cod. Pruss. P. II. tit. XI. Sect. VI.*

q) Id est: ad valorem matrimonii. Ex praxi enim diœcesana, & lege etiam regia *cit. loc. §. 435.* copulatio a Parocho sponsæ, paucis ibid. exceptis casibus, fieri debet.

r) Benedictus XIV. constit. *Cum venerabilis.* de an. 1758. Add. *cit. cod. Pruss. tit. I. §. 170.* quo matrimonia in fraudem legis provincialis in aliena provincia inita nulla, & mulctæ pecuniariæ Fisco pendendæ abnoxia declarantur.

## §. V.

SPONSALIA, ALIAQUE MATRIMONIO  
PRAEVIA.

I. Sponsalia a *Spondendo* sic dicta, & usu antiquissimo apud plerasque gentes Matrimonio praemitti solita, s) sunt in sensu proprio t) mutua futurarum puptiarum promissio, u) ac

## 1) iniri possunt

- a) ab omnibus, qui *usu rationis* praediti & *septennio* maiores sunt, v)
- b) modo nullo alias impedimento *dirimentis* vel *impediente* ligentur, ita quidem, x)
- c) ut contracta *ante adeptam pubertatem* ne mutuo quidem consensu dissolvi possint, y)
- d) ea vero *obtentis* ab iisdem etiam *juratis* *re-*  
*filiendi libera facultas concessa sit.* z)
- s) Jam apud Germanos veteres id moris erat, ut sponsalia matrimonii praemitterent. Vid. Ay-  
rer, *de jur. connub. apud. vet. germ. Sect. I. §. 2.*
- z) Improperie *matrimonium* ipsum nondum consumma-  
*matum Sponsalium* nomine venit; at tum addi-  
tur expresse particula *de presenti.*
- u) Ita ea quoque definivit Nicolaus I. in *can. 3. Causs. XXX. quest. V.* Quare si una pars qui-  
dem acceptet, nec tamen repromittat, simplex  
ejusmodi & unilateralis promissio sponsaliorum  
nomen atque efficaciam non habebit. Sanchez  
*de matrim. lib. I. disp. V.*



\*) *Furiosis, mente captis, aliisque rationis usu destitutis expresse negatur facultas spondendi cap. 24. de spons. ergo eo ipso rationis usu præditi tacite conceditur. Infantes, id est, septennio minores, rationis usu præditi esse non præsumuntur, L. 14. b. t. cap. 4. de despons. impub. ergo nec desponsationes facere possunt. cap. 5. ibid. poterunt econtra, si septennio maiores fuerint. At quid, si rationis usus septennium præveniat? Nec hoc calu sponsalia a minore septennio inita valere existimat Rigger cit. loc. §. 5. Schol.*

\*) Ubi enim alterutrum adfuerit, deerit libertas vel physica vel moralis ad promittendum matrimonium stante impedimento ejusmodi aliunde vel physice vel moraliter impossibile. Conf. L. 10. de his, qui not. inf. L. 16. b. t. item cit. cod. Pruss. P. II. tit. I. Sect. II. §. 76. 77.

γ) *Cap. 8. de despons. impub.*

z) *Cap. 7. §. 8. de despons. impub. Nec obstat. cap. 1. eod. ubi hæc sponsalia adimplenda esse præcipitur; etenim id eo solum casu intelligendum, si sponsa in domum sponsi traducta puber factus cohabitare pergat, aut alio modo sponsalia prius claudicantia confirmet.*

## 2) Consensus ad illa requiritur

a) *certus inter personas certas, & determinatas; a)*

b) *verus, ubi tamen norandum, consensum in foro externo verum præsumi, donec fictio comprobetur: b)*

c) *liber, seu a metu gravi & injusto, a dolo vel errore immunis: c)*

d) *sufficientibus indiciis manifestatus: d)*

e) *vere reciprocus. e)*

a) Ex.

- a) Cujusvis enim pacti objectum *determinatum* esse debet. Vid. *Jus nat. de pact.*
- b) Ne facile sit spondenti prætectu ficti consensus fidem sponsalitiâ violare; & quia *nemo existimatur dixisse, quod non mente agiaverit.* L. 7. §. 2. de supell. leg.
- c) Quod *metum* adtinet, adeo, si *gravis & injustus* fuerit, obstare sponsalibus perhibetur, ut *sea* in favorem metum passi ipso jure nulla & invalida sint, tametsi aut a tertio incussus fuerit, aut juramentum eis accesserit. *Cap. n. de despons. impub.* Varias hujus dispositionis causas adsignat Rigger cit. loc. §. n. Ut *error* aut *dolus* sponsalia irritet, necesse est secundum canones, ut *ille* circa personam ipsam versatus fuerit *can. 4. XXIX. quest. II.* hic vero causam contractui dederit. Ex jure nostro provinciali *error*, etiam solummodo circa *bona*, tribuit jus recedendi, dum talis est, ut, qui spondent, non haberent in conjugio necessaria ad vitam. *Dolo* circa *eandem* deceptus nec hac quidem clausula a resiliendo impeditur. Cod. cit. loc. cit. §. 105. 106.
- d) Nisi enim consensus manifestetur, recte dubitatur, an certus, verus, liber sit. Disputant vero de *formulis* consensum sufficienter manifestantibus Vid. Rigger cit. loc. §. 9. & Schol.
- e) Vid. *præced. not. u)*
- 3) Modus sponsalia contrahendi varius; nam
- a) modo ab *ipsis sponsis*,
- b) modo per *procuratores*, f)
- c) aut per *parentes* pro liberis præsentibus nec contradicentibus, g)
- d) item



- d) item vel *pure*, vel cum adjecta *conditione*, *honestā* tamen & *possibili*, *valide* ineuntur;  
 e) ut nec *solennitate* quapiam de *jure communi* opus sit. h)

f) *Cap. fin. de procurat. in 6. Cap. un. Clement. de renunt.* At tunc procurator 1) speciale mandatum, nec 2) ante inita sponsalia revocatum habere, nec demum 3) negotium alteri gerendum committere debet, nisi ejus quoque rei facta ei potestas sit. Per *litteras* inita sponsalia valere, modo is, qui eas dedit, voluntatem suam ante alterius partis acceptionem non retractaverit, docet Grotius *de J. B. & P. lib. II. cap. XI. §. 15. 16.* Quid vero, si principalis, cum sponsalia aut matrimonium per procuratorem contrahuntur, in amentiam incidat? Et sponsalia & matrimonium nulla esse adfirmat Rigger cit. loc. §. 8. Schol.

g) Imo etiam pro absentibus vel septennio minoribus, dummodo postea eorum ratihabitio vel expressa vel tacita accedat. *Can. un. Caus. XXX. quest. II. cap. 1. de dispos. impub.* Alias ex sponsalibus contractis a parentibus pro filiis nec ipsi filiis obligantur, nec publicæ honestatis justitia inde surgit. *Cap. un. §. 2. de despons. impub. in 6.*

h) Habent id sponsalia cum aliis contractibus commune. Sunt vero *conditiones* duplicis generis: quædam ex ipsa *natura rei*, vel ex *dispositione juris* subintelliguntur, atque adeo in omnibus sponsalibus adsunt, veluti: *rebus sic stantibus*: si uterque sponsorum ad matrimonium aptus; nisi religionem ingressus fuero, &c: *cap. 25. de jure. cap. 7. de convers. conjug.* Aliæ vero voluntate contrahentium expresse adjiciuntur, ipsaque sponsalia proprie conditionata reddunt. Harum exempla vid *cap. 3 §. 6 de condit. appos.* *Conditio inhonestā* adjecta libertatem moralem confen-

sentiendi contrahentibus non relinquit; ergo ipso jure naturæ contractum nullum reddit. Si plane *impossibilis* fuerit, seriam voluntatem promittendi, & acceptandi aperte excludit. Hæc itaque igitur & possibilis sit oportet. Quis vero tunc ejus effectus? Vid. Rigger cit. loc. §. 13. Cod. cit. Pruss. P. II. tit. I. Sect. II. ubi & formam jure civili nostro in contrahendis sponsalibus servandam, ut jus perfectum postulandi in foro externo promissum matrimonium adquiratur, adcuratius definitam leges.

#### 4) Firmantur Sponsalia

- a) *traditione arrhæ*, seu re in signum contrahentium Sponsalium, & pignus futuri matrimonii data.
- b) quam dein *injuste* resiliens vel amittit, vel in duplo restituere debet. i)
- γ) Adjici quoque posse ad firmanda Sponsalia *penam* contra Gonzalez in comment. ad cap. 29. de spons. docet Rigger cit. loc. §. 16. cui consonat Cod. cit. Pruss. cit. loc.

#### 5) Effectus Sponsalium sunt

- a) *gravis obligatio* ad matrimonium cum hac persona *commodo*, vel *condicto* tempore contrahendum: k)
- b) *impedimentum publicæ honestatis*. l)
- k) Can. 27. 51. Causs. XXVII. quest. II. cap. 2. 10. 17. de spons. Qui igitur huic obligationi satis facere renuit, aut tardat, ad eam implendam a Superioribus cogi iustis mediis potest: attamen constanter reluctantes mediis nimis severis, aut violentis adigendi non sunt, si funesti exitus & mor-



la, ut solent ex matrimoniis vi extortis subnasci, prævideantur: sed enim reus ad congruam parti læsæ satisfactionem præstandam, & impensas solvendas cogendus erit, nisi iustæ resiliendi causæ adfuerint; de quibus infra.

l) *Conf. S. præced. n. V. 9. Sponsalia conditionata præced. n. 3. not. b)* pendente conditione impedimentum hoc non inducunt.

## 6) Dissolvuntur Sponsalia

- a) *mutuo, quo coaluerunt, consensu: m)*
- b) *per professionem religiosam, aut susceptionem sacrorum ordinum: n)*
- c) *alio matrimonii impedimento superveniente: o)*
- d) *conditione deficiente, nec remissa: p)*
- e) *per matrimonium cum altera persona contractum; q)* hoc tamen per mortem istius soluto sponsalium priorum valor verisimilius reviviscit. *r)*

m) *L. 35. de R. J. cap. 2. de spons.*

n) *Cap. 1. de cler. conjug. Cap. 17. de contr. conjug. Concil. Trident. Sess. XXIV. can. 4. Idem de ingressu in novitiatum, susceptione minorum ordinum dicendum esse plerique recte contendunt.*

o) *Cap. 8. de eo, qui cogn. iunët. Concil. Trident. Sess. XXIV. de reform. matr. cap. 4* ita tamen, ut ea pars, cui existentia impedimenti potest imputari, dispensationem petere teneatur.

p) *Cap. 5. 6. de condit. appos. Hac vero remissa statim pura oriuntur sponsalia, & desponsatio irrefragabiliter teneatur. can. 7. Cass. XXVII. quest. 11. Cap. 1. de condit. apposit.*

q)

q) *Cap. 31. de spons.*

v) Dicitur quidem *cap. 22. de spons.* priorem fidem *irritam* factam esse: id vero eousque valere puto: quod scilicet matrimonium cum altera initum ab ea impugnari nequeat, cum qua Sponsalia prius contracta fuere; non vero, quod soluto per mortem matrimonio fidem sibi prius datam postulare non audeat. Nam certum est lædentem ad præstandam, quamprimum poterit, satisfactionem læto obligari: qui, non obstantibus Sponsalibus, matrimonium cum altera contrahit, priorem lædit. At satisfactionem durante matrimonio non præstitit, quia præstare eam haud potuit; ergo soluto matrimonio eam præstare debet, ipsaque persona læsa jus habet eam postulandi. Cum vero aptissima satisfaciendi persona læsa ratio ipsa promissi impletio sit: patet, illam jus postulandi matrimonium, priore soluto, habere. Conf. Schenk. l. § 645. Schol.

7) Causæ resiliendi a Sponsalibus sunt

- a) *notabilis mutatio*, v. g. superveniens *deformitas, paupertas* etc. s)
- b) aut eæ *circumstantiæ*, quæ si prius cognitæ fuissent, prudenti iudicis arbitrio a contractu retraxissent, v. g. *fornicatio* saltem sponsæ, *antecedens* etiam sed *ignorata*, *dolus* &c. t)
- c) *discessus* unius, & *longior absentia*, altera parte *in scia*, vel *rationabiliter invita*. u)
- s) Contrahuntur enim Sponsalia sub conditione tacita: *rebus sic stantibus* (n. præced. 3. not. b) qua deficiente liberum est contrahentibus resiliere. (præced. n. 6. lit. d)



7) *Cap. 25. de iurejur.* Cod. cit. Pruss. cit. loc. rubr. Gründe des Rücktritts. Quod de fornicatione corporali dicitur, ad spirituales æque extenditur, quam committi dicunt quando pars altera in hæresim inciderit. Arg. *cap. fin. de convers. conjug.* & *cap. 2. de divort.*

u) *Cap. 5. de spons.* Quod vero temporis spatium requiratur, ut *longior absentia* dici possit, jure canonico determinatum non est. Jure civili sponsa exspectare jubetur per *biennium*. L. 2. *Cod. de spons.* L. 2. *Cod. de repud.* Cod. cit. Pruss. cit. loc. rubr. Bedingte Ehegelöbnisse. Conf. Schenk §. 646. Schol.

II. Ad detegenda porro impedimenta fors occulta, & invalida matrimonia præpediendæ præmittenda sunt Banna nuptialia, seu denuntiationes, v) & quidem

- a) in *utriusque contrahentis parochiis* vel locis domicilii, aut *quasi-domicilii*, x)
- b) *tribus diebus festivis*, vel talibus, ubi major populi confluxus habetur; y)
- c) quæ si temere *negligantur*, contrahentes puniuntur, & detecto fors impedimento *dispensationis spe* frustrantur, prolesque interim nata *illegitima* censetur; Parochus vero tali matrimonio scienter *adstans* ad *triennium suspendi* jubetur; z)
- d) interim ex *caussa justa*, *absente* impedimenti cujusdam suspicione ab Episcopo etiam *remitti* possunt. a)

v) *Denuntiationum origo* generica non inepte a Tertulliani temporibus derivari posse videtur, quibus

quibus jam moris erat, matrimonia apud Ecclesiam profiteri. Tertullian. *de pudicit. cap. 4.* At hodierna denuntiationum forma conversu-  
ne primum introducta in quibusdam ecclesiis, demum sub Innocentio III. in Concil. *Lateran.* ad omnes ecclesias fuit extensa. *Cap. 3. de clandest. despons.* Sanctionem hanc renovavit Concilium *Trident. Sess. XXIV. cap. 1. de reform. matrim.* Novissime vero constitutum est, denuntiationes istas denegari oportere, si Parochus, ut debet, prius interrogando deprehenderit, marem seu tæminam, quæ ad salutem necessaria sunt, ignorare. Benedictus XIV. in epist. encyclic. *Etsi §. 11. de an. 1742*

- x) Et, si quis plura habeat domicilia in diversis parochiis, in ea, in qua verisimilius est sciri posse impedimenta. Vid. cit. Cod. Pruss. cit. *P. III. Sect. III. rubr. Aufgebot.*
- y) Ratio ex scopo denuntiationum repetenda.
- z) *Cap. 3. de clandest. despons.* Jure provinciali nostro etiam graviore pœna plecti jubetur. cit. Cod. cit. loc.
- a) Unam duntaxat causam dispensationis expressit Synodus *Tridentina cit. loc.* Sed dubitari non potest, quin & aliæ plures esse possint, quæ dispensationem variis modis faciendam requirant. Wiestner ad *tit. de clandest. despons. art. I. n. 12. seq.*

III. Tandem ad contractum matrimonialem necessarius sæpe per locorum leges est

- a) consensus parentum, tutorum, aut magistratus; b)
  - b) ac etsi quidem jure canonico parentum, tutorumve consensus ad valorem matrimo-
- nil



nii haud pertineat, *absque peccato* tamen negligi nequit. c)

c) ad *vagorum* vero conjunctionem consensus Episcopi requiritur. d)

b) Qua ratione in Silesia consensus 1) parentum, tutorum respectu minorennium, aut in potestate patria positorum &c item 2) consensus Principis, magistratus intuitu nobilium cum ignobilibus inferioris conditionis, ac intuitu militum requiratur, vid. Cod. cit. Pruss. cit. loc. *Seß. I. rubr. Eheverbot wegen Ungleichheit des Stands* & seqq.

e) *Concil. Trident. Sess. XXIV. cap. 1. de reform. matrim.*

d) *Trident. Sess. XXIV. cap. 7. de reform. matrim.*

## §. VI.

### CONTRACTUS MATRIMONIALIS ADJUNCTA, EFFECTUS, JUDEX, SOLUTIO; NUPTIAE SECUNDAE.

I. Factis rite denuntiationibus, ac omni absente impedimento, quædam adhuc contractus matrimonialis adjuncta noranda sunt: nempe

a) ut *licite* matrimonium contrahatur *hierologia*, seu *benedictio* Parochi, aut ejus delegati accedat, a nuda ejus præsentia, sine qua & *contractus invalidus* foret, probe discernenda: e)

- b) quam ut & illi, qui prius per *procuratores* contraxerunt, *renovato* deinceps *consensu* accipiant, *svadendum omnino est.* f)
- b) omnibus vero rite peractis *describenda* a Parocho in *libro* ad id destinato conjugum ac testium nomina, dies, ac locus, liberque ipse diligenter custodiendus erit. g)
- e) Quamvis benedictionis sacerdotalis formulæ, hodie in ritualibus extantes, atque in variis ecclesiis diversæ recentioris ævi sint; ipsa tamen sacerdotalis benedictio antiqua est, & apud Christianos jam pridem usitata. Concil. *carthagine. IV. can. 13.* apud Gratian. *can. 5. Caus. XXX. quæst. V.* Sane ad eam accipiendam Imperator Leo in *Novell. 89.* publica lege fideles obstrinxit. Idem in capitularibus Regum Francorum sæpissime inculcatur, *ne sine benedictione Sacerdotis nubere audeant.* apud Baluz. *Tom. II.* De ejus necessitate minime illi dubitant: qui Parochum Sacramenti matrimonii ministrum, & verba ab eo prolata: *ego vos in matrimonium conjungo* &c. formam ejusdem esse volunt. Vid. *supr. §. III. n. 1. not. p.* Est vero duplex: *solemnis una, non solennis altera.* Illa intra missam votivam, quæ habetur in missali romano, pro sponso & sponsa dicitur: hæc vero extra eam. De utraque valet Concilii *Trident.* decretum *Sess. XXIV. cap. 1. de reform. matrim.* Ut nimirum conjuges ante benedictionem sacerdotalem (sive solennem sive non solennem) in templo suscipiendam in eadem domo non habitent: ut a proprio Parocho fiat, nec a quoquam, nisi ab ipso Parocho, vel ab Ordinario licentia ad prædictam benedictionem faciendam alii Sacerdoti concedatur; *quacunque consuetudine etiam immemorabili, quæ potius corruptela dicenda est, vel privilegio non obstante.*

f) Cum



- f) Cum sint, qui matrimonio per procuratores inito rationem Sacramenti deesse putent.
- g) Concil. *Trident. Sess. XXIV. cap. 1. de reform. matrim.* Cod. cit. Pruss. P II. tit. XI Sect. VI. rubr. *Kirchenbücher.* Aequitatem, & gravem hujus legis implendæ obligationem maxima, quæ ea neglecta in utramque rempublicam redundare possunt, incommoda satis superque demonstrant.

## II. Effectus Matrimonii rite contracti alii sunt

- 1) ex parte ipsorum conjugum, nempe
- a) *gratia sacramentalis*, si obex non ponatur: h)
  - b) *vinculum perpetuum*: i)
  - c) *jus mutuum in corpora ad actus procreandæ proli aptos*: k)
  - d) obligatio ad *fidem uni conjugi servandam*: l)
  - e) obligatio ad *individuum vitæ consuetudinem, mutuum adjutorium, ceteraque officia*, quæ a *sine, & essentia* matrimonii determinantur: m)
  - f) *potestas maritalis*: n)
  - g) *communicatio status, ac dignitatis viri*, quam uxor participat: o)
  - h) *jus uxoris alimenta a marito, aut ejus hæredibus perendi*. &c. p)
- b) Ex def. matrim. §. *præced. III. n. 1. lit. b) not. p)*
- i) Non quidem *naturæ lege* (Deut. XXIV. 1. seq. Math. XIX. 8. Marc. X. 5.) attamen divina posita Genes. II. 24. Math. V. 32. XIX. 6. 9. Marc. X 9 n. 12. Luc. XVI. 18. I. Cor. VII. institutum.

- k) Ex fine conjugii naturali.
- l) Ephes. V. Adde: quod fide conjugali neglecta difficulter scopus matrimonii obtineri possit.
- m) Ex eadem Pauli ad Ephes. cit. cap. v. 25. *seqq.*
- n) Vi cuius maritus 1) societatis domesticæ caput efficitur: 2) rerum uxoris administrationem accipit: ac 3) uxor quoad plures actiones ad mariti voluntatem adstringitur. Conf. Cod. Pruss. P. II. tit. I. Sect. IV
- o) Nisi hæc personalissima sint, vel peculiare locorum consuetudines, aut pacta nuptialia obstant, ut in matrimoniis disparagiis.
- p) Conf. cit. Cod. cit. locus.

## 2) ex parte liberorum

- a) natales legitimi, matrimonio etiam diu post natam prolem inter parentes contracto, dummodo tempore conceptionis vel natiuitatis ejusdem matrimonium legitimum inter ipsos esse potuissent: q)
- b) jus alimenta, ac honestæ & christianæ educationis subsidia a parentibus exigendi: r)
- c) potestas patriæ ex parte viri in liberos. s)
- q) Proles durante matrimonio justo tempore progentas legitimas esse, tanta est in omni jure præsumptio, ut ea, etiamsi pater materve prolem suam esse negaverit, idque vel ad acta vel iurejurando confirmaverit, imo etiamsi mater adultera fuerit, aut fama viciniæ concubinam nuntiaverit, non convellatur, nisi ex absentia vel impotentia mariti eum patrem esse non posse demonstretur. Conf. cit. cod. cit. loc. tit. II. Sect. I.



I. Idem de prolibus *justo tempore post* dissolutum *matrimonium* genitis jura statuunt. Vid. *ibid.* rubr. *Rechtmäßigkeit der Kinder, welche*  
 2) &c. Num. vero *matrimonium putative* tantum *validum* eundem effectum pariat: vid. apud Rigger. cit. loc. P. IV. §. 194. Legitimationis per subsequens *matrimonium* historiam scripsit Idem §. 196 seq. *ibid.*

2) Hac de re plura vid. cit. Cod. cit. P. tit. II. Sect.

## II

3) Quousque potestas hæc patria jure nostro provinciali pateat, eodem cit. Cod. loco accuratius definitur.

III. Quoniam *Matrimonium* quoad rationes & effectus *civiles* potestati *politice*, quoad *ecclesiasticos* vero *ecclesiastica* subjectum est t) hinc etiam *causarum matrimonialium* *judicium*

a) tum quoad *effectus spirituales*, tum etiam, relicta nunc *Ecclesiæ* a Principibus, impedimenta *dirimentia privative* statuendi, aut relaxandi facultate, in casu quocunque quoad *valorem* ad *Judices ecclesiasticos*,

b) et quidem juxta *Tridentinum* ad *Episcopum* *regulariter* pertinebit, a quo *summariè* procedendum erit. u)

c) quoad effectus *civiles* vero, aut quæstiones etiam *quæ facti* a *judicibus* quoque *laicis* institui poterit.

2) §. *preced.* III. n. IV. V.

u) *Tridentin. Sess. XXIV. can. 12. & cap. 20. de re. form.*

IV. Ad *dissolvenda* Matrimonia illegitime *contracta* actio permittitur, quæ accusatio adpellatur, ad *impediendum* vero conjugium *futurum* denuntiatio instituitur: & quidem

1) ad denuntiationem impedimentorum,

a) ut peccati pericula evitentur, admittuntur omnes,

b) sufficitque minus plena probatio.

2) ad accusationem vero

a) si agatur de impedimentis *privatis* & *re. spectivis*, quæ per renuntiationem *partis læsæ*, & novum consensum sanari queunt e. g. quæ ex *errore*, *metu*, *dolo*, aut etiam *impotentia*, qua etiam stante conjuges ut frater, & soror cohabitare permittuntur, proveniunt, *soli conjuges* admittuntur: v)

b) si vero impedimenta alia v. g. *consanguinitatis*, *adfininitatis* &c. adpareant, ea matrimonia *quilibet* impugnare poterit; sed merito tamen accusatores *quæstiosi*, aut illi, qui impedimentum jam *ante nuptias* sciverunt, & denuntiare neglexerunt, rejiciuntur. x)

v) Et inter conjuges non nisi pars læsa. Rigger cit. loc. §. 209.

x) *Can. 1. 2. 3. Causs. XXXV. quæst. VI. cap. 3. 6. & fin. qui matrim. accus.* Quales testes in tali causa



caussa admittendi sint, vid. apud Rigger cit. loc. §. 21. Ceterum in defectu plena probationis potius pro valore matrimonii pronuntiandum est, ne, *quod Deus conjunxit, homo separet*; ac universim observanda sunt ea, quæ Benedictus XIV. in constitut. *Dei miseratione* de an. 1741. præscripsit.

V. Dissolutio Matrimonii vivente utroque conjuge facta Divortium dicitur: et

- 1) quoad vinculum ob contrariam legem *divinam positivam* locum non habet, y)
- a) nequidem ob alterutrius conjugis *adulterium*, prout Theologi demonstrant. z)
- b) Attamen matrimonium in *infidelitate contractum, & consummatum*, facta alterius conjugis ad fidem christianam conversione per *novas hujus nuptias*, siquidem pars infidelis *fideli aut omnino non, aut non sine creatoris injuria* cohabitare velit, etiam quoad vinculum dissolvi, *communis* hactenus Doctorum erat sententia, publica *lege canonica, & diuturna praxi* firmata. a)
- c) Matrimonium vero *ratum nec consummatum* per *solemnem religionis professionem* alterius conjugum valorem suum amittere ex disciplina Ecclesiæ universali in *Tridentino* confirmata certum est. b)
- y) Vid. *præced. n. II. not. i)*

z) Contrariam hodie adhuc Græci sententiam defendunt. Imo non deerant etiam inter Catholicos a quibus dubitatum est: *num ob adulterium matrimonii vinculum non dissolveretur*: de qua re

vid. Gratian. *Causs. XXXII. quest. VII.* Sed enim erroneam esse hanc eorum opinionem non immerito declaraverunt *Tridentini Patres Sess. XXXIV. can. 7.* his verbis: *Si quis dixerit: Ecclesiam errare, cum docuit & docet juxta evangelicam & apostolicam doctrinam propter adulterium alterius conjugum matrimonii vinculum non posse dissolvi -- anathema sit.* Add. cap. 2. de divort.

a) Benedictus XIV. *de Synod. dioces. lib. VI. cap. 4. n. 3. seq. lib. XIII. cap. 21.* qui porro singularem in hanc rem constitutionem: *Apostolici ministerii* an. 1747. edidit.

b) Concil. *Trident. Sess. XXIV. can. 6. Conf. Riger. cit. loc. p. 219. 220.*

## 2) quoad torum et mensam c)

a) divortium perpetuum ob solum fere alterius conjugis adulterium, aut crimen carnis consummatum, d)

b) temporaneum autem ob scævitiā mariti, vel animæ, aut corporis grave periculum, haud aliter evitandum, e)

c) non privata auctoritate, sed judicis sententia decerni potest. f)

e) Divortium improprie sic dictum, seu separationem conjugum quoad torum & mensam salvo interrim vinculo conjugii posse ab Ecclesia admitti, docuit expressis verbis Concilium *Trident. cit. loc. can. 8.* anathema dicens iis, qui hoc jus eidem negaverint.

e) Adulterium legitimam esse divortii perpetui causam ex *Math. V 32.* eruitur. Neque ulla hic est inter virum & uxorem differentia, cum christiana religio adulterium in utroque sexu paritate ratione



ratione condemnet. Sufficere etiam videtur ad-  
 ulterium gravibus & violentis indicijis *presum-*  
*tum* cujus exempla tum canónico *cap. 12. de*  
*presumpt. cap. 27. de testib. can. 4. Causs. XXVII.*  
*quest. I* tum civili jure *L. 8. §. 2, 3. Cod. de re-*  
*pud. occurrunt.* Sed enim ea est hujus delicti  
 conditio, ut separationem, donec pars adulte-  
 rans pœnitentiam egerit, necessariam faciat.  
*can. 1. 6. Causs. XXII. quest. I* qua peracta tan-  
 tum abest, ut vetita sit reconciliatio *cap. 3. de*  
*adult.* ut potius lex charitatis eam non nunquam  
 exigere videatur. *can. 7. & ibid.* Quare eatenus  
 adulterium divortii perpetui causam esse dici-  
 mus, quatenus innocens separationem perpetu-  
 am exigere quidem possit, non tamen debeat.  
 Conf. Schenkl §. 663.

e) Plures divortii *temporanei* causas recenset Rig-  
 ger *cit. loc. §. 225.* Conf. etiam Cod. Pruss. *cit.*  
*loc. cit. I Sect. VIII.*

f) *Can. 1. Causs. XXXIII. quest. II. Cap. 3. 4. de divort.*  
 Sixtus V. constit. *Ad compescendum* de an.  
 1586.

VI. Soluta per mortem, aut alio modo  
 (*præced. n. V. lit. b.*) matrimonii vinculo ad se-  
 cundas nuptias transeundi libera cuique  
 facultas est, g) modo

a) *moralis* saltem *certitudo* de conjuge de-  
 functo habeatur, h)

b) ac quæ *in favorem liberorum* prioris matri-  
 monii, aliave consideratione cauta sunt  
 impleantur. i)

g) Quantum juris romani, & veteris etiam canonici  
 in secundas nuptias fuerit odium, ex Riggero  
*cit. loc. §. 232. seq.* colligitur. Extinctum est  
 odium

odium istud doctrina Ecclesiæ Romanæ, quæ Pauli I. ad Corinth. VII. 8. 39. I. ad Tim. V. 14. verba explicans ultiores nuptias nunquam prohibuit. (Vid. decret. Eugenii IV. pro Jacob. in Concil. Florent. Can. n. 13. *Causs. XXXI. quæst. I.*) sed etiam pœnas inter annum luctus nubentium sustulit, (*Cap. 4. 5. de secund. nupt.*) paucis solummodo antiqui odii vestigiis retentis, (Rigger cit. loc. §. 237.) ac conditionibus quibusdam adjectis, quas insoles conjugii, publicusve ordo dictaverat.

b) Ne stante adhuc prioris conjugii vinculo novum matrimonium ineatur. *Cap. 2. 19. de spons. Conf. Cod. Pruss. P. II. tit. I. Sect. I. rubr. Von Ehen schon verheirathet gewesener Personen.*

c) Huc ex jure nostro provinciali referuntur, quæ 1) de portionibus hæreditatis, prolibus ex prioro conjugio relictis obvenientis, ante secundas nuptias juste determinandis, aut saltem de consensu judicii pupillaris exhibendo: 2) de temporis spatio, quod inter mortem prioris conjugis et secundas nuptias intercedere debet, cit. loc. Cod. sapienter constituta sunt.

## §. VII.

### SACRAMENTALIA, LITURGIA.

I. Uti Christus signa quædam externa instituit ad conferendam fidelibus gratiam, ita et Ecclesia *ritus* quospiam *externos* adsumit, quorum usu mens nostra admoneatur, ut sese ad Deum elevet, preces fundat, variosque in actus prorumpat, quibus divinæ gratiæ augmentum, openique promereatur. Ritus hi,

voce



voce a Sacramentis derivata, Sacramentalia dicuntur.

1) Eorum usus

a) quædam ad Sacramentorum præcipue administrationem augustiorem reddendam

— k)

b) alia ad alias fidelium utilitates promovendas adhibentur. l)

k) Hæc *strictè Sacramentalia* vocantur; ac ritus in Sacramentorum administratione adhiberi solitos, nec ad essentiam eorum pertinentes denotant. De *necessitate* eorum quæpiam præced. §. I. n. III. 2. dicta sunt; mentio vero plurium §. II, ubi de Sacramentis in specie agebatur, facta.

l) Huc referuntur 1) variæ *unctiones* extra quorundam Sacramentorum administrationem in Ecclesia usitatæ. Vid. Zech *de jur. rer. Sect. II. tit. XVII. §. 390.* 2) *benedictiones* aquæ, panis, salis, cercorum. Idem §. 391. *seqq. cit. loc.* 3) *purificatio* mulierum post partum, cujus origo ex V. T. præcepto Levit. XII. repetitur. Idem *ibid. §. 398.* 4) *alia*, quæ cum hætenus enarratis vulgari illo versiculo exprimi solent:

*Orans, unctus, edens, confessus, dums, benedicens.*

2) Effectus: m)

a) suapte natura nullam divinitus adnexam habent efficiendæ gratiæ virtutem, sed quamcunque obtinent vim, ex solo operantis merito, Ecclesiæque suffragio consequuntur. n)

b) con-

b) contemni tamen — aut, ea præcipue, quæ in solenni Sacramentorum administratione adhibenda præscribuntur, sine peccato a ministris pro libito omitti, aut in novos alios per quemcunque Ecclesiæ Pastorem mutari non possunt. o)

c) Imo fidelibus rite ac sollicitè explicari debent. p)

m) Varios Sacramentalium effectus recenset Idem *cit. loc. §. 389.* Theologis examinandum relinquens, qua ratione producantur.

n) A Christo enim, qui solus gratiæ auctor est, instituta non sunt.

o) Concilium *Trident. Sess. VII. can. 13. de Sacram. in gen.* Sunt enim ritus hi 1) antiquitate sua venerandi, 2) significatione graves, 3) maiestate ad exprimendam rerum cultui divino, ac animarum salutis ferventium dignitatem, ac elevationem iisdem conciliandam idonei.

p) *Tridentinum. Sess. XXIV. cap. 7. de reform. Sess. XXII. cap. 8. de sacrific. Missæ.*

II. Liturgia seu officium divinum magis strictè sumtum certam rationem laudandi Deum mente simul & voce, auctoritate Ecclesiæ institutam denotat. q)

r) Dividitur

a) in diurnum, & nocturnum r)

b) publicum, & privatum. s)

q) In sensu latiore sumtum significat complexum omnium precum statarum atque rituum in cultu externo peragendo; & in primis in celebratione Eucha-



Eucharistiæ receptorum, & in libris liturgicis præscriptorum. Hac ratione pleraque Sacramentalia (*præced. n. I.*) ad officium divinum pertinent.

1) Utrumque vero in *septem horas* nempe: *Mattutinum & Laudes*, quibus nocturnum absolvitur: *Primam, Tertiam, Sextam, Nonam, Vesperas, Completorium*, quæ diurnum constituunt. *Diviso* hæc officii divini ex *more antiquissimo*, & a temporibus Apostolorum derivatur. Constat enim ex certissimis sacre scripturæ testimoniis, populum Israeliticum certis diurnis, nocturnisque horis Deum in hymnis & canticis laudasse: Davidem, ut ipse *Psal. CXVIII* fateatur, *sepius* in die laudem dixisse Deo. Exemplum istud strenue prosequuti sunt Apostoli, qui hora *tertia* orantes acceperunt *Spiritus Sanctum*: *Act. II. 15.* e quibus Petrus hora *sexta* in superiore ædium parte orationi vacabat: *ibid. X. 9.* Petrus & Joannes ad horam orationis *nonam* in templum ascendebant: *ibid. III. 1.* Paulus vero & Silas *nocturnas* preces in carcere Deo persolvebant: *ibid. XVI. 25.* Quanto studio primorum seculorum fideles æmulati sint devotionem Apostolorum, pleni sunt Annales ecclesiastici, & vitæ Patrum. Vid. Card. Bona *de divin psalmod. cap. 1.* Inde vero factum fuisse puto, quod viri pii primum, dein vero tota Ecclesia divinum officium in dictas partes diviserit.

2) *Illud* est, quod publice a tota aliqua communitate; *hoc* vero, quod, privatim & a singulis recitatur.

## 2) Obligatio ad officium.

a) *Munus* recitandi officium præcipue ad *clericos* pertinet; t)

b) quo-

- b) quorum aliqui ad *publicam* — u)
- c) alii tantum ad *privatam* recitationem obligantur. v)
- d) aut sub peccato, aut sub pœna. x)

z) *Cap. I. §. I n. VI. 6 not. v) ibid §. II. n. 4. lit. a)*  
Sed non ita Clericis proprium est, ut non possint etiam alii ad hoc ministerium deputari. *Conf. can. 20 Dist. XXIII. item Zech cit. loc. §. 448.*

u) Ex præcepto Ecclesiæ publice recitari debet officium a personis choro deputatis in omnibus ecclesiis *cathedralibus, & collegiatis* tam *regularibus*, quam *secularibus*, imò etiam. si rigorem juris attendamus, *parochialibus*, saltem *dominicis, & festis diebus*, nisi contraria consuetudo a hac obligatione eximat. *Can. fin. Dist. XCII. cap. 1. 9. de celebr. miss. cap. 1. Clement. b. t. Svarez lib. IV. de hor. can. cap. 10. n. 2.*

v) *Privatim* ad horarum recitationem quotidianam obligantur 1) *Clerici in sacris* constituti, licet sint suspensi, depositi &c. 2) *Religiosi* ad chorum professi vi generalis consuetudinis religionum. 3) *Beneficiati*, licet tenue duntaxat habeant beneficium. *Cap. 1. 9. de celebr. miss. cap. 15. de rescript. in 6.*

x) Pro clericis & religiosis, qui nullum habent beneficium, horas canonicas negligentibus, nulla constituta est in iure pœna: peccare tamen eos nullum est dubium. *Beneficiati* culpabiliter pensum horarum non persolventes tenentur ad restitutionem fructuum pro rata faciendam fabricæ ecclesiæ, cui deserviunt, vel pauperibus etiam ante sententiam declaratoriam iudicis. Sub hac lege comprehenduntur etiam *Parochi, & alii Caurati* ratione fructuum breviario respondentium. *Bullæ Leonis X. & Pii V. Ex proximo.*



## 3) Forma &amp; ritus officii.

a) Sanctissimus est mos, ut horæ canonicæ ab iis, qui ad publicam earum recitationem obligantur, cum *cantu & psalmodia* in Ecclesia dicantur; y)

b) & quidem servata *forma & ritu novi breviarii* romani; z)

c) *lingua communi* pluribus populis. a)

y) *Morem* divinas laudes non plena solum voce, sed modulato etiam *cantu* perfolvendi commendat 1) *recta ratio*, utpote quæ cum tum orantibus, tum audientibus utilissimum esse docet; 2) *antiquissima praxis*, cujus plura vestigia leguntur apud S. Augustinum *epist. 55. alias 119. cap. 18.* apud Baronium *Annal. ad an. 60. num. 24. seq.* 3) *præceptum apostolicum* Ephes. V. 19 4) *Protestantium* ipsorum hæc in re cum Catholicis *consensus*, qui, in Germaniæ præcipue, *cantum psalmodiarum & hymnorum* vehementer amant, conclusionis Wolfii *J. N. p. I. §. 1247. & Inst. J. N. §. 176.* memores: *ad hymnos componendos & canendos ipsa lege naturali obligamur.* 5) *Concilii Tridentini lex præcipiens*: ut qui in Seminariis aluntur, disciplinam *cantus* discant. *Sess. XXIII. cap. 18. de reform.*

z) Cujus *reformationem*, qua ob varietatem summo-  
pere indigebat, Paulus IV. incepserat; hoc e-  
vivo sublato Patres *Tridentini* ad se revocarunt;  
postea ad Pontificis romani auctoritatem remile-  
runt; tandem vero votis Patrum respondens  
Pius V. absolvit, & absolutam Clemens  
VIII. & Urbanus VIII. recognovit, ut vel ip-  
sa inscriptio Breviarii, quo utimur, nos docet.  
Ab hac tamen obligatione servandi Breviarii ro-  
mani formam excipiuntur, qui ex institutione a  
Sede apostolica adprobata, vel consuetudine du-



centos annos superante in ritibus suis diversis  
sustinentur. Vid. *Confirmat. Breviarii Pii V.  
Rom. VII. Id. Julii 1568. Conf. Zech. cir. loc. §.  
451.*

a) Id est: non vulgari singularum provinciarum, sed  
communi multarum regionum idiomate, quale  
in Ecclesia latina *latinum* est. Nam illud nec  
quidem in Sacrificio Missæ passim concedendum  
esse decrevit Synodus *Tridentina Sess. XXII. de  
Miss. Sacrif. cap. 8. & can. 9.* ergo nec in officii  
divini recitatione admittendum erit. Num enim  
graviora pro idiomate vernaculo in officii divini  
recitatione adhibendo pugnant argumenta, quam  
in Missæ Sacrificio? Nec dicas cum *Quæsnel-  
lo prop. 86.* damnata in Bulla: *Unigenitus*: 1) *usum*  
hunc praxi Apostolorum, & intentioni  
Dei esse contrarium. Unde enim nostri Psalmos,  
& alias orationes veritas fuisse ab Apostolis in  
omnes linguas earum gentium, quibus Evange-  
lium prædicarunt? aut, etiamsi id daremus,  
eandem disciplinam mutatis temporum, loco-  
rumque circumstantiis retineri debuisse? 2) ea  
ratione eripi simplici populo solatium jungendi  
vocem suam voci totius Ecclesiæ. Esto id enim!  
non eripitur eapropter solatium longe dulcius  
jungendi mentem. *Honeste omnia & secundum  
ordinem fieri præcipit Apostolus I. Cor. XIV.  
40* Non est autem verisimile conjunctis incon-  
dita multitudinis vocibus incompertis ordinem  
promoveri. Utrique, solatio nimirum populi  
& ordini ac decori officii divini consulendum est:  
consultitur vero efficacius per officii divini alia-  
rumque Ecclesiæ precum versiones in idioma  
vulgare, quas populus interea tacite legat, et  
meditetur, dum personæ ad easdem decantan-  
das obligatæ muneri suo romana Ecclesiæ linguis  
satisfaciunt.



## §. VIII.

## DIES FESTI, JEJUNI, AC VIGILIARUM.

I. Ut olim in veteri, *b)* ita nunc in lege nova dantur certi dies ad id destinati, ut homines relicto omni alio non necessario opere bonorum omnium largitori Deo serviant, nomen illius ea, qua par est pietate concelebrent, ac in religionis christianæ officiis per suos Pastores instruantur. *c)* Dies hi festi, feriati, feriæ vocantur. *d)*

## i) Dividuntur

a) in dies dominicos, & festa strictius sumpta;

*e)* b) hæc in festa Domini, beatæ Virginis, Sanctorum; *f)*

c) mobilia, & immobilia; *g)*

d) chori & fori; *h)*

e) communia, propria; *i)*

f) ordinaria, extraordinaria. *k)*

*b)* Notissimi sunt ex veteri lege ad recolenda varia generi humano universum, ac Judæis imprimis a Deo collata beneficia ordinati dies 1) Sabbati Exod: XX 8, 10. 2) Paschatis ibid. XII. 3. seq. 3) Pentecostes Levit. XXIII 15. seq. Deuteron. XVI 9. 4) Tabarum mense septimo die prima Levit. XXIII 24. 5) Expiationum ibid. 27. seq. 6) Tabernaculorum ibid. 34. 7) Dedicationis Altaris I. Machab. IV. 59. 8) Sotium Esther IX. 21. 22. magna solennitate celebrati, at christianæ Ecclesiæ Præsulibus, utpote lege ceremoniali constituti, non adeo necessarii visi, ut eos, salvo ceterum cultu, ad

quem Deo exhibendum naturæ ipsius voce obligamur, aut penitus abrogare, aut retento nomine ad aliorum christiano populo exhibitorum, beneficiorum memoriam celebrandam in alios anni dies transferre non possent.

c) *En festorum dierum scopum!* ex quo solo colligitur, quam sapienter instituti sint, quamque infulse sermocineptur, qui nescio quantam superstitionem judaicam in ipsis latere dicunt. Contra hos præclare egit Bellarminus *lib. III. de cultu Sanctorum cap. 10.* Suarez *tom. I. de relig. tract. II. lib. II. de festis. cap. 2.*

d) Singulos igitur hebdomadæ dies in Calendario ecclesiastico *feriarum nomine distinctos appellari* Ecclesia voluit, quo significaretur, quotidie Clericos, abjecta ceterarum rerum cura, uni Deo prorsus vacare debere. Læction. pro festo S. Silvestri ult. Decemb.

e) *Dies Dominicus in Sabbati locum institutus* per Apostolos ob plurima a Servatore nostro hoc die mysteria patrata (quæ recenset Suarez *cit. loc. cap. 4.*) ac Imperatorum etiam edictis firmatus (Vid. Gothofredus ad Cod. Theodos. *de feriis.*) præcipua solennitate jam Apostolorum ævo celebrabatur. Constat id perspicue 1) ex ipsis Apostolorum actis. Vid. Act. Apost. XVI. 13. XX. 7. Math. XXVIII. 1. Marc. XVI. 1. seq. Luc. XXIV. 1. Joan. XXI. 19. 26. 2) ex scriptoribus Ecclesiæ hæc in re mirifice consentientibus Vid. Justin. Martyr *apolog. 2. circa fin.* Baronius *Annal. eccles. an 303. n. 46. seq.* 3) ex Plinii elegantissimo de re christiana testimonio in *epist. 97. lib. X. ad Trajanum*, quod ita sonat: *Solii sunt Christiani die ante lucem convenire, carmenque Christo dicere secum invicem: seque sacramento non in seculum aliquod obstringere, sed ne furta, ne larrocinia*



nia, ne adulteria committerent, ne fidem fallerent, ne depositum adpellari abnegarent: quibus peractis mos eis discedendi fuit, rursusque coeundi ad capiendum cibum promiscuum tamen, & innoxium. Ne vero in hoc cultu Christiani turbarentur, data Ecclesiae pace etiam ad ipsos gentium Praefectos Imperatoris (Constantini) metu & voluntate edictum perlatum est, ut illi perinde Dominicum diem venerarentur. Euseb. de vit. Constant. lib. IV. cap. 23. Quicumque præter diem Dominicum ad conservandam redemptionis aliorumque fidei mysteriorum memoriam, ad B. V. Mariæ, aliorumve Sanctorum Martyrum ac Confessorum virtutes recolendas instituti sunt dies festi, strictiore significatione festa dicuntur, de quibus infra.

f) Sollemnissima festa Domini recenset S. Augustinus epist. 54. 55. alias 118. 119. ad Januarium; qualia sunt *nativitatis Domini: circumcissionis: epiphaniæ: paschatis: pentecostes: ascensionis: & alia.* De eorum antiquitate vid. Zech. cit. loc. §. 478. Inter dies honori Divæ Virginis sacratos eminent *annuntiationis & purificationis* festa propterea, quod incarnationis divinæ mysterium propius contingant. Cetera, veluti: *immaculatæ conceptionis: nativitatis: præsentationis, visitationis, & assumptionis* recentioris sunt instituti. Vid. Idem cit. loc. §. 479. — 482. In festis Sanctorum antiquissima procul dubio sunt Divi Stephani Proto-martyris: SS. Innocentium: SS. Apostolorum: quibus *anniversarius dies dedicationis* ecclesiarum, alique non pauci ævo præcipue Constantini Imp. accesserunt. Conf. Idem cit. loc. §. 483. seq.

g) Hæc singulis annis stato die recurrunt: illa redeunt quidem, sed dies variat. Præcipuum inter *mobilia festa* est *Pascha*, ex quo reliqua pendent.



Vid: *instruct.* Breviario adposita *de anno & ejus partibus, tit. de festis mobilibus.*

- b) *Priora* solummodo a Clero in Ecclesiis divino officio, & solenniore liturgia: *hec* autem etiam a populo solennius celebrantur.
- i) *Communia*, quæ per universam Ecclesiam: *propria*, quæ in certa diœcesi aut loco obtinent.
- k) *Ille* quotannis recurrunt: *hec* causa quadam urgente extra ordinem celebrantur.

## 2) Institutio, Abrogatio festorum.

- a) *Communia* instituit Pontifex: l)
- b) *propria* vero Episcopus, m)
- c) utrinque *Principum consensu* accedente, dum de *festis* fori agitur. n)
- d) *Iidem Ecclesiæ Præsules* festa abrogant. o)

l) Cujus ceu Primatis præcipuum officium est, unitati divini cultus per universam Ecclesiam studere. Conf. *Decret. Urbani VIII. Idib. Septemb. 1642. item P. I. cap. I. §. I. n. V. lit. e. not. d.*

m) *Cap. fin. de feriis.* Adde, pleraque Sanctorum festa illis olim tantum Ecclesiis fuisse propria, proin & ab illarum tantum Ecclesiarum Episcopis concessa, apud quas passi vel sepulti erant. Sed enim multiplicaverunt Episcopi festivitates ultra eum numerum, quo eas constringi debere publica civitatum salus, & cultus divini majestas postulabant. Inde vero gravissimæ contra hunc abusum tum Synodorum, tum Scriptorum querelæ; Vid. Rigger cit. loc. P. II. §. 69. seq. Quibus tandem permotus Urbanus VIII. de numero festorum saltem figendo serium consilium cepit, canonizationis causas, ac omnia ad cultum



cultum publicum Beatorum pertinentia Apostolica Sedis auctoritati reservans, ipsumque Episcoporum jus archioribus, ut decuit, limitibus circumscribens. Ab illo tempore Episcopi inconsulto Pontifice festa nova propria ordinare non solent.

2) Principum consensum ad instituenda festa fori accedere debere, vel inde patet, quod 1) nimius eorum numerus facile collisionem officiorum religionis cum officiis civium producere posset; 2) quod festis fori judicia vacare debeant; at num id expediat, ad Principem definire pertineat; 3) quod huic jus cavendi, ne obtenta Religionis damnum Reipublicae inferatur, competat. *Vid. P. I. cap. II. §. I. n. V. 2)*

3) Ut id sufficienter evincunt exempla Benedicti XIV. Clementis XIV, qui ut cultum divinum augerent, festa minuebant. *Vid. Cosmas Schmalzfus hist. relig. tom. V. Sect. X. §. III. n. 8. seqq.* Ac ipsorum etiam Principum facta, qui cupientes nonnulla festa abrogari, negotii hujus executionem Pontifici Romano, aut Episcopis suarum provinciarum commendabant. *Conf. P. I. cap. II §. II. n. III. not. 1)*

### 3) Ratio celebrandi festa.

a) Fideles *diebus festis Sacrificium Missae* audire, ac divini verbi *praedicationi interesse* obligantur. *p)*

b) alia praeterea *pietatis opera* exercere — *q)*

c) ab operibus *profanis* abstinere — *r)*

d) ac in *dierum selectu Calendarium novum Romanum* sequi debent. *s)*

p) Ex festorum dierum scopo *praeced. not. c)* At in qua ecclesia? Absque dubio *ceteris paribus* parochialis



ehialis propria cuius alteri præferenda est: 1) enim obligantur oves audire vocem Pastoris sui; 2) Pastores ipsi populum sibi commissum instruere: pro eo diebus Dominicis ac festis Sacrificium Missæ offerre tenentur, *P. I. cap. I. §. IX. n. II.* Quis vero non videt, præsentem in Ecclesia parochiali debere esse oves, ut his officiis utrinque satisfaciat.

q) Sane sciendum est (verba sunt Nicolai I. ad consule. Bulgar. respons. 10. n.) quoniam idcirco in diebus festis ab opere mundano cessandum est, ut liberius ad Ecclesiam ire, psalmis & hymnis, & canticis spiritualibus insistere, orationi vacare, oblationes offerre, memoriis Sanctorum communicare, ad imitationem eorum adsurgere, eloquiis divinis intendere, eleemosynas indigentibus ministrare valeat Christianus — his neglectis, siquis ad ceteras mundi vanitates licitos labores convertit; melius illi fuerat laborare manibus suis, ut haberet, unde tribueret necessitatem patientibus. Talis erat primis Christianis usitata dies festos sanctificandi ratio, ut supra præced. not. e) indicavimus. At videamus jam, quam procul recentioris ætatis mores a laudatissimis veterum exemplis recesserint! Depingit eos Simon Cantuariensis Archiepiscopus oratione in Synodo Mangisfeldensi habita an. 1332. his verbis: In constantia humana, ut plerumque in deteriora labente, quod in Electorum Dei receptum erat honorem, conversum est in blasphemiam, & abominationem: dum videlicet conventicula negotiationis & alia exercitia illicita diebus huiusmodi potissime ingeruntur: quod ad devotionis parabatur compendium, in dissolutionis exigitur cumulum: dum in ipsis festivitatibus taberna potius, quam ecclesia, comestationes & ebrietates uberius abundant, quam lachrymæ, & orationes: lasciviis insistitur, & contumeliis magis, quam oratio contemplationis — nec propter Dei honorem, sicut deceret, sabba-



*sabbatizant. sed etiam juxta præmissa Dominum ipsum & sanctam Ecclesiam in diebus hujusmodi per abominationes pessimas scandalizant, tanquam solennitates ipsæ ad profanationis & perversionis exercitium gratis fuerant instituta.*

r) Quæ scilicet cum exercitio operum pietatis (*præced. not. q.*) stare nequeunt. Hujus generis sunt 1) opera servilia. Vid. Zech *cit. loc.* §. 487. seq. 2) mercatus & judicia. *cap. omnes. cap. conquestus. de feriis.* 3) omnia, quæ mores corrumpunt, uti choreæ, ludi scenici &c. Huc pertinet S. Augustini dictum *psalm. 91. v. 2: melius est arare, quam saltare.*

s) Calendarii Juliani, quo antiquior utebatur Ecclesia, errores, ac eorum per Gregorium XIII. P. factas emendationes: circa harum acceptationem exortas lites, mediaque ad eas componendas adhibita refert Rigger *cit. loc. p. 623. seqq.* Conf. Zech *cit. loc. tit. XIX. §. 411. seqq.*

II. Ut dies festi religiosius colerentur, fidelesque ad eos se penitius præpararent, invaluerunt in Ecclesia *vigiliæ t)* & *jejunia* ante illos, quæ

1) varia sunt:

a) abstinetur enim vel ab omni cibo & potu; vel a pluribus refectionibus & certo ciborum genere secundum regulas ab Ecclesia præscriptas. Inde vero est jejunium vel naturale, vel ecclesiasticum.

b) abstinencia a pluribus refectionibus, & certo ciborum genere, est jejunium ecclesiasticum



*ficum proprie tale; u) si vero pluribus refectionibus permixtis carnum esus solum prohibetur, abstinentia dicitur. v)*

c) Illud denuo est *quadagesimale: x) quatuor temporum: y) adventus: z) & quarundam vigiliarum. a)*

2) Ideo sic dicta, quod fideles ante diem quemdam festum celebriorem noctem inter psalmos & hymnos in ecclesia insomnem agerent. Abolitus quidem est mos iste, remansit nihilominus vocis illius usus ad significandum jejunium, quod siue jure siue generali consuetudine pridie festorum solennium servatur.

u) Hoc tria continet; *unicam refectionem, 2) abstinentiam a carnibus, 3) tempus pro unica refectione prescriptum, (can. 4. Dist. IV & can. 3. Dist. III. de consecr.)* quod olim erat *vespertinum*, seu post occasum solis: postea vero mutatum est adeo, ut hodie fideles hora ordinaria a meridie soleant cibum sumere, & vespere Ecclesie collatiunculam permittat.

v) Contra *abstinentiam* in sensu *strictiore* adfurgunt non Protestantes solummodo, verum etiam tenerioris, ut ipsi ajunt, stomachi Catholici, cum cibis jejunalibus plurima alia disciplinae ecclesiasticae saluberrima statuta nauseantes. Utrique multas contra eam accusationes congerunt, quibus abrogandam esse penitus, aut si istud obtineri non possit, contemnendam incautis persuadeant. Num vero in probatione accusationum non deficiant, videamus: 1) Superstitionem, inquit, olet. At superstitiosum non fuit, vetare protoparentibus in paradyso esum pomi! praeterea non ipsis cibis vim quampiam sanctificandi hominem tribuimus, quamvis ad luxuriantes affectus ejus compescendos selectum ali-

men-



mentorum quidpiam conferre posse non sit prorsus incredibile, sed obedientiam abstinentium, quæ melior est sacrificio, laudamus. 2) Temporalis lucri causa; ac ætate præjudiciis obscurata introducta est. Quid vero: si ego de Præsulibus ecclesiasticis, donec aperte mali probentur, æquius sentiens dixero: quod occasionem parandæ virtutis fidelibus dare voluerint? Pariat ergo Catholicorum abstinentia mercatoribus nonnullis lucrum: quis bonus illud invidet? Ecclesiæ Præsulibus nullum profecto parit. Quod originem abstinentiæ adinet: non ad obscuratam præjudiciis ætatem, quæ enim est hæc? sed potius ad temperata jejunia hebdomadalia referendam esse puto. Nempe antiquissima jam Ecclesia diebus Mercurii & Veneris jejunare consueverat. Vid. Zech cit. loc. p. 459. Ut vero ad Solennitatem diei Dominici celebrandam animi fidelium præpararentur, translatum est feriæ quartæ jejunium per Ecclesias occidentales in Sabbatum. Vid. Alexander Natalis *Disser. IV. ad secul. II. art. 6. & Concil. Eliberitan. can. 26.* Cum vero jam ab initio jejunia hæc hebdomadalia minore rigore, ac reliqua, servata fuerint, inde etiam *semijejunia* dicta, facile, tepescente scilicet fidelium pietate, fieri potuit, ut in solam abstinentiam degenerarent. 3) Mutatis alimentorum pretiis observatu fere impossibilis est. Dabo id, si de cibis sermo est, qui volupe sapiant; negabo vero, si de iis agitur, qui hominem nutrant. Bona natura conditi sumus; si eandem non deseruerimus, paucis contenti esse poterimus. 4) In societatibus domesticis disparis cultus plurimas molestias generat. An autem etiam tales, quas ea adhibita prudentia, & constantia, qua in aliis vitæ eventibus uteris, superare non valeas, aut præcavere? Cujus quæso, legis observantia adeo facilis, ut ardui nihil secum ferat? Si igitur capropter abstinentiam



tiam abrogandam esse decernis, videris: qua ratione alia disciplinæ capita ab eodem decreto liberet.

- n) A feria quarta cinerum usque ad pascha exceptis diebus Dominicis. Unde vero hoc dictum sit, an ab horis, an a diebus, vel qua alia ratione: incertum est, Conf. Zech cit. loc. §. 457.
- 9) Jejunii quatuor temporum hunc esse scopum dicunt: ut nimirum fideles ad preces fundendas disponantur, quibus dignos Ecclesiæ ministros, sibi-que Pastores a Deo exorent. Ordinari enim regulariter Sabbato quatuor temporum Clerici solent. Antiquitas alium habuisse scopum videtur: erat enim jejunium istud jam in usu, antequam introductus fuerit mos, ordinationes iis temporibus celebrandi; ut ex sermonibus S. Leonis P. de jejun. quat. temp. epist. 6. Gelasii Pontificis ad Epis. Lucaniæ, non inepte deduci potest. Conf. Zech cit. loc. §. 458.
- a) In compensationem jejuniorum, quæ per feriarum reductionem (n. preced. l. 2. not. a.) cessaverunt.
- q) In Diœcesi nostra sequentibus vigiliis jejunium istud adnexum est: 1) vigilia nativitatis Domini 2) Pentecostes, 3) assumptionis B. Virginis, 4) S. Joannis Baptistæ, Wratislaviæ, & iis in locis, in quibus festum S. Joannis est Patrocinium Ecclesiæ, 5) SS. Apostolorum Petri & Pauli, 6) festivitatis omnium Sanctorum, 7) vigiliis principalis Patroni cujusvis Ecclesiæ, quibus antehac adnexum erat jejunium, in loco Patrocinii tantum. Breve Clementis XIV. die 24. Jun. 1772. Notandum vero: quod, si festum in cujus vigilia jejunatur, feria secunda celebrari contigerit, sabbato præcedenti jejunandum sit, Cap. 2. de Observ. jejun.

2) Horum



## 2) Horum origo b)

a) non ex *præcepto* Apostolorum, aut Christi Domini c)

b) sed ex *consuetudine* fidelium, quæ, Ecclesiæ adprobatione accedente, vim legis obtinuit, derivatur. d)

e) Prout nempe hodie ab Ecclesia certis temporibus, certoque modo observantur.

e) Exstant quidem Christi, & Apostolorum jejunantium exempla, quæ imitemur; sed de præcepto eorum ad jejunium obligante non constat. Unde Prudentius Cathemerinon *hymn. VII.* ait:

*Lexus ac liber modus abstinenti  
Ponitur cunctis, neque nos severus  
Terror impellit, sua quemque cogit  
Velle potestas.*

d) *Can. n. Dist. XII. cap. fin. de observ. jejun. Terullian de jejun cap. 2. Origen. homil. X. in Levit. Conf. Rigger P. III. §. 838. Nec tamen eapropter jejunia vilipendi possunt. Quamvis enim præcepto Christi aut Apostolorum non inculcentur, commendantur nihilominus eorundem exemplis: non interrupto fidelium omnis ætatis usu: frequentissimis Ecclesiæ legibus: ipsaque sua propria virtute, vitia comprimendi, mentesque ad contemplationem sublimiorum religionis, ac salutis veritatum elevandi. Adde, ea maxime idonea esse media satisfactionis ad delendas peccatorum nostrorum penas præstandæ.*

## 3) Quinam ad jejunandum tenentur?

a) ad jejunium *naturale* obligantur *Eucharistiam* suscepturi. e)

b) ab

- b) ad jejunium *proprie tale ecclesiasticum*, qui compleverunt annum ætatis *vigesimum primum*, nisi aliunde excusentur: f)
- c) ad *abstinentiam* tenentur omnes Christiani *septimum* ætatis annum egressi. g)
- e) Conf. *præced. §. II. n. III. not. a.)* Non enim decet, ut corpus alatur prius, quam anima.
- f) Causæ autem a jejunio excusantes sunt, 1) *impotentia*: 2) *labor gravis*: 3) *pietas* respectu illorum, qui opera misericordiæ exercent, & nequætur simul cum his operibus jejunare: 4) *dispensatio* ex justa causa. Conf. *Zech cit. loc. §. 465. seq.* Benedictus XIV. constit. die 30. Maji, & 22 Augusti de an. 1741. 10 Junii 1744. ubi præcipue, quæ in dispensationibus adtendenda sunt, explicat.
- g) Varia tamen circa abstinentiam, præprimis diebus Sabbati servandam, in diversis provinciis est consuetudo. Vid. *Zech cit. loc. §. 462.*

## §. IX.

SANCTORUM, RELIQUIARUM, IMAGINUM  
CULTUS.

I. Sanctos, ac Beatos h) recte coli & invocari gravissimis argumentis probant Theologi dogmatici. i) Hic loci quæritur:

1) qualis hic cultus sit?

a) Sanctis & Beatis cultus *Dulciæ* exhibetur;

b) illeque vel *privatus*, vel *publicus*. l)

h) Sancti



- b) *Sancti* dicuntur, qui cum fama sanctitatis, & miraculorum ex hac vita discesserunt, & ab Ecclesia in canonem Sanctorum relati sunt. *Beati* vero, qui ab Ecclesia numero Beatorum adscripti sunt. Differunt a Sanctis, quod hi ab omnibus, & omni cultus religiosi specie, ac ubique; Beati autem cum restrictione ad certum cultum, aut saltem pro certo loco, aut genere personarum publice coli permittantur.
- 7) Vid. etiam Concil. *Trident. Sess. XXV. decret. de invocat. & venerat. Sanctor.*
- 8) Quatenus scilicet cultui *laureutico*, qui soli Deo convenit, opponitur. Cultu hoc Sanctos ut *amicos Dei* veneramus: eorum intercessionem imploramus: Deum auctorem gratiarum iisdem collatarum laudamus, supplicantes ab eo auxilium, quo adjuti Sanctorum virtutes imitemur. *Conf. Missæ Sanctor. in Missali Rom.*
- 9) *Publicus* dicitur, qui auctoritate Ecclesiæ permittitur: *privatus*, qui ex privata fidelium devotione exhibetur.
- 2) Quis cultum Sanctis decernere possit?
- a) Jus istud, olim per *Episcopos* pro suis diocesibus exercitum, m)
- b) nunc Romano Pontifici ita est reservatum, ut nullum pro Sancto absque auctoritate Romanæ Ecclesiæ venerari liceat. n)
- m) Van Espen *J. E. U. P. I. tit. XXII. c. 9.*
- n) *Cap. 1. de reliqui: & venerat. Sanctor. Benedictus XIV. in præstantissimo opere de Servor. Dei beatific. & beat. canonizatione lib. I. cap. 10. §. 4.*

§. 4. & seqq. Conf. P. I. cap. I. §. I. n. V. lit. e.  
not. d) item Rigger cit. loc. §. 827. seqq.

II. Reliquiarum nomine veniunt corpora Sanctorum, vel partes eorum: item vestes, & alia usu, vel ad tactu Sanctorum sacra-  
ta. o)

### 1) Distinguuntur

a) reliquiae insignes, p)

b) exiguae, q)

o) Veteres distinguebant nonnunquam corpora Sanctorum a reliquiis, ut pluribus testimoniis ostendit Zech cit. loc. Sect. I. tit. V. §. 53.

p) Insignis reliquia censetur plerumque quaecunque pars integra corporis, licet alioquin modica; vel grandioris membri pars non modica. Idem ibid. §. eod.

q) Quid exiguae reliquiae nomen denotet, ex praeced. not. intelligitur, Conf. Idem ibid. aut Benedictus XIV. cit. loc. lib. IV. P. II. cap. 6.

### 2) Veneratio reliquiarum

a) nihil superstitionis habebit, r)

b) si iustae cautelae observentur, s)

r) Concil. Trident. Sess. XXV. decret. de invocat. venerat. & reliquiis Sanctor. Bellarminus tom. II. controver. lib. 2. Purissimum ab omni superstitione fuisse apud Christianos primorum seculorum cultum externum, concedunt etiam non rogati eorum plerique, qui reliquiarum venerationem apud Catholicos usitatam petulanter rident. Ad nihil profecto hac in re Catholici agunt, nisi quod ex primorum Christianorum exemplis dico



dicerunt. Maxima etenim apud hos erat reliquiarum veneratio. Testantur id 1) conventus eorum, quos passim in cœmeteriis Martyrum agebant: 2) Gentilium turor, qui Martyrum corpora comburere, cineres dissipare, vel in mare projicere solebant, ne fidelibus venerationi essent: *epist. Ecclesiæ Smyrnenfis* apud Eusebium *Cæsareens. lib. IV. cap. 14.* 3) mos data Ecclesiæ pace reliquias in templa exstructa transferendi: (S. Hieronym. *advers. Vigilant.*) altaria absque Sanctorum reliquiis non consecrandi: (Concil. *Carthaginense* an. 401. *can. 14. Nicæanum II. can. 7.*) pluraque alia ab iis relata, qui de sacrarum reliquiarum cultu ab omni superstitione alieno copiosius scribunt.

- 2) Quarum præcipuæ sunt: 1) Non licere reliquias Sanctorum antiquas extra capsam ostendere, aut venales exponere: *Zech cit. loc. §. 56. not. 70.* 2) inignes reliquias non esse in privatis ædibus, nec apud Laicos, sed in Ecclesia collocandas: Idem §. 55. 3) noviter inventas publicæ venerationi exponi non debere absque S. Pontificis approbatione (*præced. n. I 2*) & Episcopi recognitione. 4) non esse ferendos eos, qui venerationis causa accedentes variis figmentis & documentis decipiunt. Sed vid. *Tridentinum Sess. XXV. de invocat. & venerat. & reliq. item cap. 1. 2. de reliq. & venerat. Sanctor.*

III. Sapientissima Synodorum contra Iconoclastas celebratarum, ac postremo *Tridentinæ Sess. XXV.* de usu cultuque SS. Imaginum doctrina ad sequentia capita revocatur;

- a) *licitum* esse *imagines venerari*, earumque cultum, si ad normam christianæ doctrinæ exerceatur, ab idolorum adoratione longissime distare; t)

b) resistendum tamen esse *abusibus*, qui aut circa *repræsentationem*, aut circa legitimum *imaginum usum* non raro committuntur. u)

1) Theologorum est, primum istud doctrinæ de imaginibus Sanctorum caput illustrare. Egerunt id inter ceteros innumeros Petavius *Theol. dogmat. rom. II. lib. XV. a cap. 6.* Tournellius *prælect. theol. de Incarnat. quest. ult.* adeo feliciter, ut nihil optandum superesse videatur, quam ut pacato tantisper animo legerent argumenta eorum Protestantes. Puderet profecto viros cordatos, verique amantes religionem innocuam abominando idololatriæ probro apud imperitum vulgus diffamare.

2) Ne, quod ad religionem fovendam est institutum, ad superstitionem inducendam valeat. De hisce *abusibus* fusius egit Zeeh *cit. loc. cit. VI. §. 75. seqq.* Juvat pauca excerpere: 1) circa *repræsentationem*. Cum *pietura in Ecclesiis idcirco adhibeatur*, docente S. Gregorio M. *lib. VII. epist. iii.* ut qui litteras nesciunt, saltem in parietibus videndo legant, quæ legere in codicibus non valent, sequitur, quod, ex quibus causis prohibentur nonnulli libri, ex iisdem tolerari non debeant nonnullæ imagines; quales sunt falsum dogma repræsentantes, vel erroris occasionem præbentes; lascivæ, aut sanctitatem domus Dei dedecentes: dissidiorum causam dantes. Exempla ejusmodi *imaginum* vid. apud Eundem *§. 76. seqq.* & apud Benedictum XIV. *Bullar. rom. I. fol. 566.* 2) Circa *usum* cavendum est: a) ne sacræ imagines ad profanos, profanæ vero ad effectus sacros adhibeantur; b) ne in loco indecenti, & inhoneste exponantur; c) ne devotio & veneratio in ipsa imagine sola hæreat, sed ad *Prototypum* referatur. Concil. *Trident. cit. loc.*



## §. X.

## LOCA SACRA ET RELIGIOSA.

I. Loca ecclesiastica ea adpellantur, quæ divino cultui, & religionis pietatisque studiis destinata sunt. Dividuntur

- a) in *sacra*, quæ cultui divino consecratione, aut benedictione —
- b) in *religiosa*, quæ absque his quidem, auctoritate tamen Ecclesiæ —
- c) in *pia*, quæ privata solum auctoritate piis usibus dicantur. v)
- v) Conf. Zech cit. loc. cit. I §. 2. Sect. I

II. Inter *loca sacra* eminent Ecclesiæ, seu ædes ad divinum cultum, publicumque liturgiæ exercitium consecratione, aut benedictione initiatæ.

1) Earum origo & nomen.

- a) jam ante Constantinum M. Christianis *publicas* quoque Ecclesias fuisse, priorum seculorum monumentis comprobatur; x)
- b) a quo tempore dein *splendidior* ipsis etiam *forma* accessit; y)
- c) *ritus* vero solenniter *dedicandi* Ecclesias a sec. IV. paullatim increbuit; z)
- d) simulque earum *numerus* adeo auctus est, ut, ne sine Episcopi venia novæ erigerentur, Canone 4. Concilii *chalcedonen/sis* cautum fuerit: a)

e) nomine autem olim *vario* compellabantur, nempe: *domus Dei, martyria, oratoria* &c. b)

f) decursu vero temporis distinctio orta est inter Ecclesias *cathedrales, parochiales, regulares, seculares, collegiatas, aliaque oratoria publica* &c. c)

x) Inter monumenta ex sacra scriptura petita principium locum obtinet I. Cor. XI. 20. quem textum non de ipsa societate fidelium, sed de loco, ubi congregati erant, intelligendum esse, aperte satis docet S. Augustinus *quest. 57. in Levit.* cum S. Basilio *Reg. brev. quest. 310.* At longe plura ex scriptoribus aliis collegit Bingham. *orig. eccles. lib. VIII. cap. 1.* Corruit ergo eorum opinio, qui ex male intellectis quorundam Patrum locis contrarium adserere ausi sunt. Quod cum religionis christianae propugnatores negarent se templa habere, id de ethnicorum templis ad sacrificia & cultum falsis diis exhibendum destinatis intelligendum est Bellarm: *lib. III. de cult. Sanctior. cap. 4.* Conf. Zech *cit. loc. §. 5.*

g) Bingham *loc. cit. cap. 2.* Splendoris istius aucti non una erat causa: 1) enim docuit omnes ipsa ratio, templa utilia esse ac necessaria (Zech *cit. loc. §. 6.*) inde vero, qua potuerunt, liberalitate & numerum & splendorem eorum augere studebant; 2) efficacissimi hac in re erant Imperatorum christianam religionem amplexorum conatus. Hi, ut christianum cultum in maximam Civitatis salutem promoverent, gentiliu templa in ecclesias christianas convertabant, frequentibus hunc in finem edictis promulgatis. Quod vero ad ipsam ecclesiarum *formam* adinet, nec omni tempore, nec in omni loco erat eadem. Juvabit tamen pro intelligendis



gendis diversis canonibus legere, quæ ex probatissimis auctoribus de antiqua ecclesiarum structura retulit Zech *cit. loc. §. 7. seqq.*

2) Zech *cit. loc. tit. III. §. 30.*

a) Add. Justinian. *Novel. 67. Capitul. Reg. Franc. lib. V. c. 382.* At leges hæc ad Oratoria privata extendendæ non sunt. Hæc pro sua devotione extruendi facultatem quilibet habet, modo nec Missæ ibi celebrentur, nec Sacramenta administrentur absque auctoritate Episcopi.

b) Græcorum lingua vocabantur *ιερον, ναον, κυριακον* seu *Dominicum*, ex quibus fontibus etiam germanicæ nonnullæ nuncupationes fluxerunt, *Kirch, Dom, Dom-Kirch.*

c) Zech *cit. loc. tit. I. §. 14. seqq.*

## 2) Earum exstructio.

a) non nisi *iusta & gravi ex causa*, modoque *legitimo* i. e. nec cum ipsius religionis, nec aliarum Ecclesiarum præjudicio, & cum Episcopi auctoritate fiat; d)

b) neque etiam, maxime ubi rationes politicæ connexæ sunt, *Principis consensus* est negligendus; e)

c) ad *pacta* quoque, ac *speciales locorum leges* præsertim in Germania nostra ad *Pacem Westphalicam* attendendum est: f)

d) denique Ecclesiis recens erectis *dos congrua*, de se perpetua, tum ad ministrorum sustentationem, tum ad cetera ad cultum divinum spectantia adtribuenda est. g)

h) *Iusta & gravis causa* censetur in genere *salus populi* difficulter, absque novæ ecclesiæ exstructio.

structione obtinenda. Vid. *cap. 3. de eccles. adif.* item Concil. *Trident. Sess. XXI. cap. 4. de refor.* Difficultatis hujus cognitio, ita, ut ordinaria salutis animarum cura, ad Episcopum pertinet. Inde est, quod ejus consensus ad extruendas ecclesias *parochiales & regulares Religiosorum* etiam *exemptorum* peti debeat. Concil. *Trident. Sess. XXV. cap. 3. de Regular.* Ad erectionem *Cathedralis, Collegiatae*, omnisque alius, in qua sit *dignitas ecclesiastica*, Romani etiam *Pontificis* auctoritatem communiter requirunt. Zech *cit. loc. tit. II. §. 19.*

e) Conf. Cod. cit. Pruss. P. II. tit. XI. Sect. IV. rubr. Von Errichtung neuer Kirchen.

f) Ne forte exstructio ecclesiae novi operis nuntiatione inturbetur; quod non raro levibus, nec in P. W. fundatis ex causis factum experientia testatur. Conf. Zech *cit. loc. §. 21.*

g) Antequam id fiat, Episcopus ecclesiam consecrare jure prohibetur.

### 3) Earum reparatio.

a) Pro Ecclesiis *conservandis* olim quarta reddituum ecclesiasticorum pars erat constituta; h)

b) nunc ad eas reficiendas in genere bona *fabricae* sunt impendenda;

c) si vero, unde Ecclesiae *non parochiales* instaurari queant, sufficientia bona desint, Episcopus, vocatis, quorum interest, beneficia *simplicia* in *matrices*, vel alias *vicinas* Ecclesias transferre poterit; i)

d) *parochiales* autem ex fructibus & proventibus quomodocunque ad ipsas pertinentibus



bus reparandæ sunt; his vero non sufficientibus Patroni, aliique fructus ex iisdem percipientes, *decimatores* præprimis ratione *decimarum* saltem *origine ecclesiasticarum*, aut in horum defectu *parochiani*, qui alioquin *operas manuales* præstare tenentur concurrere debebunt; *k*)

e) ubi tamen ad locorum *consuetudines* potissimum respiciendum est. *l*)

b) *Cap. I. §. IV. lit. b. not. i*) item *can. 30. 31. Caus. XII. quest. II.*

i) *Concil. Trident. Sess. XXI. cap. 7. de reform.*

k) *Idem eod. Conf. Zech cit. loc. §. 24. seqq.*

l) *Conf. cit. Cod. Pruss. P. II. tit. XI. rubr. Bau, und Vesserung der Kirchengebäude; item Sect. X. rubr. Unterhaltung der (Pfarr-) Gebäude.*

4) *Eorum consecratio aut benedictio.*  
*m)*

a) *Consecrationis Minister* ex jure ecclesiastico est *Episcopus* *Diececeos*, vel *alius Episcopus* ab illo, aut etiam *Presbyter* a Pontifice delegatus; *n)*

b) *benedictionem*, delegata sibi ab *Episcopo* potestate, *simplex Presbyter* peragere poterit. *o)*

c) *Consecratio* recte quidem *tempore quovis*, decentius tamen *dominiciis festisque diebus*, præmissa a *Consecratore*, & iis, quorum *res agitur*, *jejunio*, ac ritibus in *Pontificali romano præscriptis* perficitur. *p)*

d) *cujus dedicationis anniversarium, uti & festum Sancti, vel Mysterii, a quo Ecclesiae nomen impositum, quotannis sollemniter agenda sunt. q)*

21) *Benedictio non raro cum consecratione confunditur: revera autem ab ea differt ritu, ministro, effectu &c: vid. Zech cit. loc. tit. III. §. 34. Consecrandas esse ecclesias quam citius fieri poterit, aperte praecipitur cap. fin. de consecr. eccles. Can. ii. Dist. I. de consecr.*

22) *Jam apud Ethnicos dedicationes templorum pertinebant ad jus Pontificium vid. Gutherius lib. III. de vet. jur. pontif. cap. ii. 12. 13.*

q) *Altaria tam fixa, quam portatilia, calices, patenas, campanas &c. jure communi item solus Episcopus, jure singulari Praelati Pontificalibus ornati pro suis Ecclesiis benedicunt, & consecrant; paramenta vero altaris sacrasque vestes Praelati regulares omnes ex privilegio generali, & ex Episcopi delegatione Decani praesertim rurales benedicere solent.*

23) *In Concilio Casaraugustano III. an. 692. prohibetur canone 1: ne consecratio ecclesiae fiat extra dies Dominicas. At huic canonii derogatum est cap. 2. de consecr. eccles. ubi dicitur: in diocesi tua licet tibi ecclesiis dedicationem impendere tam diebus Dominicis, quam privatis.*

q) *Can. 16. Dist. I. de consecr. Conf. Zech cit. loc. §. 34.*

5) *Earum execratio aut pollutio.*

a) *Execrari Ecclesia dicitur, ac iterum consecranda erit, cum major saltem pars parietum corrui, aut crusta interior, cui inhære-*



re consecratio creditur, decedit; r) non tamen, si *vel tota* etiam, verum per partes *sensim* minores, fuerit resecta; sicut nec *Altari execrato*, quod *fractio* præcipue *reliquiarum sigillo* contingit, cum diversa utriusque sit consecratio. s)

b) *Polluitur Ecclesia*, & hoc ipso etiam *altaria*, ac contiguum *cæmeterium*, non tamen *vicissim*, *graviter iniqua*, & *notabili sanguinis*, ac *lasciva seminis humani effusione* itemque *sepultura pagani*, aut *excommunicati*. t)

c) *Reconcilianda est ecclesia consecrata*, si *polluta* sit, u) ab *Episcopo*, vel etiam *Presbytero* ab eo ex privilegio *Pontificis delegando* *per aquam cum vino*, cinere, sale ab *Episcopo benedictam*; v)

d) *Ecclesia autem solum benedicta aqua tantum exorcizata* per *simplicem etiam Presbyterum* est lavanda; x)

e) neque, nisi *publica fuerit pollutio*, solennis esse debet *necessario Reconciliatio*. y)

r) *Can. 20. 24. Dist. I. de consecr.* Alter casus, quo *Ecclesia iterum consecranda est*, is esse dicitur: si nempe de consecratione prudens dubium oritur. *Can. 18. Dist. I. de consecr.*

s) *Can. 3. Dist. LVIII. Can. 19. 20. 24. Dist. I. de consecr. cap. 1. 6. de consecr. eccles.*

t) *Cap. 4. ibid. cap. un. eod. in 6. Can. 27. 28. Dist. I. de consecr. cap. 12. de sepult.*

u) Ut fideles detestationem concipiant sceleris, quo temerarius quispiam *scdavit Ecclesiam quantum in se erat*.

v) *Zech cit. loc. p. 37.*

x) *Cap. 10. de consecr. eccles.*

y) Plura de reconciliatione vid. apud Van Espen  
*J. E. U. P. II. Sect. II. tit. I. cap. V.*

III. Inter loca *sacra* referuntur etiam Cœ-  
 meteria, seu loca sepeliendis Christianorum  
 corporibus Ecclesiæ auctoritate, & benedictio-  
 ne destinata; unde sepultura ecclesiasti-  
 ca descendit, quæ triplici sensu

- a) pro ritu,
- b) pro loco,
- c) pro jure sepeliendi accipitur. z)

z) Conf. Rigger P. III. §. 434.

1) Ritus sepeliendi.

a) Ab ipsis Ecclesiæ incunabulis Christiani  
 suorum corpora certis, statisque ritibus ad  
 sepulturam dare consueverant, ea loca &  
 honeste vestita publice in Ecclesia expo-  
 nentes, hymnosque decantantes. &c. a)

b) hodie vero Christianorum *exequiæ* psal-  
 mis, precibus, trina thurificatione, &  
 aquæ lustralis asperzione, Missæ celebra-  
 tione &c: absolvuntur; b)

c) proin qui ab *Ecclesiæ communione* & sacris  
 sunt exclusi, sepulturæ quoque ecclesiasti-  
 cæ honore privari solent, secundum illud  
 principium: *quibus non communicavimus vi-  
 vis, nec communicemus defunctis.* c)

d) Tales sunt, qui aut nunquam in Ecclesiæ  
 communionem recepti, aut ab eadem se-  
 gregati, aut notorie impenitentes de vita  
 exe-



exeunt, ut non baptizati, d) hæretici, e) excommunicati, f) in torneamentis, g) aut duello, licet pœnitentes, mortui, h) authochiri, i) blasphemæ, usurarii manifesti, k) & raptores, nisi satisfecerint, religiosi proprietarii, l) communionem paschalem negligentes, m) & alii.  
n)

a) Meretur enim rationalis animæ domicilium non projici temere sicut brutorum cadavera, præsertim quod fuerit animæ bene ac sancte instrumento suo in certaminibus usæ receptaculum. Origen. lib. VIII contra Celsum. Similia habet S. Augustinus lib. I. de civit. Dei cap. 13. & lib. de cura pro mortuis.

b) Vid. Rituale diœces. & quæ ad hos ritus illustrandos scripsit Zech cit. loc. Sect. II. tit. XXIII. §. 502. seqq.

c) Et ut ostendatur odium publici sceleris, & incutiat horror peccati reliquis fidelibus.

d) Can. 27. 28. Dist. I. de consecr. Huc pertinent 1) infantes sine baptismo decedentes. Si tamen constat, infantem jam in utero matris fuisse mortuum, sepeliendus est cum matre, si hæc simul moritur: partus enim, antequam edatur, mulieris portio est, vel viscerum. l. 1. §. 1. ff. de inspec. vent. 2) Catechumeni: pro quibus tamen Ecclesia orat, si credentes decesserunt, ut colligitur ex S. Ambrosio de obitu Valentiniani.

e) Cap. 8. cap. 13. §. Credentes de hæret. cap. 2. eod. in 6. Aliud de religionibus in Germania toleratis statuitur in P. IV. art. V. §. 35. Conf. Zech cit. loc. §. 517. not. 90.

f) Can.

- f) *Can. 1. Causs. XXIV. quest. II. cap. 12. de sepulture.* nisi ante mortem vel absoluti fuerint, (cap. fin. eod.) vel signa saltem pœnitentiæ dederint, & absolutionem post mortem ritu ecclesiastico obtinuerint, cap. 28. de sent. excommunicat. Id de iis etiam excommunicatis, qui publice nondum denunciati, nec vitandi erant in vita, intelligendum non esse, docet Zech cit. loc. §. 517. n. IX.
- g) *Cap. 1. de torneament. Alexander III. noluit dispensare in hac re, etiam ad preces Regum & Principum: ne prava illa consuetudo ex hoc incrementum posset suscipere Epist. 23. ad Henric. Rhemens: apud Martene collect. veter. Script. rom. II. col. 674.*
- h) *Concil. Trident. Sess. XXV. cap. 19. de reform. Benedictus XIV. in Constitut. Detestabilem IV. Idus Novembr. 1752.*
- i) *Can. 12. Causs. XXIII. quest. V. Excipiuntur vero*  
 1) qui ex mentis alienatione se interimunt;  
 2) qui pereunt, quando ex spe evadendi grave malum se in manifestum mortis periculum coniecerunt;  
 3) qui post vulnus sibi infictum pœnitentiam agunt;  
 4) quicumque submersi, laqueo suspensi, vel ferro aut veneno interfecti, nisi certo constet, quod seipsos occiderint. Circa eos, qui huic legi sepulturam neganti subiaceant, prævia quadam rei cognitio ad iudices politicos, & medicos spectabit.
- k) *Cap. 3. de usur. cap. 2. eod. in 6.*
- l) *Cap. 2. & 4. de stat. monach.*
- m) *Cap. 12. de pœnit. & remiss. Hæc tamen pœna omisiæ communionis paschalis non est semper lata sententiæ, proin nec potest a Parocho propria auctoritate executioni dari. Van Espen cit. loc. P. II. tit. IV. cap. 3. n. 17.*

n) Vid.



n) Vid. Zeeh *cit. loc.* Ceterum quotiescunque in prædictis casibus dubium occurrit, Ordinarius consulendus est. Si hujus sententia expectari nequeat, favendum est defuncto,

## 2) Locus sepeliendi.

- a) Sævientibus adhuc persecutionibus Christiani fidelium cadavera in *agris, speluncis, cryptis* &c. humabant; o)
- b) iis cessantibus, translatis e cryptis in urbes, Martyrum præcipue, corporibus, sepulturam in iis, vel saltem prope illas exoptabant fideles, qua ratione *sepulcra urbana* invaluerunt, per Theodosii legem primo quidem reprobata, p) dein per Leonis constitutionem de novo concessa. q)
- c) Loca hæc varias quidem adpellationes habuere, usitatius tamen & olim & hodie *Cæmeteria* audiunt, r) quæ Episcopi auctoritate constituuntur, ab eoque, aut Presbytero delegato *benedicuntur*, s) qui benedicendi ritus perverustus quidem, ejus tamen initium incertum. t)
- o) Et quidem prope *vias publicas*, quales in urbe Romana fuisse *Appiam, Aureliam, Flaminiam, Lavicanam, Latinam, Laurentinam, Ostiensem, Prænestinam, Salariam, & Tiburtinam* ex Kirchmanni *de funerib. Roman. lib. II. cap. 22.* novimus. Moris hujus duplex ratio erat: 1) lex XII. tabularum; *Hominem in urbe ne sepelio, neve urito*; cui Christiani, optimi cives, lubentes paruerunt; 2) ut mortalitatis exemplum præberent. *L. 6. Cod. Theodos.* Inde originem sum-

sumserunt inscriptiones: *Siste viator. Sea via-  
tor &c.*

p) L. 6. Cod. Theodos. de sepulcr. violat. Constitutio-  
nem hanc Imperator ad Pancratium urbis  
Cptanz Præfectum dirigit. Unde concludunt  
nonnulli: per eam nec in suburbanis ecclesiis  
prope Constantinopolim, nec in ecclesiis alia-  
rum urbium sepulturas prohiberi.

q) Novell. 53. Huic concessioni edicta Principum  
hodie non minus, quam eruditorum calamos  
adversari videmus.

r) Sen Dormitoria: voce a græco verbo *grouuon*,  
quod dormire significat, desumpta. Recte enim  
dormientes dicimus, quos certum est resurrec-  
turos. Inde ait S. Hieronymus adversus  
Vigilant: Sancti non appellantur mortui sed  
dormientes: unde & Lazarus, qui resurrecturus  
erat, dormivisse perhibetur, & Apostolus vetat  
Thessalonicenses de dormientibus contristari.

s) Cap. 4. de relig. dom. quia pro parte, aut verius  
pro porticu, & area ipsius ecclesiæ habentur,  
Cap. 10. de immunit. eccles. cap. un. ibid. in 6. cap.  
7. de consecr. eccles.

t) Ejus sane jam meminit S. Grægorius Tu-  
ronens. de glor. confess. cap. 106. De modo, quo  
cæmeteria 1) pollui possunt, vid. supr. n. II. §.  
lit. b.) 2) ac polluta reconciliari debent,  
Zech cit. loc. Sect. I. tit. III. §. 40.

### 3) Jus sepeliendi.

- a) Id regulariter ad Parochos spectat, u)
- b) unde hodie per consuetudinem in ea pa-  
rochia, in qua quis mortuus est, vel Sa-  
cramenta percepit, sepelitur, v)

c) nisi



e) nisi quis *sepulchrum Majorum* habeat, x) aut aliud sibi elegerit, quod, præter *impuberes, & religiosos* cuiuslibet liberum relinquitur; y) d) electa autem alibi sepultura *Parocho* *jus exequiarum* competit, z) *portio* item *canonica*, vel *quarta funeralis* per locorum consuetudinem determinanda pendenda est; a) *mortuarium* vero nec ubivis solvitur, nec ejusdem ubique generis est. b)

u) *Cap. 2. de sepult. in 6.* Decet enim, ut *Parochus*, qui durante vita curam spirituales suorum *Parochianorum* gessit, defunctos non deserat, sed locum sepulturæ concedat, & pro iis preces, Missasque offerat. *Conf. Cod. cit. Pruss. P. II. tit. XI. Sect. VI. rubr. Von Begräbnissen.*

v) *Excipe* 1) *Religiosos*. Sicut enim his *Praelatus* pro *Parocho*, ipsumque *Monasterium* quodam modo pro *parochia* est, ita quoque per ipsum *Superiorem* in *Monasterii* ambitu, vel in *Ecclesia* sepeliri debent. *Cap. fin. de sepult. in 6.* 2) *Canonicos, & Clericos Ecclesiae cathedralis*, qui tametsi forsitan in alia *parochia* habitent, in *Ecclesia cathedrali* sepeliendi sunt. *Card. Tuscus pract. conclus. lit. P. conclus. 99. n. 5.*

x) *Cap. 1. & 3. de sepult.*

y) *Cap. 1. 2. §. 1. de sepult. in 6.* Hac tamen lege: ne profanus locus eligatur. (*cap. 3. de sepult.*) Cui legi non derogat concessio *Bonifacii VIII. cap. 2. §. 1. eod. in 6.* quæ permittit sepulturam in loco minus religioso fieri. Per locum enim minus religiosum intelligit *Pontifex* non profanum, sed *Oratorium, Sacellum*, in quo non est religiosorum Fratrum conventus, nec frequenter *Missarum* solennia celebrantur.

Van

Van Espen *J. E. U. P. II. sect. IV. tit. VII. cap. 3.* Inde vero vi *privilegii* Regularibus concessi in eorum ecclesiis a quolibet sepultura eligi potest (*Clement. Dudum. 2. §. hujusmodi. Extravag. comm. Super cathedram 2. de sepult.*) ipsi tamen sub pena excommunicationis Papæ reservatæ, ac ipso facto incurrendæ neminem ad id inducere audent. *Cap. 1. de sepult. in 6. Clement. 3. §. sane de pænis.* Quid jam ante has constitutiones S. Bonaventura in epist. ad quemdam provincialem Ministrum sui Ordinis scripserit: vid. apud Zech *cit. loc. §. 510 not. 58.*

- a) Rigger *cit. loc. §. 444. Zech cit. loc. §. 514*
- a) Concil. Trident. *Sess. XXV. cap. 13. de reform.*
- b) De mortuario legatur Zech *cit. loc. §. 511.*

IV. Loca sacra & religiosa Immunitate etiam gaudent, cujus prærogativa præcipua in eo consistit, quod malefici illuc confugientes cum publica securitate a *capitis* saltem, aut *mutilationis* pœna immunes habeantur, & Jus asyli vocatur. c)

#### 1) Origo

- a) haud equidem ab ipsa *loci sacri natura* derivatur, cum extractio rei ob publicam securitatem necessaria loci sanctitatem *per se* haud violet; d)
- b) nec, legibus *Synagogæ civilibus* jam extinctis, N. T. lex quædam, aut *Traditio* hoc jus ecclesiis addixit; e)
- c) sed ab *observantia* potius ac *Principum pietate*, ceu species quædam *juris adgratiationis* descendere videtur. f)



c) De variis *asylorum* generibus vid. Zech. *Dissert. de jur. asyl. eccles. cap. 1.*

d) Fas est, salva, quæ templis Deo dicatis debetur, reverentia, sese in illis contra injustum invasorem defendere; ergo et fas erit salutis publicæ causa hostes inde extrahere, atque iusta animadversione coercere. Ex hac argumentatione consequi dicunt, jus asyli ex loci sacri natura non derivari.

e) Nec posset, etiamsi leges illæ Synagogæ civiles Exod. XXI. Numer. XXXV. Deuter. XIX. adhucdum valerent, ex iis divina asylorum, prout ea hic sumimus, institutio recte deduci. Longe enim alia harum civitatum asyli est ratio. Vid. Rigger P. III. §. 862.

f) Propositionem hanc sequentibus verbis illustrat Schenkl §. 687. ex cit. *dissert.* P. Zech cap. 1. 2. 3. 4. „Jus asyli, quod nec Gentiles, Græci & Romani suis templis negabant, quodque locis etiam aliis saepe tributum, sacrosanctis Ecclesiis lege stabiliverunt Imperatores christiani, tum ipsi locorum reverentia moti, tum ad id stimulati Episcoporum intercessionibus. Episcopi enim non raro reis ad Ecclesias confugientibus vitæ gratiam exorabant, tum ut iidem, quum brevis nimis, sæva, & mortis metu extorta pœnitentia suspecta videretur, pœnitentiæ publicæ peragendæ spatium haberent; tum etiam: ut a processu in causis criminalibus tunc saepe tumultuarii, vexa liberarentur. Hoc autem privilegium iidem Imperatores variis determinabant modis; illud jam amplificando, jam extenuando, jam etiam abrogando. At deinceps jus asyli tum Imperatorum, tum Regum Francorum legibus, Conciliorum decretis, Pontificumque constitutionibus firmatur; pro rerum tamen adjunctis variis modis circumscribitur.

## 2) Asyli privilegio fruuntur,

- a) *Ecclesiæ* cum ædificio sibi conjuncto, & ad eas pertinente; non tamen *oratoria privata*, aut *ædiculæ* in campis exstructæ: g)
- b) *Monasteria* cum domibus & habitationibus auctoritate ecclesiastica ibi erectis:
- c) *Sacella publica* in ædibus ad caritatis, misericordiæ, ac pietatis opera eadem auctoritate destinatis:
- d) *Palatium Episcopi*;
- e) *Cæmeterium* sive *adnexum*, sive *separatum*. h)
- g) *Cap. 9. de immunit. eccles.* Conf. *Rigger cit. loc. §. 867.*
- h) *Can. 21. Causs. XVII. quæst. IV. can. 36. ibid.* Loca sacra, etiam polluta vel interdicta, hoc privilegium amisisse haud putantur,

9) Asylum se extendit ad omnes confugientes reos sive laicos, sive clericos, etiam interdictos, excommunicatos, irregulares; *nisi lege excipiantur.*

*Excipiuntur autem præcipue*

- a) *latrones publici, grassatores viarum, agrorum depopulatores:*
- b) *rei assassinii, rei hæresis, & ob eam adculati:*
- c) *rei læsæ Majestatis, monetas constantes, adulterantes:*
- d) *deliberate, aut per prodicionem aliquem occidentes:*

e) &



e) & qui ipsi occisione vel mutilatione *Asylum Ecclesiæ*, vel *Cæmeterii* violarunt &c. i)

i) *Zech cit. dissert. cap. 8.*

4) In privilegio hocce *tuendo*, ac *restringendo* duo sunt animadvertenda: nempe

a) ut jus *Asyli*, *Ecclesiis* ob earum *reverentiam*, & *reorum salutem* a Principibus concessum, & ab Ecclesia defensum, sine gravissimis rationibus non aboleatur;

b) si tamen ob rerum adjuncta *grave damnum* exin aut Ecclesiæ, aut Reipublicæ accederet, *restringi* aut si alio modo utriusque bono consuli nequeat, penitus etiam *tolli* possit, præsertim *pœnitentia publica* sublata, & *processu criminali* hodie melius instructo. k)

k) Nec Ecclesiæ, nec Civitati consulunt, qui reorum ex his locis fugam variis artibus juvant.

5) Causæ juris *Asyli* ad forum *utrumque* spectant;

a) ratione *sanctitatis locorum*, & quod Ecclesiæ jus *quæsitum* sit, ad ejusdem Rectores,

b) ratione *boni publici*, eoquod *publicam justitiam* impedire posset, & alias a Principibus sit profectum, jusque *adgratiandi* involvat, ad Rectores Civitatis. l)

l) Quorum plures ita jam easdem foro suo subji-  
ciunt, ac si Ecclesia nullam ad eas simul cognoscendas haberet potestatem.

## §. XI.

BONA ECCLESIASTICA, OBLATIONES,  
PRIMITIÆ, DECIMÆ.

I. Inter bona, quæ Ecclesiis, earumque Ministris aut pendi olim debuerant, aut adhuc penduntur, occurrunt primo Oblationes, *m)* quarum variæ sunt species; erant nimium

## 1) In antiqua Ecclesia

- a) oblationes majores, seu pinguia patrimonia, agrorum pretia, fundi, villæ &c.
- b) hebdomadales, i. e. non solum panis, & vinum, ex quibus & epulum eucharisticum conficiebatur, sed & res aliæ, etiam pecuniæ, in Ecclesiæ & pauperum usus impendendæ:
- c) menstruales, quas singulis mensibus pro sua quisque facultate in ærarium Ecclesiæ inferre consueverant:
- d) extraordinariæ, pro singularibus ecclesiarum necessitatibus præter ordinem fieri solitæ. *n)*

*m)* Oblationum varios significatus vid. apud Rigger cit. loc. §. 516. seq.

*n)* Conf. Thomas sin. de vet. & nov. discipl. P. III. 1. cap. 1. seq. Bingham orig. eccles. lib. V. cap. 4.

## 2) Hodie vero Oblationes aliæ sunt

- a) libera, v. g. quæ sub Missæ sacrificio altari-  
bus



*bus imponuntur, Missarum stipendia, pecuniarum, quas in truncos ponunt, overum &c. o)*

*b) necessariae seu honoraria, quæ post sacras functiones solvuntur, & jura stola, eoquod Sacerdos stola utatur, nuncupantur. p)*

*o) Rigger cit. loc.*

*p) Conf. P. I. cap. I. §. IX. n. IV. lit. d. not. p)*

**3) de Oblationibus notandum:**

*a) ad Oblationes mere voluntarias cogi nemo potest:*

*b) illæ vero ad mentem offerentis adplicandæ:*

*c) in Ecclesiis parochialibus factæ, nisi consuetudo aliud ferat, Parochis,*

*d) factæ in Ecclesiis Regularium, Regularibus obveniunt: q)*

*e) eas, quæ in truncis ponuntur, consuetudo fabricæ addicit:*

*f) in exigendis vero Oblationibus necessariis omnis avaritia vel inhumanitas absit. r)*

*q) Arg. can. 13. Caus. X. quest. I. cap. 1. de statu monach,*

*r) Non ergo ab animarum Curatoribus arguendi sunt verbo aut facto avaritiæ, aut inhumanitatis ii, qui nihil aut parum offerunt; non majori promptitudine administranda sunt sacramenta illis, a quibus plura offerenda sciuntur. Parit ejusmodi disparitas plura largientibus invidiam, animarum Pastoribus odium, quod frustra saluberrima doctrina in animis populi extinguere, conabuntur.*

II. Primi cujusvis anni fructus, primique pecudum foetus dicuntur Primitiæ, has

- a) Lex antiqua solvi præcepit: s)
- b) Christiani quoque easdem hortantibus Patribus solvere consueverant; t)
- c) hodie vero per non usum vix uspiam vigent.

s) Exod. XXIII. 19. Numer. XVIII. 12. Quantum vero Primitiarum nomine solvendum esset, non est determinatum in Pentateucho, sed arbitrio offerentium ab initio relictum fuisse videtur. Dein Magistrorum auctoritate effectum tradit S. Hieronymus (cap. 1 de decim. primit.) ut, qui plurimum — quadragesimam partem daret, qui minimum — sexagesimam.

t) Hodie vi juris ecclesiastici exhibendæ essent Parocho, intra cujus ecclesiæ fines sunt prædia & fundi, ex quibus fructus progerminant. Can. 67. Caus. XVI. quæst. I. can. 1. ibid. quæst. VII. § cap. 1. h. tit.

III. Certa fructuum portio, aut proventus, quotannis ut plurimum illis, qui eam exigendi jus habent (Decimatoribus) solvenda nomine Decimarum venit.

1) Earum origo.

- a) Jam ante legem mosaicam vigeant, quandoque ex voto Deo promissæ, u) quandoque Regibus tributi loco præstitæ; v)
- b) in Republica judæorum Decimas formaliter tales Deus Levitis in sustentationem adsignavit; x)

c) in



c) in *L. N.* Christus quidem de Evangelio vivere Apostolis præcepit, unde & congrua sustentatio, seu *Decimæ materialiter sumptæ Ecclesiæ ministris jure divino debentur*; y)

d) at *Decimas formaliter acceptas*, seu strictam fructuum, proventuumque *decimam partem juris humani* esse ex *N. T. silentio, usu primorum seculorum*, & mira, quæ in præstandis decimis obtinet, *varietate deducitur*. z)

u) *Genes. XIV. 8. XXVIII. 22.* Ipsi quoque Ethnici pietatem hanc imitabantur; nam *decima quæque diis suis veteres offerebant.* Festus de V. S. voce *decima.*

v) *I. Reg. VIII. 15. 17.*

w) *Numer. XVIII. 23. 26. Exod. XXII. 29. Cap. 1. de decim.* Eoquod ipsis in distributione Chanam præter urbes 48. quas sparsas per tribus omnes obtinuerant (*Jos: XXI. 39.*) continua terræ portio nulla obtrigit.

y) *Vid. P. I. cap. II §. I. n. VI. lit. b. not. m)* *ibid. §. IV. n. I. lit. a. not. c)*

z) *Vid. Schenkl §. 702. Rigger P. III. §. 463. seqq.*

## 2) Dividuntur porro Decimæ

a) in *ecclesiasticas*, quæ juxta primævam suam institutionem Ecclesiæ ejusque ministris penduntur :

b) in *minus strictè ecclesiasticas*, seu *laicales secundum quid*, quæ origine quidem ecclesiasticæ

asticæ, sed titulo *spirituali sejuncto* laicis, saltem quoad *dominium utile* sunt permissæ:

- c) in *laicales simpliciter tales*, quæ instar tributum a Dominis secularibus suis subditis imponuntur: a)
- d) in *reales*, quæ ex agris, vel fructibus animalium (istæ etiam *carnaticæ* dicuntur) — b)
- e) in *personales*, quæ ex industria *personali* solvuntur: c)
- f) in *maiores & minores*, prout ex *majoribus minoribusve* fructibus, — d)
- g) in *veteres & novales*, prout ex prædiis *antiquitus* vel *recens* excultis præstantur. e)

a) Conf. Rigger *cit. loc.* §: 477.

b) Cap. 20. 23. *de decim.*

c) Hæ in Germania sunt insolitæ.

d) Cap. 30. *de decim.*

e) Sed multiplex est prædii novalis acceptio: *latissima, lata, stricta, strictissima* Vid. Rigger *cit. loc.* §: 479.

### 3) Jus exigendi Decimas ecclesiasticas

- a) olim *Episcopi*, eas in Ecclesiæ, ministrorumque usum impendentes habuere; f)
- b) modo habent *Parochi*, qui in omnibus sue parochiæ fundis *jus decimandi* fundarum, & juris *præsumptionem* pro se habent; g)
- c) unde & *novalium* decimæ ad eos pertinere videntur; h)

d) nisi



- d) nisi *consuetudo*, aliave *lex* jus istud alteri, v. c. *Decimatori universali*, *Domino territoriali*, vel *ipfi Episcopo* addicat;
- e) *laici* vero *Decimas ecclesiasticas*, utpote quæ officium *spirituale* sequuntur, percipiendi incapaces existunt, nec obtinet apud illos *præscriptio*, nisi tempore *immemoriali* jus istud possederint, ut a titulo *spirituali separatum* præsumi possit. i)
- f) *P. I. cap. II. §. IV. n. VII. lit. a. not. c.)*
- g) *Can 42 seq. Causs. XVI. quæst. I. Cap. 29. & 30. de decim. cap. 2. de restit. spol. in 6. Cod. cit. Pruss. P. II. tit. XI. Sect. XI. rubr. Grundsätze.*
- h) *Cit. Cod. cit. loc. rubr. Vom Neulande.* Id vero de *novalibus strictissime sumtis* inprimis intelligendum est. Quoad *novalia late* sic dicta attendendum est: an præter *Parochum* cuidam debeantur *decimæ ex certo genere fructuum*, an ex *certis fundis*? In priori casu mutatio culturæ mutat etiam *Decimatorem*; secus in posteriori. Si tamen per mutationem culturæ nimis gravaretur *Parochus*, compensatio ipsi facienda esset ab eo, qui *decimas ex fundo aliter cultu colligit.* *Cap. 9. h. tit. cap. 2. §. 2. eod. in 6.*
- i) *Conf. cit. Cod. cit. loc. rubr. Erwerbung des Zehntrechts.*
- 4) *Decimas solvere debent*
- a) *personales* quidem, omnes, qui *Parochi curæ ac directioni subsunt*; k)
- b) *reales* vero omnes *prædii aut fundi decimabilis* possesores, l)
- c) *adeoque & infideles*, m)

d) imo & *clerici* non quidem de ecclesiasticis, sed de *patrimonialibus*, nisi ab *onere liberatio* indulta sit. n)

k) Ubi nempe abrogatæ non sunt.

l) Nisi aliquo legitimo titulo exempti sint.

m) In Silesia decimas catholico Parocho non solvunt, qui aliam religionem profitentur, quiescente interim, non vero sublato Parochi jure. *cir. Cod. loc. loc. rubr. Erlöschung des Zehentrechts.*

n) *Cap. 2. de decim.*

s) Onus decimarum non tam fundo, quam fructibus inhæret, unde

a) agri in anno *plus una vice* frugiferi sæpius,

b) *quiescentes* nullas solvunt decimas:

c) Dominus *utilis*, non directus, conductor non locator eas solvere debet;

d) nec *novus* possessor prædii, nisi sit successor *universalis*, decimas ab antecessore non solutas præstare tenetur. o)

e) Rigger *cir. loc. §. for.*

6) Modus solvendi decimas.

a) Jure *communi* curate pars *decima*, & ipsi *fructus* dandi;

b) nec pretium æquivalens invito obstrui potest;

c) decimæ *prædiales* statim, ubi fructus in manipulos sunt collecti, —

d) *carna-*



- d) *carnaticæ* vero, ubi *foetus sine matre* vivere valet,
- e) *personales* anno quovis exacto solvuntur.
- f) porro *decimæ reales & carnaticæ* ex fructibus integris, nulla facta impenſarum & tributorum deductione, —
- g) *personales* contra de *lucro tantum*, deductis expensis, præſtantur. p)

p) Conf. *cit. Cod. cit. loc. rubr.* Art der Entrichtung des Großzehnten.

7) Immunitas a solvendis decimis obtinetur

- a) *Privilegio*: q)
- b) *Conſuetudine legitima* r)
- c) *Præſcriptione*, s) quoad decimas simpliciter laicales *ordinaria*, quoad ecclesiasticas *cum titulo 40 annorum*, *sine titulo* vero *immemoriali*, ut supra notatum: t)
- d) *Pactio*, quo tamen ſolus *Decimator pacifcens*, non ejus ſucceſſor, niſi conſenſus Superioris acceſſerit, ligatur: u)
- e) denique immunitas a solvendis decimis non niſi ſalva Paroçi *congrua* obtineri poſſeſt. v)

q) Cujus concedendi facultatem ſoli Pontifici tribuunt Decretaliſtæ *cap. 3. & 10. h. tit. cap. 2. de præb. in 6.* Conf. Rigger *cit. loc. §. 595. ſeq.*

r) *Cap. 4. 18. 20. 32. h. tit.* Ad quam quidam tempus immemoriale, alii 40 ſaltem annorum curſum deſiderant. Ceterum non extendit ſe conſuetudo ad *novalia*. Quoad reliqua facilius introduci poſſeſt, ut non ſolvantur decimæ ex cer-

to genere fructuum; item ut solvantur in alia quantitate, aut in pecunia, aut alia specie.

\*) *Cap. 4. de præscript.*

\*) *Arg. cap. 1. de præscript. in 6. Conf. Rigger cit. loc. §. 508. & Cod. Pruss. cit. loc. rubr. Erbschung des Zehntrechts.*

\*) *Cap. 5 & 8. de transact. cap. 3. de decim. cap. ult. de reb. eccl. alien. Quis vero Superior ille? — Summus Pontifex, si pactum sit mere gratuitum; (cap. 3. de transact.) si vero onerosum, solius Episcopi auctoritatem sufficere determinant. Cap. 2. de transact.*

\*) *P. I. cap. I. §. IX. num. IV. lit. d) ibid. cap. II. §. I. n. VI. lit. b. not. m).*

## §. XII.

### BONORUM ECCLESIASTICORUM ADQUISITIO, ADMINISTRATIO, ALIENATIO.

I. Ecclesiæ, Personæ, ac Corpora ecclesiastica, nisi singulari fors lege justa, pacto, vel voto prohibeantur, non acquirere solum bona temporalia, seu veri cives, possunt, ac jure quoque civili & patrio maxime circa hæc adquirenda diriguntur, sed & variis quoad *pias præcipue donationes* tum *inter vivos*, tum *mortis causa* factas gaudent Privilegiis, x) & quidem

1) *Donationes inter vivos ad causas pias*

a) *acceptionem* haud requirunt, sed sola jam *pollicitatione* subsistunt;

b)



- b) *dominium* rei donatæ per solam donationem *ipso jure* absque traditione ad Ecclesiam transit;
- c) donatio ad causas *piissimas* v. g. redemptionem captivorum facta, absque *insinuatione* subsistit;
- d) nimium tamen hunc favorem extendere videntur, qui donationem Ecclesiæ factam ob supervenientes liberos, nisi *usque ad legitimam*, revocari non posse adserunt. y)
- æ) Quæ tamen recentioribus Principum constitutionibus multum restricta sunt. Conf. *Cod. Pruss. P: I. tit. XI. Sect. IX. & tit. XII.*
- γ) Jure romano alias donatio, quatenus *inofficiosa* est, seu liberorum *legitima* detrahit, summam 500 solidorum excedit, si judici non *insinuetur*, aut insignis donatarii *ingratitude* interveniat, rescinditur.
- a) Quod vero ultimas voluntates ad *pias causas* adinet, z)
- a) *testamenta pia* sine aliis solennitatibus vi juris canonici, & germanici consuetudinarii, dummodo de testatoris voluntate certo constet, valida sunt; a)
- b) unde duo testes non solennitatis sed probationis causa adesse debent, b) sufficitque, si testamentum *propria* testatoris manu scriptum esse noscatur; eodem modo
- c) *legata pia* etiam in testamento ob deficientes solennitates *infirmo* contenta præstari debent, nec illis jure communi *falcidia* detrahatur; c)
- d) hoc

d) hoc ipsum & in *fideicommissis singularibus* valet, *universalia* vero *trebellanicæ* abnoxia esse videntur; d)

e) omnis tamen gratuita bonorum alienatio ab *ingressuro in monasterium*, aut *novitio* ante *duos menses* professioni proximos, quamvis ad causas pias, facta, & juramento etiam vestita, nulla est. e)

2) Leges secundum quas testamenta ex *jure nostro* *provinciali* confici debent, vid. *cit. Cod. P. I. tit. XII. Sect. I*

a) *Cap. 4. ii. de testam.*

b) Id quod ex adducta ibidem ratione ex *Math. XVIII. 16.* colligitur.

c) *Quarta* hereditatis totius pars, quam hæres ex lege *falcidia* detrahit legatis, quæ ultra *quadrantem* seu tres hereditatis partes ascendunt, *quarta falcidia*, quarta vero pars, quæ de restituta ex *fideicommissis* hereditate detrahatur, *trebellanica* appellatur.

d) *Boehmer in jure eccles. Protestant. de testam. §. 25. seq.*

e) *Trident. Sess. XXV. cap. 16. de Regularibus.*

### 3) Testamento deficiente

a) *jure communi* in bonis *ecclesiasticis* clerico ea, cui vivens ministraverat, *ecclesia* succedit: f)

b) *Monasterium* omnem *professionem*, non vero *novitii*, hereditatem & bona capit, *nifilex* singularis obstat. g)

f) Cum



f) Cum discerni inter bona Clericorum sæpe non possit; cum hæredibus *ab intestato* fieri *transactionem*, aut ea per *aversionem* in tres partes in quibusdam Diocesis dividuntur dicunt, quarum una Episcopo, altera pauperibus, tertia hæredibus assignatur. Quod etiam in Silesia faciendum, tum §. 14. *Sanct. pragmat.* tum aliis Episcoporum constitutionibus præcipitur. Vid. Joan. de Fridenberg *cir. loc. lib. I. cap. X. §. 50.*

g) Conf. P. I. cap. II. §. IV. n. II. not. f)

II Administratio bonorum ecclesiasticorum ad quos pertineat, alibi h) declaratum est: porro, quod *parochialium* ecclesiarum bona concernit, dictis administratoribus duo alii inferiores curatores e plebe cujusvis parochiæ, non suspectæ fidei, adjungi solent, i) quorum munus est,

- a) *inventarium* summa cura conficere,
- b) *ærarium* seu *armarium* fideliter custodire,
- c) *fundos* & *pecunias* recte collocare, censusque debito tempore exigere,
- d) *negotia* ecclesiæ tum *extra-tum intra judicium* rueri,
- e) *ædificia* ecclesiastica *sarta testa* custodire,
- f) *impensarum* calculos subducere, & quot annis suæ administrationis *rationes* reddere,
- g) in *negotiiis* vero *maioribus* Superioris consensum exquirere tenentur. k)

h) P. I. cap. II. §. IV. n. VII.

i) Apud

2) Apud nos Kirchen = Vorsteher, Kirchen = Väter, *Ecclesia vitrici*: alibi locorum Kirchen = Pföbste, Pfleger dicti.

3) Curatores cum ecclesia contrahere, aut bona ejus conducere regulariter prohibentur. Plura de parochialium bonorum administratione, & curatorum officiis, recentioribus legibus apud nos constituta vid. cit. Cod. P. II. tit. XI. Sect. IX.

III. Ad alienationem 1) bonorum ecclesiasticorum, ne aut malitia, aut incuria Administratorum passim fiat, quod jam pridem S. Canones, m) Pontificum constitutiones, n) & ipsorum Principum decreta, o) graviter prohibuere, requiruntur

1) Causæ justæ & graves, unde

a) res sacræ, non nisi ob majorem Ecclesiæ & pauperum necessitatem,

b) res mobiles, & immobiles magni pretii tantum necessitatis, pietatis, aut evidentis utilitatis causa alienari possunt. p)

1) Per alienationem, in sensu lato significantur actus omnes, per quos ecclesia circa res suas gravamen patitur. Cap. 5. de reb. eccles. alien. Extravag. un. ibid. inter commun.

m) Concil. Antiochen. can. 25. Carthagin. IV. can. 30. Carthagin. V. can. 4.

n) Can. 52. Causs XII. quæst. II.

o) L. 14. 17. Cod. de SS. eccles. Novel. VII. & CXX. Capitulare. lib. I. cap. 29. Cod. Pruss. cit. loc. Sess. IV. rub. Veräußerung.

p) Can. 14. 15. 70. 71. Causs XII. quæst. II.

2) So-



## 2) Solennitates, nempe

a) in ecclesia, ubi adest capitulum, *consensus capituli*, q)b) *consensus Superioris* ecclesiastici, saltem si de rebus *majoribus* agatur, r)c) *consensus Domini directi* intuitu feudi, quod ecclesia accepit, adeoque quoad feuda imperii, *Imperatoris*,d) *consensus aliorum* lege, pacto, vel observantia necessarius requiritur. s)q) *Can. 52. cit. Causs. & quest.*r) *Rigger P. III. §. 309. seq.*

s) Ad quarum rerum alienationem solennitates hæc imprimis requirantur, vid. apud eund. *Rigger cit. loc. §. 313* Quodsi in casibus ibidem allatis negligantur, alienatio peracta nulla reputatur, (*cap. 12. de reb. eccles. alien.*) & gravissimæ in mala fide alienantes decernuntur pœnæ, (*Rigger cit. loc. §. 318.*) ac Ecclesiæ insuper bona sua omni modo legitimo vindicandi potestas conceditur. Idem *ibid. §. 317. Contractus* in alienatione intervenientes, jus naturæ; civile, & germanicum multis exponit, ac cum jure canonico ut plurimum consentit. *Conf. Zech de jur. rer. P. poster. Sect. IV.*

## JUS PRIVATUM CIRCA JUDICIA ECCLESIASTICA,

## § I.

## JUDICIORUM ECCLESIASTICORUM GENERALIA.

I. Judicium in genere est adcurata causæ controversæ discussio, & a legitimo giudice facta decisio.

## 1) Dividitur

- a) in ecclesiasticum, & seculare. t)
- b) in criminale, & civile, u)
- c) in possessorium, & petitorium, v)
- d) in ordinarium, & extraordinarium, x)

e) Prout nempe coram giudice ecclesiastico, aut laico agitur: vel causæ civiles, aut ecclesiasticæ in illo discutiuntur, Schenk. §. 731. Posteriore respectu sumtum judicium etiam spirituale & profanum vocari solet. Zech de jud. eccles. P. I. §. 3.

u) Illud est in quo de pœna in delinquentes & facinorosos exercenda, & de satisfactione universitati præstanda — hoc vero: in quo de aliis rebus, juribusve & de satisfactione ad privatum interesse agitur.

v) Princ.



- e) *Præius*: in quo de possessione — *alterum*: in quo de rei proprietate actio instituitur.
- æ) *Ordinarium*: in quo omnes juris & curiæ solennitates — *extraordinarium* seu *summarium*: in quo omnibus vel plerisque juris solennitatibus omisiss, ea solum, quæ natura ipsa iudicii requirit, adhibentur. Quondam omnia iudicia ecclesiastica summaria fuisse erudite ostendit Fleury *Inst. J. E. P. III. cap. II. §. 4. seq.* De aliis iudiciorum speciebus olim usitatis legatur Zech *cit. loc. §. 5. seqq.*
- 2) Origo iudiciorum *ecclesiasticorum* a primis Ecclesiæ incunabulis reperti debet, ceu in iurisdictione Ecclesiæ *essentiali* fundata; γ) distingui tamen debent
- a) iudicia jure *primigenio*,  
 b) & iudicia jure *adventitio* ad Ecclesiam spectantia. 2)
- γ) Vid. *prolog. cap. I. §. II. n. II. lit. a. not. γ)*
- 2) Illa verlantur circa causas *spirituales*; hæc vero circa *temporales* quidem, quæ tamen sive *consuetudine*, sive Principum *privilegio* ad forum ecclesiasticum transiverunt. Cont. *P. I. cap. II. §. V.* Zech *cit. loc. §. 19, 20. seqq.*
- 3) Partes cujuscunque iudicii sunt
- a) causæ controversæ *cognitio* & *discussio*,  
 b) iudicis *sententia*,  
 c) sententiæ demum latæ *executio*. a)
- a) Scopus enim cujusvis iudicii est, ut cuique tribuatur, quod suum est. Ad hunc scopum obtinendum causæ *cognitionem*, *discussionem*, *sententiam*.

*ziam*, & hujus executionem necessaria esse mediis,  
res ipsa loquitur.

4) Tribunal locus ille vocatur, in quo judi-  
cia exercentur; talia *primis* Ecclesiæ seculis  
erant

- a) loca synodorum,
- b) domus episcopales. b) Hodie vero sunt
- c) Rota Romana, quæ est summum,
- d) Nunciatura apostolicæ,
- e) Consistoria, seu Vicariatus Episcoporum. c)

b) Fleury *cit. loc.*

c) Vid. P. I. cap. I. & quoad Silesiam Joan. de  
Friedenberg *cit. loc. cap. X. §. XIX. tom. I.*

II. Judex, seu persona publica potestate  
prædita de causis controversis cognoscendi,  
casque sua sententia terminandi

3) alius est

- a) *ordinarius*, qui vi officii,
- b) vel *delegatus*, qui ex *speciali* seu Superio-  
ris, seu legis *concessione* jurisdictionem ex-  
ercet; d) hicque
- c) alius *specialis*, si ad aliquas tantum,
- d) vel *universalis*, si ad omnes causas, & perso-  
nas constituitur.

d) Cap. 27. de offic. jud. deleg. Conf. Pehem *cit. loc.*  
§. 890 *seq.*

2) Dotes judicis ex ipso fine, *veritatis* nempe  
investigatione, & *justitiæ* administratione  
petiendæ, sunt:

a) ut



- a) ut *scientia* sufficiente ad causæ cognitionem,
- b) atque *incorrupta voluntate* sit ornatus; & ut sit
- c) *competens*, seu auctoritate & jurisdictione in *causam* litigiosam & *reum* præditus. e)
- e) Quis igitur *inhabilis iudex* censendus sit, vid. apud Schenk. §. 736. *Suspecti* iudicis cognitionem ac sententiam partes nonnunquam recusare possunt. At quando? qua sub conditione? vid. *ibid.* item cap. 61. de appellat. & apud Pehem §. 903. seqq.
- 3) Competens vero iudex esse poterit
- a) ratione *domicilii*, vel *quasi-domicilii*, f)
- b) — *contractus*, g)
- c) — *rei sitæ*, h)
- d) — *delicti*, i)
- e) — *privilegii*, k)
- f) — *prorogationis*, l)
- g) — *continentiæ causæ*. m)
- f) Seu *loci*, in quo quis habitat cum animo vel perpetuo, vel ad longum tempus commorandi. Zech cit. loc. §. 82.
- g) Pehem cit. loc. §. 969.
- h) Zech cit. loc. §. 84.
- i) Zech cit. loc. §. 85. Conf. Trident. Sess. XXV. cap. 14. de Regular.
- k) Quod vel *causam*, vel *personam* respicit. Conf. cap. I. §. III. & Zech cit. loc. §. 86. seqq.
- l) Dum partes litigantes *mutuo consensu* & *Superioris permisso* iudici alias incompetenti se subiciunt.
- T 3
- Quod

Quod tamen tunc solum fieri posse docet §. 33. cit. loc. Schenk l, quando iudex intuitu causae non plane incapax est, aut partes se se subjicere non prohibentur.

m) Nempe, cum plures causae vel per se, vel per probationem ita connectuntur, ut separari ab invicem nequeant. Conf. Zech cit. loc. §. 100. seq. item cap. 12. 18. de foro comper. Quousque ius civile nostrum ab ecclesiastico hac in re differat, ex universali iudiciorum ordine in terris Prusiae servando (Allgemeine Gerichtsordnung für die Preussischen Staaten, Berlin 1795.) P. I. tit. 11. abunde cognosci poterit.

#### 4) Officium Iudicis vel est

- a) generale, seu obligatio leges ita ad causas controversas applicandi, ut inde iusta decisio sequatur;
- b) vel speciale, quatenus actu in certa causa exercetur;
- c) nobile, si absque actione, sola imploratione vel proprio motu suscipitur, n)
- d) vel mercenarium, si actio praecesserit. a)

u) In causis civilibus privatis, quae utilitatem partium respiciunt, pro regula tenendum est, quod Iudex praevia solum actione procedere possit, juxta illud vulgatum: wo kein Kläger, ist auch kein Richter. Aliud non raro in causis ecclesiasticis obtinere debere, docet Zech cit. loc. §. 33.

o) Hoc in casu iudex secundum naturam actionis totum processum dirigere, ac sententiam pronuntiare teneretur; ita tamen, ut supplere quaedam aliquando possit, aliquando etiam debeat. Vid. Pehem



*Pechem cit. loc. §. 888. Schenkl cit. loc. §. 739.*

5) Potestas Judicis ordinarii in eo versatur, ut possit

- a) in quocunque territorii sui loco *judicia exercere*, & personas pro merito *punire*,
- b) alios, nisi dotibus essentialibus destitutos,
- p) ad causas discutiendas *Judices delegare*,
- q) *& sibi jus primæ instantiæ vindicare*.

p) *Recol. preced. n. II. 2. lit. a) b) not. e)*

q) *Cap. 7. de offic. ord. in 6. Causæ tamen ecclesiasticæ non rite, nisi Clericis committuntur. Cap. 2. de jud. & cap. 11 de rescript. in 6.*

6) Potestas Judicis delegati æstimatur

- a) *ex natura causæ delegatæ*, &
- b) *ex delegationis formula*, r)
- c) si pluribus *indefinite* causa delegeretur, uno absente, nec jus suum subdelegante, reliquorum processus nullus est; s)
- d) si vero in *solidum*: uno vel pluribus impeditis, aut adesse recusantibus, reliqui licite ac valide procedunt, nec *subdelegatum* admittere tenentur. t)

r) Inde colligitur 1), delegatum non posse procedere ante præsentationem *rescripti delegatorii* sibi factam; (*cap. 12. de appell.*) nec 2) reum ante exhibitum sibi *rescriptum* eidem parere debere; (*cap. 31. de off. jud. deleg.*) 3) exacte servandam esse *delegationis formam*, (*cap. 37. ibid*) nec par-



tium consensu mutandam, nisi restrictio conce-  
nat merum favorem partium, qualis esse potest  
clausula de tempore & loco: 4) delegationes  
stricti juris esse, salva tamen potestate circa con-  
nexa, & accessoria, sine quibus cognitio causae,  
& expeditio commissionis fieri non posset; (cap.  
9. *ibid.*) 5) delegatum carere regulariter facul-  
tate exequendi sententiam suam, aut subdele-  
gandi, nisi delegatio facta sit ad universitatem  
causarum, vel potestas subdelegandi expresse  
vel tacite concessa sit, (cap. 26. *de appell.*) vel a  
Papa delegatus sit; hujas enim amplior quam  
ceterorum potestas est. Vid. *Pehem cit. loc.*  
*§. 393.* Nempe censetur ceu *Judex ordinarius*,  
imo & *ordinario major* in causa *delegata*, unde  
& *citare partes*; *compescere contumaces*, *ordina-*  
*rium* ad executionem latae a se sententiae *obligare*,  
ac aliis quoque suam jurisdictionem *subdelega-*  
*re* potest.

5) *Cap. 16. 22. de offi. jud. deleg.*

2) *Cap. 13. de rescript. cap. 16. 21. de offi. jud. deleg.* Imo sin-  
guli seorsim, non requisitis aliis condelegatis, causam  
cognoscere, & decidere valent, daturque *prae-*  
*ventioni* locus, ita tamen, ut praeventiente impedito  
reliqui causam continuare queant, quando nempe  
delegatio in solidum sub clausula *disjunctiva*  
facta est, *cap. 8. ibid. in 6.*

7) *Expirat vero Judicis delegati potestas*

- a) *morte delegantis* re adhuc integra, u)
- b) *morte delegati*, nisi delegatio *intuitu dignita-*  
*tis* facta sit, v)
- c) *revocatione mandati*, quæ tamen *deleganti*  
tantum, non *subdeleganti* libera est, nisi hic  
eam sibi *specialiter* reservarit, x)
- d) *caussa finita*, si delegatio *specialis* fuit,
- e) *elapso*



e) *elapso tempore, ad quod restricta erat delegatio. y)*

u) *Cap. 19. 20. 30. de offic. jud. deleg. cap. 6. ibid. in 6. Integra autem res esse definit statim, ac citationum partium a iudice delegato fuerit decreta.*

v) *Cap. 14. de off. jud. deleg.*

w) *Cap. 24. de rescript. cap. 6. 7. 28. de offic. jud. deleg.*

y) *Cap. 4. 24. ibid.*

### III. Actor & Reus.

1) *Agere, seu jus suum in iudicio contra alium prosequi possunt*

a) *omnes præter excommunicatos non toleratos, imo & tolerati per exceptionem arcentur, nisi in causa excommunicationis suæ, & adpellationis in eadem: 2)*

b) *etiam minores decimum quartum annum ætatis jam egressi in causis ecclesiasticis: a)*

c) *Prælati, etiam sine consensu Capituli, nisi in causa nimis ardua, magnarum expensarum, & ubi jus singulare id prohibet, b)*

2) *Cap. 5. de except.*

a) *Cap. ult. de jud. in 6. cap. 14. de restit. spol.*

b) *Religiosi sine consensu sui Superioris agere prohibentur, nisi in causa beneficii, cujus habent administrationem, in causis item defendendi monasterii vel Prælati.*

## 2) Conveniri possunt, c)

- a) etiam *excommunicati non tolerati*: d)
- b) *minores*, qui agere possunt: e)
- c) etiam *fæminæ*, quas tamen *jus canonicum* cogi verat, ut *per se ipsas* in *judicio* compareant. e)
- c) Regulariter *omnes*, qui non excipiuntur. e)
- d) Debent tamen per alium respondere in *judicio*.  
Cap. 7. de *jud.*
- e) Cap. 2. *prin. de jud. in 6.* *Montales* nequidem volentes in *persona* admittuntur; *ibid. eod.* *Con-*  
*ordo judic. cit. P. I. tit. I.*

IV. *Advocati* dicuntur, qui ea, quæ *caussæ* disceptationem, alteriusque *partis* *defensionem* spectant, exponunt.

1) *Dotes & officia* eorum:

- a) sint *viri jurium periti, probi* atque *diligentes*:
- b) *caussas, nisi probabiles, & clientibus* primum de *probabilitate* *amonitis*, non suscipiant:
- c) *sincere*, absque *dolo & tricis* *clientis* *causam* *prosequantur*; *ambages* devitent, nec *honorarium* *laborem* *excedens* exigant. f)
- f) *Reformato* in *provinciis* *nostris* *civilium* *processuum* *ordine* in *locum* *advocatorum*, qui *litigantibus* *jura* *suggerebant* *partesque* *eorum* *tuebantur*, vulgo sic dicti *justitie commissarii* substituti sunt; de quorum *dotibus* ac *officiis* *legatur* *cit.*  
*ordo judic: P. III. tit. VII.*



## 2) Ab hoc munere excluduntur

- a) *hæretici, excommunicati saltem non tolerati, infames: g)*
- b) *clerici coram iudice laico, nisi pro se, sua ecclesia, aut persona misera: h)*
- c) *monachi & canonici regulares, nisi speciali Superioris mandato instructi, & pro suo monasterio. i)*

g) *Cap. 13. §. credentes: de hæret. cap. 8. de sent. excom: in 6.*

h) *Cap. ult. de post. Minoris tamen in foro etiam seculari advocati esse permittuntur, dummodo beneficium ecclesiasticum non habeant, & causas criminales contra reum non suscipiant. Cap. 1. §. 1.*

i) *Cap. 2 de post. Fratres minores S. Francisci absolute incapaces sunt huius muneris etiam in causa sui ordinis. Clem. 1. de V. S.*

V. Illi, qui negotia aliena Domini mandato administrant, Procuratores vocantur.

## 1) Eorum species variae sunt, dantur enim

- a) *generales, qui ad quaecunque,*
- b) *speciales, qui ad determinata negotia constituuntur:*
- c) *judiciales, qui in iudicio,*
- d) *extrajudiciales, qui extra iudicium Domini sui negotia administrant. k)*

k) *Cap. 4. de procur. Procurator ab universitate constitutus, Syndici: a Principibus vero — Rationalis Principis nomine vocari solet.*

- 2) Eorum potestas defumitur
- a) ex mandato Domini, observantia, & iusta præscriptione:
  - b) ex ficto quodam litis dominio, vi cuius lite contestata alium pro se Procuratorem constituere possunt. 1)
  - d) Si plures procuratores designati sint, idem de iis quod de pluribus delegatis præced. n. II, 6. diximus, tenendum est.

### 3) Cessat hæc potestas

- a) moriente Domino, lite nondum contestata: m)
- b) revocatione Domini expressa vel tacita: n)
- c) renuntiatione Procuratoris ex iustis causis facta. o)
- m) Clem. ult. de procur.
- n) Si nempe vel Dominus ipse negotium agendum reassumat, (cap. 8. de procur. in 6.) vel novum procuratorem constituat. Cap. 3. ibid
- o) L. 8. §. ult. & L. 16. ff. de procur. Addunt aliqui: finita instantia: appellationem quippe procurator interponere, non vero prosequi teneretur, nisi forte sit generaliter constitutus ad omnes causas. Cap. 14. de procur.

Eadem ratione jura & obligationes Syndicorum determinantur. Vid. Pehem P. II. §. 230 seq. Demum ab istis muneribus omnes, qui ab officio Advocati, arcentur; at pro se constituere Procuratores omnes possunt, quibus agendi jus est, & excommunicati ad sui defensionem. Conf. Idem §. 222. seq.



## §. II.

## EA, QUÆ ANTE LITIS CONTESTATIONEM FIUNT.

I. Libellus est imploratio Judicis, qua actio in judicio instituenda proponitur. p)

## 1) Dividitur

- a) in *solennem*, quo *scripto*,
- b) *nuncupativum*, quo *viva voce* causa litigiosa exponitur,
- c) *conventionalem*, quo *Aktor Reum* convenit,
- d) *reconventionalem*, quo *Reus Actorem* reconvenit.

p) Seu est imploratio Judicis ad efficiendum, ut ea quæ ex præscripto legum a lædente nobis præstanda sunt, obtinere possimus.

## 2) Ejus dotes: q)

- a) sit *brevis*, *clarus*, & *certus*;
- b) contineat nomen *Judicis*, *Aktoris*, & *Rei*;
- c) *causa* petendi *proxima* in actione *reali*, in *personali* *remota* indicetur; r)
- d) *factum* *breviter*, & *perspicue* explicetur;
- e) *petitum* ex *causa* vel *facto* congrue & exacte formetur; s)
- f) post *litis contestationem* *immutabilis* erit, nisi *reus indemnus* fervetur; t)
- g) *declarationis* tamen usque ad *Judicis sententiam* *capax* est. u)

g) Ex

q) Exprimi his verbis solent :

*Quis, quid, coram quo, quo jure petatur, & a quo,*

*Recte compositus quisque libellus habet.*

r) Conf. Pehem cit. loc. §. 974.

s) Ergo naturam Sillogismi imitatur libellus.

t) *Mutatio libelli vel ad essentialia ejus pertinet, vel ad accidentalia. Illa in specie mutatio: hac emendatio dicitur, vel declaratio. Illam non nisi sub conditione indemnitas præstandæ admittendam esse Cap. 15. de jud. cap. 3. de sent. & n. jud. in 6. statutum est.*

u) Opusque habet ea vel maxime libellus *vitio plus petitionis laborans*, quando scilicet plus petitur *re, loco, tempore causa*. Olim in plus petentes gravissima pœna statuta fuit (§. 33 *inst. de act.*) mitigata deinceps per Imperatores (L. 12 *cod. de plur. petit.* §. 33 *inst. de act.* L. 1. §. 8. ff. de eo, quod certo loco) quos ferme sequitur Pontifex cap. *un. de plus petit.* Conf. Schrodt ad tit. *de plus petit.* §. 195. seq.

### 3) Ejus effectus.

a) Judex sententiam illi conformem ferre tenetur:

b) *Actor* litem *prosequi* debet, si *Reus* *urgat*:

c) *contra libellantem* probat. v)

v) L. 13. *cod. de non numer. pecun.*



II. Denuntiatio Judicis, ut Reus pro causa expedienda in judicio compareat, citatio audit. x)

1) Dividitur y)

- a) in *realem*, quæ rerum aut personæ apprehensione, vel *verbalem*, quæ scripto vel viva voce peragitur: z) posterior abit
- b) in *privatam*, si per adparitorem vel litteras, & *publicam*, quæ edicto publico, aut per præconem fit:
- c) in *simplicem* & *peremptoriam*, quatenus dilationem patitur, vel eam sub contumaciæ pœna verat:
- d) in *generalem* & *specialem*, prout ad totam causam, vel certum duntaxat judicii actum se extendit:
- e) in *directam*, quam Judex vi propriæ potestatis exercet, & *subsidiariam*, si citandus ab alio Judice sit requirendus, cujus jurisdictioni subest. a)

x) *Necessitatem* citationis vel hæc una evincit ratio, quod nondum auditum condemnare nefas sit. *Clem. 2. de V. S. cap. 8. de major. & obed.*

y) Generalissime in citationem *juris & hominis*. Illæ ab ipsa lege fit, certum terminum præfigente, intra quem actus necessario peragendus est. *Clem. 2. de pœn.* Quæ sequuntur divisiones, ad citationem *hominis* quam maxime pertinent.

z) Citationi *reali* in causis *civilibus* locus non est, nisi debitor de fuga sit suspectus, aut alias singularis ejus contumacia adpareat. *L. 10. §. 16. ff. quæ in fraud. cred. Conf. cit. ordo jud. P. I. tit. VII. §. 12.*

a) De

a) De citatione *subsidiaria* legatur cit. *ordo judic. cit.* loc. §. 4. *seqq.*

### 2) Requirita citationis legitimæ:

- a) contineat nomen *Judicis*, b) *personæ* citandæ, & ejus, a quo citatio fuit impetrata.
- b) citationis *causam*:
- c) *locum judicii honestum simul & tutum*: c)
- d) *diem termini non angustum nimis, nec feriatum*. d)
- e) Ut adpareat citato a *Judice competente* citationem factam esse. In *ordinario* *Judice* sufficit quidem nomen dignitatis & officii exprimere: decretæ autem a *Judice delegato* citationi præterea *rescriptum delegationis* inferendum est. Cap. 29. de *offic. jud. deleg. cap. 2. de dilat.*
- f) Conf. *Zech cit. loc. tit. VIII. §. 104.*
- g) *Clem. 1. de jud. cap. fin. de dilat. cap. 4. ut lite non contest.* *Ordo jud. tit. VIII: §. 1. seqq.*

### 3) Insinuatio citationis fieri debet

- a) *intra citantis territorium*:
- b) *die nulla feria impedito*:
- c) *in Rei faciem*, vel ad ejus *ædes*, si absit:
- d) *edictalis* seu *publica* in tali loco, ubi ad *Rei* *notitiam* venire possit, & tunc primum si alio modo citari nequeat. e)
- e) Plura de modo insinuationis jure nostro civili præscripto vid. in cit. *ord. jud. cit. loc. §. 19 seqq.*
- f) *Effectus citationis legitime factæ*:
- g) obligat citatum ad *comparendum*: f)
- h) *jus*



b) *jus præventionis*, & *litis pendentiam* inducit: g)

c) *præscriptionem* interrumpit:

d) *Judicis delegati jurisdictionem* firmat. h)

f) Si nempe facta sit a *judice competente*. *Incompetenti*, cujus incompetencia notoria est, utpote *extra limites jurisdictionis suæ jus dicenti impune non paretur*. At verò si dubia videatur *jurisdictio*, citatus comparere, & incompetenciam tori allegare debet. *Rehem cit loc. §. 985*

g) *Cap. penult. de for. comper. Clem. 2 ut lit. pend.*

h) *Cap. 20 de offic. jud. deleg. Conf. ordo jud. cit. loc. §. 48, seqq.*

Hic quoque memoranda venit *novi operis mutatio*, qua quis a novo opere adficando vel priori forma immutanda impeditur, nisi causa prius plene fuerit cognita, aut satisfactio præstita: non tamen Principi jus adiant in territorio suo diversæ religionis consortibus ædificandi templa, modo subditi simultaneo crudo haud graventur. *vid. P. I cap. II. §. VI. n. I. 3. a)*

III. Qui citationi *perentoriæ* resistit, aut *Judicis mandatis* non obtemperat, contumax duitur. *Contumacia* vero

1) Dividitur

a) in *dolosam* vel *culposam*, prout vel dolo vel culpa interveniente committitur:

b) in *veram* vel *præsumtam*, si revera dolus vel culpa intercessit, vel intercessisse tantum præsumitur. i)

i) *Cap. 3. de dolo & contum. cap. 7. de appellat.*

2) *Pœnæ contumacis Rei:*

a) si *ante litis contestationem*; Actori jus tribuitur petendi, ut in bona Rei immittatur, <sup>h)</sup> vel *cenfuris* etiam *ecclesiasticis* ad comparandum compellatur: <sup>l)</sup>

b) si *postea*; Actor his ipsis remediis uti, vel suscepta probatione sententiam Judicis expectare poterit. <sup>m)</sup>

k) Vid. Schrodte ad tit. *de eo, qui mittitur in possessionem &c.* §. 272. seqq. Hæc tamen immisio in Camera imperiali abrogata est. *Recess. imper. de an. 1654. §. 36.*

l) *Cap. 1. ut lit. non contest.*

m) *Conf. ordo judic. cit. loc. tit VIII. §. 9. seq.*

3) *Pœnæ contumacis Actoris:*

a) *lite nondum contestata*; ni Reo expensas refundat, & caveat de iudicio fisci, agendi jus amittit; <sup>n)</sup>

b) *postea* vero, Reus exigere potest, ut Actor trina vice citetur, deinde & probationem *negativæ* in se suscipere Reus poterit, iudexque pro eo sententiam ferre, vel eum absolvere, Actoremque ad solvendas expensas condemnare tenebitur. <sup>o)</sup>

n) *Cap. 1. de dol. & contum. in 6.*

o) *Cap. 3. de dol. & contum.* Hæc de contumacia *vera* valent; contumacia enim *presumpta*, si doli & culpæ absentia probetur, nullum inducit præjudicium.



dicium. *Cap. 1. ut lit. non contest. cap. 6. de dol. & contum. cap. 18. de sent. & re jud. De remediis contra sententiam de contumacia latam ex jure nostro civili adhibendis vid. ordo jud. cir. loc. tit XIV. Sect. III.*

IV. Adlegationes rationum, quibus se Reus adversus actionem motam defendit, Exceptiones dicuntur, & dividuntur

- a) in *dilatorias* & *peremptorias*, prout vel judicium, in quo actio proponitur, vel ipsum jus in judicium deductum impugnatur:
- b) *dilatoria* rursus vel sunt *fori declinatoria*, si ratione fori vel Judicis: aut *dilatoria simpliciter*, si litigantium, modi procedendi &c: ratione impugnatur judicium:
- c) *peremptoria* item aut *litis ingressum impedi-* entes sunt, aut *strictè sic dictæ*, quatenus litis contestationem impediunt, vel secus. p)

p) Tam *dilatoria*, quam *peremptoria* exceptiones plurimæ per jus utrumque diffusæ sunt, quas magno numero recitat Schrodt ad tit. *de except. §. 443. seq.* Conf. etiam cit. *ord. jud. tit. IX. §. 2 tit. V. §. 4.* Proponendæ vero sunt ordinariæ *ante litis contestationem*, nisi aut postea natæ vel cognitæ, aut insanabilem processui nullitatem adferre ostendantur: semper item recipitur *exceptio excommunicationis*, & *loci non ruti.* Conf. Pehem cit. loc. *cap. IV. §. 1007. seqq.*

V. Inter exceptiones peremptorias memoranda præcipue *Præscriptio*, quæ est modus jus aut rem acquirendi, vel onus aut obligationem extinguendi per legitimam, tempore a legibus definito continuatam possessionem. q)



1) Ad legitimam præscriptionem requiruntur

- a) *res apta* præscriptioni: r)
- b) *bona fides*, seu conscientia ab iniustitiæ peccato libera: s)
- c) *justus titulus*, seu causa, ex qua res habetur; t)
- d) *possessio nec naturaliter*, seu *amissione*, nec *civiliter*, seu *interpellatione extra-judiciali* interrupta: u)
- e) *tempus* legibus definitum. v)

g) Varias præscriptionis species vid apud Schenk §. 751.

v) Res nempe & *in se*, & ab *hac certa persona* debet posse præscribi: præscribere vero possunt omnes, qui jus in rem acquirere, vel ab obligatione liberari queunt. Res, quæ sunt *extra commercium*, *juris divini*, *sacra*, *vitiose*, seu vi aut mala fide possessæ, præscriptione acquiri non possunt, sicut nec *limites Diæcesum*, & a laici jurisdictione *ecclesiastica*. Nemo denique ab onere *obediencie canonice visitationis* &c. præscribendo liberatur. Conf. Schenk §. 752, Pethem §. 833

s) Circa eam jus canonicum a civili quoad duo recedit. 1) quod hoc jure sufficiat, bonam fidem *ab initio* præscriptionis adesse; (L. 48. §. 1. ff. de A. R. D.) illo vero bona fides per integrum præscriptionis *tempus* exigatur. Cap. fin. de præscr. 2) quod jure *civili* præscriptio *longissimi temporis* cum *mala fide* etiam inchoari possit, cum jus *canonicum* quamlibet præscriptionem *absque bona fide* irritam constituat. Conf. Schenk §. 752. Schol. 2.



p) *Iustus titulus* dicitur, qui in se ad transferendum dominium, vel jus habilis est. Estque *coloratus*, si licet occulto laboret vitio, iustus tamen creditur: vel *existimatus*, si intervenisse censetur, quamvis non intervenerit: vel *presumptus*, quem iura ob diuturnam possessionem adesse presumunt. Ad prescriptionem *ordinariam* titulum *coloratum* aut *existimatum*: ad *extraordinariam*, ubi ipsum temporis spatium tituli loco est, *presumptum* sufficere docent, Vid. Schenk cit. loc.

q) Interruptio enim *naturalis* totam prescriptioni vim adimit, ita ut recepta possessione de novo inchoari debeat: *civilis* vero eandem ab exitu litis suspendit. Conf. Pehem cit. loc. §. 331.

v) Prescribunt vero leges, ratione *mobiliu triennium*; *decennium* ratione *immobiliu* inter *praesentes*; inter *absentes* *vicennium*: contra Ecclesiam Romanam annos *centum*, contra alias ecclesias annos *quadraginta*, quod tempus etiam ad bona ecclesiarum *mobilia* extendendum videtur, cum jus *canonicum* *generatim* loquatur; *civile* vero ea *expresse* comprehensa velit. Conf. vero Cod. Pruss. P. I. tit. IX. Sect. IX.

## 2) Effectus prescriptionis:

a) Prescribentem in *dominio* rei praescriptae pro *utroque foro* securum reddit, quod ob publicam quietem, certitudinem dominii, & acuendam Dominorum diligentiam potestas publica constituere certe potuit:

b) *Praescriptio immemorialis*, seu cujus initium hominum memoriam excedit, vim *privilegii* habet, & ad eas etiam se res extendit, quae alias prescriptione vel omnino non, vel ex urgentissimis tantum rationibus ad-

quiri possunt, & exclusa generatim præscriptione, hæc exclusa non censetur. x)

- u) De *prescriptionis contrariis*, quæ eam 1) vel initio impediunt, vel 2) ad tempus suspendunt, vel 3) ceptam interrompunt. vel demum 4) completam rescindunt, vid: Schenk §. 754.

VI. Litis contestatio est responsio Rei ad Actoris petitionem animo cum Actore litigandi facta. y)

1) Dividitur

a) in *veram* vel *fictam*, prout vere a Reo fit, vel ob ejus contumaciam lis pro contestata habetur:

b) in *generalem* vel *specialem*, quatenus Reus ab Actore narratis generatim contradicit, vel ad singula singillatim respondet: z)

c) in *puram*, si simpliciter, & *eventualem* si adjecta conditione fit. a)

y) Litis contestatione determinatur, quid controversiæ actorem inter & reum intercedat; non inepte igitur *fundamentum judicii* esse dicitur.

z) *Specialem* equidem jus Germaniæ (*Recess. J. N. de an. 1654. §. 37*), non tamen canonicum requirit. *cap. 6. de juram. calum.*

a) Addunt alii, litis contestationem *solemnem*, & *minus solemnem*: *affirmativam* & *negativam*. Vid. Pehem §. 1000. *seqq.*

2) Ejus effectus ex parte Judicis:

a) *Jurisdictionem* ipsius prorogat.

b) nec partes illum nisi ex *caussa nova* recusare possunt. b)

b) Conf.



b) Conf. Schrodt ad tit. de lit. contest. §. 14.  
seq.

3) Effectus ex parte Actoris:

- a) mutatio libelli impeditur: c)
- b) actio fit perpetua, & ad hæredes transit.
- c) Vid. præced. n. I., lit. f. not. e).

4) Effectus ex parte Rei:

- a) via Exceptionibus regulariter occluditur:  
d)
- b) bonæ fidei possessio interrumpitur:
- c) utraque demum pars ad hanc instantiam  
prosequendam, & in judicio comparendum  
obligatur. e)
- d) Vid. n. præced. IV. not. p).
- e) Ista litis contestatio ita necessaria est, ut antequam  
saltem eventualis fiat, nec testes recipiantur, nec  
probatio admittatur, nisi aut causæ natura, ut  
in matrimonialibus, provisionibus Prælatura-  
rum &c: aut periculum amittendæ probationis  
aliud exigat. Cap. 5. ut lit. non contest. cap. 4.  
de confir: util.

§. III.

EA, QUÆ POST LITIS CONTESTATIO-  
NEM FIUNT.

I. Probatio est rei dubiæ & controver-  
sæ ostensio Judici legitime facta. f)

## i) Dividitur

- a) in *summariam* & *ordinariam*; in *priori substantialia* tantum, quæ natura probationis exigit; in *altera* etiam *solenitates* a legibus requisitæ servantur: g)
- b) in *plenam* & *minus plenam*, prout argumenta adlata ad veritatem ostendendam sufficiunt, vel non: datur & *semiplena major*, vel *minor*. h)
- f) Seu est actus, quo facti controversi veritas evincitur. Remedia ad veritatem facti evincendam adhibita, dicuntur *media probandi*, & *legitima* quidem, si rationem naturalem aut lege probatam contingant factum adfirmari: *spuria*, si ita comparata non sint. Cap. 27. de *rest.* cap. 17. de *restit. spol.*
- g) Prior in iudicio *summario* locum habet, tum etiam in causis, quæ ordinario iudicio incidunt, *posterior* in iudicio *ordinario* requiritur. Clem. 2. de *V. S.*
- h) Cap. 2. de *prob.*

## 2) Probatio fiat in iudicio, proin

- a) in *regula lite tantum contestata*, & *ante sententiam*;
- b) *coram iudice causæ*;
- c) *intra tempus a lege vel Iudice præfinitum*. i)
- d) Adori, reoque certa temporis intervalla, quibus ad actum judicalem se commodè disponant, indulgentur, *dilationes* dictæ; hæ prout vel lege vel decreto iudicis, vel consensu partium constituuntur, *legales*, *judiciales*, *conventionales* appellari solent; atque cum jure canonico non sint certo definitæ, arbitrio iudicis determinandæ relinquuntur. Cap. 1. seq. de *dilat.* & cap. 3. 4. de *dol. & contum.*

## 3) Pro-



- 3) Probandum factum dubium; ergo
- a) non quæ juris sunt *communis*, aut *juris præsumptione* munita, sed *jura partium & consuetudines*:
  - b) non *notoria*, vel ab *adversario concessa*, sed ab eo *negata*. k)
  - k) *Ex preced. not. f)*
- 4) Onus probandi incumbit *factura* adleganti; unde
- a) *Actor actionis & replicationis*: *Reus exceptionis & duplicationis* fundamentum probare debet, siue fundamentum hoc in *facto affirmativo* siue *negativo* consistat:
  - b) *factum neganti* ab *altero* adlarum non incumbit probatio, nisi in *negatione adlegatio novi facti* virtualiter contineatur. l)
  - l) *Vulgares* igitur *regulæ*; *actori* incumbit probatio; & *adfirmanti* incumbit probatio. non *neganti* exceptionibus obnoxia sunt. Conf. *Peheim §. 1064. seqq.*
- 5) *Finis probationis* est, ut *fides* fiat *Judici*; quare
- a) *directe* vel *indirecte* ad *merita causæ* pertinere debet:
  - b) quantum *causæ ratio* finit, *clara* sit, *perspicua & certa*:
  - c) *Actore plene probante* *Reus condemnari*; eo non probante, *Reus absolvi* debet. m)

m) Tutius enim est absolvere reum, quam damnare innocentem.

6) Species probationum præcipuæ:

- a) Notorium, sive *facti*, si ita hominum oculis patet, ut nulla tergiversatione clari possit: sive *juris*, si ex jure aut judicio oriatur, solaque adlegatione, non probatione indigeat:
- b) Fama seu communis hominum opinio voce manifestata; hæc per duos saltem testes spectatæ fidei probari debet, qui & rationem hujus communis opinionis reddere debent, & cur ipsi etiam credant esse:
- c) Inspectio ocularis, quæ summum probandi momentum habet, si Judice & partibus præsentibus, ac adhibitis testibus hujus rei peritis, & juramento adstrictis fiat:
- d) Præsumptio est conjectura ex eo deducta, quod fieri *ut plurimum* solet, & loco probationis adlegata; quæ vel *juris* est, vel *hominis*, prout *lege* inducta est, vel *secus. n)*
- n) Præsumptionis vis ex gradu probabilitatis facti æstimanda, ac ordinarie in partem meliorem præsumptio facienda est. Conf. Pechem §. III. §. 199.

II. Confessio est adseveratio illius, quod adversarius intendit. o)

1) Dividitur

a) in



- a) in *veram*, si revera *verbis* aut *factis* æquivalentibus fiat, & *fixam*, si vel ob *contumaciam* vel *fugam* facta fingatur:
- b) *judicalem* vel *extrajudicalem*:
- c) *puram*, vel si conditio adponatur, *qualificatam*:
- d) *discretam*, si obligatio & ejus causa specifica, & *indiscretam*, si obligatio tantum exprimitur.
- e) Ab aliis declaratio dicitur, qua quis veritatem facti proprii agnoscit.

2) *Requisita illius:*

- a) sit *libera*, p)
- b) *clara* & *certa*, q)
- c) *judicialis* coram iudice competente fiat. r)

p) Alioquin confessio vi & metu extorta, eo cessante revocari poterit. *Cap. 16. de offic. jud. deleg.*

q) Inde ex defectu *claritatis* id, quod ex actu confessato per consequentiam elicitur, non statim vim confessionis habet. *L. 6. princ. ff. de confess.*; ex defectu *certitudinis* erronea confessio ita nulla est, ut confitens, si in continenti dicat se errasse, errorem probare non teneatur; (*Arg. cap. 7. de test. cog.*) secus est, si errorem ex intervallo adleget. *Cap. ult. de confess.*

r) Unde confessio Clerici coram iudice laico facta dicitur non tenere. *Cap. 4. de jud.*

3) *Ejus effectus:*

- a) *judicialis* Actorem ab onere probandi liberat: s)

b) in

- b) *in civilibus vim rei judicatæ & sententiæ obtinet: t)*
- c) *notorium juris inducit, & adpellationem excludit: u)*
- d) *extrajudicialis in criminalibus plerumque semiplene tantum probat:*
- e) *in civilibus vero ut plene probeat, seria, ab adversario acceptata, repetita, & a duobus testibus probata sit, oportet. v)*
- s) *Vim enim plenissimæ probationis habet. Cap. 17. de præscript.*
- t) *Cap. 2. de confessi. cap. 10. de transact.*
- u) *Cap. 7. de cohab. cler. & mulier. cap. 61. de adpell. cap. 3. ibid. in 6.*
- v) *Arg. cap. 10. de prob. Conf. ordo judic. tit. X. Sect. II.*

III. Testes dicuntur personæ in judicium evocatæ, & idoneæ ad facti veritatem dictis suis evincendam, qui

- 1) *sint fide digni, ideoque*
  - a) *nec scientiæ defectu laborare,*
  - b) *nec de falso dicendo suspecti esse debent. x)*
- x) *Dotes hæ in aliquibus vel plane non, vel non omni ex parte reperiuntur: inde est, quod quidam absolute, alii certo tantum intuitu vel personarum, vel causarum pro non idoneis habeantur. De his infra.*

- 2) *Legitime evocentur, y) proin*
  - a) *non ultro se offerant, ni suspecti haberi velint;*
  - b) *sed partes a Judice petant, ut testes citentur, eisque articuli probandi exhibeantur;*



c) nec testis sic legitime evocatus a testimonio dicendo se subtrahere potest, nisi arctiori aut *secreti*, aut *naturalis necessitudinis* obligatione teneatur. 2)

γ) De modo evocandi testes legatur Pehem §. 1077. Conf. vero cit. *ordo judic. tit. X. Sect. IV. §. 169 seqq.*

2) *Cap. 2. de off. jud. ord. cap. 12. de penit. Pehem §. 1083. seqq. Ordo judic. cit. loc. §. 179. seq.*

### 3) Rite examinentur.

a) Testes in iudicio remotis partibus *secretis* interrogentur ad singulos articulos tum a partibus, tum a iudice propositos;

b) responsa in *scripturam* fideliter reducta testi iterato praelegantur;

c) hocce instrumentum, *rotulum* vocant, partibus publicetur. a)

a) Conf. *ordo judic. cit. loc. §. 188. seqq.*

### 4) Facta hac publicatione

a) nec *iidem*, nec alii testes super *iisdem* articulis, aut his directe *contrariis* admittuntur, b) quamvis mutua impugnatio, & defensio adtestationum locum habere queat. c)

b) *Adtestationes* sic publicatae in alia instantia fidem faciunt; d)

c) nec contra testium personas *exceptiones* ultra *regulariter* admittuntur. e)

b) *Cap. 17. 18. 25. 29. 48 de test. Clem. 2. ibid. Nisi* justa ratio, aut qualitas causae, nempe crimina-

lis vel matrimonialis id permittat. *Cap. 26. ibid.*

e) *Cap. 15. de test.*

d) *Cap. fin. de prob. cap. 11. de test.*

e) Nisi pars sibi eas reservarit, aut causa suspitionis primum innotuerit, aut pars *juramento maline* doceat, se ad hanc oppositionem bona fide venire. *Cap. 31. de test. cap. 2. ibid. in 6. Conf. ar. do jud. cit. loc. §. 234.*

### 5) Auctoritas testium.

a) Unus nisi persona publica de actione sui officii testificans, vel nisi de *peccato impediendo* agatur, plene non probat; e)

b) sed sufficiunt duo sibi consentientes & *omni exceptione majores*; f)

c) testes *singulares* sibi *contradicientes*, nihil, qui sibi *adminiculo* sunt, *semitplene* & in *civilibus* plene saepe probant; g) testis *vacillans* testimonium nullum est, ni statim errorem revocet; testimonium *variantis* non quidem mox rejiciendum, sed an fraus nulla sublit, examinandum.

e) *Cap. 23. 28 de test.* Plures ab hac regula exceptiones vid: apud Pehem §. 1080.

f) *Cap. 4. 23. 28. de test.* Nisi specialis juris, praesertim canonici, dispositio plures testes desideret, ut in *purgatione canonica* (*cap. 10. 12. de purg. can.*): in quaestione de *impotentia conjugum* ad dissolvendum matrimonium, *cap. 5. & 7. de frigid.*

g) *Conf. Pehem §. 1082.*



6) A testimonio dicendo excluduntur h)

- a) *rationis impotes, aut causæ cognitione destituti*
- b) *perjuri, de falso convicti, corrupti, aut facile corrumpendi;*
- c) *infames, hæretici;*
- d) *Judæi pro Judæo contra Christianum, aut inimicus contra inimicum;*
- e) *arctiori nexu cum iis, pro quibus, aut contra quos testentur, conjuncti;*
- f) *Laici contra Clericum in causâ criminis, nisi res notoria sit aut scandalosa, vel alii haberi nequeant;*
- g) *Clerici in causâ sanguinis contra reum;*
- h) *omnes in causâ propria, aut ubi speciale in testem commodum, aut incommodum redundare possit. i)*

b) Scilicet vel 1) *absolute*, vel 2) *intuitu certarum personarum*, vel 3) *intuitu certarum causarum.*

i) Vid. Pehem §. 1070. Conf. ordo judic. cit. loc. §. 227. seqq.

VI. Instrumenta sunt scripturæ ad fidem de facti veritate faciendam idoneæ.

1) Dividuntur

a) in *privata*, quæ a personis *privatis*; *publica*, quæ a *persona publica*, qua tali sunt confecta; k)

b) in

b) in *originalia*, seu primitus condita; *transjuncta*, seu *copias*, quæ ex originalibus sunt descripta & *vidimata* vocantur, si a persona publica cum originali collata sint.

k) *Cap. 2. de instrum.* Publicis æquiparantur sic dicta *authentica*, seu ea, quæ sigillo publico sunt munita, ex Archivio publico depromta, aut trium testium adhuc viventium manusque suas agnoscensium subscriptione firmata; *cap. eod. ibid.*, aut *ordo jud. tit. X. §. 123 seqq.*

## 2) Instrumentorum vis.

a) *Publica authentica*, & debitis solennitatibus *vidimata* plene. l)

b) *privata* pro scribente per se nihil; *contra ipsum* plene probant. m)

l) *Cap. penult. & fin. de fid. instrum.*

m) *Cap. 14. eod.* Possunt tamen per *accidens* etiam pro scribente probare, nempe 1) si ab adversario sint producta, aut 2) ex antiquitate temporis, vel ex qualitate personarum fidem mereantur: vel 3) si eis ex speciali lege vel consuetudine vis probandi sit conciliata. *Cap. 13. de prob. cap. 13. de præscript.* Conf. *ordo judic. tit. loc. §. 158. seqq.*

## 3) Productio instrumentorum.

a) Jure germanico mox cum libello adferri possunt;

b) quod tamen non nisi *post litem contestatam* fieri solet, & jure canonico usque ad *litis decisionem* licet; n)

e) &



- c) & primo quidem Copia, post etiam ipsa Originalia coram adversario Judici ante causæ decisionem producenda sunt; o)
- d) post decisionem contradicente adversario instrumenta producere haud licet, nisi noviter reperta probentur, p) aut in causis matrimonialibus, & criminalibus;
- e) instrumenta Judici integra, parti adversæ quoad ea tantum, quæ ad litem spectant, exhibenda sunt; q)
- f) sic producta adversarius recognoscere, diffiteri, aut falsa probare tenetur. r)

u) Cap. 9. de fid. instrum.

o) Ordo judic. cit. loc. §. no. seq.

p) Cap. 8. in fin. de elect. in 6. cap. 4. de excepti.

q) Cap. 5. de fid. instrum. ordo judic. cit. loc. §. 99.

r) Ordo judic. cit. loc. §. 134. seqq. 126.

#### 4) Editio instrumentorum.

- a) Actor Reo, & hic illi edere debet instrumenta communia, petentis propria, & ea, sine quibus veritas haberi nequit.
- b) Actor insuper ea omnia, quæ ad defensionem & exceptionem, reus vero solum, quæ ad replicationem probandam sunt necessaria; s)
- c) Tertium, nisi damnum ei immineat, ad editionem instrumenti cogi posse, jure communi concessum videtur. t)

s) Cap. 1. de prob. Conf. Reiffenstuel ad tit. de fid. instrum. n. 251.

z) *Leges juris nostri civilis*, secundum quas editio instrumentorum a tertio peti potest, vid. *in ordine judic. cit. loc. §. 101* Quid *jus canonicum* hac de re doceat, P. Engel ad *tit. de fid. instrum. fu.* sius exposuit.

### 5) Impugnatio instrumentorum fit

- a) ostensione vitii *subpositionis, rasuræ* in loco suspecto, *sigilli* non congrui;
- b) *instrumentis contrariis*;
- c) *testibus inscriptis*, manusque suas negantibus; vel *extraneis* de falsitate instrumenti testantibus; u)
- d) scripturam vero suam negans ad *diffectionis* juramentum obligatur. v)

u) Conf. *Pe hem cit. loc. §. 1095. seqq.*

v) Conf. *ordo judic. cit. loc. §. 134. seqq.* De auctoritate instrumentorum in casu *collisionis* cum testibus hæc notanda sunt: in probatione 1) factorum & rerum antiquarum; 2) causarum publicarum; 3) negotiorum, quæ per instrumenta expediuntur, aut quorum 4) memoria solidius per scripturam conservari potest, & solet, præponderat instrumentorum fides. Schrodte ad *tit. de fid. instrum. §. 379. seqq.* Idem fere in *ordine judic. tit. XIII. §. 18. seqq.* legitur.

V. *Jusjurandum* actus est religionis, quo Deus in testem veritatis, & falsitatis vindicem vocatur. x)

### 1) Dividitur

- a) in *promissorium*, quod de futuris, & *adsertorium*, quod de præteritis præstatur; y)
- b) in



- b) in *solenne*, & *minus solenne*; 2)
- c) in *judiciale*, & *extrajudiciale*;
- d) in *litis decisorium*, quod *litis finiendæ* causæ fit; & *litis æstimatorium*, quo rei litigiosæ æstimatio vel ex vero *pretio*, vel ex *peculiari* in illam *adfectu* adseritur;
- e) *voluntarium*, quod pars parti offert; *necessarium*, quod altera pars aut iudex exigit;
- f) *subpletorium*, quod ad complendam probationem; *purgatorium*, quod ad elidendas præsumptiones præstatur. a)

α) Maximum expediendarum litium remedium esse dicitur *L. 1. ff. de iurejur.*

γ) De juramentis *promissoriis extrajudicialibus* sapienter in *ordine judic. tit. X. Sect. V. §. 248.* statutum est: ut personæ privatæ ea a se invicem non exigant; abusus vero eorum secundum *Codicis universalis P. II. tit. XX. §. 1425-1430.* leges puniantur.

z) *Illud* publice ad reliquias Sanctorum, sacra evangelia &c.; *hoc* vero absque speciali solennitate præstatur.

a) Paulo accuratius juramenti varias species descripsit *Pechem §. 1099. seqq.*

## 2) Requisita.

a) Dei nomine invocato, *verbis* vim juramenti exprimentibus, *animoque* jurandi prolati fieri debet; nil tamen interest, sive *ore* sive *scripto*, seu per *aliud speciale mandato* instructum fiat, nisi *expresse* mandatarius excludatur. b)

b) *Veritatem, judicium, & justitiam* comites habeat, proin nec *frequenter nimis*, nec *temere*, aut sine necessitate dici vel exigi, nec ab iis admitti, debet, quæ ejus vim intelligere, & revereri nesciunt; nec *contra bonos mores* aut *in præjudicium tertii* præstitum vim obligandi habere potest. c)

b) Nec necesse est eandem semper in jurando formam adhibere; sed pro diversa jurantis religionem diversa admitti & potest, & debet. Quare alio modo jurat Judæus, alio Græcus, alio Muhametanus, ac Christianus. Vid. *ordo judic. cit. loc. §. 316. seqq.* Memnonitis sufficit verba adhibuisse, quibus eandem, quæ Christianorum juramentis inest, vim tribuunt; *ibid. §. 203. n. 5.*

c) Corollaria ex hac propositione deducenda vid. apud Pehem *cit. loc. §. 602.*

### 3) Effectus.

a) Actibus *validis* ex eo nova accedit obligatio religionis; d)

b) actus vero in *solum jurantis favorem*, cui is renuntiare censetur, *invalidos*, dummodo *non malos*, confirmat. e)

d) Connectuntur enim per juramentum cum actu nova & distincta ex perfectionibus divinis desumpta motiva (*vid. def. n. V.*) at connexionem motivorum ejusmodi tanquam momentorum cum actione libera obligationem religionis vocant. Vid. L. Baro de Martini *Posit. d. L. N. cap. II. §. 76.*

e) Pehem *cit. loc. §. 606. seqq.*



4) Juramento litis decisoriō propria:

a) *Voluntarium*, quod & *extra judicium* locum habet, nititur *sola partium conventionē*, & ab illis, qui & alias de rebus suis transigendi jus habent, *deferri*, pro libera vero partium voluntate *recusari* aut *acceptari* potest:

f)

b) *judiciale deferri* potest saltem *post probationem semiplenam* præstitam, ac necessario vel *acceptandum* vel *referendum* est; g)

c) *necessarium* a Judice illi parti, quæ *semiptene* probavit, *defertur*, quæ si *recuset*, *causā cecidisse*, si *præstet*, probationes suas *complexse* censetur. h)

f) *Arg. L. 2. ff. de jurejur.* Semel autem susceptum omnino præstandum absque mora, & in ea quidem forma, quo delatum est, nisi deferens illud remiserit, quo facto habetur pro præstito in causa privati arbitrii. *Conf. ordo judic. tit. X. Sect. V. §. 252. seqq.*

g) *L. 12. cod. de R. c. & jurejur. Conf. ordo judic. §. 286. seqq. cit. loc.*

h) *Cap. 7. & 15. de purgat. can. item ordo judic. tit. XXII. & tit. XIII. §. 11. seqq.*

5) Juramentum calumniæ illud vocant, quo partes se bona fide litigaturas, et ab omni fraude alienas esse adseverant.

a) *Generale*, seu illud, quod post lris contestationem intuitu *totius causæ* præstatur, tam ab *Actore*, quam a *Reo* præstari debet,

& a Judice toto litis pendentis tempore  
exigi potest, *h*)

*b*) hoc partes *expresse* sibi *remittere* nequeunt;  
verosimilius tamen *tacite*, cum plerisque  
in locis illud omnino cessaverit; *recusans*,  
tamen pro *confesso* habetur; *i*)

*c*) *speciale*, seu id, quod intuitu *certi articuli*,  
præstatur, *pars a parte* exigere potest, quo-  
ties Judex justam fraudis suspicionem  
fuisse crediderit; *k*)

*d*) *recusans* illius actus bono privatur. *l*)

*b*) Cap. 1. de juram. calum. in 6.

*i*) Conf. Van Espen P. III. tit. VII. cap. IV.

*k*) Cap. 2. de juram. calum. in 6.

*l*) Conf. ordo judic. tit. XXII. §. 37. seqq.

VI. Conclusio causæ ea actio vo-  
catur, qua partes ulterioribus causæ probatio-  
nibus renuntiant, eamque Judicis decisione sub-  
mittunt:

*a*) *generalis*, quæ *totam causam*; *specialis*, quæ  
*articulum tantum aliquem* respicit;

*b*) *expresa*, si verbis fiat, *tacita* seu *facta*, si  
partes terminum *peremptorium* elabi sinunt;

*c*) *facta conclusione* novæ probationes a parti-  
bus haud recipiuntur, *m*) Judicem tamen  
nil impendit, quo minus ea decernere pos-  
sit, quæ ad causæ instructionem meliorem  
pertinere videbit. *n*)



78) Excipiuntur causæ criminales, de peccato impediendo, pupillorum & Ecclesiarum; si nova instrumenta reperiantur, pars adversa contra se confiteatur, aut facti evidentia ostendi queat. Conf. Schenk1 §. 768. Schol.

u) *Ordo judic. tit. XII. §. 6. seqq.* Conclusionem sequitur *involutio*. Quid vero hæc sit; aut quæ ratione fieri debeat, vid. cit. mox loc. §. 9. seq.

VII. Sententia est causæ controversæ, riteque disceptatæ a Judice facta decisio:

- a) *definitiva*, quæ causam principalem; *interlocutoria*, quæ articulum in causæ decursu incidentem definit;
- b) *interlocutoria mixta*; quæ cum causâ principali nexum habet; *simplex*, quæ nullum;
- c) *interlocutoria* vim *definitivæ* habens, si ab ejus decisione decisio *definitivæ* pendeat.

1) Sententia ferri debet

- a) a Judice competente o) debitis *solemnitatibus* adhibitis p) aut per vota *majora*, si plures sint Judices, *æqualia* enim Reum *absolvunt* q)
- b) sit *juribus receptis conformis*, pro causæ ratione *determinata & certa*, nullique *conditioni* adstricta, quæ statim impleri nequeat, aut ulteriore cognitione indigeat. r)

o) Cap. 4. de jud.

p) Vide Pechem cit. loc. §. 1126.

g) si iudices sint *ordinarii*. Si enim *delegati* fuerint, decisio a delegantis pendet ad probationem. Cap. ult. de sent. & re jud.

r) Conf. Pechem cit. loc. §. 1175. Ordo judic. tit. XIII. §. 36. seqq.

## 2) Publicari debet

- a) ex scripto, partibus ad id citatis, s)
- b) ab ipso *Judice pro tribunali* sedente, nisi Episcopus fuerit, aut alia persona illustris; t)
- c) die non feriato. u)

s) Cap. ult. de sent. & re jud. in 6. Clem. 2. eod.

t) Cap. ult. ibid. in 6.

u) Conf. ordo jud. cit. tit. §. 44. seqq.

## 3) Effectus sententiæ latæ et rite publicatæ:

- a) nisi partes intra *decem* dierum spatium *appellationem* interponant, vim rei *judicatæ*, consequitur; v)
- b) *probationem obpositam* & *actionem* *excludit*, nisi in casibus *exceptis*; x) inter partes enim *jus perpetuum* constituit, & pro *veritate* habetur. y)

v) Est vero *res judicata* lis *Judicis* *sententia* ita decisa, ut inter partes vim legis obtineat.

x) Videantur apud Schenk §. 769. Schol. 2

y) Hoc tamen ultimum ad forum *externum* solum extendendum videtur; nec enim *jus naturæ*, nec *jus positivum*, aut *boni publici necessitas* exigit, quominus



minus *mala fidei Possessor* obligetur ad *restitutionem* post latam sententiam, contra ac in *prescriptione* fit.

#### §. IV.

### EA, QUÆ POST LITIS DECISIONEM FI- UNT.

I. Executio ille actus dicitur, quo res iudicata, si parere condemnatus renuit, auctoritate Judicis per remedia coactiva in actum deducitur, estque

- a) *principalis*, quam Judex *propria* auctoritate, &)
- b) *subsidiaria*, quam *alius* ad Judicis implorationem exercet, cui vel ipse victus, vel ejus bona subsunt; a)
- c) *prior* fieri debet a Judice *ordinario*; delegatus enim, nisi *summi Principis* sit, aut *Pontificis*, aut nisi ei executio *specialiter* demandetur, hac potestate præditus haud censetur; b)
- d) in *caussa reali* statim fit executio, c) nisi *restitutio* proberetur *impossibilis*, aut *tertius* se obponat, cui præjudiciosa esse posset;
- e) in *personali quadrimestre* conceditur, hodie vero vix non ubique Judicis arbitrio relinquitur. d)

z) Sive *immediate* ipse, sive *mediate* per executorem delegatum peragit: qua quidem delegandi facultate judicia superiora gaudent. *Cap. 5. de sent. et re jud.*

- a) Quoniam subsidiarius executor executionem vi requisitionis peragit, fines ejus egredi, & de exceptionibus, quæ ipsi sententiæ opponuntur, cognoscere nequit, quamvis nihil prohibeat, quin judicet de exceptionibus, quibus mandata ei executio impugnatur. *Cap. 28. §. 3. de off. jud. deleg. Conf. ordo judic. tit. XXIV. §. 26. seqq.*
- b) *Conf. §. I. n. II. 6. huj. cap.*
- c) *Cap. 5. de sent. & re jud. Conf. ordo judic. ibid. §. 2. seq. & ibid. Sect. II.*
- d) *Cap. 15. ibid. Ad executionem subsidiariam maxime spectat sic dicta invocatio brachii secularis & imploratio potestatis ecclesiasticæ, dum judex ecclesiasticus a seculari, aut hic ab illo auxilium petit. Conf. Cap. 14. de off. jud. ord. cap. 10. de jud.*

II. Inter impedimenta executionis primo memoranda venit adpellatio, qua judex superior imploratur, ut gravamen ab inferiore illatum tollat. e)

#### Dividitur

- a) in *judicialem*, quæ ob gravamen per *sententiam*,
- b) & *extrajudicialem*, quæ ob aliud gravamen a iudice illatum interponitur. f)
- 1) Adpellare potest quivis gravatus etiam tertius, nisi
- 2) ob *veram contumaciam* sit condemnatus; g)
- b) in



b) in iudicio *sponte confessus*, aut *evidenter convictus*; h)

c) gravamen jam sit *sublatum*;

d) admittitur tamen, si *gravamen præsens* sit, si *future*. i)

e) *Nomine gravaminis* hic loci venit, quidquid ad-  
versus jus alterius suscipitur.

f) *Cap. 12. de appell. cap. 1. 3. ibid. in 6. Clem. 1. ibid.*

g) *Conf. Schrodt loc. cit. §. 269.*

h) *Cap. 14. 28 61. de appell.*

i) *Cap. 13 & seq. de appell.*

2) *Adpellatio* admittitur in omnibus  
causis, præterquam

a) in causis *possessiois momentaneæ*, aut mo-  
ram non ferentibus. k)

b) post *trinam sententiam conformem*, aut si res  
sit *evidens*; l)

c) a *sententia interlocutoria*, nisi vim definitivæ  
habeat. m)

k) *Conf. Pehem §. 1138. ordo judic. tit. XIV. §. 3.*

l) *Cap. 95. de appell.*

m) *Concil. Trident. Sess. XXIV. cap. 20. de reform.*

3) *Adpellari* quoque potest a quovis Ju-  
dice Superiorem habente, nulloque *de novo*  
*adpellando* privilegio gaudente

a) ad Superiorem, cui *Judex proxime* sit sub-  
jectus; n)

b) in

b) in caussis *ecclesiasticis* ad *Judicem ecclesiasticum*,

c) *instantiis et ordine non servatis* ad *intermedium* remittitur. o)

n) A *delegato* quoque ad *delegantem*.

o) Ne alteri *beneficium intermediae instantiae* *intercipiatur*.

#### 4) *Adpellatio ut effectum fortiatur*

a) *rite est interponenda*, nempe *intra decendium* a *lata* *sententia a praesente*, a *tetertio* vero vel *absente intra decendium* a *tempore cogniti gravaminis* vel *sententiae*; & quidem vel *illico coram Judice sententiam ferente*, vel si *eius copia non sit*, coram *Notario & Testibus*; *petendae insuper intra triginta dies litterae*, (*Apostolos* vocant) quibus *Judex inferior de interposita adpellatione testetur*; p)

b) *rite est et introducenda et prosequenda*; scilicet *adpellans intra tempus*, vel *lege praefixum* vel a *Judice statuendum*, *offerat libellum adpellationis et gravaminum*, *peratque*, ut *Judex inferior in causa ultra procedere prohibeatur*, et *Acta primae instantiae transmitti cogatur*; *sua item gravamina iusta et vera esse demonstret*. q)

p) *Cap. 9, de appell. in 6.*

q) *Conf. ordo jud. ibid. Sect. II. III.*



## 5) Effectus:

- a) Facta adpellatione sententiæ *executio* in regula suspenditur;
- b) causæ cognitio et decisio ad *superiorem* devolvitur;
- c) tota causa in *statum pristinum* reducitur;
- d) adpellatio adversus *totam* sententiam *utri-que* parti prodest;
- e) sententia prior vel *confirmatur*, et *temere* adpellans ad *expensas* damnatur;
- f) vel *reformatur*, et *utraq*ue pars solvit *expensas*, ac Judex, ad quem adpellatum est, executionem decernit. r)

r) Schenk I §. 777. Conf. *orda jud. cit. loc. §. 5. seqq.*  
 Adpellationem sequi non raro solet in causis civilibus majoris momenti *Revisio*, cujus ab adpellatione discrimen, ac modum vid. in *ord. judic. cit. P. tit. XV.*

III. Querela nullitatis, qua lata sententia ut nulla impugnatur s) Jure nostro civili t)

1) institui potest, si sententia lata sit

- a) ex *falsa causa*; u)
- b) *contra legem*; v)
- c) aut a Judice *jurisdictionem*, vel ejus *exercendæ jus* nondum habente. x)
- d) *actore* aut *reo*, quem sine Curatore ad iudicium admittendum non esse leges statuunt, admisso; y)
- e) *Procuratore* (sive *nullo* sive *falso mandato* instructo; z)

f) de.

f) demum si in *contumaciam* lata est contra eum, cui citatio non fuerat infinuata. a)

s) Plurimas nullitates recenset Vantius & alii.

t) Vid *ordo judic. tit. XVI.*

u) *Ibid. §. 2.*

v) *Ibid. §. 2. n. 2.*

x) *Ibid. n. 3.*

y) *Ibid. n. 4.*

z) *Ibid. n. 5.*

a) *Ibid. n. 6.*

## 2) Effectus:

a) sententiam et processum, quo illa nititur, nullum reddit, b)

b) *salvis* tamen illis processibus *actibus*, qui advenientem nullitatis causam *præcesserunt*. c)

b) *Ibid. §. 8.*

c) *Ibid. §. 9. Conf. §. 10.*

IV. Restitutio in integrum beneficium Juris est, vi cuius negotium auctoritate judiciali ob justam causam rescinditur.

## 1) Restitutio in integrum concedenda

a) tantum in *defectu* alterius remedii ordinarii;

b) *majorennibus* raro, et non nisi in causa *specialiter* in Jure probata;

c) *facilius minorennibus*, Ecclesiis et Corporibus ecclesiasticis;

d) hos



d) hoc item privilegio una Ecclesia contra aliam uti potest. c)

c) *Ordo judic. cit. rit. §. 12. seqq.*

## 2) Petenda est

a) a *Judice competente* illius, contra quem petitur;

b) intra tempus *quadriennii* factæ, vel in casu ignorantiae *cognitæ læsionis*. d)

d) Si ex capite *minorennitatis* petitur restitutio in integrum, intra *quadriennium* — si vero ex *no. viter repertis* — intra *decenniam* a die *late sententiæ* petendam esse jura nostra statuunt Vid. *ord. judic. cit. loc. §. 13. 19.*

## 3) Effectus:

a) nomina in *priorem statum* restituuntur; proin ea pendente nil *innovari*, nec sententia executioni dari potest;

b) *res cum fructibus*, nisi *bona fide* consumptis, aut *legitime præscriptis*, refutis impenfis restituenda est. e)

c) Jus civile nostrum minorem restitutioni in integrum effectum tribuit. Vid. *ord. jud. cit. loc. §. 16. 28.*

V. Reconventionem supra §. II. n. I. lit. d. actionem diximus, quam Reus adversus Actorem instituit. f) regulas circa eandem has statuunt:

2) *res*

- a) reconvenire possunt omnes, quibus agendi jus est;
- b) locum habet in omni causa, sive connexa, sive diversa; g)
- c) institui potest coram eodem Iudice sive ordinario, sive delegato, modo causae reconveniendae sit capax; h)
- d) non tamen coram Arbitro, aut in instantia appellationis. i)
- f) Adde: in eodem iudicio, licet respectu actoris incompetente.
- g) Non nullis exceptis; vid. Zech de iud. eccl. tit. XIX. §. 222. ord. iudic. tit. XIX. §. 17
- h) Cujus enim in agendo quis observat arbitrium, eum habere et contra se Iudicem in eodem negotio non dedignetur: Can. 1. Caus. III. quest. 8.
- i) Primum, ne potestas arbitri ultra compromissum extendatur; alterum, ne actor beneficio primae instantiae privetur.

VI. Processus summarius est, in quo omissis solennitatibus substantialia solum iudicii observantur. k)

- 1) Causae per se summariae sunt:
  - a) causae spirituales, ad quas matrimoniales, beneficiales, & causae decimarum referendae sunt;
  - b) causae usurarum;
  - c) causae Pauperum, Pupillorum et Viduarum;
  - l)
  - k) Quod tum fieri solet, quando causae sive ex natura sua, sive per accidens moram non patiuntur.
  - h) Clem. 2. de iud.

2) Causae



2) Causæ per accidens summariæ sunt

a) *per Rescriptum Principis;*

b) *per mutuum partium consensum. m)*

m) Recte tamen monetur iudex: ne ita causas has summariæ pertractet, quin probationes *necessariæ* admittantur.

VII. Processus possessorius, qui inter summarios numeratur, ille est, in quo de possessione adipiscenda, retinenda, vel recuperanda agitur; circa hæc notanda:

a) is, qui in *summarissimo*, seu eo, in quo *novissima* solum possessio examinatur, succubuit, agere potest adhuc de possessorio *ordinario*, seu eo, in quo possessio *antiquior* investigatur;

b) qui *possessorium ordinarium* amisit, de proprietate in *petitorio* agere potest, modo priori *satisfecerit* sententiæ, et *spoliatus* sit *restitutus*; n)

c) licet insuper in eodem iudicio de *præsenti* possessione, et *antiqua* agere, imo & rei possessionem simul et proprietatem prosequi. o)

n) Haud tamen restitutio facienda, si *animæ* vel *corpori* grave imminet periculum, si *spoliatus* rei possidendæ sit *incapax*: aut *jus commune* ei restat, vel *spoliatus* aut *tertius* rei dominium liquido probet. *Cap. 8. de restit. spol. & cap. ult. eod: in 6.*

- o) *Cap. 3. 4. 6. de caus. poss. Clem. un. eod.* Melior ex utroque jure est *conditio possidentis*; remedia enim suam possessionem in judicio defendendi ei conceduntur; *propria auctoritate* se in possessione tueri, creptamque sibi vindicare potest; a *probandi onere liber* existit: & *jus fructus suos faciendi* habet, si *bona fide iustoque titulo possideat*:

*Modum procedendi in Possessorio summarisimo exhibet cit. ordo judic. tit. XXXI.*

### VIII. Conventionalis litis decisio

#### 1) Dividitur

- a) in *gratuitam*, quæ est gratis & deliberato animo facta remissio juris ad evitandum litigium;

- b) et *onerofam*, si res dubia dato aliquo, aliquo retento vel promisso deciditur. p)

- p) Christianæ legi quam maxime consonum, in antiquioris Ecclesiæ judiciis usitatissimum, ac legibus quoque Principum serio commendatum dirimendæ litis medium! Vid. *Fleury Inst. J. E. P. III. cap. II. §. IV. seq. Ordo judic. tit. XI.*

- 2) Utraque tunc solum valet si nec legi, nec bonis moribus, nec alteri cuiuspiam pactioni obstat, q) proin non valet

- a) in rebus, quæ non sunt *privati arbitrii*, vel ubi *consensus aliorum* requiritur, aut in *damnum tertii* cedere possit;

- b) ubi *peccandi* subest periculum;

- c) si partes *libere non consentiant.* r)

q) Quodsi



q) Quodsi enim obftet, litigantibus ad transigendum libertas moralis, essentielle ad valorem pacti requisitum, deest.

r) Conf. Zech cit. loc. tit. IX. §. 107 seqq.

### 3) Effectus:

a) inter partes, non vero alios, jus & obligatio exsurgit;

b) vim rei judicatæ obrinet;

c) exceptionem litis ingressum impediens parit, & actionem causæ transactæ tollit, nisi beneficium restitutionis in integrum agendi jus denuo restituatur;

d) sic transacta ex capite quidem doli aut minorennitatis, non vero erroris, læsionis, novi instrumenti impugnari potest. s)

s) Legantur, quæ de transactionis effectu scripserat Zech cit. loc. §. 112. seqq.

IX. Arbitrium est modus decidendi causas per Arbitros, seu viros bonos t) quibus sive ex dispositione juris, sive a partibus litis decisio defertur. Inde sunt alii

a) Arbitri juris, quibus ex dispositione juris; u)

b) voluntarii, quibus ex compromisso partium causæ decisio committitur: v)

c) eligi possunt omnes, qui jure non prohibentur, etiam feminae, quæ jurisdictione ordinaria gaudent; x)

Y 2

d) eli-

- d) *eligere possunt omnes*, qui liberam rerum administrationem habent, in causis *sui arbitrii*; y)
- e) *eorum potestas ex formula compromissi*, et *caussa* est dimetienda;
- f) *vi Juris Canonici*, si plures sunt electi, *vota majora* concludunt; si *paria* sint, *Super-arbiter* (*Obermann*) eligi potest; z)
- g) *contra sententiam Arbitrorum*, *Laudum* vocant, adpellari nequit, nisi *intra decem dies* sit impugnata; a)
- h) *eorum potestas expirat morte Arbitrorum*, aut *compromittentium*, nisi & in *hæredes* sit *compromissum*; *lapso tempore*, *sententia pronuntiata*, *inita transactione*, *adito Judice*, *mutua remissione*. b)

x) — — — *Vir bonus est quis?*

*Qui consulta patrum, qui leges juraque servat:*

*Quo multa magnæque secantur iudice lites.*  
Horat. lib. 1. epist. 16. ad Quintium.

u) *Constitui in pluribus singularibus casibus solent.*  
Vid. Zech. cit. loc. cit. XI. §. 132.

v) *Discrimen inter eos, & arbitratores statuitur.*  
Idem *ibid.* §. 133.

x) Idem *ibid.* §. 135.

y) Idem §. 134.

z) *Constituunt enim arbitri societatem aequalem*, in qua pluralitas votorum decedit. — *Quid vero*, si ex pluribus arbitris omnes discordent? vid. Zech *ibid.* §. 138.

a) *Conf.*



a) Conf. idem §. 139.

b) Addunt: si Arbitr *tempore et loco*, ad quem citavit partes, non compareat.

## CAPUT IV.

### JUS ECCLESIASTICUM CRIMINALE.

#### § I.

#### JUDICIUM CRIMINALE.

I. Primis jam seculis Ecclesia ex ipsa Imperii notione sibi propriam potestatem puniendi legum prævaricatores, seu Jurisdictionem Criminalem exercuit c) ita quidem, ut

a) *crimina quævis majora tum Clericorum tum Laicorum* Episcopus in sua Dicecesi puniret, adhibitis in consilium suæ Ecclesiæ Presbyteris et Diaconis imo convocato quandoque Concilio dicecesano; d)

b) *crimina vero Episcoporum* in Conciliis, provincialibus maxime, examinata et punita sunt, exulante tamen omni strepitu judiciorum *forensium*. e)

c) Vid. Proleg. cap. I. §. II. n. II. not. r. Id ipsum ex Conciliorum mox post datam Ecclesiæ pacem frequentius celebratorum actis manifeste elucet, in quibus fere omnibus severioribus pœnis ecclesiasticis contra fidei, ac morum inimicos animadvertum fuisse legimus.

d) *Fleury Inst. J. E. P. III. cap. I. et. II.*

e) *Idem ibid. cap. II. §. V. Rigger P. I. §. 134. et P. IV. §. 240.*

II. Hodie. vero ad normam Juris *Civilis* hi Processus adornantur f), unde etiam dividuntur:

- a) in *ordinarios*, qui ad præcedentem adculpationem;
- b) et *extraordinarios*, qui per viam inquisitionis exercentur. g)

f) *Causas* neglectæ simplicis, et planæ judiciorum formæ, ac introducti *solemnissimi* civilis processus in criminalia quoque judicia ecclesiastica P. I. cap. II. §. V. n. II. not. y) exhibet.

g) *Conf. Cap. præced. §. I. n. I. lit. d)* cum respondente annot.

III. Adcusatio est delatio delicti et personæ delinquentis facta apud Judicem ecclesiasticum publicæ vindictæ et pænæ causa. h)

1) Adcusare prohibentur

- a) *Clerici Laicos* in *Judicio criminali seculari*, quamvis judicem ob suam suorumve injuriam implorare possint, modo non ad *vindictam sanguinis*; i)
- b) *Laici Clericos* adculpatione *solemni*; k)
- c) *excommunicati* excommunicatione *majori*; l)
- d) *inimici, alique*, quibus fides haberi nequit. m)

b) So



k) Solus processus *accusatorius* olim in foris *ecclesiasticis* usitatus fuit, adeo, ut regulariter sine accusatore neminem condemnandum esse unanimi consensu veteres docuerint: nisi crimen aut *notorium* et cum scandalo *publico* conjunctum (I. Corint. V. & Can. 21. *Causf. II quæst. I.*) aut spontanea *confessione* proditum esset. Can. 1. 18. *ibid.*

i) Can. 6. *Causf. II quæst. VII. Cap. 2. de homicid. in 6.*  
Conf. Cap. I. §. I. n. IV. 6.

k) Cap. 14 de *test. cap. 10. de accusf.* Rationem vid. can. 5 14 *Causf. II. quæst. VII.* Alia fortasse relate ad Episcopos & Presbyteros est: quod pro illis tanta olim circumspectione electis innocentia militaret præsumtio At cum ratio hæc relate ad Clericos inferiorum graduum statutum est de illis in Capitular. Reg. Franc. lib. I. capit. 30. VII. 84. Ne vero Pontificum constitutiones his directe opposita videantur: de *solemni* solummodo accusatione eas intelligi debere nunc jam passim docent.

l) Can. 1. *seq. Causf. III. quæst. IV. Conf. cap. III. §. I. n. III. lit. a)*

m) Arg. cap. 3 & 21. de *accusf.* Conf. Riegger P. IV. §. 263.

## 2) Adcusationis modus: n)

a) Adcusator sit *præsens*, & ad *talionis* pccnam scripto se obliget;

b) *vulgo Procurator* non admittitur. o)

n) Qualis *antiquitus* fuerit, vid apud Fleury cit. loc. cap. XV. §. I. II.

e) Ita

- e) Ita fere jure romano cautum est, ex quo Isidorus ac postea Gratianus *Can. 1. 3. 4. Caus. II. quæst. VIII.* hauserat; *formamque libelli accusatorii cit. loc. ad fin.* proposuerat. Posteriores Pontifices confirmaverunt hanc accusationis formam, tanquam sacris & vetustis canonibus approbatam vid. *cap. 18. 24. de accus.*

### 3) Adcusationis effectus:

- a) *Adcusatus* pendente adcusatione ab officiis publicis acquisitis et acquirendis *suspenditur*;  
 b) Adcusatorem *recriminare* nequit p)  
 p) Hi effectus spectant ad *accusatum*. Quod adinet *accusantem*, graves admodum in eum constitutas legimus pœnas si *vitium* vel *calumnie*, vel *prævaricationis*, vel *tergiversationis* in accusatione commiserit. Riegger cit. loc. §. 264. seq.

## IV. Denuntiatio est revelatio criminis occulti facta superiori

### 1) Dividitur

- a) in *evangelicam*, quæ fit ad superiorem ceu Patrem, ut reus emendetur; q)  
 b) *judicialem*, quæ fit ad superiorem ceu Judicem, ut damnum *privatum* reparetur, aut reus puniatur. r)  
 q) Est hæc legi evangelicæ apud Math. XVIII. 15. conformis; unde recte *evangelica*, vel etiam *charitativa* officio charitatis hominis christiani digna



na non inepte appellatur. Fieri debet præmissa  
*fraterna correctione et secreto.*

- 7) Fieri potest vel ab iis, qui ex officio ad denunciandum tenentur, vel etiam a quocunque alio privato, cum nemini veritum sit conferre, quantum potest, ut ad conservandam salutem et tranquillitatem publicam, lenioribus mediis nihil proficientibus, crimen plectatur, ac in posterum impediatur. Facienda tamen esse videatur  
1) prævia denuntiatione *evangelica*. 2) apud Judicem *competentem*.

## 2) Effectus

- a) utrique *communis* est: quod probandi obligationem non pariat; r)  
b) *proprius evangelicæ*: quod judicalem excludat, si paterne monitus se emendaverit; t)  
c) *judiciali*, quod viam sternat ad inquisitionem ex officio a Judice instituendam. u)  
s) Ne vero hæc ab onere probandi liberatio calumniatoribus faveat, præscripta sunt nonnulla a Superiore et denuntiante observanda, antequam hic denuntiet, ille vero denuntiationem acceptet. Vid. Zech *de judic. eccl. Sect. II. tit. II.* §. 27.  
t) Id obtinet potissimum in causis ecclesiasticis *Regulæ Prælato* denuntiatorum. Idem *ibid.* §. 26.  
u) Ne, puniendo absque diligente inquisitione denuntiatum, puniat innocentem,

V. Inquisitio est actus, quo Judex, an, et a quo commissum sit crimen, ex officio inquirat.

1) Dividitur

- a) in *generalem*, si *generatim* in delictum, & ejus auctorem,
- b) et *specialem*, si in *certam* personam, an criminis rea sit, inquiratur. v)

v) Est præterea alia inquisitio, *generalissimam* vocant, a superioribus ecclesiasticis certis temporibus, ex Concilii *Trident*: decreto *Sess: VII. cap. 8. XXI. cap. 8. de reform.*, absque ullius delicti vestigiis instituenda. De hac utpote inter Episcoporum officio pertinente actum est *P. I. cap. I. §. V. n. IV. lit. c)* et in Concil. *Trid. Sess. XXIV. cap. 3. de de reform.* Hic loci de *general*i, ac *speciali* sermo sit. Utraque *processus* est 1) *recentior* ab Innocentio III qui ejus fundamenta *cap. 14: de accusat*: jecit, introductus; 2) *subsidiarius*; tum demum adhibendus, si accusator decrat, et tamen clamore publico quis adeo infamatus, ut diutius sine scandalo dissimulari non posset, nec sine periculo tolerari; 3) *extraordinarius*, ut nec pœna ordinaria affici posset ejusmodi iudicio condemnatus; 4) *irregularis*, per me licet, quod nemo sine acculatore ante hæc tempora condemnari potuerit (*præced. n. III. not. b) et cap. un. ut eccles. benef: sine diminut.*) At num propterea, si abusus aliunde 27. *seqq. de accusat.* reprobatos demas, etiam *rejiciendus*? Qui id volunt, edisserant, quæso, qua ratione alia in tanta malitiosorum copia, acculantium vero raritate vitiorum licentia freena imponenda, aut bonorum virorum famam, quam obscuri calumniatoris furor dilacerat, a suspi-



a suspicione labis vindicandam esse censeant?  
 Convenientissimum huic scopo medium visa est  
 Innocentio III in causa Archiepiscopi Bizun-  
 tini cap. 14 eod. inquisitio, quam nec civiles leges  
 suis in causis adhibere dedignantur.

## 2) Requisita:

- a) ad *generalem* sufficit, ut delictum sit patra-  
 tum, aut rumor de eo commisso voliter,  
 vel saltem iusta adsit de eo patrato suspi-  
 candi ratio; x)
- b) ad *specialem* requiritur, ut et de corpore de-  
 licti constet, et persona, in quam inquiri-  
 tur, merito de commisso scelere suspecta,  
 aut alias infamis sit. y)

α) Si nimirum inquitur in *actorem* delicti — v.  
 g: quisnam commissæ simoniæ reus sit? —  
 Paulo aliter se habet res, si generatim in *delic-*  
*tum* e. g. an non Titius commiserit aliqua cri-  
 mina? fiat inquisitio. Tum enim prærequiri  
*infamiam* vel *gravia indicia*, ex eo concludunt,  
 quod sine iis personæ inquisitæ fama injuste læ-  
 deretur. Vid. Pichler *J. C. lib. V. tit. I. §.*  
*IV. n. 29.*

γ) Conf. Idem *ibid. n. 30. 31.* aut Zech *cit. loc. cit.*  
*IV. §. 60. seq.*

## 3) Mo-

3) Modus procedendi, si ex prævia informatione sufficientia contra Reum indicia habeantur:

a) pro ratione *criminis* et *personæ custodiæ* vel *carceri* traditur; 2)

b) sequitur *constitutum* a) formantur *articuli*, ad quos respondere cogitur, *testesque* adiuntur; b)

c) Conceditur *defensio*, c) et si ea omnem suspicionem abolere non potuit, *purgatio canonica*; d)

d) quæ locum non habet, si absoluta defensione *indicia delicti illæsa* maneant; e)

e) Sed tunc gravatus, nec confiteri volens aliquando *torturæ* subjicitur. f)

f) demum *sententia* fertur g) qua accusatus vel absolvitur, vel ad luendas pœnas damnatur. h)

2) Ne fuga iudicium eludat. Sed vid. quæ in Concil. Trident. sess. XXV. cap. 6. de reform. & cap. 15. de sent. excomm. in 6. circa incarcerationem Clericorum notantur.

a) Seu *examen inquisiti*. Hujus examinis, & Constituti *formulas* exhibet Pellegrini in *Praxi Vicar. P. IV. Sect. XI.*

b) De *doribus testium* in iudiciis adhibendorum actum est cap. præced. §. III n. III. Singularia quæpiam circa eos in processu inquisitionis observanda vid. apud Zech cit. loc. §. 67. seqq.

c) Ad quam, ne mediis ad eam necessariis reus destituatur, edenda ei sunt *Acta & Prorocola*, atque Ad.



*Advocati*, quorum opera uti possit, admittendi.  
Conf. Zee h cit: loc. §. 72. seq.

- d) Seu *juramentum purgatorium* (Cap. praeced. §. III. n. V. 1. lit. f) quo infamatus in causa propria, quasi iudex constituitur. Ne vero juramentum istud perjurii & fraudi tam facile locum faciat, praestandum erat olim ad *Sanctorum reliquias*, ut ipsi Martyres veritatis testes, aut perjurii vindices essent. Unde passim *justum can. 1. Causs. XXXIII. quaest. I. cap. 5. de frig. verum, rectum cap. 1. ibid. & divinum iudicium, can. 15. Causs. II. quaest. V. vocatur*. Nunc vero cautum est: 1) ut praestetur *tactis Evangelii* (Can. 17. Causs. II. quaest. V. Cap. 5. de purg. can. 2) ut purgandus *testes* adferat, qui suis juramentis purgationem compleant, quique eapropter *sacramentales, compurgatores* &c. vocantur, & sicut ipse purgandus de veritate: ita hi, quod credant eum verum jurasse (Cap. 13. eod.) jurare debent. Cap. 5. eod. De reliquis Compurgatorum, hodie rarissime adhiberi solitorum, *doribus* vid. cap. 7. 10. eod. de purg. can. Conf. Riegger P. IV. §. 277.

Ab hac purgatione canonica, legibus nempe ecclesiasticis introducta, differt toto caelo ea, quam *vulgarem* dicunt, cujusque *varias species* ignorantia & gentium barbaries peperit. Quo pertinet. 1) *iudicium aquae calidae* can. 15. Causs. II. quaest. V. 2) *Ferri candentis* Concil. Triburienf. can. 13. Rhemens can. 11. 3) *aqua frigida* (Wasserprobe Wasserurtheil) quo virtute exorcismorum jubetur aqua innocentem submergere, nocenti vero resistere. Perperam Eugenio II istud tribui Natal. Alexander hist. eccles. sec. IX. X. Tom. IV. fol. 187. & Böhmer F. E. P. ad tit. de purg. vulg. §. 12. demonstrarunt. 4) *purgatio per duellum*, vid. Zeeh de jud. Sect. I. tit. XXVI. §. 309 seq. & II. Feud.

*II. Feud. 27. 39. §. 2. V. 2. 5) per crucem* (Kreuzprobe), *cujus frequentissima in Capitularibus fit mentio. Vid. Riegger cit. loc. §. 274. schol. 7) cruentationis, stillicidii* (Wahrretht,) *quam sec. XVII. adhuc obtinuisse narrat Strykius.*

Hujusmodi purgationes vulgares *judicia Dei, aut ordalia* (Urtheile) etiam dictas, nunquam probaverunt Pontifices; sed eorum potius vigilantia factum est, ut eliminata fuerint pedetentim hæc monstra. *Can. 7. 20. Caus. II. quæst. V. Cap. 9. de cler. vel monach. cap. 1. 2. 3. de purg. vulg. cap. 8. de purg. can. cap. 10. de excess. prælat.* Et rectissime quidem! nam nemo non videt, ex ordinalis expectatum fuisse effectum, ad detegendam veritatem, legibus naturæ phycis repugnantem; id vero Deum tentare est,

e) *Zech de jud. eccl. Sect. II. tit. VII §. 78.*

f) *Torturae usus olim frequentissimus. nunc jam in omnibus fere judiciis abrogatus est. Agnoverunt enim Legislatores, 1) quod illa sit medium ad detegendam veritatem ineptum; cum plerique patientia sive duritia tormentorum ita tormenta contemnunt, ut exprimi eis veritas nullo modo possit: alii tanta sunt impatientia, ut quodvis mentiri, quam pati tormenta velint. L. 1. §. 23. ff. de quæstion. 2) quod ideo facile contingere possit, ut innocens condemnatur. Justus Oldekopp plura injuste tortorum refert nomina in observat. criminal. append. 3) quod sit prorsus fini processus criminalis contraria, qui in eo consistit, ut veritas criminis detegatur, ne quis ob delictum incertum puniatur. At istud per torturam non obtinetur. Cum enim, quæritur, ait S. Augustinus de Civit. Dei lib. 19. cap. 6. utrum sit nocens, cruciatur, & innocens fuit pro incerto*



incerto scelere certissimas pœnas, non quia illud commississe detegitur, sed quia non commississe nescitur, ac per hoc ignorantia iudicis plerumque est calamitas innocentis. 4) quodque nulla indicia sint ad torturam sufficientia; proinde se nullam excusationem habituros, si iudicibus, quondam neque de indiciis ut Zech cit. loc. §. 82. ostendit, multum sollicitis non adimerent libertatem decernendi tormenta quæ ex gravissima Ciceronis in Orat. pro P. Sylla n. 77. sententia gubernat dolor, moderatur natura cuiusque tum animi tum corporis, regit quasitor, flectit libido, corrumpit spes, infirmitas metus, ut in tot rerum angustiis nihil veritati loci relinquatur. Quapropter interdixerunt eam plerique Principes adeo, ut unicum superesse solummodo casum censeant Doctores, in quo fini processus criminalis non repugnat, ac moderate adhiberi potest. Casus is est: si convictus socios criminis & complices manifestare recusat, crimen vero ex natura sua est ejusmodi, ut sine sociis perpetrari non potuerit; aut si quis circumstantias varias iudici scitu necessarias de crimine jam convictus fateri renuat. Tum enim per suam contumaciam et inobedientiam novum committit delictum, ob quod utique, quoniam certum est, puniri seu torqueri potest. Conf. vero Zech cit. loc. §. 86. seq.

2) Quo modo? vid. Zech cit. loc. Sect. II. tit. VIII. §. 88.

h) In sententia condemnatoria ratio habenda est eorum quæ pœnas mitigant vel aggravant. Conf. Riegger cit. loc. §. 278.

## POENÆ ECCLESIASTICÆ.

I. Pœna est malum alicui ob ejus demeritum morale ab alio inflictum. *i)*

## 1) Dividitur

- a) ratione *boni*, quod aufertur, in *spiritualem*, quæ bonum spirituale adimit; et in *temporalem*, quæ temporali bono privat; *k)*
- b) ratione *scopi* in *medicinalem*, quæ ad delinquentem corrigendum; et *exemplarem*, quæ ad alios a violatione legis absterrendos infligitur. *l)*
- c) ratione *extensionis*, in eam, quæ omnibus fidelibus *communis*; et quæ solis *Clericis* *propria* est; *m)* utraque denuo
- d) ratione *originis* in eam, quæ *a jure* seu per statutum in omnes legis prævaricatores: et in illam, quæ *ab homine* per singularem sententiam in certam personam discernitur; *n)* prior iterum
- e) ratione *actuum præmittendorum* in pœnam, quæ *latæ*, et quæ *ferendæ sententiæ* dicitur, prout nempe sententia condemnans vel non, vel adhuc requiritur. *o)*

*i)* Ad illustrandam *definitionem pœnæ* notetur 1) malum id esse, quod nos imperfectiores reddit. Cum igitur ablatione boni, quod aut actu possidemus, aut petendi jus habemus, imperfectiores reddamur, sequitur: ablationem boni recte malum dici, & pœnas potissimum in ablatione cujuspiam boni consistere: 2) non nisi malum



malum ob demeritum *morale* inflictum pœnam vocari; quæ enim mala nulla posita actione injusta sustinemus, hæc *infausti casus* seu *infortunii* nomine veniunt; 3) Icopum pœnæ esse, aut *emendationem* delinquentis, aut *exemplum*, quo alii ad abstinendum a transgressione legis moveantur; 4) a pœnis multum differre *pœnitentias*, Fleury *Inst. J. E. P. II. cap. IV. § 5*; 5) hic de pœnis, quæ in *foro ecclesiastico* obtinent, sermonem esse.

k) *Temporales* pœnas potestas *civilis*; *Spirituales* vero *ecclesiastica* decernit. Vid. *proleg. Cap. I. § II. n. IV. lit. a*) not. g) Nihil tamen impedit, quo minus Ecclesiæ Superioribus etiam pœnas quâpiam *temporales* dictandi jus *accidentaliter* conveniat. Conf. *P. I cap. I. §. V. n. IV. lit. d*) not. b) *ibid. §. VI. n. I.*

l) Wolff *Inst. J. N. et G. P. I. cap. III. §. 93.* Utramque hanc pœnam, si spiritualis sit (*præced. lit. a*) non nulli *cenfuram* vocant. Vid. *Pehem cit. loc. §. 1212.* Alii vero nomen istud soli *medicinali* tribuunt, discernentes a censuris pœnas ecclesiasticas *strictæ sic dictas* seu *vindicativas*, quæ directe ad delinquentis punitionem, et vindictam, ut ajunt, infliguntur. Sed enim alienum mihi videtur a mansveto Ecclesiæ Christi spiritu decretum, quo directe, ac primario delinquentis punitionem, et vindictam velit, nec tute adfirmari potest, dictasse unquam Ecclesiam pœnas *mere vindicativas*, seu tales, quibus aut corrigere delinquentem, aut absterre alios ab imitatione vestigiorum ejus primario non intendisset. Quare præplacet mihi eorum philosophandi ratio, qui missa ea differentia, quam acuta scholasticorum natio *cenfuras* inter et reliquas ecclesiasticas *strictæ sic sumtas* pœnas deprehendisse autumabat, 1) num pœnæ ecclesiasticæ vindicativæ dentur? dubitant; 2) omnes spirituales pœnas ecclesiasticas *cenfuras* adpellari posse docent exemplo vete-

rum, qui pœnæ et censuræ nominibus promissæ usi sunt *Can. 18. Causs. XI quæst III*; ac 3) solis pœnis ecclesiasticis temporibus (*not. praeced.*) nomen censuræ ecclesiasticæ denegant.

m) Ad priorem classem pertinet *excommunicatio interdictum, irregularitas ex delicto*; ad posteriorem: *suspenso, depositio, degradatio*.

n) Pœna seu censura *ab homine* lata reservata est communiter auctori suo, vel ejus superiori, aut successori. Quæ *a jure* est, et nemini expresse reservata, absolvi potest ab Episcopo pro foro externo, et a proprio Parocho in foro conscientia.

o) Dum contrarium sit fragili hominum conditioni in se ipsum pœnas exequi, hæc statuuntur regulæ: circa pœnas, ubi de *jure quæsito* agitur, sententia saltem *declarans* requiritur, nisi in casibus expresse decretis; ubi vero de *jure quærendo*: pœnæ latæ sententiæ ante omnem sententiam obligant; in casibus, ubi sententia *condemnante* opus est, a die sententiæ latæ; ubi *declarante*, a commissi criminis tempore pœnæ fortiuntur effectum. Schenk *cit loc. §. 794 Schol. 2.*

2) Potestas censuras, seu pœnas ecclesiasticas ferendi Ecclesiæ a Christo concessa p) exerceri potest per illos Superiores,

a) qui *Jurisdictione sacra*,

b) *in foro externo*,

c) et *nullo modo impedita* pollent. q)

p) Vid. *proleg. cap. I. §. II. n. II not. r)*

q) Riegger *P. IV §. 567.* Inde vero consequitur, Jus irrogandi censuras competere 1) Sum-



mo Pontifici per *universam Ecclesiam*, sed tamen intra genuinos limites Primatus; *vid. P. I. cap. I. n. IV. lit. b) not. o)*: 2) *Episcopis in suis diœcesibus*, licet consecrati nondum sint, sed tantum confirmati; *ibid. §. V. n. IV. lit. d) not. b)* et *P. II. cap. I. §. V. n. II. 9 lit. b) not. u)*. 3) *Jure extraordinario Prælati regularibus in suos subditos regulares*, *Cap. 10 de maj et obed.* omnibusque, qui exercent *jurisdictionem quasi episcopalem* uti capitulum sede vacante: 4) aliis etiam non *Presbyteris* ex privilegio, consuetudine, et præscriptione, *Cap. 3 de offic. jud. ord. S. Thomas in IV. Dist. 18. quæst. II. art. 2*: 5) *excludi tamen feminas*, quamvis in dignitate constitutas, *Cap. 10 de pœnit. et remiss.* non obstante *cap. 12 de maj et obed. vid. Peheem cit. loc. §. 1214 schol.*: 6) *cenfuram latam in non subditum nullam et irritam esse*, quod tamen fallit in censuris episcopalibus intuitu *Regularium exemptorum*: *Concil. Trid. Sess. XXV. cap. 12. de Regular.*

### 3) Causa ferendæ censuræ est

- a) *culpa gravis*, saltem ad *graviorem censuram*, r)
- b) *externa tantum*, et cum *contumacia* conjuncta. s)

r) Necessè enim est servare proportionem inter pœnam, et culpam. Quam vero culpam vocamus hic loci *gravem*? Eam, ni fallor, quæ dum peccatum mortale involvit, scandalum simul generat. *Suarez de censur. disp. IV. sect. IV. n. 3.*

s) Primum ideo: quod, nisi *externa* sit ad forum externum, in quo censuræ feruntur, (*præcd. n. 2. lit. b.*) non pertineat. Alterum vero: quod prudentis sit Pædagogi, non afficere pœnis, quos

quos mansuetis monitionibus corrigere valet; cauti medici, non imperare sectionem membri, quod emplastris sanari potest; ac inprimis quod Christus Matth. 18. doceat: non nisi in contumaces ecclesiasticis pœnis animadvertendum esse. Cont. etiam Concil. Trident. Sess. XXV. cap. 3. de reform. Ex hactenus n. 2) ac 3) dictis facile colliges, quid de causis a censura excusantibus, de forma ferendi censuras, de jure ab iisdem absolvendi statui debeat. Conf. Schenkl §. 796. et Riegger §. 625. seqq.

II. Præcipua inter Censuras omnibus fidelibus communes est Excommunicatio (præced. n. I. 1. lit. c. not. m) seu exclusio a communione ecclesiastica, et jurium inde pendentium denegatio.

### 1) Dividitur

- a) in majorem, quæ omnibus,
- b) et minorem, quæ aliquibus tantum bonis ecclesiasticis privat. t)

c) Hæc excommunicationis divisionem a veteribus didicimus, quibus hæ quoque duæ ejus species celeberrimæ erant: nempe minor seu medicinalis, quæ etiam voce excommunicationis simpliciter posita atque prolata passim denotabatur (can. ult. Caus. III. quæst. IV. can. 41. 108 Caus. XI. quæst. III) et in exclusione hominum a communione publici cultus divini consistebat. Ejus gradus erant quatuor; vel enim 1) a sola Eucharistiæ participatione, vel 2) a precibus quoque fidelium, imo et 3) catechumenorum, vel denique 4) ab omni ecclesiæ ingressu peccatores secundum pœnitentiæ publicæ gradus (vid. præced. cap. II. §. II. n. IV. 2. not. q.) exclude.



cludebantur. *Major* in antiquis canonibus *omni-*  
*moda separatio, anathema, excommunicatio*  
*mortalis* nuncupata (S. Chrysost. *hom. XV.*  
*in epist. ad Rom.*) qua homines de ecclesia peni-  
 tus expulsi tanquam ethnici et publicani habe-  
 bantur. Illi locus erat ob crimina poenitentia  
 publica luenda, cum qua semper erat conjunc-  
 ta: ad hanc vero processum est tum demum,  
 quando contumax peccator nullo alio remedio  
 absque fidelium detrimento in sinu ecclesiae reti-  
 neri potuit. Vid. S. Augustinus *lib. post*  
*collat. contr. Donatist.* Recentiores non nulli  
 post Gregorii IX. declarationem *cap. penult.*  
*de sent. excomm.* alium hisce nominibus signifi-  
 catum tribuere, et per *excommunicationem sine*  
*addito* non solum *minorem*, quæ a perceptione  
 Sacramentorum, sed etiam *majorem non solen-*  
*nem*, quæ a communione fidelium separat; per  
*anathema* vero *majorem solennem*, a *majori sim-*  
*plici* in eo tantum diversam, quod hæc absque  
 solennibus, illa autem adhibitis quibusdam ce-  
 remoniis pronuntietur, intelligere cœperunt.  
 Hac ratione *triplex* excommunicationis *species*  
 nata, et quia, ubicunque in antiquis canonibus,  
 et Patrum regulis vox *excommunicatio* occur-  
 rit, eam pro *majori* et *mortali* acceperunt, cum  
 tamen Patres plerumque *minorem* intelligerent:  
 numerus quoque excommunicationem *majorum*  
 multum auctus est. Cæterum consentiunt re-  
 centiores cum veteribus: excommunicationem,  
*majorem maximam* esse, quæ in Ecclesia datur  
*penam*; quod vel ex ipsa ejus notione manife-  
 stum redditur. Conf. *Can. 17. Caus. XXIV.*  
*quæst. III.*

## 2) Requisita ad Excommunicationem *majo-* *rem* infligendam:

Z 3

a) de-

- a) delictum grave, u) publicum, v) certum, x) et cum vera contumacia conjunctum: y)  
 b) trina admonitio canonica, z) vel saltem binna publica: a)  
 c) summa cautela, præcipue circa multitudinem b) et delicta summorum Principum, ne tale fulmen in eos evibratum in majus ipsius Ecclesiæ malum cedat. c)

n) *Can. 41. Causs. XI. quæst. III: et præced. n. 1. 3. lit. a not. r)* collat. cum *can. 17. Causs. XXIV. quæst. III.* Adde, quod rectissime a Concilio Tridentino observatum est: *excommunicationem, si temere aut levibus ex rebus incutiat, magis contemni, quam formidari, et perniciem potius parere, quam salutem; Sess. XXV. cap. 3. de reform.*

v) *Can. 19. Causs. II. quæst. I. Cap. 48. de sent. excom.* Id ipsum ex præcedentibus sequenti ratione ostendi solet: Excommunicatio major maxima est in Ecclesia pœna (*præced. not. r. ad fin.*) ergo ad eam ferendam delictum grave requiritur (*præced. n. 1. 3. lit. a*) At, nisi publicum sit, scandalum haud generat, proin nec omni ex parte grave dici (*ibid. not. r)* nec pœna adeo magna et publica corrigi debet. Quid, quod ob delictum occultum neque ad pœnitentiam publicam quispiam severissima etiam in Ecclesia disciplina vigente cogeretur? Ex his tamen nolum inferas: nullam aliam censuram in delicta occulta constitui posse.

x) *Seu legitime probatum.* Quo enim major est pœna, eo gravior causa criminalis, eo accuratior ejus tractatio requiritur. Perentorius est in hanc rem S. Augustini textus: *Nos vero quemquam a communione prohibere non possumus, quamvis hæc prohibitio nondum mortalis sit, sed medicinalis, nisi aut sponte confes-*

*sus,*



*sum, aut in aliquo sive seculari, sive ecclesiastico  
judicio nominatum, atque convictum* Lib. I. Ho-  
mil. ult.

2) Vid. præced. n. 1.3. lit. b. not. 5). Huc S. Augusti-  
ni verbalib. post collat. contra Donatist. inprimis  
spectant: Neque a populo Dei separamus (quod ex-  
communicatione majore secundum præced. not. 2)  
dicta efficitur) quos vel degradando vel excommu-  
nicando (excommunicatione nempe minore vid.  
cit. mox locus) ad humiliorem penitentiae locum  
redigimus.

2) Ea intervalla temporis complectens, ut de ve-  
ra contumacia prudenter dubitari nequeat.  
Hanc regulam præscripsit Christus Math.  
18: reverenter probavit antiquissima Ecclesiæ  
doctrina. Can. Apost. 73. Can. 5. Caus. XVI.  
quæst. VII. omni religione impleverunt Concilia,  
Ephesinum contra Nestorium; Chalcedonense  
contra Dioscorum: ut videre est apud Har-  
duinum Tom. I. col. 1442. Tom. II. col. 346. ac  
pœnis etiam in transgressores ejusdem dictatis  
observari præceperunt novissimarum Ecclesiæ  
legum Auctores, cap. 48. de sent. excom. cap. 3. 5.  
eod. in 6.

a) Concil. Trident. Sess. XXV. cap. 3. de reform.

b) Summa circumspectione opus esse, quotiescunque  
de excommunicatione in multitudinem ferenda  
agitur, magno verborum pondere, et argumen-  
torum adparatu demonstravit S. Augusti-  
nus lib. III. contr. epist. Parmen. cap. II.  
Contendit inter cætera: quod eo in casu consi-  
lia separationis et inania sint, et pernicioosa —  
quia plus perturbant infirmos bonos, quam corri-  
gunt animosos malos. — — — Quare addit:  
cum execrabile crimen plurimos occupavit, ni-  
hi

*bil aliud bonis restat, quam dolor et gemitus,*  
Conf. Zech cit. loc. §. 119.

- e) Uti teste historia, optima in ejusmodi rebus magistra, non nunquam cesserat. Nolim tamen hæc quæ de sola convenientia dicta sunt, ad jus ipsum extendas. Conf. P. I cap. 2. §. I n. I. lit. a not.  
y) Corollaria ex hactenus enumeratis excommunicationis majoris requisitis vid. apud Riegger cit. loc. §. 575.

### 3) Forma. d)

a) Excommunicatio scripto proferatur, quod ejus *causam* exprimat:

b) ejus exemplum seu copia tradatur *excommunicato*, si exigat: e)

c) ad vicinos *Parochos* et *Presbyteros*, imo et *Episcopos* mittatur f)

d) Scilicet omni excommunicationi *communis*.

e) Cap. 1. de sent. excommun: in 6. Ubi porro præscribitur: 1) traditionem *intra mensem* fieri; 2) super requisitione vero debere confici *instrumentum*, vel litteras *testimoniales* sigillo autentico consignatas.

f) *Ne quis per ignorantiam ulterius illi communicet.* Pontifical. Roman. tit. Ordo excommunicandi, et absolven-  
di. Hoc semper in Ecclesia usitatum fuisse, ex Concilii Toletani I. can. 2. et Nicæni can. 5 clarum fit. De formulis et ritibus anathematis vid. idem Pontificale roman. cit. loc. Conf Riegger cit. loc. §. 583.

### 4) Effectus Excommunicationis majoris:

a) alii sunt *ecclesiastici*, qui in *sacrorum* privatione continentur: g)

b) alii



b) *alii civiles*, cum excommunicato *communio* etiam *forensis* ac *civilis* prohibetur. h)

g) Quo spectant 1) *suffragia* Ecclesiæ, 2) *facultas sacramenta* rum suscipiendi, tum *administrandi*, 3) *potestas divina celebrandi*, frequentandi, adipsiscendi *beneficia ecclesiastica*, *jurisdictionem ecclesiasticam* exercendi, 4) *sepultura ecclesiastica*, &c: Effectus hos Christus ipse insinuaverat, dicens: *Si Ecclesiam non audieris, sit tibi sicut Ethnicus et Publicanus.* Math. XVIII. 17.

h) Ad *communione forensem* pertinet inprimis *facultas judicem, actorem, vel testem agendi* in *judicio*; ad *civilem* *conversatio vulgaris* cum excommunicatis, a qua abstinendum esse 1) *ratio* suadet, 2) *Apostoli I. Cor. V. 4. Rom. XVI. 17. Thess. III. 14. II. Joan. V. 10. n.* verbis monent, exemplis docent apud *Irenæum lib. III. cap. 3. Eusebium lib. III. 3.* 3) *ipsa tandem Ecclesia*, non nullos casus excipiens, *severis legibus præcipit. Cap. 15. de sent. excommun.* Omnes hi excommunicationis *majoris* effectus exprimuntur *vulgato illo versiculo*:

*non es, orare, vale, communio, mensa negatur.*

##### 5) *Causæ Excommunicationis minoris:*

a) *Communicatio cum excommunicato vitando*, absque legitima *caussa*, i)

b) aut cum *injusto* et *notorio Clerici percussore*. x)

i) Quis vero est *excommunicatus vitandus*? quis *oleratus*? In *celebri Extravaganti Martini V. incipien.* Ad *evitanda*, *edita in Concilio Constantiensi*, *evitandi decernuntur*, (verba sunt

Benedicti XIV. de *Synod. dioces. lib. XII. cap. V. n. IV*). *solum excommunicati*, publice et nominatim denunciati. Quicumque igitur absque *legitima causa* cum ejusmodi excommunicato communicat, *minorem* excommunicationem incurrit, nisi aut in eodem crimine, ob quod alter excommunicatus est, aut Clericus cum excommunicato a Romano Pontifice in officiis divinis *sciens et sponte* communicaverit. *Cap. 18. 29. de sent. excommun.* Legitimas causas ab hac pœna excusantes vide apud Schenk § 797. continentur noto versu:

*Utile, lex, humile, et res ignorata, necesse.*

k) Etiam publici et notorii Clericorum percussores inter excommunicatos *vitandos* numerantur, quamvis publice et nominatim, ut tales, non denuntiantur; (*cit. Constit. Ad evitanda*;) ergo, qui cum illis communicat absque legitima causa excommunicationi *minori* subjicitur; *not. præced. i*) Conf. *præced. cap. I. §. III. n. II.*

### 6) Ejus effectus: l)

- a) jure *percipiendi Sacramenta*,
- b) et *electionis passivæ* ad dignitates et beneficia ecclesiastica privar. m)

l) Quales fuerint olim; *præced. not. i*) dictum est.

m) *Præced. cap. I. §. V. n. II. §. lit. e*).

III. Altera omnibus fidelibus *communis* pœna est Interdictum seu censura, qua usus quarundam rerum sacrarum fidelibus communis, quatenus talis est, prohibetur. n)

i) Ejus



# 1) Ejus species:

- a) *personale*, si immediate in Ecclesiæ membra; o) *locale*, si in certum aliquem Ecclesiæ tractum dirigitur; p)
- b) *generale personale*, quod in personam moralem, seu communitatem; q) *generale locale*, quod in locum plura particularia complectentem fertur; r)
- c) *speciale*, quod aliquas tantum personas determinatas, aut unam duntaxat ecclesiam adficit. s)
- n) Singula definitionis verba ponderando facile discrimen *interdicti* ab *excommunicatione*, *suspensione*, *cessatione a divinis* invenies. Vid. Riegger *cit. loco* §. 556.
- o) Vocari quoque solet *ambulatorium*, eo quod personas sequatur, iisdemque certum quemdam usum verum divinarum, in quocunque loco fuerint, interdicat. *Cap. 16 de sent. excomm. in 6.*
- p) Interdicendo: ne ibi divina officia fiant juxta modum a canonibus præscriptum; ideo hoc casu personæ possunt in alio loco sacris assistere. Ex hac duplici interdicti specie oritur, quod *mixtum* adpellant, quodque æque directe et personas et locum respicit.
- q) *Cap. 16. cit. loc.*
- r) *Cap. 10. 17. eod.*
- s) *Cap. 17. eod.*

## 2) Ejus

## 2) Ejus effectus t)

- a) prohibet quorundam *Sacrorum administrationem*: u)
- b) — *publicam divinorum celebrationem*, et *ingressum ecclesiae*, nisi in *festis praecipuis*: v)
- c) — *sepulturam ecclesiasticam*. x)

t) Olim et numero (et duratione) maximi. Nempe in omnibus ecclesiis interdicto subjectis omnia plane divina cessare jubebantur, populusque usu divinorum officiorum, et Sacramentorum, et instructionum privebatur. Quia vero ex *derivatione* hujusmodi statutorum excrescit *indevisio* populi, pullulant haereses, & infinita pericula *animarum* insurgunt, ac ecclesiis sine culpa earum debita obsequia subtrahuntur. (Cap. 24. de sent. excomm. in 6) ut ipsa experientia docuit; (vid. exemplum de quodam in Marchia loco a Glossographo ad cit. cap. allatum) igitur varii Pontifices rigorem istum temperarunt.

u) Ita tamen, ut posito licet generali interdicto 1) *baptismus* parvulorum, et *poenitentia* morientium possint celebrari cap. 11. de spons. et sacrum *viaticum* morientibus subministrari cap. 24. de sent. excomm. in 6. Sani quoque ad poenitentiam admitti cap. 24. eod.) 2) Verbum Dei *praedicari* et parvulis Sacramentum *Confirmationis* dari permissum sit Cap. 43. de sent. excomm. et cap. 19. eod. in 6.

v) Bonifacii VIII. in cap. 24. de sent. excomm. in 6. hac de re Constitutio ita sonat: *Singulis diebus in ecclesiis et — monasteriis Missae celebrentur, et alia dicantur divina officia sicut prius: submissa tamen voce, & januis clausis, excommunicatis et interdictis exclusis, & campanis etiam non pulsatis — In festivitatibus vero Natalis Domini,*



ni, Paschæ, ac Pentecostes, et Assumptionis Virginis gloriosæ campanæ pulsantur, et januis apertis alta voce divina officia celebrentur, excommunicatis prorsus exclusis, sed interdictis admissis. Idem privilegium habetur in festo Corporis Christi, et per totam octavam ex concessione Martini V. Ineffabile et Eugenii IV. Excellentissimum.

æ) Zech §. 126.

### 3) Causæ ferendi Interdicti:

- a) locale non nisi ob causam generalem ex delicto publico,
- b) personale generale ob culpam a maiore communis parte admissam,
- c) personale speciale ob culpam gravem etiam specialem decernitur. y)

y) Ceterum valent etiam de Interdicto, quæ supra n. I 3. de causa ferendæ censuræ; et n. II 2. de requisitis ad excommunicationem maiorem infligendam dicta sunt.

IV. Tertia pœna ecclesiastica omnibus fidelibus communis est irregularitas ex delicto. z)

#### 1) Ejus effectus:

- a) directe privat susceptione ordinum:
- b) aut susceptorum usu. a)

z) Irregularitatem ex delicto censuram seu pœnam ecclesiasticam non esse, sed impedimentum tantum canonicum Theologi & Canonistæ scholastici passim promuntiant. Sed enim si pœna ecclesiasticæ notionem (præced. n. I. not. i) adcuratius

ratius spectemus: deprehendemus omnes ejus *essentiales characteres* irregularitati quoque ex delicto convenire, proin posse eam, et *impedimentum*, et *pœnam* vocari,

a) Cum iure suscipiendi ordines *laici*: susceptorum vero usu *Clerici* privari possint; sequitur: *irregularitatem ex delicto* esse pœnam fidelibus *communem*.

## 2) Differt igitur

a) ab *excommunicatione et interdicto*:

b) quia *excommunicatio* impedit functiones ordinum, quatenus sunt *communicatio* quædam fidelium;

c) *interdictum* vero, quatenus sunt *usus sacrorum*. b)

b) Ob qualia, et quæ in specie delicta pœnam hanc quis incurrere possit: dictum est *præced. cap. I. §. I. n. III.*

V. Ad pœnas *Clericis proprias* pertinet primo: *Suspensio*, quæ est censura qua *Clericus* ab exercitio functionum ecclesiasticarum impeditur. c)

## 1) Dividitur.

a) in illam *ab officio*, quæ exercitio jurisdictionis,

b) — *ab ordine*, quæ exercitio ordinis,

c) — *a beneficio*, quæ fructibus beneficii privat:

d) in *totalem*, quæ se ad omnes hos actus, —

d) in



d) in *partialem*, quæ ad aliquos tantum se extendit. d)

c) Aut, si alia placent verba: *qua clerico potestatis ecclesiasticæ quam habet ratione officii aut beneficii, exercitium interdicitur*. Ejus a pœnis omnibus fidelibus communibus discrimen vid. apud Riegger §. 605. et 610.

d) Addunt non nulli suspensionem *localem*, si in certo loco functiones suas obire clericus prohibetur: et *personalem*, si in omnibus locis.

## 2) Regulæ circa hanc pœnam:

a) in *dubio*, an sit *ab officio et beneficio*, *stricte* est interpretanda; e)

b) ferri non potest, nisi ob delictum *grave personæ*, si *personalis*; vel *communitatis*, si *generalis* fuerit; f)

c) cum *suspensio palam denunciato* in actibus ipsi prohibitis *communicare* haud licet. g)

e) Seu ita statuendum est: quod, qui *ab officio* suspensus pronuntiatur, *a beneficio* quoque suspensus censi non debeat; nisi dicatur *expresse: ab officio et beneficio*. Sunt tamen, quibus non absque gravibus argumentis contrarium præplacet.

f) Vid. *supr. n. 1. 3.*

g) Suspensioni non absimilis est illa Clericorum pœna, quæ sub nomine *communiois peregrinæ* in antiquis canonibus occurrit. Concil. *Regens. can. 3. Agathens. can. 2. 5 Illedens. can. 15* Hæc *ad venarum* intuitu non erat genus pœnæ, sed præcautio, ne forte in communionem reciperentur hæretici, schismatici, aut alii scelesti. Inde olim Clerici absque *litteris commendatitiis*, quas hodie

hodie *formatas* dicimus, ad extraneam ecclesiam venientes, benigne quidem excipiebantur, sacrorum tamen communio iisdem denegabatur, usquedum ejusmodi litteræ ab ecclesia, unde venerant, possent procurari. Istius prudentis disciplinæ vestigia hæc adhuc apud nos supersunt, quod veritum sit ecclesiarum Præpositis, admittere ad celebrandum missæ sacrificium peregrinos Clericos *formatas* non exhibentes. Non raro eodem modo cum Clericis in sua ipsorum ecclesia agebatur. Etiam hi, ac si peregrini forent, sui ordinis exercitio carere aliquando debebant tamdiu, donec per condignam poenitentiam officium et stationem possent recuperare; id sane pœna erat titulo *reductionis clericorum ad communionem peregrinam* olim celeberrima.

VI. Depositio, æque pœna Clericis *propria*, est remotio perpetua Clerici vel ab ordine *h)*, vel a jurisdictione *i)* vel a beneficio *k)* salvo manente statu et dignitate clericali *l)*.

- a) antiquus est hujus pœnæ usus: *m)*
- b) in modo *totalem*, modo *partialem* divisio: *n)*
- c) magnum, si effectum spectes, ejus a *suspensione discrimen*. *o)*

*h)* Cap. 4. de judic.

*i)* Cap. 4. de Cler. excomm ministr.

*k)* Cap. 13. de vit. & honest. cleric.

*l)* Arg. cap. 10 de judic.

*m)* Occurrunt ejus exempla in Concil. Ancyran. can. 1. Nican. Can. 8.

*n)* *Tota-*



n) *Totalis* est, si ab *omnibus* in definitione nominatis juribus removet; *partialis*, si ab *uno* tantum, *alterove*. Ad ultimam speciem pertinet inprimis, *privatio beneficii*, quæ ultra privationem possessi ad idem et alia beneficia obtinenda inhabilitatem inducit.

o) Nam et natura sua *perpetua* est, et sine remissionis spe inferitur, atque officio et beneficio ita privat, ut sine nova collatione et titulo nullus pateat reditus; quod tamen neque tunc contingit, etsi suspensio a beneficio sit perpetua, adeoque cum ejus amissione ipso jure conjuncta. Relaxata enim suspensione beneficium sine nova collatione retinetur. *Wiestner ad tit. de pen. art. V.*

VII. Degradatio est pœna ecclesiastica, qua Clericus non tantum beneficio, et exercitio ordinum, p) sed ipso etiam statu et dignitate clericali privatur. q)

a) Hac opus est, quoties Clericum tanti criminis reum esse constat, ut pœnam *mortis*, aut *mutilationis* membrorum mereatur. r)

b) Est vel *verbalis*, vel *realis*. s)

c) Ejus *decernendæ*, et *peragendæ* non eadem fuit semper in Ecclesia forma. t)

p) *Can. 33. Dist. IV. de consecr.*

q) *Cap. 10. de judic.* Ex hac definitione sequitur 1) effectum suo differre *degradationem* a *depositione*. Hæc enim non privat statu et dignitate, proinde nec *privilegio fori*, aliisque privilegiis clericalibus; privat vero illa. 2) Idem esse *degradationem* nobis, quod antiquis fuit *reductio ad com-*

unionem laicam, non raro excommunicationis ecclesiasticae clericalis nomine compellata. Balzani in *can. 16. Concil. Nicæn.* Zonar. in *can. eund. Can. Apost. 42. 55. 56. 3)* Hanc pœnam esse relata ad Clericos post excommunicationem majorem gravissimam.

2) Hanc pœnam enim exequi debet iudex secularis (*cap. preced. I §. I. n. IV. 6 lit. a. not. p.*) a cuius jurisdictione Clericus privilegio fori (*eod. cap. §. III. n. V*) exemptus est; quare antequam tradatur, dignitate clericali spoliari debet.

3) Prior est ipsa sententia promulgata: quod Clericus degradari debeat; altera vero est ipsius sententiæ executio.

4) Antiquitus degradationis causa, utpote gravissima (*preced. not. q. 3.*) in Synodo Episcoporum tractari solebat. *Can. 7. Caus. XV. quest. VIII.* Cum vero id in singulorum causis difficultatibus non careret, cautum est postea, secundum statuta veterum Conciliorum, ut si quis Episcopus, quod non oportet, in reatum aliquem incurverit, et fuerit nimia necessitas, non posse plurimos congregare, ne in crimine remaneat, a XII. episcopis audiatur, et Presbyter a VI episcopis cum proprio suo episcopo audiatur, et Diaconus a tribus. *Can. 4. Caus. XV. quest. VII.* Atque hanc iudicii solennitatem non obstante *can. 6. Caus. XI. quest. III.* in prima etiam instantia necessariam esse communis Canonistarum opinio tradidit, sed simul ad solennem degradationem restrinxit. Verum et hac ratione difficulter ad degradationem deveniri poterat; inde crimina plura enormia non satis vindicari conqueſti sunt Germani in suis gravaminibus *gravam. 21.* Quare statuit Tridentinum, ut Episcopus ad degradationem procedere possit adhibitis, loco Episcoporum, Abbatibus usque mitræ et baculi gaudentibus, aut aliis personis in dignitate ecclesiastica constitutis, et juris scientia com-



*mandatis* (Sess. XIII. cap. 4. *de reform.*) quas non solum adistere debere *ceremoniæ degradationis*, sed et *causæ ipsius cognitioni*, colligit Van Espen P. III. tit. XI. cap. I. §. 55. Hæc degradationis *decernendæ forma* adhucdum obtinet. Quod ad *executionem* ejusdem adinet, olim sicut excommunicatio absque certa formula peracta est. Verum adjunctæ sunt ei postea ad terrorem incutiendum lugubres ceremoniæ, quas Bonifacius VIII. cap. 2. *de pæn. in* 6. refert. Abstrahuntur inter eas insignia sacri ordinis degradando, atque unum quidem ex aliis: tondetur caput, et raduntur digiti sacro oleo inuncti; traditur demum curiæ sæculari: quamquam et tunc Ecclesiæ mansuetudinis suæ memor pro eo adhuc intercedat. Cap. 27. *de V. S. cap. 2. de homicid. in 6. Pontifical roman. tit. degradationis forma.* Quodsi iudex sæcularis hac intercessione, aliisve causis permotus degradato sibi tradito gratiam faciat, aut depositio non subsequuta traditione facta sit (cap. 6. *de pæn.*) tunc canones jubent, ut in *distincto claustrro, vel monachorum, vel canonicorum regularium, si fieri potest, recludantur depositi* cap. 6. §. 7. *de homicid.* idque vel ad certum tempus, vel in perpetuum. *can. 7. Dist. 59. ut ibi peccata lugeant, et ulterius non committant. Can. 7. Dist. 81. Id detrusum in monasterium vocant;* quam ob varias difficultates omnino a foro recessisse testantur auctores; vid. Zech *cit. loc. Sect. II. tit. X. §. 130.* Solent tamen hodie adhuc Episcopi Clericis suis injungere, ut se ad tempus in monasterium, aut seminarium clericorum retrahant, ibique certa pœnitentiæ exercitia in peccatorum expiationem; et vitæ emendationem subeant.

Hactenus enumeratis pœnis ecclesiasticis addere solent non nulli *multam pecuniariam, pœnam carceris, verberum, et relegationis.* Sed

enim

enim cum jus eas infligendi ex natura spiritualis imperii ecclesiastici solide deduci vix possit; passimque ab Episcopis sola Principum indulgentia exercitum sit, sufficit notasse: eas ubi adhuc obtinent, minus ex sacris canonibus, quam ex civilibus legibus determinari debere.

### §. III.

#### DELICTA ECCLESIASTICA. u)

I. Inter delicta ecclesiastica hæc primo loco recensenda veniunt, quæ fidei repugnant. Quo pertinet

##### 1) Apostasia a fide: v)

- a) est vero hæc transitus ad religionem a christiana alienam, aut aliam falsam;
- b) grande delictum, iisdemque, quibus hæresis, pænis subijciendum. x)

u) *Delictum seu crimen ecclesiasticum* est actio hominis christiani libera externa legibus ecclesiasticis contraria, atque hoc ipso salutem Ecclesiæ violans. Arcior igitur est *delicti*, quam *peccati* notio. Delicta non uno eodemque modo distribuunt. Vid. Riegger P. IV. § 281. Nos de ecclesiasticis solummodo acturi exponemus 1) ea, quæ fidei repugnant: 2) quæ cultui divino adversantur. 3) quibus proximus leditur: 4) crimina carnis: 5) delicta Clericorum propria; indicaturi quoque pænas iis statutas, et quidem potissimum eas, quæ ex propria Ecclesiæ potestate fluunt, viresque suas etiamnum exserunt, non adeo facile mutationibus obnoxia, quas ad hunc usque diem patiuntur pænz tempo.



*temporales (præced. §. II. n. I. lit. a. not. k) item n. VII. not. i. ad fin.) aut ob arctissimam religionis cum salute civitatis nexum a Principibus ipsis vi juris advocatiæ (P. I. cap. II. §. I. n. VI. 2. lit. b. c. not. o) in subsidium disciplinæ ecclesiasticæ olim latæ; aut eorum indulgentiæ a Superioribus quidem ecclesiasticis, at non nisi jure accidentali dictatæ.*

v) *Alias apostasiæ species jus canonicum addidit, scilicet: apostasiam obedientiæ, et irregularitatis seu a statu clericali, de quibus infra, ubi de delictis Clericorum propriis agetur, sermo recurret.*

x) *Cap. 13. de hæret. in 6. Conf. L. 4. Cod. de apostat.*

## 2) Hæresis: y)

a) *dividitur in internam et externam; formalem et materiale. z)*

b) *Contra formalem externam gravissimæ olim utroque jure statutæ erant pænæ; a)*

c) *recentiore ætate pleræque civiles abrogatæ sunt, præprimis in Germania; b)*

d) *quod tamen de pœnis ex jure canonico dicendum non est. c)*

y) *Quæ in sensu theologico est pertinax defensio dogmatis Ecclesiæ universalis judicio condemnati-symbolique fidei catholicæ contrarii Can. 26. 27. Caus. XXIV. quæst. III. Ex hac definitione deducunt 1) hæreticos dici non posse infideles, sed eos tantum, qui baptizati sunt: cap. 13. de hæret. in 6. nec 2) illos, qui in adiaphoris, et disciplinaribus aliter quam bene multi Theologi et Canonistæ sentiunt; sed qui a catholica religionis dogmate deviare contendunt: L. 13. cod. de pagan. L. 2. §. 1. cod. de hæret. 3) imo nec dissidentes circa dogmaticam quæstionem, nisi*

us *dogmatica* ab Ecclesia ad credendum fuerit proposita: 4) nec eos denique, qui *sententiam suam, quamvis falsam et perversam nulla pertinaci animositate defendunt* (Can. 29. *Caus. XXIV. quest. III*) sed qui *corrupti resistent contumaciter, suaeque pestifera, et mortifera dogmata emendare nolunt.* Can. 31. *ibid.*

2) *Interna* est, quæ mente retinetur; *externa*, quæ iudiciis externis manifestatur; *formalis*, si error est voluntarius et pertinax; *materialis*, si nec voluntarius nec pertinax. *Interna* peccati quidem, at non delicti: *materialis* neutrius notionem involvit. vid. *præced. not. u*).

a) P. I. cap. II. §. II. *not. y*). At cur utroque? Quod nimirum utriusque societatis salutem hæresis violet. Conf. *not. u*) *ibid.*

b) Vi Pacis *Westphal. art. V. §. 1. 34. 35. § 9*; integris tamen manentibus non nullis saltem quoad eos, qui, cum sunt christiani, dissentiant tamen a fidei formula publicè in Germania approbata vel tolerata, idque mente constantissima, *haeretici propterea in sensu civili dicti.* Conf. *Recess. Imp. Spirens. de an. 1529. §. 6. Wormat. de an. 1535. §. 13. Augustan. de an. 1551. §. 87.*

c) Quæ sunt sequentes: 1) *excommunicatio* major ipso jure lata, cap. 7. 8. 9. 13. *prin. 15. de hæret. cap. 49. de sent. excomm.*; et Papæ reservata. Gregorius XIII. *Constit. Officii nostri de an. 1576*: qua etiam eorum *receptatores, fautores, defensores*, cap. 13. §. 5. *de hæret.*; horumque omnium corpora sepelientes afficiuntur, cap. 2. *prin. de hæret. in 6*: 2) *irregularitas* ad ordines suscipiendos, vel in susceptis sine dispensatione ministrandum, etsi ab hæresi sint absoluti, cap. 2. §. 2. *ibid.*: 3) *incapacitas* ad dignitates, beneficia, et officia ecclesiastica, cap. 2. 15. *ibid.*: 4) *privatio beneficiorum*, et officio-

rum



rum ante lapsum in hæresim legitime obtento-  
rum, cap. 9. de hæret. cap. 12. ibid. in 6. Conf.  
Reservatum ecclesiasticum proleg. cap. 2. §. III. n.  
II. 1. lit. f. 5) sepultura ecclesiastica. Cap. 2.  
de hæret. in 6.

### 3) Schisma: d)

a) quod est vel *particulare*, vel *universale*; vel  
*purum*, vel cum hæresi *mixtum*. e)

b) *Mixtum* pœnis hæreseos castigatur. f)

c) si vero *purum* sit, excommunicatione majore  
Papæ reservata, et privatione beneficii ac  
sacrae jurisdictionis perstringitur; g)

d) a *schismatico* ordinati ab ordinum exercitio  
perpetuo suspenduntur. h)

d) Græcum nomen est, et generatim *scissuram* so-  
nat, can. 34. Caus. XXIV. quæst. I; definitur  
vero: *dissolutio unitatis Ecclesiæ*. Eo gravius  
crimen existimandum est, quo sanctior christia-  
nis omnibus esse debet unitatis regula, quam  
qui violant *Corpus Christi Dei nostri*, hoc est,  
*sanctam Ecclesiam lacerare*, can. 43. Caus. XXIII.  
quæst. V. *dilaniare*, can. 29. ibid. *magnum et*  
*gloriosum Corpus Christi conscindere, et dividere*  
*et quantum in ipsis est, interficere dicuntur*. S.  
Irenæus lib. IV. advers. hæres. cap. 62.

e) *Particulare* est, quod per solutionem unionis in  
ecclesia *particulari* contingit. I. Cor. I. 10. seq.  
*Universale* (de quo hic præcipue agitur) cujus  
rei existunt illi, qui ab unitate Ecclesiæ catholi-  
cæ recedentes totale discidium faciunt. *Purum*,  
si servata fide per spiritum contumaciæ et re-  
bellionis negando debitam ecclesiasticæ auctori-  
tati obedientiam unitas scinditur. *Mixtum*, si  
hæresis aut antecedit, aut sequatur. Inde ad-

parcet



paret I. schismatis *particularis*, reos esse 1) qui religiosos conventus ad cultum Dei publicum penitus negligunt. Concil. *Sardicens. can. 11. Trullan. can. 86.* aut oppositas congregationes instruunt. Concil. *Gangrens. can. 4. 18.* 2) qui sprete auctoritate Episcopi vel Antiepiscope contra eum constituunt; vel communioni ejus et gubernationi se se subtrahunt, vel etiam publica ipsius ecclesie decreta despiciunt. S. *Cyprian. epist. 44. 55. 69.* 3) qui *justas* ecclesie sue censuras contemnunt, aut restitutionem sui in quacunque alia ecclesia moluntur, quive eam concedunt, priusquam ecclesie sue fecerint satis. *Can. Apost. 12. 31. S. Epiphanius heres. 42. II. Universale* schisma illos facere, qui 1) universales Ecclesie consuetudines, ad unitatis conservationem pertinentes non recipiunt, aut generalium Conciliorum decretis se subijcere nolunt. S. *Augustin. epist. 118. ad Jan. epist. 86. ad Casulan. Can. Apost. 65.* 2) qui communioni plurimarum aut fere omnium ecclesiarum renuntiant, quod Optatus Milevitan. *lib. II. contr. Parmen.* Donatistis objicit: 3) qui Romani Pontificis Primatum, et annexam cum eo ex Christi *institutione* potestatem contemnunt. III. Schisma posse quidem esse si ne hæresi, quod schismaticos non fides diversa faciat, sed communionis disrupta societas. S. *Augustin. lib. un. quæst. XVII. in Math. quæst. XI. §. 2.* ordinarie tamen hæresim conjunctam habere; aut in eam degenerare; nullum enim schisma non aliquam sibi *constringit hæresim*, ut recte ab Ecclesia recessisse videatur. S. Hieron. apud Gratian. *can. 26. Caus. XXIV. quæst. III.* Alia corollaria vid. apud Rigger *cit. loc. §. 336. seq.*

f) Harum aliquas *praced. n. 2. lit. b. c.* indicavimus,

g) Conf. Riegger §. 339.

h) Hoc



h) Hoc sensu intelligenda sunt *cap. 1. et 2. de Schismat.* ubi ordinationes schismaticorum *nulla et irrita* esse dicuntur.

4) Fidelium cum infidelibus communio: i)

a) Hujus delicti reos se faciunt, qui *periculosa*, et religioni christianæ *noxia fœdera* cum infidelibus pangunt; k)

b) eos utpote christiani nominis hostes armis aut mercibus juvant; l)

c) aut in præjudicium Christianorum *justo liberalius* tolerant. m)

i) *Infideles* dicuntur, qui alienam plane a religione christiana fidem profitentur. Tria sunt eorum genera: *Ethnici, Saraceni, Judei*; qui omnes per baptismum Ecclesiam christianam non ingressi nec legibus ecclesiasticis humanis subjiuntur; inde peccare quidem possunt: at infidelitate sua delictum ecclesiasticum committere nequeunt. Quare ipsa potius *periculosa, et religioni christianæ noxia fidelium cum infidelibus communio* delictis ecclesiasticis adnumeranda est. *Can. 12. 13. 14. Causs. XXVIII. quæst. I. cap. 5. 8. de judæ.*

k) Cont. Grotius *de Jur. B. et P. lib. II. cap. 15. §. 8. seqq.*

l) *Cap. 6. u. 17. de judæ. cap. 1. ibid. Extravag. comm.*

m) Ad quid igitur obligatum censes Principem, qui *infideles* nactus est subditos? Num ut, quos tolerare non debet, ex terris suis migrare in alienas jubeat? aut vi ad amplectenda christiana sacra cogat? aut demum liberos eorum per baptismum in Ecclesiam invitis parentibus introducat? Quod ad postremum: liberi infidelium

rationis expertes parentibus utrisque insciis vel invitis per baptismum in Ecclesiam introducendi non sunt, quia nec sine injuria a parentibus abstrahuntur, nec sine evidenti perversionis periculo iis relinquuntur. Conf. *Can. 3. Dist. XLV. cap. 3. de baptis.* Quod ad alterum: omnium minime id ratio, scriptura, aut Ecclesiæ leges exigunt. Assensus intellectus, ait ratio, non vi extorquetur, sed argumentis et veritate obtinetur: vis hypocrisis, non religionem generat. Fides, addit sacra scriptura, donum Dei est; *cujus enim vult Deus, miseretur, et quem vult, induravit.* Rom. IX. 18. Ergo non vi, concludunt canones, sed liberi arbitrii facultate, ut convertantur, suadendi sunt, non potius impellendi. *Can. 5. Dist. XLV.* Quippe Christi fidem habere non creditur, qui ad christianum baptismum non spontaneus, sed invitatus cogitur pervenire, *Cap. 9. de judæ.* Vid. P. I. cap. II. §. II. n. I. lit. f) not. y). Superest igitur primum: scilicet, ut, si salva religione vera possit, justos præscribendo limites, de quibus *ibid. n. II.* actum, toleret; si non possit, transplanter. *ibid. n. I. lit. f. not. y)* Tolerantia, præsertim judæorum, graves satis patrocinantur rationes. Vid. Riegger *cit. loc. §. 285.*

II. Ad alteram classem delictorum, quæ cultui divino adversantur, pertinet

1) Blasphemia:

- a) quæ est dictum vel factum in contemptum Dei seu immediate, seu mediate n) admissum; o)
- b) alia verbalis, realis alia; dein simplex et hæretica; atrox, non atrox. p)
- c) Hæ-



- c) *Hæretica* ad crimen hæreseos referenda est;  
 q) reliquarum pœna canonica antiqua in laicis est excommunicatio, in Clericis depositio;  
 r) nova vero, pœnitentia publica et sollemnis per septem dies dominicos peragenda. s)
- d) His pœnæ quoque temporales Principum legibus additæ sunt. t)
- n) Ducto scilicet argumento, aut per interpositam personam: veluti Virginem Deiparam, aut alios Sanctos. Sicut enim Deus in Sanctis suis laudatur, in quantum laudentur opera, quæ in Sanctis suis efficit, ita et blasphemia quæ fit in Sanctos, ex consequenti in Deum redundat. S. Thomas 2. 2. q. 13. Art. 1.
- o) *Speciales*, quibus blasphemia committitur, modos indicat Rigger cit. loc. §. 384.
- p) *Verbalis*, quæ verbis; *realis*, quæ factis admittitur. Exempla vid. apud Zech de iud. eccl. Sect. II. tit. XX. §. 240. *Hæreticæ* blasphemix rei sunt, qui dogmata defendunt ad detrahendum de excellentiis, proprietatibus, et actionibus divinæ naturæ comparata. Ita Arianis et Nestorianis blasphemia imputatur, eo quod Divinitatem Servatoris nostri, et incarnationem divinæ naturæ negaverint. L. 6. 8. cod. Teodos. de hæret. Non atrox quædam blasphemia dicitur; non ideo, quod non omnis blasphemia delictum atrox sit, sed quia gradus atrocitatis dantur.
- q) De qua vid. præced. n. I. 2.
- r) Can. 10. Caus. XXII. quest. I.
- s) Cap. 2. de maled.
- t) Si enim contra homines factæ blasphemix impunitæ non relinquuntur, multo magis, qui ipsum Deum blasphemant, digni sunt supplicia sustinere. Novell.

*vell. 77. cap. I. Conf. Cod. Pruss. P. II. tit. XX.  
Sect. 6. Cetera de crimine blasphemiae videantur  
apud Doctores juris criminalis.*

## 2) Perjurium et Pejeratio: u)

a) Qui gravissimo hoc crimine se maculant, hos *Jus canonicum* in foro *pœnitentia*li quadraginta dierum jejunio in pane et aqua puniendos esse statuit; v)

b) in foro *externo eodem jure Clericus* deponendus est ab ordine et beneficio; x) *Episcopus* vero gravius, quam alii puniendus; y)

c) omnis perjurus infamia notatur, z) et a testimonio dicendo penitus repellitur; a)

d) qui alios ad perjuriam sollicitavit, aut permovit, usque ad exitum vitae communione privatur; b)

e) quodsi autem *occultum* sit *perjurium*, peracta pœnitentia, in jam susceptis vel suscipiendis ordinibus nemo impeditur. c)

u) *Perjurium* est violatio juramenti præstiti: *Pejeratio*, quando quis verum se dicere jurat, dum sciens falsum dicit. Utrūque crimen *species blasphemiae* est, nec Civitati minus, quam Ecclesiae perniciosum. Unde vero mortalium ad illud; tanta audacia? Judice S. Augustino: ex nimia juramentorum frequentia. Ita enim ille *epist. 157.* scribit: *Jurationem cave, quantum potes; melius quippe nec verum juratur, quia jurandi consuetudine in perjurium saepe caditur, et semper perjurio propinquatur.*

v) *Can. 18. Caus. VI. quest. I.*

x) *Can. 12. Dist. LXXXI.*

y) *Cap.*



y) *Cap. 12. de jur. civ.*

z) *Cap. 9. Caus. III. quæst. V. Can. 17. Caus. VI. quæst. I.*

a) *Cap. 54 de Test.*

b) *Can. 7. Caus. XXII. quæst. IV.*

c) *Cap. ult. de temp. ord. Pœnæ ex jure civili nostro in perjuros statutz vid. cit. Cod. P. II. tit. XX. Sect. 15. rubr. C. 1.)* Meineid und Lügen vor Gericht.

g) *Magia; d) cujus præcipua genera sunt*

a) *Divinatio seu Mantia*, qua denotantur omnes operationes ac viæ *revelandi secreta*, et prænuntiandi futura, quæ ex nullis naturæ legibus sciri possunt; e)

b) *Magia stricte sic dicta*, quæ significabat *artem* noxiarum operationum, et *mala* quæcunque *inferendi* deorum inferorum auxilio; f)

c) *Incantatio*, quæ in *peritia* et potestate per certa verba, signa, aliave *faciendi* aliquid *boni* ponebatur; g)

d) *Præstigium*, quo *vim* potestatemque *miracula efficiendi* contineri existimarunt; h)

e) *Vana et superstitiosa observatio dierum et casuum fortuitorum*, et *fausta* inde vel *infausta* præagiendi, ac ominandi consuetudo. i)

d) *Magia ex ethnica theologiæ principiis primum constata* (Riegger cit. loc. §. 588. seqq.), ac inter christianos etiam, deceptorum studiis, quibus nulla ætas caruit (Idem §. 395. Schol.),  
cultu

culta denotabat ad seculum usque XIII artem et scientiam *dæmones colendi, evocandi, et ad quacunque flectendi*. Idem § 390. Posteris aliam magiæ formam dare, eamque ex aliis longe principiis explicare placuit. Nempe gentiles illi sub nomine *dæmonis*, cuius ope uterentur, modo ipsum *Deum summum*, modo Deos *intermedios*, modo *animas defunctorum* intelligebant. Christiani recentiores *angelum* illum ab initio bonum, beatumque, deinde ob superbiæ peccatum ad æterna supplicia condemnatum Math. XXV. 41. II Petr. II. 4. substituerunt, firmiter persuasi, 1) miserrimam hanc creaturam prorsus insigni rerum omnium scientia et potestate præditam esse; 2) posse eam ab hominibus evocari; dein 3) pactum vel *expressum* vel *tacitum*, et familiare commercium cum ea celebrari; tum demum 4) hominem paciscentem *magum sagamve* constitui, diabolumque obligari, ut ad nutum hominis non modo in corporali specie vel bestię, vel hominis, vel monstri compareat, sed etiam solo vocis imperio nescio quæ exequatur. Riegger cit. loc. §. 391. 41. Inde vero nova magiæ definitio originem traxit, quod sit *crimen*, quo quis pacto *expresso*, vel *tacito cum diabolo interveniente ejus auxilium et commercium sibi stipulatur*, adeo infallibili cum effectu, ut quidquid a dæmonibus sibi ex pacto implicito vel explicito concurrentibus expostulaverit, accipiat, nisi quoties ordinatione divina prohibiti præstare nequeant, quod petitur. Novissimum istud magiæ systema quantos progressus fecerit, scripta Doctorum, quales ævum illud tulerat, rerum judicatarum documenta, rogiusque usque ad seculum XVI. accensi abunde testantur. Sed enim sunt ætate nostra non pauci, qui, ut ipsi ajunt, expensis accuratius sapientiorum inter ethnicos, dein SS. etiam Patrum, Conciliorum, ac Legislatorum

que.



quoque civilium de magia antiquiore iudiciis: examinati tandem diligentius recentioris magiæ principis, non solum de ejus *existentia* dubitant, æd et ipsius *possibilitatem* ita inficiantur, ut eam *frequenter saltem* a Deo permitti haud posse tum ex ipso divinæ *benevolentia* conceptu, tum ex aliis rationibus gravissimis probent. Hos inter palmam ceteris præpuerunt Franc. Constantin. a Cauz in opere: *De cultibus magicis, eorumque perpetuo ad Ecclesiam, et Rempublicam habitu.* Viennæ 1768 prima vice edito, denuoque auctius et emendatius an. 1771. in 4. recuso: larvatus Ardoino Ubidente Dell' Osa in suo *Welßbetrügenden Nichts.* P. Fridericus Spee Soc. Jesu in libello: *Theologi Romani cautio criminalis de processibus contra sagas.* De Riegger P. IV. § 388. — 436. Istorum opinione vix ulla datur *magia*, ut ajunt, *effectrix*: bene vero dantur homines, qui eam dari credunt, quique, eum per Dei providentiam propositum suum inclarescendi, ditescendi, libidinem explendi, et vindictam privatam exercendi se obtinere non posse videant; aut pessimis impostoribus, qui magicas artes se noscere jactant, fidem tribuunt, aut ipsi diaboli vires et auxilium implorant, et conatu serio quidem, attamen *irrito* commercia et pacta cum eo inire adstant. Hoc sensu existere *magiam*, eamque *accessum mentis ad Satanam cum conatu, et fiducia aliquid ab eo obtinendi* definiri posse, ultro concedunt. Nec, si recte video, hac definiendi ratione *gravitati* criminis magiæ quidquam detrahitur. Manet imo, hoc licet sensu sumta, turpissimorum scelerum aut mater aut filia, apertæ blasphemiae socia, dignaque profecto, quæ severis pœnis plectatur. Ast non diffiteor dari Viros alios et eruditione sacra et pietate celendos, quibus doctrina hæc recentiorum

non



non omni ex parte probatur; quique aut suam sententiam modeste suspendunt, ut *Zechius cit. loc. §. 249.* aut neutri systemati penitus adhærendum, imo id provide vitandum esse suadent, scilicet: ne vel nimis virtuti diaboli et arti magica tribuatur, vel ne quicunque effectus naturæ leges excedentes illusioni et imaginationi adscribantur. Horum argumenta proponemus in prælectionibus. *Conf. Riegger §. 622.*

e) *Can. 1. 14. Caus. XXVI. quæst. III.* Species ejus sunt 1) *Astrologia judiciaria* seu *ars apotelesmatica*, quam qui professi sunt, communiter *mathematici*, nonnunquam *genethliaci* vocabantur. *Can. 6. §. 3. Caus. XXVI. quæst. II. Can. 1. ibid. quæst. III.* Ecclesia rem istam, tanquam *idololatriam*, et *blasphemiam* damnavit. *Concil. Toletan. I. reg. fid. contra Priscill: S. Leo. epist. 91. cap. 11. ad Turib* 2) *Augurium*, quo *haruspicium*, *aruspicium*, *chiromantia*, *physiognomia*, *noiomantia* (*Can. 8. Caus. XXVI. quæst. II et necromantia* pertinet. Posteriores dicunt esse artem evocandi vel resuscitandi Deos manes, qui ad interrogata respondeant, aut in umbris et imaginibus occulta revelent. *Cap. 2. de sortileg.* Has superstitiones Ecclesia exclusionem a communione plectendas censuit; *Can. 9. Caus. XXVI. quæst. V. cum certum sit ex idololatria hujusmodi oppropria pullulare. Can. 9 §. 1. Caus. XXVI. quæst. II. 3) Divinatio per sortes* seu *sortilegium*, cum actus quidam ponitur, ut ex eventu illius fortuito et casuali futura cognoscantur; *Can. 1 Caus. XXVI. quæst. III. et IV. ex antiqui (Jud. VII. 18. I. Reg. XIV. 38. seq.) et novi fæderis (Act. Apost. I. 26) sortibus*, aut ex speciali lege, vel Dei inspiratione adhibitis prognatum, ast superstitionose deinceps ad quoscunque futuros eventus prænoscentos adplicatum, quos ausus



ausus SS Patres *nil aliud, quam divinationes et maleficia esse decreverunt.* *Can. 7. Caus. XXVI. quest. V. cap. 1. de sortileg.* Huc spectant *sortes Sanctorum* seu *sacræ* in eo repositæ, ut ex arrepto sacrorum bibliorum loco, qui primus oculis subicitur, futura divinentur, quibus insignem diu religionem Semichristiani adhibuerunt, excommunicationis licet pœna ab hoc ethnica superstitionis exemplo prohibiti. *Can. un. Caus. XXVI. quest. I. can. 6. ibid. quest. V.*

f) *Can. 14. §. 1. Caus. XXVII. quest. III.* Qui se ei dederant *venefici*, et *malefici* vocabantur. *Novell. CXV. cap. 3. §. 4. cap. 4 §. 2.* Huc præter alia ægri animi phantasmata referuntur 1) *Philtra*, et *pharmaca* *L. 4 de malef.* 2) falsitates *tempestariorum* *Can. 16. Caus. XXVI. quest. VII.* 3) *Maleficia*, quæ conjuges in usu matrimonii impediuntur, et impotentia afficiuntur. *Can. 4. Caus. XXXIII. quest. I.* His inest crimen idololatriæ, homicidii, et falsi Ecclesia objecit. *Concil. Laudun. can. 6 Trullan. can. 61. Can. 16. Caus. XXVI. quest. VII. Can. 5. ibid. quest. V.*

g) Cujus classis sunt 1) stultæ artes *thesauros effodiendi*, et *investigandi* *L. un. cod. de thesaur.* 2) *Carmina* et *characteres magici*, atque *exorcismi*: 3) *Phylacteria* seu *servatoria*; 4) *ligaturæ*, et *amuleta*. *Can. 6. §. 1. can. 7. Caus. XXVI. quest. II.* His ludibriis, ut speciem haberent pietatis, nomina Christi, Angelorum, verba sacræ scripturæ addere solebant. S. Augustin. *tract. VII in Joan.* Ecclesia in eos, qui incantatores observaverint, aut phylacteriis usi fuerint, anathema pronuntiavit. *Can. 15 ibid. quest. VII. can. 4. ibid. quest. V. can. 1. ibid.*

Sed ais: ipsam Ecclesiam exorcismis, amuletis, reliquiis, signis, et imaginibus non cære, quibus ad sanationem tam hominum-

quam jumentorum, aut frugum conservatio-  
nem uti videatur. Habet utique, sed non invo-  
cationibus angelicis facit aliquid, nec incantatio-  
nibus, nec reliqua prava curiositate, sed munde,  
et pure, et manifeste orationes dirigens ad Domi-  
num, qui omnia facit, et nomen Domini nostri  
Jesu Christi invocans, virtutes secundum utilita-  
tem hominum, sed non ad seductionem perficit S.  
Irenæus lib. II. cap. 57. Eos, qui aliter utun-  
tur sacris remediis, a mente Ecclesiæ alienos es-  
se constat. Vid. S. Chrysostom. *serm.*  
*XLIII in Math.*

b) Sceleris hujus ut plurimum rei erant hæresiarchæ, ut novis opinionibus suis fidem conciliarent, magi quoque omnes gentilium, ut sensuum ludificatione homines deciperent. II. Tim. III. & Exod. VII. 11. His adtentatis lex ecclesiastica excommunicationis censuram irrogavit. *Caus. XXVI. quæst. V.* Non minori autem sacrilegio se polluant, qui hujusmodi impostoribus credunt, et ita divinæ Majestatis potentiam creaturis temerarie adtribuunt. *Can. 5. ibid.*

c) Cujus exempla quotidiana recensent S. Augustinus ap. Gratian. *can. 6. ibid. quæst. II. can. 17. ibid. quæst. VII.* et S. Chrysostomus *homil. XXI. ad popul. antiochen.* Sed omnis hæc observatio paganismi est. *Can. 13. Caus. XXVI. quæst. VII.* et qui talibus persuasionibus se dederunt, juxta effatum Apostoli *infirmi adhuc in fide sunt*, et vix ulla religione utuntur. *Galat. IV. add. Can. 14. 16. 17. Caus. et quæst. cit.*

Leges antiquas Germanorum contra hæc magia genera recensuit Riegger *cit. loc. §. 406.* Juris nostri Regii decreta legi possunt in *cit. Cod. Pruss. P. II tit. XX. Sect. VI. rubr. Mißbrauch der Religion zu Gaukeleyen, ibid. sect.*



secs. XV. rubr. II. B. 3 Goldmacher, und Wahrsager.

4) Sacrilegium: k)

a) sumtum in sensu *stricto* denotat *furtum rei sacræ*; l)

b) in sensu *latiore*, *quancunque religionis et sacrorum violationem*; m)

c) in sensu *latissimo*, omnia illa *facta*, quibus *personæ, res, et loca consecratione vel benedictione adfecta*, et generatim *speciali sanctione* adversus injurias hominum munita violantur. n)

d) *Pæna sacrilegii pro modo admissi sceleris* multiplex et *varia* est. o)

k) Ab eo, qui *sacra legit*, seu aufert, et furatur sic dictum.

l) Ejusmodi scilicet rei, quæ *immediate* ad cultum Dei destinata est Conf. *præced. cap. II. §. I. not. e*). Ergo hoc crimen committitur, si aufertur res sacra ex loco, etiam *non sacro*, et multo magis ex loco *sacro*, eoque *publico*, vel *privato*. Can. Apost. 71 72. Can. 21. *Caus. XVII. quæst. IV.* Furti istius *impietas* in relatione ad cultum Dei externum, qui sine adparatu rerum plurium decenter peragi nequit, maxime conspicitur.

m) Ita acceptum *generis* rationem habet, et omnia adversus Deum crimina, præcipue vero 1) injurias Sacerdotibus in ecclesia rem divinam facientibus, vel ipsi cultui vel loco illatas, 2) Sacrorum turbationes, 3) Sacramentorum profanationes, 4) indiscretum sacræ potestatis con-

tentum, et abusum, aliaque tanquam species suas comprehendit. Vid. Riegger § 437.

n) Qui jam ex hoc capite *Sacrilegi* dicuntur: vid. apud Eundem §. 438. seq.

o) Vid. can. 21. 22. 24. 28. Caus. XVII. quest. IV. item cap. 2. de rapt. Conf. cit. Cod. Pruss; cit. loc. *Secr. VI. rubr. Störung des öffentlichen Gottesdienstes*; item *Secr. XIV rubr. I. Diebstahl mit erschwerenden Umständen.*

5) *Simonia: p)*

a) *dividitur in plures species. q)*

b) *requisita ad eam constituendam sunt res spiritualis vel ei adnexa: r) pretium seu munus:*

s) *pactum; t)*

c) *qualitas ejus gravis: u) pœnæ variae: v) in pluribus simoniæ casibus ipso facto, in aliis accedente judicis sententia incurrendæ; x)*

d) *dispensatio prioribus undecim seculis vix ulla, y) nunc circa simoniam juris humani, et utriusque ejusdem juris pœnas non nisi ex gravissimis causis concedenda. z)*

p) Vitium heul frequentissimum, a Simone Maggo ita dictum, qui potestatem dona Spiritus S. conferendi ab Apostolis emere volebat (Act. apost. VIII. 14. seqq.) ut ex venditione signorum, quæ per eundem fierent, multiplicatam pecuniam lucraretur. *Can. & Caus. I. quest. III.* Denotat ergo omnem actum, quo quis sibi spiritualitate pro temporali, aut inversim comparare nititur: vel etiam: quo spiritualia pro spiritualibus contra grave Ecclesiæ præceptum dantur, aut accipiuntur.

q) Ac



1) Ac quidem 1) in simoniam *juris divini*, et *humani*; illa priore definitionis (*præced. not. p*) membro: hæc vero altero describi solet. Istius exempla vid. apud Riegger § 366. et in Concilii *Trident. Sess. V. cap. 1. XXIII. cap. 18. XXV. cap. 7. de reform. illius* vero occurrent infra. 2) Prior distribuitur iterum in *mentalem* seu *inchoatam*; cum datur vel accipitur aliquod temporale, intentione efficaci animo retenta, recipiendi, vel reddendi spirituale; et *externam* seu *completam*, quæ scilicet in pactum transiit. 3) Hujus demum tres species faciunt, *conventionalem*, si traditio ex *neutra* adhuc parte secuta est; *realem*, ubi traditio *utrinque* facta; *mixtam*, si ex *una* tantum parte traditio accessit. Præter has species datur adhuc 4) alia, quam *confidentialem* vocant, et quæ committitur, dum quis alteri procurat beneficium eo pacto expresso vel tacito, ut idem vel aliud beneficium procuranti vel tertio resignetur, aut pensio solvatur. Riegger § 357.

2) Vid. *def. præced. not. p.*) Sed operæ pretium est, singula pluribus verbis proponere. Requiritur 1) *res spiritualis*, quo generatim ea pertinent, quæ aliquo modo sunt *supernaturalia* vel ad Dei cultum, et animarum salutem *immediate* ordinata e. g. *Sacramenta jurisdictio sacra, verbi divini prædicatio, professio religiosa* etc. vel 2) *spirituali adnexa*, quo *beneficia ecclesiastica* res quæcunque *consecratione* vel *benedictione adfectæ*, officia ad rerum ecclesiæ temporalium *administrationem, defensionem, vel custodiam* instituta, et plura alia referuntur. Quare *ratione spiritualium rerum* simoniacæ pravitatis rei sunt 1) qui Sacramentorum administrationem emunt, vendunt. *Cap. 15. Caus. I. quæst. III. can. 99. seq. Caus. I. quæst. I. cap. 9. 14. de simon.* 2) qui sacros ordines pro pecuniis dant et accipiunt. *Can.*

apost. 28. Concil Trident. Sess. XXI. cap. 1. de reform. 3) qui *prædicatione verbi divini* lucrum quarunt Math. X. 8. I. Petr. V. 2. 4) qui pro *benedictione* quacunq̃ue, (cap. 9. 29. 43. de *simon.*) pro consecratione ecclesiarum et altarium, (Can. 106. Causs. I. quæst. I. can. 15. Causs. I. quæst. III. cap. 19. de *præscript.*) pro sepultura ecclesiastica (cap. 41. de *simon.*) turpem mercedem requirunt. 5) qui quoscunque actus ordinis (cap. 9. 21. *ibid.*) et jurisdictionis spiritualis (Can. 124. Causs. I. quæst. I. cap. 21. de *simon.* Trident. Sess. XXIV. cap. 5. de *reform. matrim.* Sess. XXV. cap. 18. de *reform.*) venales exponunt: 6) non solum, qui ista pro pretio administrant, sed et, qui licentiam dispensandi et administrandi nummis sibi comparant, vel aliis concedunt. Can. 105. Causs. I. quæst. I. Trident. Sess. V. cap. 2. de *reform.* 7) qui potestate ecclesiastica præditi ejus exercitium vicariis pro certa mercede elocant, vel censum annuum pro concessione illius sibi reservant Cap. 12. *ne prælat. vices suas sub ann. cens. conced.* 8) qui pro ingressu religionis sive ad *novitiatum* sive ad *professionem* aliquid dant, aut accipiunt, (Can. 3. Causs. I. quæst. II. cap. 8. 19. 25. de *simon.*) aut sub quocunque demum, etiam *paupertatis*, titulo a Candidatis exigunt et sibi stipulantur. Cap. 40. de *Simon.* Cap. 1. de *instit.* cap. un. §. 4. de *stat. regular.* in 6. Concil. Trident. Sess. XXV. cap. 3. de *Regular.* Argumenta contraria, quibus has simoniæ species excusare volunt, vid. apud Riegger §. 347. seq. item §. 364. Schol. Porro ratione rerum spiritualibus *adnexarum* simoniæ rei fiunt 1) qui parochiarum et ecclesiarum regimen majorem censum annuum licitantibus offerunt: cap. 3. *ne prælat. vic. suas sub ann. cens.* 2) Episcopi, qui monasteriis olim possessionem ecclesiarum et reddituum beneficalium, a laicis oblatam, ea lege concesserunt, ut vicario deinceps quocunque mortuo



mortuo certa pecuniæ quantitas ipsis persolvatur, cap. 41. de simon. qui abusus *Redemptio altarium* olim dicebatur, et in can. 4. *Caus. I. quæst. III.* proscriptus est; add. cap. 1. de usur. 3) qui pretium rerum consecratione vel benedictione adfectarum (ipsas enim quoad materiam emi vendique posse, dubio caret. L. 21. eod. de sacros. *Eccles. Authent. Præterea ibid*) intuitu consecrationis aut benedictionis augent 4) qui promittunt, aut dant pecuniam electoribus, ut hunc vel illum eligant. cap. 27. de simon. 5) qui ut eligeretur, cum electoribus collocutus, eosque deprecatus cum illis jurans pactus est. cap. 26. de elect. 6) qui confirmationem electionis ad removendum injustum licet obicem pretio adquirunt: cap. 33. de simon. 7) qui ad beneficium obtinendum promittunt se beneficii jura remisuros iis, quorum ope egent, ut illud obtineant. cap. 31. de præscript. 8) qui per munera amicitiam et favorem aut ipsius Patroni, vel Collatoris, aut ejus, qui aptid alterutrum multum pollet, aucupantur, ut inde beneficium reportent. Can. 3. *Caus. I. quæst. V.* 9) qui præbendæ suæ cedunt, et juri renuntiant, ut ex hoc certam pecuniæ summam consequantur. cap. 5. de ver. permutat. 10) Patroni, qui a præsentatis novos vel majores census stipulantur, vel patronis offerunt. cap. 15. de cens. cap. 6. de pact. Multique alii: vid. Riegger §. 353. seqq. Ajunt quidem beneficiorum nundinatores, se non ministerium ecclesiasticum, sed jus percipiendi proventus temporales pretio æstimare; nec se rem temporalem tanquam pretium, sed duntaxat per modum motivi, ut sibi conferatur beneficium, dare. Verum hi attendant ad illud Paschalis Papæ: *Quisquis horum alterum vendit, sine quo nec alterum provenit, neutrum invenditum derelinquit.* Can. 7. *Caus. I. quæst. III.* Et quid interest, num per modum pretii aut motivi aliquid

quid detur, si utroque modo non *merito* sed *pretio* beneficium conceditur? Conf. proposit. ab Innocentio XI. damnat. *Thes. XIV. XLVI.*

s) Quod non in sola pecunia, sed in re qualibet pretio haberi solita consistit, et antiquissima divisione jam a S. Hieronymo *Can. 6. Caus. VIII. quest. I.* et distincte magis ab Urbano II. *Can. 2. Caus. I. quest. III. in munus a manu*, ab obsequio, et a lingua distribuitur. *Munus a manu* est pecunia in sensu *juridico* accepta *can. 6. ibid.* Nec quantitas ejus modica crimen simoniæ extinguit, *cap. 20. de sim.* nisi personæ dantis et accipientis qualitas et donationis tempus mitiorem interpretationem suggerant *Cap. 13. eod.* *Munus ab obsequio* est servitus indebite impensa. Hinc simoniam committit, qui obsequium quodcunque gratis exhibet collatori vel patrono, ea conditione vel expressa vel tacita, ut sibi data occasione de beneficio provideat. *Munus a lingua* est favor, qui succedit in locum pretii. Quæ de causa simoniaci dicuntur, qui ad preces, laudes alterius eo animo beneficia conferunt, sive ut ejus gratiam seu favorem ad propriam utilitatem obtineant, sive ne recusantes illius gratiam perdant. Conf. Riegger § 369. seqq.

2) Seu quævis *conventio*, cujuscunque nominis, utrinque obligationem inducens. Neque refert, sive conventio illa sit *expressa*, sive *tacita*; sive *vera*, sive *ficta*; (Vid. Riegger § 372. Schol.) et ficta enim eadem passim consecraria habet, quæ veram comitari videmus; hinc jure, ut ista, modo *dantem*, modo *accipientem* simoniacum facit. Idem §. 373.

n) Nam 1) *spiritualia* vix majore ignominia, quæ utique in illorum auctorem Deum redundat, obui possunt, quam si rebus profanis et pecunia parabilibus æquiparantur. *Can. 9. Caus. I. quest*



quæst. III. cap. 5. 6. §. 13. de maj. et obed. Quis  
denuo veneretur, quod venditur? aut quis non vi-  
le putet, quod emitur? S. Gregorius Lib. VII.  
epist. 114. 2) Voluit divina bonitas, ut æque  
inopi ac potenti in promptu essent remedia om-  
nia salutem suam operandi, et vel ideo Aposto-  
lis inculcavit: *gratis accepistis, gratis dabitur*  
Math. X §. Quanta ergo est illorum imma-  
nitas, qui religionem *quæstui habent*. I. ad Ti-  
moth VI §. et plus offerre tibus, indignis sæ-  
pius, divina mysteria dispensant, atque ita ali-  
unde miseris rerum divinarum usum pretiosum  
faciunt? *Can. 100. 101. Caus. I. quæst. I.* Hæc de  
simonia, quæ ratione rerum spiritualium com-  
mittitur, (vid præced. not. r.) imprimis valent.  
Quod si ad longe frequentiore simoniæ speci-  
em, quæ ratione rerum spiritualibus adnexarum,  
ac præcipue in beneficiorum collatione (ibidem)  
intervenire potest, respiciamus, quis non videt,  
quanta præterea inde malorum copia pullulet?  
Inde contingit 1) ut qui sacros ordines adpetunt,  
non vitam corrigere, non mores componere stude-  
ant, sed divitias, quibus honor sacer emitur, sa-  
tagant congregare. S. Gregorius Lib. VII. In-  
dict. II. epist. 115. 2) ut divitiarum congregan-  
darum studio toti quanti immersi clerici, nihil  
jam christianæ proles gratuitam instructionem,  
nihil pauperum miseras levandi media, nihil  
scientias sacratiores, nihil fidelium suorum in  
virtute christiana profectum: plurimum vero  
agrorum cultum, accidentia stolæ, potentiori-  
bus placendi artes, reddituum ecclesiasticorum  
augmentum curent. Hæc vero perversitas, ubi  
in Ecclesia invaluit, omnis prope ecclesiastica dis-  
ciplina collapsa est. Concil. Bituric. Tit. XLI.  
can. I. Quare nemo jam mirabitur, cur inter  
crimina graviora simonia reputetur. Cap. 16 §. 2.  
de purg. can., et pestis sui magnitudine alios mor-  
bos vincere cap. 6 de simon. imo cetera crimina ad

ejus comparationem quasi pro nihilo reputari, *Can. 27. Caus. I. quest. VII cap. 32. §. 1. de simon. dicantur: cur detestabile scelus simoniace pravitas tam divinarum legum, quam sacrorum canonum auctoritas abhorreat, atque damnet cap. 8. de simon. Extravag. comm: cur in ipso ortu suo zelo apostolicæ ultionis percussa et damnata est, Act. Apost. VIII 20. cur demum piaculare Can. 5. Caus. I. quest. I. execrabile flagitium can. 7. ibid. lepra spiritualis can. 14. ibid. capitale crimen. cap. 11. ibid. hæresis et thesaurus criminum can. 16. ibid. aliisque probrosis nominibus ad gravitatem delicti significandam passim compelletur.*

- \*) Nempe 1) qui *simoniace ordinatur*, tam ab ordinibus aliis suscipiendis, quam a susceptorum exercitio: *ordinans* autem a collatione ordinum quorumcunque, et omnium Pontificalium executione suspenditur. *Cap. 37 45. de simon. cap. 2. ibid. Extravag. comm.* 2) *Provisio ad beneficia ecclesiastica et dignitates, simoniace facta*, est ipso jure nulla, consequenter omnes fructus percepti, ante omnem judicis sententiam restituendi sunt. *Extravag. 2. cit.* porro inducit inhabilitatem ad idem beneficium de novo obtinendum. *cap. 12. 59. de elect. cap. 27 de simon.* Huc pertinet e cit. *Cod. Pruss P. II. tit. XI. sect. VI. lex: Wer rechtlich über führt wird, daß er sich durch Bestechungen, oder andre unerlaubte Wege, in ein geistliches Amt einzuschleichen gesucht habe, wird eines solchen Amtes auf immer unfähig.* 3) *Simoniace professus* in arctius monasterium detrudendus est: *cap. 19. 25. de Simon.* Prælati vero regularis de simonia condemnatus deponendus. *Cap. 30 ibid.* Hispænis omnis simonia completa seu externa (*præced. not. q.*) etiam mere conventionalis subicitur. *P. hem. §. 1296. Schol.* Mitius de simonia mentali statuendum est. *Idem §. 1287.*

\*) Pæ-



n) *Pœnæ circa ordines, beneficiorum collationes, et ingressum religionis a canonibus statuta, et ordinariæ incurruntur ipso facto: in reliquis simoniæ casibus sententiam iudicis accedere debere docent. Riegger §. 377.*

y) *Quod eo magis adhuc de simonia juris divini, (præced. not. g) in qua nemo hominum dispensare potest, dicendum est.*

z) *Nempe non nisi ex gravissima necessitate, vel utilitate Urbanus II. in Synod. Roman. de an. 1099. ap. Gratian. can. 1. Caus. I. quest. V. can. 2. 3. ibid. At a quo petenda est hæc dispensatio? responsio vid. apud Riegger §. 383. Schol. conf. vero Pehem §. 1297. Schol.*

### III. Delictorum, quibus proximus læditur, notatu digniores species sunt

1) Homicidium: a) ad hoc referuntur

a) *Parricidium, b) Infanticidium; c)*

b) *Procuratio abortus; d)*

c) *Expositio infantum; e)*

d) *Torneamenta f)*

e) *Duellum. g)*

a) *Seu factum legibus interdictum, quo homini vita adimitur. Aliud est dolosum, culposum aliud; vid. Riegger §. 442. seqq.. Quodcumque sit, nempe sive dolo sive culpa admissum, legibus naturalibus, quinto Decalogi præcepto, salutis Ecclesiæ, ac Civitatis repugnat. Rectissime ergo in illud non solum ecclesiasticis, sed etiam quam maxime civilibus pœnis animadvertitur. Ecclesiasticarum mentio facta est cap. præced. l. n. III. 5. Civiles vero ex jure nostro pro diversitate circumstantiarum decernendæ vid. in cit. Cod.*

Cod. P. II. tit. XX Sect. XI. rubr. Todsschlag  
Mord. et seqq.

b) *Species homicidii, quod in ascendentes vel descendentes committitur.* Ex jure canonico variis pœnitentiis mulatur *can. 19. Dist. de pœnit. can. 15. Caus. XXIII. quæst. II.* ex jure nostro civili latius patet, ac severioribus etiam pœnis plectitur. cit Cod. cit. loc. rubr. Verwandten- und Aelternmord.

c) *Seu cædes liberorum, etiam ex damnato coitu, recens natorum.* Jure canonico mater infanticida, omnibus modis inducenda, ut perpetuæ pœnitentiæ causa monasterium intret, absolute tamen cogenda non est. *Can. 1. 2. de his, qui fil. occid. Jus civile antiquum* pœnam parricidii infanticidio indixit. *L. 9. pr. de Leg. Pomp. Constantinus M. in Leg. un. de his, qui parent. vel liber. occider.* Quid vero recentius nostrum statuatur. vid. cit Cod. cit loc. rubr. Kinder-Mord. Parentibus, apud quos infantes adhuc tenelli in suo lecto collocati reperiuntur mortui, pœnitentiæ trium annorum imponenda est, quorum unum in pane et aqua peragant *Can. 2. Caus. II. quæst. V. cap. 3. de his, qui fil. occid. cap. 7. de pœnit.* Conf. cit. Cod. cit. loc. rubr. Vorbeugungsmittel. 9) Gegen Säuglinge.

d) Hæc, si fœtus animatus sit, irregularitate, inhabilitate ad officia et beneficia, ipsaque excommunicatione punitur; clericus vero dignitate exui, et seculari Judici tradi jubetur. Si vero fœtus sit, ut ajunt, *nondum formatus*, sola excommunicatio, eaque Pontifici reservata locum habet. *Sixtus V. Const. 87. Effrænata* Gregorius XIV. *Const. 8.* Sedes apostolica. Posterius valet quoque de procuratione *sterilitatis.* Conf. cit. Cod. cit. loc. rubr. Abtreibung der Leibesfrucht.

e) Aequi-



e) Aequiparatur homicidio, (*praced. not. a*) si cum vitæ infantis periculo conjungitur. *Tam enim nefarium est exponere, quam necare.* S. Lactantius *Lib. VI. inst. divin. CXX. n. 24* Conf. cit. Cod. cit. loc. rubr. Rindermord.

f) Concilia et Pontifices dementiam hanc sub pœna privationis sepulturæ ecclesiasticæ, cap. 12 de *Torneam.* prohibuerunt. Quod ipsum Pius V. ad *Taurorum agitationes, Dæmonum illa, et non hominum spectacula a pietate et charitate christiana aliena* extendit.

g) Duellum pugnam inter duos ex condicto et armis susceptam denotat. Erat olim aliud *judiciale*, quod auctoritate judicis actor alia probatione destitutus offerebat, et oblatum reus suscipere cogebatur. S. *praced. l. n. V. 3 not. d.*) Riegger § 454 Nunc solum *extrajudiciale* superest, quod jam in *publicum*, et *privatum* dividunt. Utrumque quam alienum sit ab omni jure et recta ratione, quam indignum hominibus non est cur nunc demonstretur. Vid. Ant. Michael. Zeplichal *Inst. Jur. nat. et gent. §. 227 seqq.* Pœnæ sunt infamia, denegatio asyli, respectu occisi privatio sepulturæ ecclesiasticæ, omnium concurrentium excommunicatio; clericus insuper ab officio suspendendus, beneficio privandus, et deponendus est. Concil. *Trident. Sess. XXV. cap. 19 de reform* Benedictus XIV. in *Constit. Detestabilem. de an. 1752* Conf. cit. Cod. cit. loc. *sect. X. rubr. Von Duellen überhaupt. seqq.*

a) Crimen Falsi, seu stellionatus: h) huic adjunguntur

a) injuria. i)

b) calumnia. k)

b) Stellio.

h) *Stellionatus seu dolosa veritatis immutatio alteri damnosa* tribus generalioribus modis committitur; 1) *sermone* per mendacium: quod, quamvis nunquam mentiri liceat, (vid. *Can. 8. 14. 15. 16. 17. Caus. XXII. quest. II.*) censuris tamen ecclesiasticis non adeo severe adficiebatur. *Can. 1. 4. 18. ibid.* 2) *scripto* e. g. falsatione litterarum, documentorum; cui crimini severiores pœnæ dictantur *can. 3. Dist. 19. cap. 2. 7. de Rescript. cap. 4. §. 1. ibid.* item cit. *Cod. cit. loc. sect. XV. rubr. B. Verfälschungen* 1) *Urkunden.* 3) *facto* per eos, qui pondera, aut publice probatas vini, frumenti, aut cujuslibet rei mensuras corrumpunt. *cap. 2. de emr. et vend.* qui sigilla et insignia aliorum usurpant et corrumpunt, *cap. 3. de crim. fals.* qui monetas vel quoad formam, materiam, aut pondus adulterant. His excommunicatio Papæ reservata indicitur. *cap. un. ibid. Extravag. Joann. XXII. Conf. cit. Cod. cit. loc. rubr. C.* — 4) *Mißbrauch fremden Namens und Wappens. D. — Betrug des Publici.* 1) *Verfälschung von Waaren. Maas, und Gewicht.*

i) *Seu lesio dolosa existimationis bonæ alterius.* Est vel *verbalis* vel *realis*: dein *simplex* vel *atrox* potestque tam *facto* quam *omissione* eorum, quæ fieri oporteret, committi *cap. 15. de excess. prelat.* Cum bona fama pari passu cum vita ambulare dicatur, diligentissime provident leges, ut homines non solum ab homicidiis, sed et ab injuriis tutos præsent. Dispositiones juris canonici vid. ap. Riegger §. 461. seq. civilis vero cit. *Cod. cit. loc. Sect. X.*

k) *Eaque vera*, si quis innocenti dolo malo falsa crimina intendit: aut *presumpta*, si quis defecerit in delati criminis probatione. *Pœnæ ecclesiasticæ* contra calumniatores vid. apud Riegger §. 466.



264. *civiles vero cit. Cod: cit. loc. rubr. C* ---  
 Falsche Anschuldigung und Anklage.

3) Furtum: l) huc pertinent

- a) *Rapina*, seu ablatio per vim personæ illam; m)
- b) *Peculatus*; n)
- c) *Plagium*; o)
- d) *Abigeatus*; p)
- e) *Incendium*. q)

l) *Furtum ablatio rei alienæ est invito prudenter Domino. Pena ejus jure canonico infamia est. Can. 17. Caus. VI. quæst. I. et per sequelam irregularitas. Clericus de furto magno convictus depōni jubetur ab ordine et officio. Can. 12 Dist. 81. et si corrigi nequeat, etiam excommunicari. Cap. 10. de jud. Conf. cit Cod. cit. loc. sect. XIV.*

m) *Raptores de rapinis viventes (cap. 1. de rapt.) quive in specie fideles christianos juxta de causa navigantes, aut naufragos (cap. 3. ibid.) aut loca sacra visitantes (can. 23. Caus. XXXIV. quæst. III) rebus suis spoliunt, ab Episcopo loci, in quo delinquant, excommunicandi sunt, (can. 4. caus. VI. quæst. III.) et si renuant satisfacere, sepultura ecclesiastica privandi: Clerici hoc delictum committentes, officio, beneficioque exuendi. Cap. 2. de rapt. Conf. cit. Cod. ibid. rubr. II. — Raub.*

n) *Qui, si in res ecclesiæ grassetur, in sacrilegium abit; de quo supra actum. Can. 2. Caus. XXIII. quæst IV.*

o) *Seu dolosa hominis liberi vel servi alieni asportatio aut suppressio; ejus si quis convictus fuerit, morte moriatur, (cap. 1. de fure) non quod Ecclesia hanc penam statuatur, sed quod a judice*  
 sect.

seculari infligendam esse iudicet. Conf. cit. Cod. *ibid.* sect. XIII. rubr. Menschenraub.

p) Quem quantitas a furto discernit; *nam qui unum suum surripuerit, ut fur coercetur, qui gregem, ut abigeus.* Can. 19. Dist. I. de panit.

q) Hodie *dolosus incendiarius* ab Episcopo excommunicandus est, a solo Papa absolvendus, si damno prius resarcito juret, se non ulterius ignem suppositurum. cap. 19. de sent. excom. Si mortuus fuerit impænitens, ecclesiastica sepultura carebit. Cap. 5. de raptor. Conf. cit. Cod. *ibid.* sect. XVII. rubr. Vorsägliche Brandstiftung.

r) Usura: seu *lucrum ultra sortem* solo mutui titulo acceprum, r) huic

a) ipsum Jus *naturæ* contradicit, quod dati et accepti æqualitatem exigit,

b) et lex *divina positiva* refragatur. s)

c) Inde mirum non est, graves in eam dictas fuisse pænas; t)

d) a quibus tamen *contractus scænebres* eximuntur, u)

e) si quidem per eos lex *charitatis* non negligatur. v)

r) Alia aliis *usura definitio* præplacet; ajunt nempe: *usuram rem esse, quam creditor a debitore pro usu sortis et quantitatis non quidem ex mutuo, quod gratuitum esse debet, sed ex contractu oneroso, qui mutuo adjicitur, et fœnus vocatur, exigit.* Inde concludunt 1) quod, sicut ejusmodi contractus nec officiis erga alios *perfectis*, nec *imperfectis* repugnat, ita quoque omnes usuræ indistinctim prohiberi haud possint; 2) et si quando



quando Patres, Pontifices, Concilia omnes usuras indiscriminatim damnare videantur, id de usuris solummodo *immoderatis* ac *illegitimis* intelligi, et explicari debeat. Nemo non videt, concedi ejusmodi conclusiones ut genuinas posse, quin nostræ ab his diversæ, et ex diversa usuræ definitione promanantes quidpiam de logica sua veritate amittant.

5) Exod. XXII. 25. Deuter. XXIII. 19. 20. Levit. XXV. 35. Ezech. XVIII. 5. Luc. VI. 35.

2) Quæ in Decretal. Gregor. et in 6. tit. de usur legantur.

n) Quibus nempe sibi creditor ob *lucrum cessans*, *damnum emergens*, et *periculum sortis amittendæ* pro concessio pecuniæ usu moderatum pretium a debitote stipulatur. Ratio eadem est, quam adversarii *præced. not. r. conclus. 1.* produxerunt.

3) Lex nempe ea, quæ pauperibus gratuito mutuum dare jubet, et ne ab aliis fœnus aut *illegitimum*, aut *modo inhumano* exigatur, prohibet. Fœnus vero *illegitimum*, illud nobis est: quod *mensuram* legis *præscriptam* excedit. Mensura hæc non ubique locorum, nec pro omnibus creditorum classibus eadem est. Vid. Pehem §. 131. Quântam Legislatores nostri præscripserint: quasve in ejus transgressores pœnas decreverint, in cit. Cod. P. I. tit. XI. sect. VII. rubr. Bucher videri potest.

#### IV. Quartam classem delictorum constituunt

1) Crimina carnis; inter quæ occurrit

a) *fornicatio: x)*

Part II.

C c

b) *stu-*

- b) stuprum: y)
- c) concubinitus: z)
- d) adulterium: a)
- e) incestus: b)
- f) sacrilegium: c)
- g) sodomia. d)

x) In jure canonico denotat fornicatio *concubitus naturalis solui cum soluta meretrice*: (Gratian. post can. 2. Caus. XXXVI. quest. I) cujus nempe publice venalis est turpitudine. Can. 16. Dist. 34. Hujus flagitii reis septem annorum poenitentia olim injuncta fuit. S. Basilius Can. 59.

y) Id generativum suntum ex ejusdem Gratiani sententia concubitus est inter solutum et solutam extraneam virginem, vel viduam honeste viventem: in specie vero eundem concubitus mediis libertatem fœminæ adimentibus obœntum denotat. Jus canonicum de priore legem mosaicam (Exod. XXII. 16.) repetens constituit: ut stuprator, quam stupravit, uxorem habeat, (cap. de adult.) aut si per extremam contumaciam ad hoc adigi nequeat, in subsidium corporaliter castigatus, excommunicatusque in monasterium detrudatur. Cap. 2. ibid. At aliter jam jûs nostrum civile de stupratoribus in genere, et in specie si dolus aut violentia accesserit, disposuit cit. Cod. P. II. tit. XX. sec. XII. rubr. Verführung, Nothzucht.

z) Sapius iteratus concubitus inter personas matrimonio ecclesiastico sibi non conjunctas, cohabitantes Concubinatus dicitur; estque alius temporarius seu dividius, alius perpetuus seu individius. Hic obtinet, si 1) pars utraque soluta sit; 2) fides (mutua, et clandestina



rine sibi data, accedat, quod nec alteri se  
 jungere; nec a procreatione sobolis ve-  
 lint abhorre; 3) propositum tandem us-  
 que ad mortem in ea vitæ conjunctione ma-  
 nendi adveniat: ille vero, ubi unum alte-  
 rumve horum trium defuerit. Concubinatus  
*perpetuus* a matrimonio *clandestino* haud dif-  
 fert: iisdem ergo, quibus matrimonia clan-  
 destina, sanctionibus et pœnis ecclesiasticis  
 subiacet. Concil. *Trident. Sess. XXIV cap. 1. de reform. marrim.* Concubinatus vero *tem-  
 porarius*, quia nec clandestini matrimonii na-  
 turam imitatur, sed potius aut fornicatio-  
 nem, (*præced. not. x.*) aut stuprum, (*præced.  
 not. y.*) aut adulterium iterarum involvit, et  
 divortiorum licentiæ summopere favet, quæ  
 omnia legi divinæ aperte adversantur, dig-  
 nus excommunicationis censura iudicatus est.  
 Concil. *Trident. Sess. XXV. cap. 14. de re-  
 form.*

- a) Quod nobis est concubitus inter personas non  
 conjuges, quarum saltem alterutra est matri-  
 monio juncta: unde adulterii simplicis et du-  
 plicati divisio descendit. Hujus criminis reis  
 antiqui canones quindecim aut triginta anno-  
 rum pœnitentiam imponunt S. Basilius  
*can. 7. 58.* Clericis vero adulteris nec in fi-  
 ne tribuendam esse communionem statuunt.  
 Concil. *Illiberit. can. 18.* Pro foro externo ad-  
 ulteri laici excommunicantur. *cap. 6 de adult.*  
 Clerici depositione ab officio, incarceratione,  
 infamia plectuntur, et inter laicos agere pœ-  
 nitentiam coguntur. *Can. 10. seq. Dist. 81.*  
*Cont. cit. Cod. ibid. rubr. Ehebruch.*

- b) Incestus est concubitus inter personas ob consan-  
 guinitatem vel affinitatem veram et carnalem  
 jungi veritas. Gratian. *post can. 2. Caus.  
 XXXVI. quest. 1.* Incestuosi excommuni-  
 cantur,

cantur, (can. 9. *Caus. XXXV. quest. III.*) Clerici insuper deponuntur, et decem annorum pœnitentiæ subjiuntur, (can. 5. *Dist. 82.*) qua peracta ab Episcopo restitui possunt. *Cap. 4. de Judic. Conf. cit. Cod. cit. loc. rubr. Blutschande.*

c) *Conf. præced. n. II. 4.* Hoc loco denotat concubium religiosi professi, vel Clerici in sacris constituti cum femina soluta: aut monialis per castitatis votum Deo consecrata cum masculo soluto. Jure canonico sacrilegus corruptor, si laicus est, excommunicatur: si clericus, deponitur, et ad pœnitentiam perpetuo agendam ad monasterium condemnatur: ipsa vero monialis corrupta in arctius monasterium pariter detruditur. *Can. 6. 28. Caus. XXVII. quest. I.*

a) Quæ est omnis libidinis extinctio, alia viâ, quam qua natura monstrat, facta. Hos libidinum furias exercentibus nec in fine dandam communionem Veteres decreverunt. Concil. *Uliberit. can. 71.* Hodierni canones laicos his spurcitiis inquinatos excommunicationi subdunt, et a cœtu fidelium penitus excludunt: *cap. 4. de excess. prælat.* Clericos autem degradatos, curiæ seculari puniendos tradi jubent. *Leo X. Const. Supernæ. Pius V. Const. Cum primum. et Const. Horrendum.* *Conf. cit. Cod. ibid. rubr. Unnatürliche Sünden.*

2) Quæ ad carnis delicta viam et occasionem præbent. Sunt vero

a) *Lenocinium: e)*

b) *Raptus. f)*

e) Per



e) Per istud intelligimus omne factum, quo quis prostitutionem alienæ pudicitie adjuvat. Leges ecclesiasticæ fere in nullum crimen severius animadvertēbant, quam in hoc, et omnium iudicio recte quidem. Igitur qui, quæve fidelis lenocinium exercuerit, eo quod alienum vendiderit corpus vel potius suum, placuit, eos nec in fine accipere communionem. Concil. Illiberit. can. 12. 70. Dignæ lectu sunt leges civiles adversus lenones in Cod. cit. *ibid.* rubr. *Gemeine Hurerey* promulgata.

f) *Raptus*, de quo *preced. cap. II. §. IV. n. III. 4.* inter impedimenta matrimonii mentio facta est, differt a *raptu inter crimina carnis* numerando in eo, quod ille animo *matrimonium ineundi*: hic vero intentione *libidinem explendi* fiat. Sileo pœnas ab antiquis canonicis in raptores statutas, (de quibus Riegger §. 529.) quod pleræque in desuetudinem abierint. Novissime quid Concilium *Tridentinum* et jura nostra civilia circa raptores decreverint, ex illius *Sess. XXIV. cap. 6. de reform. matrim.* et horum cit. Cod. cit. *loc. Sect. XIII. rubr.* *Entführung* videri potest.

## V. Claudunt criminum agmen delicta Clericis propria, quo inter cerera

- a) *sollicitatio ad turpia in sacramentali confessione*; g)
- b) *apostasia tum irregularitatis tum obedientiæ*; h)
- c) *furtiva ordinum susceptio*: i)
- d) *promotio per saltum*: k)
- e) *exercitium ordinum tum suspensorum, tum non susceptorum* pertinent. l)

g) Hæc execrabile magis crimen concipi vix potest. Quare ut illud Pontifices impendant, caverunt: ut omnes locorum Ordinarii, alique, ad quos pertinet, contra omnes et singulos sacerdotes quomodolibet exemptos, qui inhonesta et turpia in actu sacramentalis confessionis, sive antea, sive post immediate, sive inter se, sive cum aliis perpetranda sollicitant, tanquam de hæresi valde suspectos procedant, et præcedente degradatione, secularis iudicis arbitrio puniendos, curiæ tradant; utque eodem modo procedatur contra confessarios, qui suos pœnitentes, quos noverint ab aliis fuisse sollicitatos de obligatione gravissima denunciandi sollicitantes admonere negligunt. Gregorius XV. *Const.* Universi. Benedictus XIV. *Constit.* Sacramentum pœnitentiæ. de an. 1741. etc: Exstat præterea S. Inquisit. de an. 1745. 5. Aug. decretum saltem semel in anno Religiosis prælegendum, vi cuius sollicitantes Confessarii etiam inhabilitatem perpetuam ad Sacrificii Missæ celebrationem incurrunt. Dicatur hic loci de *absolutione complicitis* sane inter delicta Clericis propria computanda.

h) Illa est *transitus Clerici post susceptos SS. Ordines a statu clericali ad laicalem*: hæc vero *derelictio ordinis religiosi post professionem absque animo redeundi*. Illam adtentantes censuris hodie ecclesiasticis ad habitum resumendum compellendi, (*cap. 3. de apostas.*) et si post trinam monitionem Episcopi se non emendaverint, privilegio fori et canonis privandi sunt. *Can. 23. Causs. XXVII. quæst. IV. cap. 25. de sent. excomm.* Hujus autem reus monachus religionis suæ desertor amittit omnia privilegia ordinis sui, (*Concil. Trident. Sess. XXV. cap. 19. de regular.*) incurrit suspensionem



nem ordinum in religione susceptorum, et sub gravi custodia coerceri permittitur, *cap. 5. de apost.* Postremo tamen effectui jura civilia nostra et consuetudines non favent.

i) Quinam illius rei sint, quasve pœnas incurrant, vid. apud Riegger §. 535. Conf. *præced. cap. I. §. I. n. III. 2.)*


k) Vid. Idem §. 536.

l) Idem §. 537. 538. Benedictus XIV. *Constit. Sacros. Conf. præced. cap. I. cit. loc. n. 3.)*

# NON NULLA ERRATA CORRIGENDA.

P. I.	pag.	lin.	lege.
	34	— 34 <i>cap.</i>	<i>can.</i>
	16	— 13 <i>cap.</i>	<i>can.</i>
	16	— 14 <i>dist.</i> 28.	<i>dist.</i> 38.
	16	— 14 <i>C.</i> 21.	<i>C.</i> 2. <i>de ref.</i>
	16	— 15 <i>ead. Sess. C.</i> 8. 16.	<i>deleatur.</i>
	16	— 15 <i>C.</i> 1.	<i>C.</i> 1. 2. <i>de ref.</i>
	21	— 9 <i>litterariæ</i>	<i>litteraria</i>
	61	— 7 <i>refractorios</i>	<i>refractorios.</i>
	72	— 20 <i>Imperatorum</i>	<i>Imperatorem.</i>
	75	— 24 <i>consistorialis</i>	<i>consistoriales.</i>
	82	— 28 <i>Papalam</i>	<i>Papalem.</i>
	91	— 25 <i>XXXXVII.</i>	<i>CXXXVII.</i>
	92	— 18 <i>abusum</i>	<i>abusuum.</i>
	99	— 7 <i>not.</i> 2.	<i>not.</i> b.
	183	— 1 &	<i>ut.</i>
	192	— 6 <i>Domino</i>	<i>Dominio.</i>
	192	— 27 <i>Dominum</i>	<i>Dominium.</i>
	196	— 24 <i>vetori</i>	<i>veteri.</i>





45 ✓

28416/28272



Biblioteka Jagiellońska



stdr0024438

